

مَعْنَى مَبْنِيَّاتِ



فروبل و پستالوجی اصولارنده

تربیه و تعلیم درسلی



مطبعة عامره — استانبول

۱۳۳۰



مخل

اصول حدسی حقنده

تربیه و تعلیمك بوكون عموماً مصدق و مسلم بر احتیاج ایله محتاج اولدینی کنیش و درین اصلاحاتی نخبه مشاغل اتخاذ ایتمش اولانلرجه بر امر مجزومدرکه اصلاحاته تملدن ، یعنی ایلك قدمه دن ، ایلك یاشلردن باشلامق لازمدر . حیاته صبح انفلاق اولان بو زمانلرك ، شمدییه قدر اولدینی کبی بوندن صکرمده کیف و آرزویه ، سوق تصادفه و یاخود غیر معقول بر طاقم عاداته ، تعامللره ترك ایدیه مامسی طبیعی در . شبهه سزدرکه مفکره نك هنوز اویانمغه باشلادینی زمانلرده ، یعنی اوان صباوتده مریبلر ایچون حزم و احتیاط ایله حرکت ایتمك ، چوجوقلرك یاشنی یاشنی نظر اعتباره آلمق لازمدر . بناء علیه بوايلك رهبرلك وظیفه سنه و یریه جك شکل ایله رهبرلك ایچون اختیار ایدیه جك طرور تربیه (خطوط تربیه) چوجوق ذهنلرینك احتیاجات خصوصیه و تمایلات طبیعی سنه موافق اولمی در . معافیته تربیه اولی منفرد ، مستقل بر تربیه دکل در ؛ تربیه عمومیه دن بر جزؤدر ، تربیه نك ایلك درجه سی ، چوجوقلره طریق عام تربیه ده آتدیریه جق ایلك خطومه در .

مادام که چوجوق تربیه سی بالاخره و یریه جك ده ها عالی تربیه ایچون ر حاضر لقدن عبارت در ؛ احوالده عینی غاییه متوجه اولمق ، عینی اساسلری مبدأ حرکت اتخاذ ایتمك ، عینی روحدن ملهم اولمق ضروری در . شویله و یا بویله بر بهانه ایله « کل » دن (غایه کلیه دن) آیریلان ، چوجوقلرك ذهنی بالاخره تعدیله لزوم کوریه جك بر طاقم مالایعنی تمرینات ایله تولدوران بر تربیه اولی اك فنا بر تربیه در . بناء علیه تعلیم صبیانده استعمال اولنه جق طرور تربیه ، اصول تربیه یه موافق اولمق ایچون ؛ شکلا نه قدر مختلف اولورسه اولسون ، اساس اعتباریه متلاصق و منطقی بر « جمله » یه ، بر « کل » . مرتبط و منتهی بولمیلدر .

قوای محرکه ، قوای عضویه ، انسیاقات (غرایز) و ملکات کبی انسانده موجود اولان هرشی ، چوجوقلردهده تخم حالنده موجود وطبیعت و تربیه نك لطف اغانه سیله انکشاف و تنمّی به منتظر در . تربیه ملکاتی یار آتمق اقدارینی حائز دکل در ؛ فقط لطف معاوتی اولدقجه ناتمام قالدق قوت و قابلیتلك بذاتهم یعنی کندی کندیلرینه انکشاف و انبساطنی تسهیل و اداره به خدمت ایدر که بوسایه ده سن رشنده واصل اولانلر بوتون وسائط سعی و عمله مالک و صاحب اولورلر . الحاصل تربیه ؛ حیاته حاضر لاق ، حیاتی اوکرتمک در .

انسان یاشامق ایچون بالجله قواسنه محتاج اوله جنی کبی بالجله ملکاتی ایشله تمکدهده مجبور در . حواسنک و یاخود اعضاسنک برندن محروم اولان بر آدم فصل ناتمام و سقط صایلیر سه ملکات فکریه سنک هر هانکی برندن محروم اولانلرده روحاً اوله سقط و ناتمام صایلیر . بناءً علیه تربیه انسانی بوتون موجودیتله ، یعنی مفکره سنه خادم اولق لازم کلان قوای عضویه سیله ملکات ذهنیه سندن هیچ بری خارج قالمیه جق و آردلرنده هیچ بر نیستسزلك حاصل اولیه جق صورتنده منتظم و آهنگدار برانکشافه مظهر ایتملی در . ایشته « تربیه تامه » تعبیریه قصد اولنان معنی بودر .

تربیه تامه : تربیه بدنیه ، تربیه اخلاقیه ، و تعبیر معروفیه اصل تعلیم و تدریسی حاوی اولان تربیه فکریه نك هیئت مجموعه سنه اطلاق اولنور .

حیات ، ابدی بر مبادله در . انسان محیط طبیعی و محیط اجتماعی ایله ، بوتون کائنات و بوتون بنی نوعیه متقابلاً علاقه داردر . انسان یالکتر طائمیق و اوکرتمک ایچون دکل ، هم طائمیق و اوکرتمک ، هم ده حرکت ایتمک یعنی برسی و عملده بولنق ، برایش کورمک ، برشی یایمق ایچون دنیایه کلش در . انسان ، بالمنابوه هم فاعل هم منفعل اولور ، هم ویرر هم آلیر ؛ اشیادن فکرلر اقتباس ایدر ، اثرلرینه ده کندی فکرلرینی قویار . باشقه لرینک منافعنه ، حسابنه ، افکارینه اشتراک ایدر ، غیرک مساعیسندن مستفید اولور ، صکره کندی فعالیتندن ده هم کندینی هم باشقه لرینی مستفید ایدر . حیات عمومیه ده هر شخصک مقدوری یعنی خلقة مأمور اولدینی وظیفه ؛

بودر. بومضاعف وظیفه متخالف ایکی تعبیر ایله: تمثیل ایتمک، ابداع ایتمک (پیدا ایتمک)؛ آکلامق، افاده ایتمک؛ طوغری بی طامیق و یارارلی، آئی، کوزل شیلری تحقق ایتدرمک؛ بیلیمک، اچالشمق تعبیر لریله ادا اولنه بیلیر. ایشته چوجوقلری بومضاعف وظیفه یه حاضر لایمان، یعنی اولردن هم متفکر همده اک واسع معناسیله سعی و عمله عاشق، ذکی و چالشقان انسانلر وجوده کتیرمکه خادم اولمان برتر بیه ناتمام و عقیم برتر بیه در.

وسائط تربیه به کلنجه؛ بو وسائط بدیهی در که غایه ایله متناسب اولق لازم در. «تربیه تامه» اصول تامه ایله، یعنی انسانده موجود بالجمله منابعدن استفاده ایدن، شخصک بوتون قوتلرینی کندی انکشاف و تکملنه تشریک ایدن؛ ایلااد و ابلاغ افکار ایچون ذکانه بوتون طرور تبع و توسلنه مراجعت ایدن بر اصول ایله قابل در. اصول تامه نك صفت میزه سی: نقصانسر اولق، یعنی معرفتک موضوعات و وسائطندن هیچ برینی اهمال ایتمه مک در.

معرفتک موضوعی؛ انسانده داخل اولدینی حالده کائناتک هیئت مجموعه سی در. جامد و ذی حیات هر شی؛ شکللری، قانونلری و روابط و مناسباتیله بوموضوعده داخل در. انسان ایچنده یاشادینی کائناتی بیلیمک لازم اولدینی کی، کندی وجودینی، مفکر مکن ماهیتیه فکر لری طرور افاده سنی و کندی تاریخی ده بیلیمک لازم در. بومفهومات اولیه و ضروری بی اکتساب ایچون ایکی طریق واردر: بری طریق غیر مستقیم که افکاری بیان ایله یعنی کلام و قرائتله تلقین طریق، دیگر یه طریق مستقیم که بوتون افکارک ایلک واسطه تشکیکی اولان مشاهده طریق در. مشاهده بزی حادثاتی اکلامقه سوق ایدر، محاکمه بو حادثاتی تفسیر، آره لرنده کی تسلسلی، او حادثاتک علتلرینی، نسبتلرینی ایضاح ایدر، و بزی بوتون بو حادثه لر دن عملی نتیجه لر استحصالنه اقدار ایلر. ایشته ذکای بشرک تبع واستکنه ایچون اختیار ایتدیکی طریق عمومی بودر. چوجوقلر ایچون بوندن باشقه برطریق می واردر؛ خایر. کوچوک برچوجو غنک ذکاسیله بویوک بر آدمک ذکاسی آره سنده کی فرق؛ چوجوقده کی ذکانه ده آاز قوتلی ودها آاز مثبت اولسندن عبارت دکلی در؛

اوله ایسه چو جوقلری متفکر یا یق ایچون؛ اونلری برر مشاهد یا یق لازم کلیر. بوترز حرکت سایه سنده، طلبیه الک مستقیم والک طبعی طریق ایله برطاقم افکار صحیحه و معارف نافعه اکتساب ایتدیرلدیکی کبی بوندن دهانافع بر خدمت اولق اوزره هر چو جوق کندی کندینه اکتساب معارف ایچون الزم اولان وسائعهده صاحب ایدلش اولور.

مشاهده حواسک تربیه سنده خدمت ایدر، حواسی او یاندیرر و تکمل ایتدیرر؛ نظره امنیت، اله مهارت و ادرا که رقت و یرر. بوندن باشقه توسطنه مراجعت ایتدیکی ملکاتی ده فعالیت کتیرر؛ دقت و تشبث اعتیادینی پیدا ایدر. چو جوقلر مشاهده سایه سنده عقلک اعمال مهمه سنده: ادرا که، تحلیل، تجریده و قیاسه، ترکیه، تعمیمه آلیشیر.

حادثات، مزوج و مرکب بر حالده در، هر موضوعک بر جوق وجهه سی، صفحه سی وارددر؛ تحت مشاهده آلان هر هانکی بر شینک یا لکز بر خاصه سنی، مثلاً یا لکز شکلنی تدقیق ایتک ایچون؛ اونی دیگر خاصه لرندن آیرمق لازم کلیر. ایشته بوکا «تحلیل»، «تجرید» دینیلیر. بناء علیه چو جوقلر اولات تحت مشاهده یه آدقلری شیئی تحلیل ایده بیلملی در که صکرده اوشینک اوصافی اییجه تقدیر ایچون دیگر شیلرله مقایسه یه، آره لرنده کی مماثلت و مباینتلی تعیین و تبیینه و بوضورتله حکمنی و محاکمه سنی تقویه و تربیه یه مقتدر اوله بیلسین.

محاکمه؛ صور ذهنیه یی بری برینه ربط ایتک، افکار معلومه دن قیاسلر ترتیب ایده رک یکی فکرلر چیقارمق دیمک در. ذکاتک ملکات عالیه سندن اولان حکم و محاکمه قابلیتلی ده، دیگر قابلیتلی کبی، تمرین ایله تنی و تکمل ایدر. ایشته بونک ایچون در که چو جوقلرک حافظه سنی مجرد تعریفلر، مستحضر فکرلر و معین حکملرله طولدورمق کافی دکل در. حتی مشاهده ایله حادثاتی تبیین و تحلیل ایتدرمک بیله کافی دکل در، چو جوقلرله مشاهده ایله برابر محاکمه یی ده اوکرتمک، یعنی اونلره تبیع ایتدکلی اثرلرک علتلرینی و زمر حادثات آره سنده کی رابطه و مناسبتلی آراتمق و بولدرمق لازم در.

جوجو قمر ذكای بشرك ایکی بویوك طرز تبع واستکناهی اولان « استتاج ، و « استقرا ، یه آلمشق ایچون ، معلملرك تحت دلاتنده اولق اوزره متمادیا کاه ائردن مؤثره طوغرو چیقارق وکاه مؤئردن اثره طوغرو اینهرك حادثات وافکارك تسلسل منطقیسنی تعقیب ایتملی در . صکره اونلری تدریجاً حادثات خصوصیه دن علی طریق المشاهده استتباط ایتمکلی افکاری یعنی « معانی جزئییه ، بی « تعمیم » ، صفات مشترکینی « تمیز » ، « تصنیف » ، « ترتیب » و « جمله » لر یعنی « معانی کلیه » تشکیلنه سوق ایتملی در .

ایشته جوجو قمر بو صورته هم فطره مالک اولدقلری وسائط معرفتی فصل استعمال ایدم جکلرینی اوکرنمش ، همده اشیا و حادثات حقنده ابتدائی فقط مثبت بر بیلکی ، وطبیعتک عمومی وکلی قانونلریله کندی حیات ومفکره لرینه عائد اولان قانونلر حقنده بر مفهوم بحمل پیدا ایتش اولورلر . آنجق ، اولجه ده سویلدیکمز کی ، مقصد یالکمز طانیق ، مفهوم پیدا ایتک وفکر اقی دکل در ؛ فکری تحقق ایتدرمک ، فکره بر وجود ویرمک اوزره چالشمق ده لازم در .

انسانلر ایچون اطرافنده بولان هر شئی دکشدرمک ، اونلره یکی یکی شکللر ویرمک بر احتیاج فطری و ضروری در . انسانلر بو تغییراته ، ایکی مقصدله : یا کندی رفاهیت مادیه سنی استحصال ایتک ، یا خود ذکاسنک احتیاجات عالیه سنی استیفا و « انتظام » ی ، « بدیعت » ی و « اهنک » ی تأمین ایتک مقصده یله تصدی ایدرلر . برنجی مقصده کوره انسان بر عمل صنایعه بولنش اولورکه بو عملده مبدأ حرکت آنجق رفاهیت شخصییه ی تأمین اولدینی حالده ، شخص کیت کیده تکمیل ایدرک بر عامل مدنیت اولور . ایکنجی مقصده کوره ده بر عمل صنعتکارانه وجوده کتیر . انسان او یله بر صورته یارادلمش درکه فطرتک بو احتیاجاتی بری برندن تمامیه آیره ماز ؛ فائده ایچنده کوزللك ایستر . حاجات ضروریه دن اولان اشیاده یله شکلجه ظرافت و صنعتجه مکملیت آزار . بوندن طولانی درکه هر ملتک معمولات صنایعه سنده بر خصوصیت صنعتکاری وارددر ؛ وینه بوندن طولانی درکه اکثر مسالک صنایعه ده ای بر عمله اولق بر درجه یه قدر صنعتکار اولمغه متوقف در .

صنایع نفیسه کهنه ؛ واقعا هر کسده بوسنایه استعداد اوله ماز ؛ فقط هر کس صنایع نفیسه یی بر درجه قدر آ کلامی ، وهیچ اولمازسه کیرلی و بوزوق برادیاتک نشرایتدیکی اخلاق مفسده واذواق غیرسلیمه دن کندینی وقایه ایتک ایچون شرک کوزللیکلرندن و حقیقی ادبیاتدن ذائقه دار اولمی ؛ هر کس کوزل برآده نک عظمت وعلویتتی ، کوزل بر رسمک لطافت معنیدارینی ، صمیمی وحسی بر موسیقینک تربیه سی تام اولان هر شخصه القا ایتدیکی تأثر وهیجانی حس ایتلی در . انسانلره بو اذواق صافیه منبعی آچق ؛ اونلری قابا و حیوانی لذتلردن چویره دک ، علوی وانسانی ذوقلره اماله ایتک ، دها مسعود و بختیار قیلمق دره . صنایع نفیسه ؛ مرکز اخلاق در یعنی بر هیئت اجتماعیه ده صنایع نفیسه نک تعمم وانتشاری ، او هیئت اجتماعیه نک اخلاقی تصفیه و تزکیه ایدر .

بناءً علیه تربیه عمومیّه چوجوقلری سعی وعمله و صنایع نفیسه یه تشویق وترغیب ایله ده اشتغال ایتلی ، یعنی چوجوقلر ، تدریجاً ، هم تفکره وهم سعی وعمله الشدیدرملی در . چوجوقلرک یاشیله متناسب وتثبت شخصی یه مساعد اوفاق تفک بر طاقم ایشلر ؛ اونلره فعالیت عادت مسعوده سنی قازاندرر . مطلوب اولان غایه : چوجوقلره ؛ بر اثر وجوده کتیرمک ، کندیلک لک لردن برشی میدانه چیقارمق ذوقی طویورمق ، اشیاده کی انتظامی ، کوزللیکلری حس ایتکی اوکرتمک ، هر چوجوغه وسی درجه سنده نفسنده کی انتظامی ، کوزللیکی اثبات و اظهار ایتک حظی و یرمک در .

۲

چوجوقلرده موجود بوتون قوتلری ، بوتون قابلیتلی تکمل ایتدرمک ، چوجوقلره هر نوع سلسله معارفه عائد معلومات اساسیه ومتداوله یی اکتساب ایتدرمک ، اونلری امکان مساعد اولدینی قدر بر مشاهد وعامل یایمق ؛ ایشه تربیه دن ، هیئت عمومیّه سی اعتباریله ، مقصود اولان غایه بودر .

شیمدی بومقصدی استحصال ایتک ایچون تربیه نک ایلک دوره سنده ، یعنی دوره صباوته نه یایمق ، فصل حرکت ایتک لازم در ؛ بودوره ؛ تربیه عمومیّه ایچون بر باشلانغیچ دوره سی در . تربیه عمومیّه ایسه ، اولجده سویله دیکمز کی مبدأ حرکتدن اعتباراً عینی صفت میزه یی حائز اولق لازم در . بناءً علیه بو

دوره و یریه جک تربیه ؛ بالجمله مواد درسیه و وسائط تعلیمیه یی جامع اولمی ، ملکاتک نظام طبیعی ، تکاملیه متناسب بر شکل و ترتیب داخلنده بولملی در . مثلاً چوجوقلرده اشیای مجرد اوزرنده یعنی مشخص اولیان شیلر اوزرنده تثبیت فکر ایتمک قابلیتی « دقت » یاواش یاواش اواینیر ؛ بناءً علیه چوجوقلرده تجربه و محاکمه قابلیتلرینی تنیه ایدرکن ، دقتک درجه انتباهیه متناسب صورتده حرکت ایتلی ، یعنی اولا اشیانک اک مشخص ، اک بارز اوصافی تجرید ایتدیره رک و اولنل آره سنده قیاسلر یایدیره رق تدریجاً دهاکیزی ، دهاتالی اوصافه حلول ایتدرملی در . چوجوقلر فطرتاً مبدأدن پک اوزاق اولان محاکماتی تعقیب ایده مزلر ؛ آنک ایچون استدلال سلسله لرینی چوق اوزاتاملی در . ادراک حاسی یعنی حواس اسطه سیله ادراک ایسه ایلک یاشدن اعتباراً غایت فعال در ؛ چوجوقلر طبعاً مشاهددر ؛ بناءً علیه چوجوقلرده بالخاصه ایلک دوره تربیه ده استعمال اولنه جق یکنانه واسطه مشاهده در . ایشته تعلیم صبیانده « اصول حدسی » یه ، یعنی چوجوقلرک اشیاء حادثاتی مشاهده ایله بالذات و طوغرودن طوغرویه فکر آلملری اصوله و یریلان اهمیت بوندن ناشی در . چوجوقلرله تعقیب اولنه جق یکنانه طریق سیرو حرکت : مدرکات حاسیه دن فکره ، مشخصدن مجرد ؛ اعانه حواس ایله تعقله ، تجربه ایله حکم کیتمک طریق در .

چوجوقلرک انکشاف ذهنیلری ایچون اختیار اولنه جق طور حرکت متوافق بر طاقم مواد درسیه وارددر . تربیه صبیان بر صورت منطقیه ده جریان ایتمک ایچون بروغراملرده (مفرداتده) ؛ مجرد شیلردن زیاده بومواده بویوک بر حصه افراز ایتمک لازم در . صبیان ایچون اک موافق درس ؛ پک ابتدائی بر درجه ده اوله جنی مسلم اولقله برابر ، هنوز انکشافه باشلایان ذکا ایچون اک دیریلیجی و حس تجسس ایچون اک جاذبه لی واک مراقلی بر ساحة تمرین اولان تتبع طبیعت در . سینۀ طبیعته هر شی مشخص بر موضوع مشاهده در . چوجوقلر اشیای طبیعی یی مطالعه و تتبع ایتدکلری ائنده ، اولنله شکل حقنده معلومات و یرمک یعنی حدسی بر هندسه تعلیم ایتمک تطبیقات اعتباریه اک مهم خصوصاتدن بری در .

فقط طبیعتده شکلدن باشقه ، قوت ، حرکت ، حیات و روح ده واردر .
 بساء علیه تربیه صبیانده تاریخ طبیعی و آکا مربوط ومنسوب اولان علملر
 فوق العاده حائز اهمیتدر . بو علملر مشاهده ایله برابر طبیعتده کی قوای
 کلیه نك حادثانده نصل تظاهر ایتدیکنی علی قدر الامکان ایضاح ایتك ، ماده نك
 انباتی الك قولای اولان خاصه لری حقنقه بر فکر ابتدائی تلقین ایتك ،
 دنیا نك شکلیه عارضه لری آکلا تمق ، احجاره ، نباتاته ، نباتاتك صورت
 تعضوینه و حیاته ، صورت زرعه ، صورت استعماله ، حیواناتك تشکلات
 عضویه لرینه و طبایعه و نهایت اعضای بشره دائر الك متداول اولان معلومات
 ابتدائیه یی ویرمك و قازاندرمق ایچون غایت واسع بر ساحه تتبع و مطالعه در .
 مع مافیه چو جو ققری یالکیز تتبع طبیعتله اشغال ایدهر ك دیگر مواد درسیه یی ،
 بالخاصه قرائت ، یازی ، حساب مفهومی ، و آنا لسانه دائر مثبت و عملی بعض
 قواعد ابتدائیه کبی الهمهم وسائط تربیه دن معدود اولان درس لری اهمال ایتك
 فکر نده اولمدیغمزی بردها تکرار ایدم . مکاتب صبیانیه ده مکمل درس لر
 و طرز لر ادخال ایتك ادعاسیله نافعیتی بالتجربه ثابت اولان بودرس لری قالدرمق
 ایسته ینلره بزرکیاً معارضه . متنوع درس لری برینك معین و ظهیری و موازی در ؛
 بناءً علیه سلسله دروسدن هیچ برینی حذف ایتمه ملی بالعکس بوسلسله یی اتمام
 واکاله چالشملی در . شوقدر که معلم تجارب شخصیه سنه کوره هر درسك
 سویه سنی ، اداره سنه مودوع اولان چو جو ققرک قابلیت لرله متناسب قیلملی در .
 بعضی مربیلرک ؛ بومتنوع درس لردن طولانی مفرداتك پک یو کلی اوله جفته
 ذاهب اولملری و بناءً علیه تلاشه دوشملری محتمل در . حال بوکه درس لری
 تنويع ایتك ، مفرداتی یو کله مك دیمك دکل در . شوده وارکه چو جو ققری
 سنه لرجه و هر کون صباحدن آقشامه قدر هیچ برتنوع کوسترمین عقیم و مجرد
 حتی الك دلپذیر ایکی اوچ درسك دائره محدوده سی داخلنده متیقظ و علاقه دار
 بروضعیتده طوتمق کرک تجربه و کرک نظریات اعتباریه غیر ممکن در . درسدن
 مثال کتیرمه که نه حاجت . الك جاذبه لی بر او یون بیله چو جو ققرک غایت جوال
 اولان نخیه سنی علی الدوام ایکی ساعت ضبط و اشغال ایدمه بیلیرمی؟ شاگردلرینك

قوای بدنیه و فکریه لرینی حسن اداره ایتک اندیشه سیله متحسس اولان ذکی مربیلره صورلسه، درس لک مزعج و مخدر اولان یکر نکینسی متنوع شکل لرتنده کیزله مک ایچون نه کی و سائله مراجعت ایتدکلری، نه قدر اوغراشدق لری پک کوزل آکلایلیر. درس بر آز امتداد ایدنجه بوتون صنفه بر صیقندی باصار؛ بر آزاو ل شوق و شطارت ایچنده یوزن زنده و جوال چو جوقلر، حقیقه آجینه جق بر حاله کلیر. غریزه تشبث اویوشور؛ چو جوقلرک عمومنده بر صبر سزلق، عادتا بر عصیان علامتی کورولور. فقط درس لرتنویع ایدیلیر، مناوبه ایله او قودیلیر، طور غونلغه، یور غونلغه محل ویرلیه جک اولورسه، مثلا محاکمه لی بر درس دن صکره بوس بوتون باشقه بر ایش، دلفریب بر آل ایشی، « فروبهل » ک مفکره یی دیکلندر مک ایچون درس له اویون آره سنده متوسط اولق اوزره غایت ماهرانه ایجاد و ترکیب ایتیش اولدینی اویونلردن، ممارسه لردن بر اویون ویا ممارسه ویریلیرسه، چو جوقلری یورمه دن بر سعی مطرد ایله اشغال ایتک ممکن اولور. چونکه بو صورته چو جوقلرده غیر قابل مقاومت بر احتیاج اولان غریزه تحول تطمین قلنش، چو جوقلرک قلبی جلب و جذب ایدلش اولور. ملکاتک تربیه تامه ایله تربیه سی لزومه و تدریساتک هیئت مجموعه سنه دأر سرد ایدیلان ملاحظاته شو عناصر لهنده اولق اوزره علاوه ایتدیکمز بو عملی و انضباطی ملاحظه نکده تجربه دیده معلم لرحه لایق اولدینی اهمیت له نظر اعتباره آله جنی بدیهی در.

۳

اصول حدسی به متوافق اولان طرز لر طروز عمومی و طروز خصوصیه تأمیه ایکی قسمة تفریق اوله بیلیر. واقعا طروز خصوصیه دیدیکمز طرز لر طروز عمومی نک خصوصی برر حالندن عبارت ایهده بو حاللردن هر بری آیری آیری بر طرز اجرایه و خصوصی بر طاقیم ترتیبات مادی به محتاج در. تدریساتک اک مختلف موادینه، یعنی بوتون درس لره قابل تطبیق اولان طروز عمومی، نامتناهی فرقلره مساعد اولقله برابر، بالخاصه بو عامیت و شمول جهته اساساً بر صفت مشترکینی حائز در. بو اعتبار ایله طروز

عمومیه بر شکل تدریسده خلاصه اولنه بیلیرکه بو شکه « درس حدسی » نامی ویرلشدر .

حدسی درس چوجوقلرک یا شیله متناسب بر لسان بیان ایله ویرلیر . بو صورت تدریس اکثریا محاوره شکنده ، یعنی دائماً یکی یکی سؤال وجوابلری ایجاب ایدن ، بوتون ملکات ذهنیهی فعالیتیه دعوت ایدن جانلی بر طاقم سؤال و جوابلرله چوجوقلرک ذاتیتنه ، یعنی کندیلککرینه مراجعت ایدر . چوجوقلره بر طاقم تعریفات و تعیراتی عیناً تلقین ایدمک ، حافظه لرینی بر طاقم مفهومات مستحضرهی استحفاظ ایله اشغال ایدمک یرده ، بر طرفدن مختلف فکرلرک اونلرده بالضروره تولدینه ؛ بر طرفندنم ، عندالایجاب ، تأیید وتصدیق ویاخود تعدیل و تقویم ایتک اوزره محاکمه نك تشکله خدمت ایدر . حدسی درسک صفت کاشفه سی ، که اساساً اصول حدسینکده صفت عامه سی در ، چوجوقلری بالذات مشاهده ایتدکری شی مواجهه سنده محاکمه یه آلدردمق ایچون ، بلا واسطه مشاهده یی مبدأ اتخاذ ایتکدر . حدسی درسک صورت سیری بجملاً شو صورتله اولمق لازم کلیر : - ایشه موضوع (شی) کوزکزک اوکنده : حادثه یی (صورت حدثی) ، یعنی بوشینک نه اولدیغی ونصل اولدیغی ، سزکندی کندیکزمه بولیکزمه . ائی باقیکزمه ، الکزله طوقونیکزمه ، ایجه یوقلایکزمه . ایسترسه کزدها یقیندن باقیکزمه ، اویره چویره باقیکزمه . برلکده تحلیل ایدم : شوکا دقت ایتدیکزمی ؟ بونی کوردیکزمی ؟ حادثه نك شو صفته ، بوشرط خصوصیتنه دها زیاده حصر دقت ایچون اونی دیکر لرندن تجرید ایدم . اوکمزده کی شئی ، ینه کوزمزک اوکنده اولان ویا اولجه مشاهده ایدیلن دیکر بر شیله مقایسه ایدم : آره لرنده کی مماثلتلر ، میاینترلر ندر ؟ اولدیمی ، ائی کوره بیلدیکزمی ؟ ذهنکزده مشهود اتکزدن بر فکر ، واقعه مطابق بر صورت ، بر خیال صادق حاصل اولدیمی ؟ شمدی برلکده محاکمه ایدم : بو حادثه نك علتلری ، نتیجه لری ندر ؟ آره یه شو شرائط حلول ایتسه نه اولور ؟ تجربه ایدم . بوشینک عینی صنفه منسوب دیکر شیلر آره سنده کی موقعی ندر ؟ بو حادثه نك منشأی ، موردی ندر ؟ شمدی ده مشاهده اتیزی

اجمال ایده‌لم : حاصل ایتدیکمز مفهومی مختصر بر جمله ده تثبیت ایده‌لم. نهایت، شونی‌ده برلکده ملاحظه ایده‌لم : عجباً بو اوکرن‌دیکمز شیدن استخراج ایده‌له بیه‌جک عملی نتیجه‌لر یوقی‌در؟ — مع‌ما فیه درسک سیرینی؛ بر طاقیم استطرادلر یابه‌رق متعدد سیاق و صورتلرله یکر نکیدن قورتارمق، تعویق ویا تسریع ایتک، لزومنه کوره بر مدت ترك ایده‌رك صکره یکیدن تطبیق ایتک، ونسق و حدودک بو تنوعیه درسی‌دها نظر فریب و ذی حیات برشکه قویمق ممکن‌در. اکر مطالعه و تتبع ایده‌له جک شیئی، کرك او شیئک طبیعتی و کرك احوال و ظروفک عدم مساعده‌سی حسیه‌له، عیناً احضار ایتک قابل دکلسه، اصلنه یقین بر صورتده استحضار ایده‌جک بر واسطه‌یه مراجعت ای‌دیلیر [*]. حادثه بلا واسطه یعنی طوغریدن طوغری‌یه قابل مشاهد اولم‌دینی تقدیرده، خاطراته، تعریفاته مراجعت ایده‌رك، و یا خود اولجه بلا واسطه تدقیق و تبیین ای‌دلمش اولان و یاپک مأنوس و معلوم بولنان شیلره قیاس ای‌تدیر یله‌رك، بو بوشلنی امکان دائره‌سند طولدورمق قابل‌در. ایشته کرك بو واسطه‌لری احضار ایتک و کرك حادثه‌لری، فکرلری کوسترمک و بولدورمق، مفکره‌لری سوق و اداره ایتک، مخیه‌لری ضبط و تسخیر ایتک بر هنذر، بر فن‌در؛ و هر فن کبی بوفنک‌ده بر طاقم عمده‌لری، قاعده‌لری، عنعنه‌لری و حتی بر طاقم صنعی واسطه‌لری وارد که تربیه صبیان‌یه متوغل اولان هر مرینک بونلره واقف اولمسی لازم‌در. حدسی درس‌لرده بوندن ده‌ا اساسلی دینیه‌مه‌بیه، همان بو قدر مهم بر جهت ده‌ا وارد که، اوده : مختلف درس‌لرک بر « ترکیب اصولی »، یعنی مئادی و متوازی ترقیاتیه بوتون تدریساتی احتوا ای‌دن متلاصق و منطقی بر جمله تشکیل ایده‌جک صورتده بر برینه مرتبط اولمسی لزومی‌در.

حدسی درس‌لرک بوتون مواد درسیه‌یی محتوی اولمسی لزومنه دائر سرد ایتدیکمز شو مطالعه بلکه موجب استغراب اولور. بر آ‌ز اول چیز دیکمز

[*] اصل‌لرنی تدارک ایتک ممکن اولمان شیلری استحضار ایچون او شیلرک صورتلری، رسملری، پیانته‌لری، قاپارته‌لری، آلچیدن معمول قالم‌لری کوستریلیر. بونلرک هیچ بری ممکن دکلسه، تخته‌ده رسملری یاپیلیر.

آنو زجده کورلدیکی وجهله حدسی درسك اصل حیطة سی علوم طبیعیة نك
ساحة وسیعہ سی در . فقط بو ساحه در حال تطبیقات نامیلہ آندن دها
آز واسع اولیان طروز صناعیہ جملہ سنی ، بشرک طبیعتہ قارشی نصل
چالشدیغنی کو سترن صنعتلری ربط ایدیوریکز ؛ اورتیه نه قدر عملی ونه قدر
جاذبه دار بر طاقم سلسلهٔ دروس وجوده کله جکنی در حال تسلیم ایدرسکز .
عینی جملیه مشاهده اصولیه اشکالک ابتدائی بر صورتده مطالعه و تتبعی ، یعنی
تطبیقات مختلفه سیاه « هندسهٔ حدسی » یی ده برلشدیره بیلیرز . دها مجرد اولان
حساب درسی بیله معقول و منطقی بر صورتده باشلانق شرطیه هم عدد فکری
مشخص بر صورتده مشاهده یه خادم وهم ده « اصولی » بر طرز تعلیم دکلای در ؛
بودرسك قسم ابتدائی ایچون مستعمل اولان واسطه لر ؛ حساب درسنك
درس حدسی چوره سنه نصل داخل اولدیغنی ارانه کفایت ایتمزی ؟

یا تاریخ ! اولا شونی سویله لم که تاریخ ، علی العاده بزم آکلادیغمز معنا سیله ،
چو جو قلم الویریشلی بر درس دکل در . وقایع ماضیه قابل مشاهده اولمادیغندن
چو جو قلم تاریخدن پک کو جلکله واضح و صریح بر فکر آله بیلیرلر . مع مافیه بوندن
طولای نه تاریخی فقره لری حتی نه ده تاریخه عائد عمومی فکرلری تدریسات
صیانیه دن طی ایتمک ایجاب ایتمز ؛ آنجاق چو جو قلم ضبط وقوعا تدن عاجز
اولدقلری ایچون ، اونلرک حافظه سنی بر فکر صریحی حاوی اولیان بیسود
کله لرله طول دورماق لازم کلیر . چو جو قلمک ذهنی اولا بالذات ایچنده یاشادقلری
وقایع مشاهده ایله انکشاف ایتملی و اندن صکره وقایع ماضیه طوغر و حقیقملی در .
اوله ایسه ، تاریخ ؛ درس حدسی واسطه سیله دائرهٔ تدریساته داخل اوله جق دیمک در .
تاریخده متعدد حدسی صفحات واردر . وقایع ماضیه دن بر طاقم ایزلر ، مادی
اثرلر قالمش در . چو جو قلم تاریخک صفحهٔ رسامانه سنی ، اقوام سالفه نك
اخلاقندن ، عاداتندن و صنایعندن بحث ایدن قسمنی پک قولای ادراک
ایده بیلیرلر . طوغرو وایی یاپیش بر طاقم لوحه لر ، رسملر بو درس اثناسنده
فوق العاده ایشه یارار ؛ صنایع قدیمه ده استعمال اولنان طرز لر و وجوده کتیریلان
محصوللرله ، حال حاضرده قوللانیلان طرز لر و استعمال اولنان اشیائی مقایسه

ایتدرمك ایچون چوجوقلره اراثة اولنه جق اشیا غیله لرینی ایفاظایتدیکی کبی، حادثاتك خاطرهلرنده یرلشمسنده بادی اولور .

شمدی ده « مفکره » دن ومفکره نك قالب ذی روحی دیمك اولان « بیان » دن بحث ایدلم . اصول تجریده مستعمل اولان طروز تتبع ؛ محاکمه ، لسانه ، صرفه متدائر مطالعات وتبعات ابتدائیه ده داخل می در ؛ اوت . چونکه فکر و بیان (نطق) قابل مشاهده اولان حادثاتدن در . مفکره مزى مشاهده ایتمك ؛ ادعائزك لطف دلالتیه ، مفکره مزده جریان ایدن شیردن خبردار اولمق ممکن در . وبوکا « تأمل » اطلاق اولنور . بناء علیه بزچوجوقلری تأمله ، طویدقلری حسلری وکنیدلرنده طوغان فکرلری مشاهده یه سوق ایده بیلیرز . بلکه بو عمل ذهنی یی مجرد برشی اولمق اوزره تلقی ایدنلر اولور . فقط بونقطه نظره کوره اخلاقی براخطارده مجرد برشی در ؛ حال بوکه چوجوقلره دائماً بویله اخطارات ووصایاده بولنمیان بر معلم یوقدر . فی الواقع بوکبی ذهنی تأملات و مشاهداتی سؤ استعمال ایتهملی در ؛ چونکه چوجوقلر کندی فکرلری اوزرنده اوزون اوزادی یه دقتلرینی تثبیت ایدمزلر . آنجق فکر ؛ کلام ایله بر شکل آلیز وبناء علیه قابل التقاط اولور . بر فکری حاوی اولان سسلر بیله ، طوغرودن طوغروه قابل مشاهده در ؛ بناء علیه بونوع صوتلری استحضار ایدن شکلر یعنی حرفلر مطالعه ایدلدیکی صیره ده ، کلامی تشکین ایدن صوتلرده آکلاشیلر بر صورتده تحلیل ایدلملی در . ایشه قرائت درسنگ بوتون هنری بونده در . کلملر وحتى عبارلر بیله شکللرینه ودالات ایتدکلی معناله کوره ، بوشکللره اولنره حاکم اولان قوانین فکریه آراسنده کی مناسبتلر برر برر ایضاح ایدیلرک تحلیل ایتدیریله بیلیز . چوجوقلره بویله تا کوچوکلکلرنده وتدریجاً سویلدکلی سوزلری افاده ایتمک ایسته دکلی فکرلره مقایسه ایتدیررک آره لرنده مطابقت وصحت اولوب اولمدیغنی تقدیر ومحاکمه ایتمک عادتی اکتساب ایتدیریله جک اولورسه ، دوره متعاقبه ده تعلیم اولنه جق اصل صرف درسی ، اکثریا اولدینی کبی ، میخانیکی وجانسز برقواعد ازبرجیلکی شکندن قورتارلش اولور . شو ویردیکمز ایضاحات ایله « درس حدسی » ترکیبنک معناسی اتساع

ایدیور ؟ و فکر طروز تدریسن زیاده اصوله انتقال ایدیور. فقط بو وسعت معنا یک طبیعی در ؛ چونکه مشاهده اوزرینه مؤسس اولان تدریسات او قدر مختلف اشکاله مساعددرکه ظاهرآ بری برندن اک اوزاق اولان موضوعلرک ایجاباته توافق ایتدیکی کبی، اک مختلف یاشده کی چو جوقلرک احتیاجاته ده تطابق ایتک لازم کلیر .

فرو بهل تعلیملری وایشلری

حدسی درسک صفت میزه سنی و صورت سیرینی مختصراً توضیح ایتدک ؛ شمدی بو درسک ، اولجده سویلدیکمز کبی ، خصوصی بر طاقم حاللردن عبارت اولان و قیمت و اهمیتی آنجق طروز عمومی قانونلرینه تبعیت شرطیله مقید بولنان طروز خصوصیه سندن بحث ایده لم . مختلف مواد درسیهیه مقابل اولان مختلف سلاسل دروسک هیئت مجموعه سنه ؛ هر ماده درسیه نک ، منسوب اولدینی سلسلهیه کوره ، هیئت خصوصیه سنه ، صورت تحضیرینه ، تشکیلات مادیه سنه کلنجه ، بو قدر مهم بر تتبع بویله بر مقدمیه صیغه مز . بونک ایچون آریجه بر اثر تألیف ایتک لازم کلیر . بزوراده یالکز « ممارسه لر وایشلر » عنوانیله معنون اولان و طوغرودن طوغریه شکک ، هندسه نک و رسمک تتبع و تحقیقنه متعلق بولنان طروز خصوصیه تشکیلاتنه حصر مقال ایده جکز .

فاتحه کلام اوله رق بومارسه وایشلرک تاریخنه دائر بر قاچ کله سویله مک لازم در . معلوم درکه بر حادثه حقنده برهان اقامه سی اذعان فطری مقتضیاتندن و امور معتاده دن در . ایلا د افکار و تشکیل حاکمه طریق ایسه ، بو طریق باشلیجه برواسطه تعلیم اوله رق قوللانان « سقراط » زماندنبری « اصول سقراطی » نامیه معروف و مشهور در . شو حالده بو طریق یعنی طرز عامی کیسه نک نسه مک حق اولما قله برابر ، بونی ایلک اوکجه تربیه مجتمعهیه تطبیق و بومقصد کوره صورت منتظمه ده تنسیق ایدن و تدریسات اولی شرائطنه توفیق ایلین ذات اسویچرملی مشهور مربی « پستالوجی » در .

پستالوجی چو جوقلرک ذکالری عریض و عمیق تدقیق ایدرک اونلرک طرور
توسل و تبغه بحق کسب و قوف ایتدی ؛ چو جوقلرک نیم منور فکرلری
ایچنده غیر مرئی بر حالده بولان مانعلری ، معلم ایله متعلم آره سنده اکثریا
موجود اولان سوء تفهملری برر برر اعلام و ایضاح ایتدی . معلملره ،
حاکمه نك سیر مترقیسی ائناسنده ، اکثریا همزك خبر من اوله دن یاپدیغمز
کبی ، متوسط فکرلری آتلاماغی ، یعنی چو جوقلره برشی حاکمه ایتدیرکن
علی التدریج حاکمه ایتدیره رک ، بردن بره اورته ده کی فکرلری آتلاماق لازم
اولدیغی اوکرتدی . چو جوقلرجه آکلاشیلیر برلسانه مالک اولمق ایچون اونلرکی
چو جوق اولمق ، چو جوغک فکرینی تعقیب ایده بیلیمک ایچون بر چو جوق کبی
و فقط عینی زمانده اوفکری اداره ایتک ایچون ده بویوک بر آدم کبی دوشونمک
فنی ، بو فن مشکلی تعلیم ایتدی . الحاصل درس حدسی یی قواعد مفصله
ومقرره سیله بزه اهدا ایدن پستالوجی درک بالاخره بواصولی مختلف نامرله ،
اسویچرده ن باشلایه رق آلمانیا ، بلجیقایه ، فرانسه یه ، و تا بحر محیط آطلاسینک
اوته یوزینه قدر نشر ایدنلر ، بوتون بو نشر ایتدکلی شیلری آندن استعاره
ایتمشلدور .

پستالوجی تربیه اخلاقیه و یردیکی بو استقامتن باشقه ، اصل تعلیم
وتدریسی ده نظراعتایه آلمش ایدی . پستالوجینک شا کردی اولان « فروبهل » ؛
استادک اک زیاده اوغراشمش اولدیغی هندسه وحساب درسلرینک طرور
تدریسیله اشتغال ایتدی . بو طرزلی جهت استقامتلی تبدیل ایدرک
توسیه چالشدی ؛ تبیی سعی و عملله ، تفهیمک انکشافی فعالیت مبدعه نك انکشافیه
توزین و تئیم ایدرک ، صنایع نفیسه یه رهبر اوله بیله جک بر حاله افراغ
ایتدی . اصولک بوصفحه معظمه سی کاملاً « فروبهل » ه عائددر . « فروبهل »
الیوم کندی نامنی طاشیان ماهرانه بر طاقم عمومی طرزلی (تعلیملر وایشلر)
ابداع ویا استکمال ایتدی که بو طرزلیک بالخاصه صور اجرائیه سنه حاکم اولان
فکر تربیه کاری یه اهمیت ویرردی . ایشته بو « ایشله تربیه » مفکوره سنک
محصولی اولمق اوزره « چو جوق بانچه لری » نی احداث ایتدی .

فروبهل چو جوقلری بالخاصه کندیلری ایچون ابداع ایدلش بر محیطده ،
 مونس ، طاتلی ، ساکن بر هوای صمیمیت ایچنده یاشامق تصورنده بولنیور ؛
 تارالار ، باغچهلر آریور ؛ چو جوقلره چیچکلر ، فائدهلی و یاخود زینته یارار
 نباتلر یتشدرمک و اهلی حیوانلر بسیله مک اصولنی اوکرتمک ایستیوردی .
 فروبهل باغچهسی بر چو جوق مستعمرهسی حالنی آلیوردی که اوراده اویونلر ،
 شریقلر نشئه و شطارتی ادامهیه خدمت ایدیور ، چو جوغک ایلاک دوره
 حیاتنده کی مساعیسی عادتا بر شعر اولیور ، بر عمر مخیله بکزییوردی . ده
 طوغروسی بو ؛ بیک درلو اضطراب و اندیشه ایله چیرینان جمعیات حاضرده
 پک نادر اوله رق و بلکه بیک مشکلات ایله تحقیق ایتدیر یاه بیله جک بر مفکوره
 ایدی .

فروبهل ؛ چو جوغنی سودیکی و آکلا دینی کی ، طبیعتی ده سومش و آکلامش در .
 فقط خیالپرست و آلمان اولدینی ایچون اختیار ایتدیکی اصولک اساسی اولان
 فلسفه طبیعتی غریب بر طاقم نظریات صوفیانه ایله مزج ایتمکدن کری
 طورده مامش در . بوتون تدریساتی بونظریات ایله مشبوع در . شاعرانه تمثیللری
 بویوک بر مبذولیتله استعمال ایتدیکی کی ، مفرط بر درجه ده تمثالپرستلکدن ،
 هر شیئه خارجه بر طاقم سبیلر آرا مقندن ده کندینی قورویه مامش در . فروبهلک
 معقلرندن پک چوغنی عادتا تسخیر ایدن بونظریات صوفیانه ؛ آلمانلرک بولوطلی
 مخیلهلرینه بلکه موافق اوله بیلیرسه ده ، بزم دها متین و دها مثبت اولان ذکای
 ملیزمه کوره بونلری تدریساتدن حذف و طی ایتمک لازم کلیر که بوده پک
 قولای در .

مع مافیہ بزی بو اخطار مزدن طولایی مخیلهنی قورومتق ، چو جوقلره مثبت
 معلومات ویرمک ایچون اونلری هر هیجانندن ، هر شعردن محروم ایتمک کی
 بر تهمتله اتهامه قالدشاملی در . بزبالعکس چو جوق حیاتنک شعر ایله معطر اولسنی
 فقط بوشعرك مبهم و مظلم بر طاقم علاقه لرده دکل ، طبیعت و حیاته عائد شیلرده
 کور و لمسنی و کوسترلمسنی آرزو ایدرز . چو جوقلرک نظرنده بوتون مساعی
 ووظائفی و بوتون اکدار و مساریله حیاتی ، قلدلرنده انکشافی لازم کلان و ایلاک

تعلیمگاهی عائله محبتی اولان انسانی حسلری؛ بر مفکوره حالته کتیر ملی در. بوضورتله اونلره هم بر تربیه اخلاقیه ویرلمش وهمده سعادت شخصیله لری تأمین ایدلمش اولور.

فروبهلك اك شرفلى مقلدلىرىك بيله اكثرىته بر طرف ايدمه مدكلرى بر تهلكه ده واردركه اوده فروبهل اصولنك يالكز طيش يوزنى كورمكدن ، يالكز صفحه خارچىسنى نظر مطالعه يه آلقسدن متولدر . بوحالده فروبهل ايشلرى هيئت مجموععه سنده كى فكر تربيه كاريدن محروم ، جانسز وضوغوق بر طاقم ادمانلردن عبارت قالير . ذاتاً انجه ميخانيكى وحتى نظريه تربيه كاريسيله بك واضح اولميان بواصول ، طار بر انحصارك وكور كورينه تقليد فكرينك حلول ونفوذينه بك مساعدر . فى الواقع بعضى مربيلر ايشته بويه بر غلط فكرى يه دوشورك شكلى اساس يرينه آلشله ، وفروبهل اصولنك يالكز صفحه خارچىسنى ادراك ايدمه بيلدكلرى حالده اصولى تماميله تطبيق ايدىيورز ظننه دوشمشلدر . قالدى كه مآثر بشريه نك هيچ برنده ذاتاً كمال مطلق ده اولاماز . بناءً عليه فروبهلك مفكوره سى ده بو قاعده يه بالضروره بر استثنا تشكىل ايدمه مامش ، وحتى بالذات تأسيس واداره ايتدىكى باغچه لرده بيله آرزو ايتدىكى درجه كماله واصل اولامامش در . مع مافيه بواصول ؛ هر حاله وبوتون مانعه لره رغماً ، بعضى افكار منوره وقلوب سليمه اصحابنك تشبثات واجتهادات شخصيه لريله ينه ترقى وتوسعدن كرى قلامامش در . بوكون اسويچرده ده ، آلماياده ، هولاندا ده ، بلچيقاده ، ايتالياده ، فرانسه ده وبالخاصه فرانسه نك تدريساده اك ايلرى كيدن شرق ايلاتنده ، آمريقادا فروبهل طرفندن چيزيلان انموذجه آز چوق موافق بيكلرجه مكتب آچلمش در . بوضورتله بويوك برترقى وجوده كلش ، وافكار عموميه كمال قناعتله بو طريق تربيه يى قبول ايتمش در .

فروبهل اصولى شكل ابتدائى اعتباريله مشبوع اولدىنى نظريات غريبه دن طولايى بعضى اعتراضاتى موجب اولمشيدى . پستالوجى وفروبهل اصوللر نده كى قواعد اساسيه نك منفعت فوق العاده سنه قائل اولمقله برابر قسماً تعديله ده محتاج اولديغنه قانع اولان بر طاقم افكار جديه اصحابى ، اوافق تفك بعضى تصحيحاته تشبث ايتمشلدر . ايشته بوكتابده ده عىنى غايه تعقيب اولمش در .

فروبه لك تصور ايتديكى چوجوق مستعمره لرينى شهر ايجنده تأسيس ايتك . قابل دكل در ، وياخود نادرا ممكن در . مع مافيه بوزم ايجون ده ، اولجه سرد ايتديكمز قيود احترازيه باقى قالمق شرطيه ، محيطك وشرائط اجتماعيه نك مساعد اولدينى درجه ده تحقنه دائما چالشمق لازم كلان بر مفكوره در . بناء عليه يالكز بو اصولده حاكم اولان فكر تركيبي ، ودرس حدسينك طرز لرينى ، يعنى تعليملى و ايشلى تطبيق و محافظه ايله قناعت ايتمه مى ؛ آنا مكتبك ، ساكن و شاطر حياتى ، شعري ، لطافتى ، شريكلى ، اويونلى ، باخصوص باغچه سنى : اوايجه قوم دوشمنش يوللريله يشيل و متبسم باغچه سنى ، هر كوشه سنده بر چوجو غك نافع چيچكلر و نباتلر اكدر ك نارين و نازك شيره رعايت و اهتمام ايتلرينى تعليمه مدار اوله جق باغچه يى ده محافظه ايتكه چالشملى در . باغچه ؛ چوجو قلرايچون اك بويوك بر منبع مسرتدر . مع مافيه شرائط محليه بر باغچه تدارك نه مساعد اولمازسه ، اووقت جانلى شريكدره ، شريكلى اويونلره و حرركات بدنيه به دها زياده اهميت ويرمك صورتيله بو محروميتى تلافى ايتكه غيرت ايتلى در .

چونكه فروبه لك مكتبى يالكز مطالعه و ايش مكتبى دكل در : فروبه لك هر شيدن اول چوجو قلك وجودجه كليشمسنى تسهيل و حمايه ايتك ايتديكى ايجون ، حركتلى اويونلره ده بويوك بر حصه آيرمى در ؛ انسانلره ده وبالخاصه چوجو قلكدره شطارتك ياريدن زياده سى وظائف عضويه نك حسن جريانندن متولددر . فروبه لك مكتبنده درسره ؛ صيق صيق ، بر طاقم حرركات بدنيه ايله ، يورويشلى و بر لكده دونوشلره فاصله لر ويريلير . چوجو قلكدره كى حركت احتياجى بو صورته تسكين ايدلديكى ايجون دفته محتاج اولان تعليملره انتظامى محافظه ايتك دها قولاي اولور ؛ چوجو قلك صنفه كيردكلرى دقيقه حركتله وجودلرينى كافى درجه ده تحريك و تنبيه ايدره لك آرتق بر آزدكلنمك ايتدكلرى بر زمانه تصادف ايدر . بو صورته ، انتظامك شرط اولى اولان موازنه حاصل ايدلمش اولور .

تربيه ده ، جناساتيق (حرركات بدنيه) بر ضرورت مبرمه ايله لازم در ؛ جناساتيق مساعى ذهنيه نك ثقلت موازنه سى در . چوجو قك مكتبلرنده بو تعليم ده

سائر تعلیملر کی، خصوصی بر شکل آلیر. حرکات بوتون اعضایه متوازن بر فصالت ویره جک صورتده ترکیب ایدلش، و آهنگدار بر شرفینک نغمات موزونسنه اویدرملشدر. بو حرکتلر اکثریا دواملی برایش فکرینه مربوطدر. — مثلاً بر دمیرجینک، بر چفتجینک حرکاتنه و یا خود بر تارلا حیاته تقلید ایدیلر: شرفینک کفته می حرکتی اداره ایتدیکی کی، او ایشیده ایضاح ایدر. صکره موزون شرفیلره اویدرملش آهنگدار یورویشلره، حلقه شکلنده رقصلر، معلمه نك بالذات ترتیب و اداره ایده جکی او یونلرده واردر. بعضی وقتلرده، و تعبیر مخصوصیه تنفس دیدیکمز زمانلرده، چو جوغی کندی حاله براقلی، ایستدیکی او یونلری اوینامسنه، ایستدیکی کی آتلامسنه، صحرامسنه و یا خود کيفنه کوره دیکنمسنه مساعدده ایتلی؛ فقط وقت و قتده مشترک و مجتمع ادمانلره، او یونلره سوق ایتلیدر. بو او یونلر غایت جانلیدر: هله بعضیلری فوق العاده کوزلدر. مع مافیه تام بر طاقم تشکیل ایتدیکی کی، پک متنوعده دکلدر؛ بناءً علیه چو جوق محبلرینک اطفاله سرور بخش اوله جق یکی و متنوع او یونلر اختراع ایتمکه چالشملی آرزو اولنور. شرفیلر ایچونده بوتمنی ایراده لزوم واردر.

فروبهل مکتبنده غنامبدولدر: او یونلره، یورویشلره آهنگ و ریجی شرفیلر، درسدن اول و درسدن صکره تغنی اولنان شرفیلر، ایش انساننده سویلنه جک شرفیلر واردر. بو اوقدر کوزل بر عنعنه درکه بوتون تربیه نظر یاتیله مشغول اولانلرک اُک قطنی و صریح توصیه لریله مؤیددر. غنا یالکیز اعضای تنفسیه و صوتیه نك انکشاف و تمیسنه خدمت ایدن بر جناسیتقندن عبارت دکلدر؛ غنا بو اعضای ایشلتدیکی کی، بوتون حیات عضویه یی و ملکات ذهنیه یی ده تشویق و تنیه ایدر. بوندن باشقه، چو جوقلری هیچ زورلامدن بر آده طویلیان و انتظامه دعوت ایدن برواسطه در. بسترلر بعضاً شطارتلی، بعضاً هیجانی و بعضاً جدی و لطیف؛ کفته لرده دائماً بسیط، بر طاقم وقعه و حادثه لری مصور، بر چوق فکری محتوی و چو جوقلرک ادراک ایده بیله جکی بر طاقم حسلری مفید و مبین اولمیدر. اِسویچره و آلمانیا ده تغنی اولنان بو یولده کی شرفیلرک خوش و فقط مبهم بر ترمنی واردر؛ بعضاً ده بو ترنملر دوز،

اوصانديرىچى وقاريشىق در . فرانسز چوجوقلرينك سرت وكسكىن مزاجنه موافق اولمق ايچون بزه دها آچىق وكنىش بر صورتنده بسته لىنش شرقىلر لازم در . (*)

فروبهل چوجوق باغچه لرنده مرييه كوچوك بر اورغ ايله شرقىلره رفاقت ايدر ؛ بوصورتله چوجوقلرك سسلرى بر پرده و آهنگ آلتنه آلهرق سوق واداره ايدلىكى كچى ، موسيقيده كى لطافت وتائى ده شرقىلرك مخيله اوزرنده حاصل ايتدىكى انطباعى تزييد ايدر . چوجوقلر بو ذوق منعمنده ايچون محروم اولسونلر ؟ — مكتباره ، يالكز چوجوق مكتبلىر ينه دكل ، مكاتب ابتدايه و مكاتب اعداديه يه ده موسيقى صوقلى ، و درس اولهرق اوقوتلى در . درس حالنده موسيقى ؛ موازنت وتنوعى تا مین ايدى جك اك كوزك بر غنصر در . يا موسيقيده كى او جاذبه ، او اخلاق ومخيله اوزرينه اولان تاثير نه قدر لطيف ونه قدر درين در ! .. مع مافيه دائره اشتغالتمزدن خارج اولان بونقاط نظرى براقلمده ، ينه صبيان مكتبلىر ينه رجوع ايدى لم .

۳

شمى يه قدر بحث ايتدى كمز اصوله ، طرز لره ، ايشلره تطابق ايدى جك تشكيلات ماديه حقننده بر قاچ سوز سويليه لم . بو تشكيلات ماديه سوز يله بنيانى و يا خود بنانك شرائط عموميه سنى قصد ايتمورز ؛ مكتبك كنىش ، ايدى نلق وهوادار اولمى قواعد عموميه دن در ، اصول حدسى بوقاعده لرى نه تزييد ونه ده تنقيص ايدر . شو قدر كه ، چوجوق باغچه سى طرز لرينه موافق اولهرق تشكيل ايدى لىش اولان بر صنف ، ديكر صنف لره نسبتله ، دهاشن بر منظر يه مالك اولمق لازم در . چوجوق باغچه لرينك زينت طبعيه سى ؛ درس حدسيده پك بويوك بر موقع اشغال ايدى لوچه لر ، رسم لر ، ودرسه عائد اورنكار ، نمونه لرو قالمبلره چوجوقلرك بالذات ياپدقلى ايشلردن ، بسيط وساده صنعتلرينك آثار و محصولاتندن

(*) بزم آنا مكتبلىر ايچون ده ، چوجوقلى بطائى دن قورتارده جق ، عرق عصر لردن برى عاداتا و بوشمش اولان بدننى ، فكرىنى ، حسنى ، اراده سنى جانانديره جق شرقىلر ترتيب ايتلى در .

متشکل در . دیوار لر یریر اُك زیاده موفقیتله چیزلش رسملر ، کنارلری پارلاق رنگلرله ایشلنمش چرچیوله لر، برطاقم تخته پارچه لرندن یاپلش هندسی چیچکلرله آصلش و صنفه برنش و شطارت ویرلش در . بوسورتله چوجوڭك قرارسز و متلاهی نظرلری ، هر لحظه ، کندیلرینه مطالعینی وایشی ، خوش و جاذبه دار بر شکله قولش ایشی اخطار ایدن بر شئیته تصادف ایتمکدن خالی قالماز ؛ و چوجوق بویله بالذات تریننه اشتراك ایتدیکی مکتب حیاته شوق و هوسله باغلانیر .

بو تفرعاتك چوجوقلر اوزرینه اجرا ایتدیکی تأثیر ، اوکا علی العاده ویریلان اهمیتدن چوق زیاده در ؛ محیط چوجوغنی عادتاً تسخیر ایدر . ایسته بونك ایچون دركه ، امكانسز لقدن صرف نظرله ، آنا مکتبلرندد مطلقا برر باغچه احدثائی لزومنده اصرار ایدیورز . مع مافیه باغچه یایمق ممکن اولمازسه ، هر مکتبك ، آغا جلرله سایه دار اولمق لازم كلان حولیسنه بر قاج چیچك صندوقی قویمق ، و چوجوقلره طوغرودن طوغرویه زرع عملیاتی یایدیر یله مسهده بعضی تارلا چیچكلرینك نصل انكشاف و تهر ایتدیکی ، او چیچكلرك باشلیجه اعضاسنی مشاهده ایتدرمك قابل در . هر مکتبده اولدینی کبی بر تنفس صالونی ، یا خود اوستی و اوچ طرفی اورتولی و بر طرفی آچیق بر تنفس خانه ده لازم در .

اثاث و ادوات تدریسیه به کلنجه ، طرور حدسیه ایله فرو بهل ایشلری بعضی ترتیباته محتاج در . فقط بو ترتیبات ، دیگر مکتبلره لازم اولان ترتیباتدن نهدها کلفتلی وندهدها بهالی در . ثابت صیره لر یوقدر ؛ چوجوقلر آرقه لقلی متحرك صیره لر اوزرنده اوطورورلر ؛ اوکلرندهده ایشلر ایچون الزم كوچك بر رماصه واردر . بو ماصه لك اوست یوزی افقی در ، مائل دكل در ؛ بویوز بویالی در ، و كوزه چاربه جق چیز کیلرله سطرنج واری تقسیم ایدلش دركه حاوی اولدینی هر مربك بر ضلعی ۳ نومرولی هبهك ضلع مجسمه مطابق اولمق اوزره ۲،۵ سانتیمتر و طولنده در ؛ بوده شرط در . بوسورتله مربعلره آیرلش بر سیاه یازی تخته سی ده لازم در . بونله اشكال مجسمه نی ، حدسی درسره مخصوص اولان نمونه لری قویمق اوزره بر صاغیر ویا جاملی دولاب ؛ بر قاج محصولات

طبیعیه ویا صناعیه نمونه سی؛ معادن متداوله ایله باشلیجه صخوری حاوی کوچوک بر مجموعه؛ نباتات و حیوانات رسملری؛ بر ویا ایکی عدد قابارتمه طوبوغرافیا ویا جغرافیا خریطه سی ده علاوه ایده جک اولورسه کز، حساب و قرائت درسلی ایچون قبول ایده جک آلات مستثنا اولمق اوزره، درس حدسی ایچون لازم اولان بوتون ادوات ثابتیه بی تدارک ایتیش اولورسکز .

مواد متداوله یه - بوتعبیر ایله چوجوقلره توزیع ایده جک، واونلرجه ایشله نه جک واستعمال ایده جک ماده لری قصد ایدیوروز - کلنجه؛ آنا مکتبلرنده قوللانیلان مواد متداوله فروبه لك ایلک درت هه سندن (اشکال مجسمه مجموعه سندن) باشقه، اوافق تخته چوبوقلردن، لاطه لردن، حلقه لردن، ورسمه مخصوص چیزکیلی طاش تخته لردن عبارت در. بونلره طوقومه لر ایچون ایش (قالین ایپلک) لر، ارجاج (میک ایپلکی) لر، اؤرمه لر ایچون کاغد شریدلر؛ بیاض ورنکلی کاغدلر، رسم ایچون مربعلری حاوی کاغدلر، قوییه یایق ایچون شفاف کاغدلر؛ صارمه ایشلری ایچون مختلف رنکده یوک، ایپک ایپلک یوماقلری ونهایت تلوین ایچون بویا کی غایت اوجوز وچوجوقلرجه استهلاک ایده جک شیلری ده علاوه ایدنجه ایشته لوازم تمام اولور .

شو بیاناته؛ اشکال مجسمه مجموعه لری حقنده اساسلی بر مطالعه ده علاوه ایدم. تعلیملر ائناسنده هر چوجوغک ائنده بو کوچوک مجموعه لردن برر طاقم بولملی در. یالکز معلمه نك ائنده بولنه جق بر طاقم؛ اقامه برهانه اصلا کفایت ایتز. هیچ اولماه دنسه بر طاقم اولسون بولمسی اولادر؛ فقط نا کافی در. چوجوق، صورت عمومیه ده، آنجق آلرینک ایچنده اویروب چویردیکی شیلری مشاهده ایده ییلیر. بوندن باشقه، ایشلرک صورت منظمه ده دوران و جریانی؛ هر چوجوغک مختلف کومه و ترتیبیلری بالذات وجوده کترمه سنه متوقف در. ایشته بر صنفده عینی تعلیمی یایه جق نه قدر چوجوق وارسه هر هه بدن ده اوقدر طاقه لزوم کوسترلمسی بوندن ناشی در. بومطالعه، تخته چوبوقلر، لاطه لر، حلقه لر ایچون ده وارد در؛ چوجوقلر شکللری و ترتیبیلری بالذات وجوده کتیرمک ایچون لزومی قدر حلقه، لاطه، تخته چوبوق بولملی در.

بوآلات وموادك تدارك واحضاری اوقدر كوچ دكل در . بر مكتب تأسيس ايدر كن بالطبع اشيا ولوازمی ده دوشونولور . باخصوص بونلر ، اولجه ده سويديكمز كبی ، ديكر مكاتبه لازم اولان اشيا وادواته نسبتله تداركی ده كفتلی ودها بهالی شیلر دكل در . برده ، بر مكتب آچیلیر آچیلمز بونلرك كاملاً مستحضر وموجود اولسنه لزوم یوقدر ؛ تعلیملر بالطبع صیره سیله كوستریله جكندن ، لازم اولان شیلرده صیره سی كلنجه تدارك اولنه بیلیر .

يكیدن بر صنف آچیلمیوبده باشقه بر طرزده اداره ایدلمكده اولان بر صنفه اصول حدسینك تطبیق موضوع بحث اولدینی تقدیرده ، كرك موجود آلات وادوات وكرك اووقته قدرا كتساب ایدلمش اولان عادات جهتیله بر طاقم موانع ومشكلاته تصادف اولمنسی طبیعی در كه بونلرك كوندن كونه وقوعه كتیریله جك تبدلات ایله كاملاً تحویلی متمادیاً بذل مجهود ایدلمسنی ایجاب ایدر . « بویله بر تحول صنفی آلت اوست ایدر » « چوجوقلرك ذهنی قارمه قاریش اولور » كبی . . . بعضی اعتراضلر در میسان ایدلیدیکی واقع در : فقط اویله بر « اختلال » بر امر ضروری دكل در ؛ بوانقلاب پك كوزل اداره ایدیله بیلیر . طرز لر ؛ اك آزدكیشكلکی موجب اولاجقلردن باشلامق شرطیله ، یاواش یاواش تطبیق اولنور ؛ درس وقلری وحتی آلات وادوات خفیف خفیف تعدیلات ایله زمان زمان تبدیل اولنه بیلیر : الحاصل ، اصلاحده بر ترقی تدریجی ایله حرکت ایدیلیر .

مع مافیله نه قدر احتیاط وتدریج ایله حرکت ایدیلیرسه ایدلسین ینه بعضی مشکلاته اوغرائیله جغنی كیزله مكه حاجت یوقدر ؛ فقط علی الاطلاق هانکی ایش ، وباخصوص جهد متمادی یی ایجاب ایدن تدریسات ایشلرندن هانکیسی كوستریله . بیلیر كه صرف ذهنه واستعمال فعالیتیه متوقف اولماسین ؟ بویوله ابزال ایدیله جك جهد وغیرتلی ؛ یكی اصولك تطبیقنده كوریله جك سهولتیر وباخصوص معلمه نك حائر اولدینی صلاحیت واسعه سایه سنده اتخاذ ایده جکی تدابیر خصوصیه پك كوزل تلافی ایده بیلیر . اصول حدسی طرز لرینه وفرو بهل تعلیملرینه كوره تنظیم ایدلمش بر صنفی زیارت ایدن بر مرئییه : متبسم ومستریح كوچوك ایشجیلری كورنجه « اوح ، بوراده حیات وارا ! » دییه باغیر مقدن كنندینی

آلاماش در. امرتعلیم و تدریسده استحصا لاولئان نتیجه لر ایچون چکیلان زحمتلرک اؤ کوزل مکافاتی دکلکی در؟ بو قدر زحمته مقابل چو جوقلره قازاندیریلان حظ و سعادتن بر قسیمی ده مربی یه رجوع ایتزمی؟

پستالوجی و فرو بهل طرز لر یله تدریسات حدسیه؛ یالکز مکتبلره مخصوص دکل در؛ اولرده ده بویولده تعلیملر یاپدیر یله بیلیر. مکتبده بر چوق چو جوق آره سنده انتظامی محافظه ایتک و هپسنی مجتمعا چالشد ر مق ایچون لازم اولان تشکیلات اولرده بالطبع بسیطه شیر. مع مافیه دیگر جهندن ده، تربیه مجتمعه نك تأمین ایتدیکی فوائد حاصل اولاماز؛ تعلیملر جانسز اولور، واکر امثال وکثر تک جاذبه سنی و مکتب حیاتندن طیران ایدن لطافت صمیمیه یی تلافی ایچون والده ویا مربیه لر بوایشلره اشتراك ایله بر آز حیات و منفعت قائمه جق اولور لر سه، چو جوق پك چابوق اوصانیر. چو جوقلری نی اولرنده تربیه ایتک ایستیان عائله لر؛ ایش و درس زمانلرنده قومشو عائله چو جوقلرندن بر قاق دانه سنی دعوت ایتمکی ده توصیه ایده بیلیر ز. بو صورتله تعلیملر جانلانه جفی کبی، فوائد مطلوبه دن هیچ بری ده ضایع ایدلمش اولماز. اصول حدسی ایله بواصوله مربوط اولان بوتون طرز لر ی (ایشلری، تعلیملری) تمامیه تطبیقه مقتدر اولمیانلر، هیچ اولماز سه فرو بهل ک کوچوک ایشلرندن بر قاق دانه سنی یاپدیره بیلیرلر. واقعا بوایشلر بری برندن آیریلنجه قیمتلرینه خلل کایر؛ فقط هر ایشک بویه منفرد آده بر قیمتی واردر. بو حالده هر ایش علی العاده براویون، فقط یه ذهنی تمرینه، مهارتی تزئیده ودها جدی تتبعاته حصری ممکن اولمیان و قتلری نافع بر صورتده املایه خادم بر او یون اولور.

۴

طروز خصوصیه نك تشکیلات و تطبیقاتنه کلنجه، فرو بهل ایله مفسر لرینک بوباده کی مائری ایشلنمکه بیتیه جک درجه ده قیمتدار بر معدن اوجا غنه تشبیه اولنه بیلیر؛ بو مائرده بیغینلر، کتله لر حالنده بر چوق فکره، بر چوق واسطه یه تصادف اولنور. یالکز بونلر تصنیفه، درجه درجه ترتیب و تنظیمه محتاج در. بو وظیفه شمدی یه قدر مربی و مربیه لره برا قلمشیدی؛ بر صورتده که پك چوق

زحمتله وجوده کتیریلن و تجربه ایله اصلاح واکمال اوانسان بر ترتیب و تدریج یالکز مبدعنه مفید اولور ، ویکیدن تشکیل اولنان هر مکتبده بو حال تکرر ایدر طوروردی . ایشته بز بواترده اولاهر کسی بویولده زمان صرفندن تخلیص ایتمکی هدف اتخاذایتدک . صکرده تدریساتی مثبت و یقینی برطریقہ ، برطاقم تأثیرات خارجیه دن مجرد برحاله کتیرمک مقصدینی تعقیب ایتدک .

طروز خصوصیه (خصوصی ایشلر) اولجده سویلدی کمز کبی ، بالخاصه و طوغرودن طوغرویه شکل هندسی یی تتبع وایجاده منحصردر . بز طروز خصوصیه یی دها آچیق برصورتده بویوله دوکدک ؛ مع مافیه موضوعدن تحدث ایده جک ، وچوجو غک تحلیل ویا ترکیب ایتدیکی شکلک ویریدیکی فرصندن استفاذه ایله اوشکلی الک متعارف معلومات ایله ایضاح ، ویاخود جانی و ظریف برصورتده تصویر ایده جک استطرادلری ده منع ایتدک .

فروبهل تعلیملریله ایشلرینک قسم اعظمی ؛ ادراکک باشلیجه آلتی اولان کوزایله ، سعی و عملک باشلیجه واسطه سی اولان الک تربیه خصوصیه لرندن باشقه ، رسمی ده استهداف ایدرکه بوتربیه لر عادتاً رسم ایچون بر مقدمه در . مثلاً تحتہ چوبوقلر ، لاطه لر و حلقه لر هپ بو مقصده خادمدر . بونلردن حلقه لره ، رسمده منحنی عنصرلر استعمالی توسیع ایتمک مقصدیله ، بالنسبه دها زیاده اهمیت وبردک .

ایشلر ایچونده ، ایلک درس لک قادینلر طرفندن ویریه جکنی نظر مطالعه یه آله رق ، اونلره ارأئه طریق ایده جک ، بنوع ایشلرک الک بسیط دستورلری کوستره جک بعضی ایضاحات ویرمکه بالخاصه دقت ایتدک . بوتدقیقات اثناسنده اشکال هندسیه یی حدسی برصورتده تتبع ایچون بوکولمش کاغذک اوقدر موافق برواسطه اولدینی آکلاشدی که اکثریا یالکز یارمقلرک مهارتی تأمین ایدیجی برجناستیق ، برأکلنجه کبی تلقی ایدیلن کاغذ بوکمه تعلیملری دها زیاده توسیع ایتمکی مناسب کوردک . بوایشلر میاننده کاغذ کسمه ایشلری ده اکثر احوالده لزومندن زیاده کیفه بر اقلمش واهمال ایدلش کبی کوروندی ؛ بناءً علیه رسمک بو شکل خصوصیسینه بالذات چوجوقلره یاپدیریه جق و تناظرک قوانین ابتداء

نیه سنی تفهم ایتملرینه مدار اوله جق بر طاقم مرتب و مدرج اشکال هندسیه سلسله لری ترکیب ایتمک صورتیه ده از یاده رواج و یرمکه چالشدق. بو طرز دن کرک ذوق سلیم و کرک ظرافت اعتباریه پک شایان دقت نتیجه لر حاصل اولدیغنی بالذات کوردک . نهایت، چو جوقلرک یا شلریله محدود اولان خدم مقولی تجاوز ایتمه مک شرطیه، رسمه دها متین بر استقامت و یرمکه غیرت ایتدک . چو جوق باغچه لریله دائر اولان کتابلرده توصیه اولنان خطوط افقیه و شاقولیه تمرینلرینک بزکیناک و یره جکنی دوشوندک . چو جوقلرک بر آن اول ، شو اوچ عنصری : افقی ، عمودی و منحنی خطلری ترکیب ایده رک چوره لری دها واضح و دها جاذب شکلر وجوده کتیرملرینی هدف اتخاذا ایتدک. بوکا مقابل، چو جوقلری ترسیمی کوچ بعضی منحنیلری چیزمک زحمتدن قورتاردق ، بو مشکلاتی بر اهتمام مخصوص ایله تدریج و تسهیل ایتدک .

فرو بهل مکتبنده بر چو جوق؛ اشیایی طبق طبقه استنساخ ایتمز. اساس خطلر تشکیل ایتکی و طول و استقامتی معین خطلردن مرکب کومه لر وجوده کتیرمکی اوکرن دکن صکره تثبث شخصیه سیله حرکت، کندی کندینه برشی ایجاد و ترکیب ایتمکه دعوت ایدیلیر. وبالخاصه بو آندن اعتباراً چو جوقلرک مساعیسی بالکمز بعضی نصایح و تقدیرات ایله اداره ایتمک لازم کلیر. چو جوق؛ رباعی الطرف تناظر اصولنک غایت بسیط عمده لری سایه سنده و مربیه لرینک دلالتیه دائماً منتظم، نازک، بعضاً پک ظریف و بعضاً ده غایت غریب اشکال هندسیه ترکیب ایدر. فرو بهلک اشارت ایتدیکی طرز ی، یعنی باشلیجه آنا خطلری اتمک (سویله رک چیز درمک) طرزینی خیلی کینشله تدک . تناظر نظریاتنه ده ، غایت ابتدائی بعضی معلومات متداوله علاوه ایتدک .

چو جوق باغچه سی صنعتکارلری بو بسیط قاعده لر سایه سنده غایت کوزل ترکیب لر وجوده کتیرمه بیلیرلر؛ آنجق بو ترکیب لر کیفی اولدیغنی ایچون ، بر آز مههم ، یوکل، و قاعده یه مطابق اولقله برابر رابطه سز و تناسب سز اولور. بزچو جوقلری تدریجاً دها منتظم ترتیباته آلدیرمه جق قاعده لره اقدار و ارشاد ایتمک صورتیه بو معمولاته ده از یاده قیمت و یرمکی دوشوندک . بزم توصیه ایتدی کمز اصوله

کوره بر ویا متعدد بسیط ومنتظم شکلردن مکرر و متناظر طاقملر وجوده کتیریهلرک بونلردن ینه تناظر قاعدهلرینه موافق بر شکل ترتیب ایدیهلرک ، تعبیر دیکرله بر ویاخود متعدد عنصردن برجهله تزیینات ترکیب اوانه جق در . بو عنصرلر بعضاً معلمه طرفندن انتخاب و تعیین ایدیهلرک ، بعضاً بالکمز اساس خطلری تعریف ایدیهلرک عنصر انتخابی چوجوقلرک کیفیه بر اقله جق ؛ واکثریاده چوجوقلر هم عنصرلری و هم ده ترکیبلری بالذات ابداعه سوق ایدیهلرک در . بو طرز ؛ اُک کوچوک صنفلرده بیه فوق المأمول بر موفقیتله تطبیق ایدلمش ، وکتابک صوکنه علاوه ایدیلن بر قاچ نمونه دن استنباط ایدیهلرکی وجهله استحصال ایدیلان نتیجه لر آتی ایچون پک بویوک امیدلر ویریجی بر حالده بولمشد .

رسمدن ، موضوعک اهمیت حسیله ، بر آرز زیاده جه بحث ایتدک ؛ معافیله رسم تدریساتی بعضی جهتلرجه یکی بر یوله ادخال ایتکه بزی سوق ایدن سبیلره دائر ایضاحات ویرمه مجبور ایدک . مختلف ایش و تعلیملرک صورت اداره سی حقنده بوندن زیاده تفصیلات ویرمک پک فضلّه اولور ؛ تعلیملرده کی نیات و مقاصدی آکلامق ایچون بر کره منلرینه ، تعریفلرینه کوز کزدرمک کافی در .

بز ، مربیه لر ایچون حاضر بر طاقم درسار ترتیب ایتک نیتده بولندق ، یا لکمز - تعبیر جائزه - درسلرک چاتیلرینی قوردق ؛ بوچاتیلری اُک مناسب شکلده لباس واکسا ایتک اولرله عائددر . کندی فکر مزه کوره برجهله منطقیه تشکیل ایدن ویکدیگرینه صیقی صیقیه مرتبط و متعلق اولان بر طاقم معلومات ابتدائیه نی تعلیم عنوانیه آیری آیری برر مبحثده جمع ودرج ایتدک . معافیله بومعلوماتک کافه سنی بر درسده ویرمک الزم و ضروری دکلدر . اکثریا بعضی تعلیملری ایکی اوچ درسه تقسیم ایتک ایجاب ایده جک در ؛ آحق بو حالده بر تعلیمه دائر بر درس اول ویریلن معلوماتی ، ایکنجی درسده یا عینی واسطه ایله و عینی شکلده ویاخود باشقه بر واسطه ایله باشقه بر شکلده تکرار و اظهار ایتک لازم در .

بو تعلیملرک صورت تدریسی نا مأمول بر طاقم احوال و ظروفه تابع اولابیلر ؛ ذاتاً مربیه لرک تشبث شخصیلرینه مساعد کنیش بر ساحه بر اقله سی ده

لازم در . ایسته بوندن طولایی در که هر درسك ؛ معامك شخصیتنه و بعضی احوال و ظروفدن نشئت ایده رك تدریساته دهاز یاده حركت و موافقت و یرمسی مأمول اولان ناکهانی فرصتاره مساعد اولیه حق صورتده تحدیدیه قطعی بر طاقم تقسیاته تابع طوئلسنه اصلا طرفدار دكلز . بزم تعلیماره و یردیکمز ترتیب قطعياً بویه بر صفتی حائز دكل در ؛ بو ترتیبده یالکز فکرلر تصنیف ایدلمش ، و تقسیم اوقات مسألهسی نظر اعتباره آئنامش در .

۵

بواثر منحصر آ تدریساتك ایلک دوره سنه، یعنی بعضی محیطلره کوره آشانی یوقاری بر آز دیکشمکله برابر اصل تدریساتك باشلايه بيله چکی زمانه مصادف اولان درتله یدی یاش آره سنده کی سنه عائد تعلیملری وایشلری شامل در . بویاشلر تقریباً آنا مکتبلرینك و چوجوق یوردلرینك حدود سنی در . آئیده تفصیل اولتان تعلیملره بر کره کوزکز دیر یله چك اولورسه ، هانکیلرینك هانکی یاشده اولان چوجوقلره مخصوص اولدینی قولایلقله آکلاشیله بیلیر .

اصول حدسی ، و تعمیر دیکرله اصول تجربی ، تدریساتك هر درجه سنه متوافقدر ؛ یالکز طرور خصوصیه تبدل ایدر . بناءً علیه بونلردن بر قسمی زمانی کچدکدن و بکله نیلن غایه استحصال ایدلدکدن صکره ، آرتق چوجوغلک وجودینه طارکلان برلباس کبی ترك ایدیه چك ؛ و دیکرلری ده ، بالعکس ، چوجوق آنجق معین اولان برسنه و درجهیه واصل اولدقدن صکره آرهیه کیره بيله چك در . بعضی طرزلر ، بعضی تعلیم سلسلهلری واردر که ایکنجی دوره تحصیل عائد اولدینی و برنجی دوره ایچون و قسز دوشه چکی جهته اولنلردن بوراده بحث ایتکه لزوم کورمدك . تعلیملرك بعضیسی ده نا محدود بر صورتده توسع ایده چك ، چوجقلرده حاصل اوله حق ترقیات ایله متناسباً تحول ایدیه بيله چك بر ماهیتده در . مثلاً رسم و رسمك انواعنه دائر اولان تعلیملر بوقیلدن در . کذلک حدسی هندسه تدریسنده فرو بهل مجموعه لرینك بر آز قاربشیق اولان بش و آتی نومرولی هبه لر یله و یا خود متداول اولان مجسم اشکال هندسیه ایله یاپيله حق تعلیملر ؛ مسنوی رسملری کوسترمکه مخصوص کاغدایشلری ،

دوز و منحنی سطح لری و اشکال مجسمه و جهرینی ارانه ایچون ایدیر یله جق مقوا ایشلری ، خطوط مولده بی آکلاتمه مخصوص ایپلک و یا خود تل ایشلری ... بویه دره بو تعلیم لر ؛ ابتدائی نامی و یریلان تدریسات ایچون ایشله نمکه بیتمز بر معدن او جانغی مثابه سند دره . ذاتاً فرو بهل بوکا تشبث ایتش ، فرو بهل دن صکره باشقه لری ده بویولده شایان دقت موفقیتلر استحصال ایتش در . بزه کلنجه ، چوجوق باغچه لرنده مستعمل اولان طرز لری ، یعنی ایش و تعلیم لری بعضی تبدیلات ایله مکاتب ابتدائیه نك ایپلک سنه لرینه توفیق ایچون صرف ایتدیکمز مساعی ؛ املر مره تمام یله تطابق ایتش در . -


فی الواقع چوجوق لرك معین بریاشه واصل اولنجه ، اووقته قدر پك كوزل نتیجه لر ویرش اولان بر اصولی بردن بره ترك ایده رك اوکا كاملاً ضد اولان باشقه بر اصوله ، اسکی اصول لرك باصمه قالب یول لرینه آتلسی منطقاً طوغرو بر حرکت دکل در . آنا مکتب دن یکی چیقمش ، اوراده حواسی تربیه کورمش ، مشاهده و محاکمه ملکه لری ایشله مکّه آلمش ، پك كوزل اعتیادات فکریه قازانمش ، ذوق غیرت و ذوق تشبث آلمش بر چوجوق ... اوندن صکره نه اوله جق ؟ مکتب ابتدائی صیره لرینه او طور ور او طور مرز آلا بیلدیکنه ازر لره ، بیتمز توکنمز وظیفه لره ، هر در سده و متنوع شکل لر آتنده شوادی و کور کورینه یاپیلان استساخره باشلا یه جق آرتق هیچ حدسی درس کور میه جك ، تدریساتك صفتی دکیشه جك او قدر جهد و غیرتله وجوده کتیریلان مآثر غیر واقع کبی اوله جق ، یکی برشی یاپیله جق ... واسع بر پلانه کوره آتیش و میدانه چیقمش اولان تملر اولدینی کبی بر اقیله رق ، بوتملر اوزرینه آقیری بر صورتده و باشقه بر پلانه تبعاً دیگر بر بنا قور یله جق ، او یله می ؛ فقط بزی بو منطق سزلکه اجبار ایدن نه در ؟ دوره صباوتده اوکره نیلان ایشلرك ؛ او دوره بی تعقیب ایدن دوره ده ، درجه درجه و بر طرز تربیه اولمق خاصه سنی هیچ غائب ایتما مک شرط یله ، بر طاقم استیالات و تبدلاته اوغرایه رق ، كرك آتیا برمدار معیشت و كرك ساده جه تحریر فکره بر آلت کبی تعلیم اولنه جق مساعی صنایعه و بدیعیه اتصال و ارتباط ایتسنه نه مانع واردر ؟

بوتر زلردن آیری آیری بحث ایتیمه لمده اکه مهمنی، بالخاصه رسمی نظر مطالعه یه آلام؛ رسم، ایلک بسیط چیز کیلردن باشلا یه رق و بواترده تحدید ایدی لان حدود دائره سنده و بالاخره اونک خارچنده یا واش یا واش ایلر یلیه رک، پک مسعود بر تحوله اصل رسم خطی یه، رسم تزیینی یه و رسم بدیعی یه ارتباط ایده مز می؟ بونک ایچون یاییله جق برشی وارسه، اوده جوجوق باغچه لرنده تدریس اولنان رسمی تقید ایدن باغلردن قور تار یور مکدن، و تخم حالنده اولان بو رسم معلوماتی مکتب ابتدائیه حقیقی رسم درسی حاله کتیر مک ایچون بر آز توسیع ایتکدن عبارت در.

ایش و تعایملرده شویان ایتدیکمز مقاصده کوره اجرا ایدیله جک توسیعات و تحویلات آیریجه بر کتاب موضوعی تشکیل ایدر؛ بناء علیه تدریساتک برنجی دوره سنه منحصر اولان بو کتابه داخل اولاماز. بز یالکز مربیلری، چیقماز بر یوله سوق ایتدیکمزی آکلاتیق ایچون، تجربه ایله پک کوزل ثمره لر ویرمش اولان بوساحه وسیعه حقنده موجب تنور اوله جق بعضی ایضاحات ویرمک ایستدک. تدریسات ابتدائیه یی معقول بر اصول تربیه اساسلرینه کوره اصلاح ایتمک بر اثر عظیم در که بوکا برقاج سنه دنبرو عالیجنابانه بر صورتده تشبث ایدلمش و بوتشبات بو یوک بر متانت و قوتله تمشیه ایدلمکده بولنمش در. بو طریق ترقی اوزرنده متر اکم اولان مانع لر برر برر سونیور؛ مختلف درجات تحصیل آره سنده وجودینه بر آزاوول اشارت ایتدیکمز تضاد لر، تخالف لر آرتق محکوم و کوندن کونه رهین زوال در.

درس پروگراملری بر تربیه تامه وجوده کتیره جک صورتده یکیدن اصاغه ایدلمش در؛ لهنده اداره کلام ایتمش اولدیغمز علوم حکمیه و طبعیه معقول و مناسب بر حد داخلنده یعنی بسیط معلومات متداوله دن عبارت اولمی اورره پروگرامه ادخال اولنمش؛ و رسم و هندسه یه ده یا واش یا واش توسع ایده. بیله جک بر موقع ویرلنمش در. پروگرام توسع ایتدکجه، تدریسات عمومی یی اصلاح ایله مکلف اولانلرده بو توسع له متناسب بر عزم و متانتله اصوللری تحویل و تبدیه چالشمقن کیری طور میور لر. هرجه تدن، یعنی قانونلرله، نظاملرله،

دار المعلمینلرک اصول اداره سیله ، مکتبلره فکر علمی ، مشاهدہ و محاکمہ .
 اصولیله تدریسات نفوذ ایدیور ؛ اصول طبیعی ، یعنی اصول حدسی طرز لری ،
 کوندن کونه ، یالکیز حافظه یه خطاب ایدن اسکی طرز لرک یرینه قائم اولمغه
 چالیشیور . فرو به لله معقلرینک چوجوق ایشلری و تعلیملری ، آرتق بعضی
 مکاتب خصوصیه یه منحصر و یا خود هر نصلسه بعضی مکاتب عمومیه یه ده لطفاً دخولنه
 مسامحه ایدلمش بر حالدہ قالمیور : بوتون مکتبلره اؤکنیش بر طریق ایله ، طریق قانونی
 ایله کیریور . بونلر بار لاق و غیر قابل انکار مظفریتلردر ، وافکار عمومیه حضورنده
 بو اصلاحاتہ تشبث ایدرک کیزلیدن کیزلی یه بونلری احضار و ساحه امکانه ایصال
 ایتمک چالیشانلرک اؤکوزل مکافاتی در . شیمدی یه قدر وجوده کتیریلان
 ترقیات دهابویوک ترقیاتی مبشردر ؛ فقط قانونلرده مندرج اولان بو اصلاحاتک
 بالخاصه بزم اخلاق و عاداتمزه کچمسی و تطبیقاتده تعمیم ایتمسی لازم در : بوا یسه
 آنجق معظم هیئت تعلیمیه اعضاسنک ، یعنی بوتون معلملرک کندی محیطلری
 داخلنده ، صرف ایدم جکلری مساعی متما دیه و معقوله یه باغلی در . وایشته آنجق
 بو تقدیرده تحصیل ابتدائی حقیقتده شیمدی یه قدر اولمق لازم کلدیکی کبی ، یعنی :
 اولاد عصری ، منور و چالشقان بر جمعیتک آغوش حرمتنده متفکر و فعال
 بر حیاته حاضر لایحیی بر تحصیل اوله بیلیر .



مردم و قلم ايجونه
تعليم و ابشر

هم متفكر وهم عامل، يعنى هم ذكى وهم فعال، آدمى
يتشديرمكه خادم اولميان برتربيه ؟ نافع و عقيم بر تربيه در.

طوب اویونی

برنجی هبه

طوب اویوننده باشلیجه غایه ؛ چوجوقلرک دقتنی ایلك دفعه اوله رق معین برشی اوزرنده تنیت ایتمک ، چوجوقلره اوشیك اوصاف اساسیه سنی مشاهده ایتمک ، وضعیت و حرکت نسبتلرینی آکلامق ، ونهایت بوايلىك مشاهده نك تولید ایتدیكى فکرلری افاده ایتمک ایچون لازم اولان تعبیرات و اصطلاحات مخصوصه یی اوکرتمک در . بناءً علیه بو طرز تعلیم ، یعنی اویون شکلنده کی بودرس ، اول باول مواد آتییه یی احتوا ایدر :

- ۱ بالذات برشیئله اوشیك اُك ظاهر بعضی وصفلرینك مشاهده سی ؛
 - ۲ برشیك چوجوغه و دیگر برشیئه نسبتله فضا ده کی وضعیتلرینك مشاهده سی ؛
 - ۳ حرکتك : استقامتک ، سرعتک . . . مشاهده سی .
- بوندن باشقه ، طوب اویونی برجناسیتق ممارسه سی ده تشکیل ایدر .

ترتیبات متقدمه

مربییه ؛ صنفك موجودینه کوره طوب تدارك ایتلی ، وکندیسنده ده او طوللرک بر عینی اولمی در . بو طوللرک آرجوق اُلاستیتی بر ماده دن یاپلش و اوزرلرینه یوکدن بالق آخی شکلنده بر قلیف کچرلش نوعدن اولسی و ۲۵ - ۳۰ سانتیمتره طولنده بر تعلیق اییبله مجهز بولنسی لازم در . طوللردن هر بری الوان اصلیه دن قرمز ی ، ماوی ، صاری ایله ، و یاخود الوان متوسطه دن مور ، یشیل ، طورنجی ایله ملون اوله جق در .



برنجی تعلیم

طوبلرک توزیی

معلمه ؛ هر چوجوق مربیه سنك نامحدود بر صورتده تنویع ایتسنی بیلمک

مجبور اولدینی وسائطدن برینی استعمال ایله چوجوقلرک نظر دقتی جلب و تسخیر ایتدکدن صکره کندی طوپنی چوجوقلره کوسترر . کوستردیکی شینک اسمنی بولدیرر . الحاصل ، اولاً چوجوقلرده بویله بر او یونجاغه مالک اولوق آرزوسنی تحریک ، وصکره طوپلری توزیع ایدر .

توزیع عملیه سی حسن انتظامی تأمین ایده جک وجهله ترکیب ایدلمش اولدیغندن ، یالکنز طوپلر ایچون دکل ، چوجوقلره عمومیتله بردرس و یاخود ایش آلتی تودیع ایدیله جکی زمان ده بواصوله مراجعت ایتلی در . توزیعات ؛ ممکن اولدینی قدر حاله مناسب بر شرقیه مترافق اولملی در . شرقی ایله توزیع ؛ استعجالی ، انتظامسزلانی منع ایتک ، و توزیع اولنه جق شیلر تام تعلیم باشلایه جنی صیره ده چوجوقلرک آلنه واصل اولوق ایچون کوزل برواسطه در .

طوپلری توزیع ایچون ؛ معلمه هر ماضه نك اوج طرفه وَاك باشده اوطوران چوجوغك قارشیسنه ، او صیره ده قاچ طلبه وارسه اوقدر طوپ براقیر . غلبه لك صنفلرده مربیه یرندن قالمماز، صیره باشلرنده اوطوران چوجوقلری برر برر یاننه چاغیرر ، و طوپلری آرقداشلرینه توزیع ایتک اوزره اونلره تسلیم ایدر .

بوندن صکره مربیه بر اشارت مخصوصه ایله برابر طوپلری طاغیر یکن امرینی ویرر . اووقت چوجوقلر ، دیوار جیلرک الدن آله طاش ویرمسی کبی بر حرکتله طوپلری طاغتمغه باشلارلر . اکر مربیه آلرینی موزون بر صورتده بری برینه اوره رق حاصل ایده جکی سسله بو حرکت چوجوقلری ممنون ومحظوظ ایده جک بر آهنگ وانتظام ویره بیلیرسه ، بالذات توزیع عملیه سی بیه چوجوقلرک خوشنه کیده جک براویون اولور .

بمضاً بو عملیه متقدمه بوتون بردرس زمانی اشغال ایده بیلیر ؛ فقط استعجاله حاجت یوقدر . ذاتاً بو عملیه ده بر انتظام درسی ، بر حرکت مجتمعه درسی دیمک در . اعتیاد ایله توزیعاته یاواش یاواش سرعت و انتظامه کلکه باشلار . تعلیمک ختامنده ، توزیعک عکسی بر عملیه ایله ، طوپلر معلمیه عودت ایدر .



ابڻگجي تعليم

شڪل

طوپلرڪ اول باول ، ڪرڪ بويالرڪ شدي وڪرڪ ضديتي حسييله ، رنگجه مغايرتي ڪوزه چاربه جغندن ، بويالڪ انطباع اوزرنده برمدت توقف ايديله بيلير . بواختياري مشاهدہ نڪ ويريديكي فرصتن استفاده ايله چوجوقلره بو رنگلرڪ اسملرني اوڪرتملي . اورنگلرده اولان اشياومحصولات طبعيه بي تعداد ايتديرملي . طوپلرده اڪ ڪوزه چاربان فروهي ، مغايرتي ي بو صورته ڪوستردڪن صڪره ، آره لرنده كي مشابهي ، مشترك نه ڪي شيلر اولديغني ارانه ايتلي . اول امرده شڪل دن بحث ايتلي .

چوجوقلر عموميتله طوپلرڪ بوراولره اولديغني بيليرلر ؛ ايجلرنده بيلمين وارسه اوڪرتملي . ويره جڪڪز فڪره لامسه سي ده اشتراك ايتڪ ايجون ، چوجوق طوپي آلدرينڪ ايجنده يووارلايه رق يوقلاملي . بوندن باشقه ، طوپلرڪ شڪلني ؛ قياس و محاكمه ايله ، يعني اول طوپه هيچ بڪزه مين و چوجوقلرجه پڪ معلوم اولان شيلرڪ شڪلنه قياس ايتدرمڪ ، وڪره ده بوشكلره ڪوره طوپه مختلف خاصلر عطف ايدوب اوخاصلرڪ موافق اولوب اولديغني محاكمه ايتدرمڪ صورتيله ، ايجبه طوپورمغه و آڪلاتمغه چالشملي .

« طوپ . . . بڪزيورمي ؟ . . . ڪبي ياپلش ؟ - سيورمي ، دوزمي ؟ - اوزونمي ؟ - دائرآ مادار برصورتده ي ياپلش ؟ - هرطرفي يووارلاقي ؟ »
چوجوقلرده مشاهدہ و مقايسه ايله شڪل مفهومڪ تماماً حاصل اولديغنه يقين حاصل ايتدڪن صڪره ، بومفهومي آڪدالات ايدن تعيري اوڪره تهرڪ ذهنلرنده تقرر ايتدرملي : « بر شينڪ ياپيلرڪن آلديغني بيجيمه شڪل دينور ؛ بناءً عايه طوپلرڪ شڪلي بوراولره در ديه جڪز . »

شڪل فڪرني ذهنلرده هائي تثبيت ايتڪ ايجون ، چوجوقلره شڪلاً طوپه پڪ ضد و ياخود پڪ مشابه اولان مختلف شيلرڪ شڪل بسيطني توصيف ايدن برطاقم صفتلر بولديروب صايدرملي .

معلمه، بوايضاحات انناسنده، برطاقم اوضاع و اشارات ايله قوللانديغى تعبيرلىرى.
دها بارز و جانلى برحاله كىرملی .
تعليم ؛ مناسب بر شرقى ايله نهايت بولملى .

اورمىجى تعليم

فضاده كى وضعيتلر

بوتعليمدن مقصد : چوجوقلرك نظر دقتى بر شينك كرك مشاهده ايدن
آدمه و كرك دىكر بر شينه نسبتله فضاده آلايله جكى وضعيتلر اوزرينه جلب
ايتكم ، واو وضعيتلى افاده ايدن كلهلرك مدلولنى ذهنلرنده وانحاً تقرر
ايتدرمك در . فضاده كى وضعياتك تقدىرى ، مستقبل مشاهد . و يرييله جك
ايلك مشاهده تربيه سنك مهم نقطه لرندن برى در .
وضعيت نسبتلىرى ايكى سلسله حاصل ايدى جكندن ، بوسلسله لرى ايكى تعليمه
آيرملى .

تعليمه باشلانجى صيردهده هرچوجوق صاغ ايله كندى طوپنى ماصه دن
بر آاز قالقيق و تام قارشيسنده طوره جق و جهله ايندن اصيلى كى طوطملى . ايشته
بو؛ طوپه و يرييله جك ايلك وضعيت در كه صوك وضعيت ده بواوله جق . صكره چوجوقلر
هپ بردن ، و ويريلان قومانداسوزى تكرر ايدى درك ، طوپنى معلمه نك
بيان و اشارت ايتدىكى وضعيته كىرملی . طوپ بيان اولنان وضعيته سريعا
كلى ، و بر آاز او وضعيته غير متحرك طورملى .

۱ — جبهه يه !

۲ — صاغه !

۳ — صوله !

۴ — يوفارى يه !

۵ — آشاغى يه !

۶ — اوكه !

۷ — آرقه يه ! (بونك ايجون قول ؛ اوموز ا زرندين آرقه يه كوتوريله جك)

۸ — يقينه !

۹ — اوزاغە ! (ايلرى به طوغرو)

۱۰ — بورايە ! (يقينه)

۱۱ — اورايە ! (اوزاغە)

۱۲ — جېھە به ! (ايلك وضعيت)

عینی ممارسہ بی صول ال ایلہ دە تکرار ایترملی . تعلیمه؛ یوقاریده بیان اولتان وضعیتلری اخطار ایده جک حرکتلره متوافق بر شرقی ایله ختام ویرملی .



در درنجی تعلیم

ایکی شیئک وضعیت اضافیه سی

بو تعلیمده مشاهده ؛ ایکی شیئک وضعیتلرینی مقایسه به معطوف اوله جق در . مدار مقایسه اولمق اوزره قوللانیله جق ال موافق شی ، اوجنجی هبه به مخصوص مکعب قوطودر . بو قوطو ؛ ایچی بوشالقدن و اوست قباغی چیقارلقدن صکره ، فتحه سی آله کلک اوزره ماصه اوزرینه و چوجو غک اوکنه قونولور . اولکی تعلیمده اولدینی کبی طوپ ویریه جک قوماندا اوزرینه بیان اولتان وضعیتلره کتیر بله رک ، بر مدت او وضعیتده طوتولور .

۱ — قوطونک اوزرینه !

۲ — قوطونک صاغنه !

۳ — قوطونک صولنه !

۴ — اوستنه !

۵ — آلتنه ! — [چوجوق صول الیه یا واشجه قوطوی قالدیرر . و طوی آلتنه قویار کبی یابار]

۶ — آره به ! (چوجوقله قوطونک آره سته)

۷ — اوتیه !

۸ — يقينه !

۹ — اوزاغە !

۱۰ — ایچنه ! [چوجوق صول الیه قوطوی چویره رک طوی ایچنه قویاز]

طوپ قوطونک ایچنده بریر اشغال ایدر . بو مشاهده دن استفاده ایله چوجوقله هر شی ؛ بویوک اولسون ، کوچوک اولسون ، برلندیفی برده بر موقع طوتار ، دیملی .

۱۱ — طیشاری به !

۱۲ — قوطونك یرینه !

بوصوك وضعیتی ویرمك ایچون اول قوطویی چکمك لازم اولدیغنه ،
وقوطویی چکمكجه اونك یرینه طوبی قویق ممکن اولدیغنه چوجوقلرك نظر
دقتی جلب ایتلی .

أل دکشدیرهرك ، یعنی طوبی صول وقوطویی صاغ أل ایله طوتدیرهرك
تعلیمی تکرار ایتدرملی .
ختام سرقیسی .



بشجی تعلیم

حرکت

حرکت ؛ یردکشدرمك در . طوب یرینی دکشدیره بیلیر ، بناءً علیه
مهرک در . فقط کندی کندینه تبدیل محل ایتمز ؛ بونك ایچون طوبه حرکت
ویرمك لازم در .

چوجوغه حرکتده ایکی شی مشاهده ایتدیره جکز : استقامت وسرعت .
طوب ؛ آتیده کی مختلف ادمانلرده (۱۱ نجی مستثنا) اولدجه بطی و متادی
نر حرکته تابع طوتلی درکه چوجوق یالکز نهائی وضعیتلری دکل ، بالذات
حرکت ی مشاهده ایده بیلسین .

تعلیمه باشلامه دن اول طوب حال سکونده اوله جق : یعنی طوب ماصه نك
اوستنده طوروب چوجوق ایندن طوته جق . بوصورتله اوله حرکت ه ضد اولان
سکوره فکری ویریه جک .

۱ — طوب راحت ! (طوب ؛ تعریف ایدیلان وضعیتده ساکن طوره جق)

۲ — صاغه کیت !

۳ — صوله کیت !

۴ — یوقاری چیق !

۵ — آشاغی این !

- ۶ — ایلرله !
۷ — کريله !
۸ — کیت ، اوزاقلاش !
۹ — کل ، یاقلاش !
۱۰ — یاواشجه (اولک طرفه)
۱۱ — چابوق ، چابوق ! (کری یه عودت)
۱۲ — طوب راحت !
صول آل ایله تکرار .
ختم شرقیسی .



آننجی تعلیم

حرکتک استقامتی

بو تعلیمده نظر دقت ؛ تعقیب اولتان یول ، یعنی محرك اوزرینه جلب ایدیه جک در . ۱ ، ۲ ، ۳ نومرولی حرکتلرده طوب ، ایندن طوتیه رق ، ماصه نك اوستنده کی سطرینج واری تقسیمات خطلرینی ممکن اولدینی قدر تعقیب ایتک اوزره یاواشجه چکیله جک در . طوب حال سکونده : شیمدی حرکت ایده جک . بو ؛ یوروک ، عزیمت ایتک دیمک در ؛ شیمدی بولندینی یره مبرأ حرکت دینیلیر .

- ۱ — طوب یوریور . - طوب صاغدن صوله کیده جک .
- ۲ — طوب واردی . طوب طورور . - طوبک واصل اولدینی برفطه مواصلت در ؛ طوب ایشته مبدأ حرکتدن نقطه مواصلنه قدر بریول قطع ایدمی .
- ۳ — طوب کری ! - طوب طوغروجه اولکی یره کلیر .
- ۴ — طوب حلقه ! - طوب ماصه سطحنه یاقلاشدیریلهرق بر حرکت دوربه اجرا ایتدیریله جک . (مستوی افق داخننده)
- ۵ — طوب چرخ کی ! (مستوی شاقولی داخننده ، ایپ قیصه طوتیه رق)
- ۶ — طوب طوبایج کی ! (محوری اطرافنده) . - بونک ایچون چوجوق طوبی ماصه نك اوزرینه وضع ایده جک ، ایپ پارماقزیه بکه بک ، صکره ایک اوجندن طوتوب طوبی یرندن قالدیره جق .

- ۷ — یووارلا ! (ماصه اوزرنده) - چوجوق برألیله ایچی طوتهرق دیگرألیله طوبی خلیفجه یووارلايه جق .
- ۸ — صاللا ! - رقاص کبی ، آصمه صالنجاق کبی ، اوکدن آرقه یه ، صکره صاغدن صوله صاللايه جق .
- ۹ — طوب صجرا ، طوب آنلا ! - چوجوق طوبی ماصه اوزرینه وضع ایدهرک ایندن طوتار ، وخفیف رجنه لرله صارصار .
- ۱۰ — طوب دوش ! - طوب ماصه دن برآز یوقاری قالدیریلهرق ایچی براقیله جق . بوسلسله حرکات ایله اولکی سلسله ؛ یورومک ، وارمق ، کریله مک ، دور ایتمک کبی حرکتی متعلق باشلیجه مصادرك معناسنی افهام ایدر . ختام شرقیسی .



برنجی تعلیم

فعلك (عملك) فاعلی و متعلق (موضوعی)

شیمدی باشقه برسلسله حرکات ایله یکی برطاقم نسبتلر مشاهده ایتدیریله جک در . بوتعلیمده چوجونك ؛ آتیده کی فعللرده متعاقب (موضوع فعل) اولان طوب اوزرینه اجرا ایتدیکی عمل نظر اعتباره آلمش در .

- ۱ — طوبی قوی ! (ماصه نك اوزرینه)
- ۲ — طوبی باص ! (ال ایله ماصه یه باصیله جق)
- ۳ — طوبی طوت ! (قالدیرمه دن طوتیله جق)
- ۴ — طوبی کوتور ! (ال اوزرنده)
- ۵ — طوبی آص ! (ایندن طوتهرق)
- ۶ — طوبی قوشات ! (چوجوق طوبی ماصه نك اوزرینه قویار ، باش وشهادت پارمقرلیله بردائر تشکیل ایدهرک طوبی بودرت پارمفنگ آره سنه آلیر .)
- ۷ — طوبی أورت ! (برأله ، پارماقلری بوکهرک وطوبه طوقونیهرق)
- ۸ — طوبی صیق ! (پارمقرلر آره سنده)
- ۹ — طوبی ایت ! (طوب ماصه نك اوزرنده طورور . چوجوق برألی ایله ایندن طوتار ، دیگر الی ایله ده ایت .)
- ۱۰ — طوبی چك ! ایندن طوتوب چكه جك (کندیله طوغرو)

بو تعلیمی اولیه برصورتده یاپدرملی که چوجوق صرف ایتدیکی جهدوغیرتی حس ایدهرک برماده اوزرینه اجرای عمل ایتدیکنی ، بوفعلدن برتأثیر حاصل

اوله رق طوپك ده او تأثیره اویدیغنی آكلاسون . یعنی چوجوق مثلاً طوپی ایتدیکنی ، طوپك ده ایتدیکنی ادراك و تیقن ایتلی . ایشته بوسلسله مشاهدات؛ برفعلك فاعلی ایله اوزرلرینه اجرای عمل ایتدیکی ماده لر آره سنده کی بونستی حس ایتدرمکه معطوف در .

بوندن صکره ، طوپ ایله یاییلان اعماله مشابه بعضی اعمالك فاعل و متعلقلرینی صاید رملی : آت آرابه نی مکره ، چوجوق آچق ایچون قیوی اینره ، جاتی اوی اورره کبی ختام شرقیسی .



سکرنجی تعلیم

ایشانك اوصافی تدقیق

شیمدی طوپك اوصافی مشاهده ایتدرمك صورتیه علی الاطلاق ماده نك اك بارز اوصافی تتبع و مشاهده ایتدیره جکر .

۱ — یوشاقلق . — یوشاق ماده لر تعداد ایتدیریله جك : یوك ، پاموق ... کبی . صکره ضدلری ، یعنی قاتی ماده لر صایدیریله جق : دمیر ، طاش و سائره ...
۳ — لامسه به خوش كلك ، لامسه به هرت كلك . — لمسی (الله می) خوش و سرت (خشین) اولان شیلری صایدیریکز .

۳ — طوپ کری صیرار : طوپ آلاستیق (أسنك) در . — بونك ایچون چوجوق ؛ طوپی ایندن طوته رق ماصه نك اوزرینه دوشوره جك . آلاستیق ماده لر صایدیریله جق .

۴ — طوپ رقیق (کوره ك) دکل در ؛ یره دوشمکه قیرماز ، — ۳ نومرولی تجربه نی تکرار ایتدرملی ، بویه دوشمکه قیرلیان بر طاقم شیلر صایدرملی .
۵ — طوپك ماصه به چارمسی : بوچارمسه دن بر شمانه (سس) حاصل اولور . عینی شرائط داخلنده طوپ کبی آز ، چوق کورولتی یاپان ، سس چیقاران شیلر بولدرملی ، و صایدیرملی .

بوندن صکره ، چوجوقلرك ذهننی طوغرودن طوغروه کندی وسائط مشاهده لری اوزرینه توجیه ایتلی .

- ۶ — طوپك يووارلاق اولديغنى نصل آكلایورسكز ؟ — جواب : كوره رك و طوقونه رق ، باصمه و لامسه ایله (كوزله و آله)
- ۷ — رنكنی نصل فرق ایدييورسكز ؟ — ج : كوزله .
- ۸ — یومشاق و آله مسی خوش اولديغنى ... نه دن بیلورسكز ؟ — ج ...
- ۹ — طوب ماصه یه چارنجه بر سس چیقاردیغنى نصل بیلورسكز ؟ — ج ...
- ۱۰ — طوپك ، ساكن و یاخود متحرك اولديغنى نصل آكلایورسكز ؟ ...
- ختم شرقیسی .



طوقونجی تعلیم

ثقلت (آغراق)

شیمدی سسقوطی هیچ بر محذوری داعی اولمیان برواسطه ایله ، طوبله ، ماده نك اُك مهم اوصافندن بری اولان ثقلتی (آغراقی) مشاهده ایتدیره جكز . آغراق مفهومنی اییجه تعمیم ایتك ، یعنی بر چوق شیده کی آغراقی كوسترمك لازم در ، تاكه آغراق فیکری تمامیه حاصل اوله بیلسین .

۱ — چوجوقلر طوبی ماصه نك اوزونده معلقده کبی طوتارلر — ایی براقیرلر ، طوب دوشر .

۲ — طوب نه ایچون دوشیور ؟ اُلکرك ایچنده برطاش طوتسه كز ، صكره آووجكزی آچسه كز ، طاش دوشر . نه ایچون دوشر ؟ چونكه ثقیل در ، آغردر . اونی دوشورن ثقلت در ، آغراق در . — طوب راحت !

۳ — طوتلیان هر شی دوشیری ؟ - اوت . چوجوقلرك بالذات دوشدیكنی كورمش اولاجقلى : طاش ، تخته پارچه سی ، دالندن قوپش بر میوه ، باردق ، طباق . . . کبی شیلری صایدرمى . بو صوك ایکی شی دوشونجه نه اولور ؟

۴ — نتیجه . شیمدی بومشاهداتی نتیجه یه باغلاملى : ديمك كه هر شی ثقیل در ، اُك خفیف كوریلان شیلر بیله . - معده ؛ بونی اثبات ایچون اُلنه بر كاغد پارچه سی آله رق براقیر ، یره دوشورر . آغراق اولدقلرینه دلیل ایسته مك و حکم ایتدرمك شرطیله ، بر طاقم خفیف شیلرك اسملری سویلر .

۵ — بالناوبه ثقلنجه بری برینه ضد ، یعنی بر آغراق بر خفیف شیلر صایدرمى .

۶ — طوبی ایپندن قالدیر ! — طوبی یرندن قالدیرمق كوجمی ؟ — آغراق بر

طاشی بویه یزندن قالدیره بیلیرمیسکنز ؟ بویوک بر آدم قالدیره بیلیرمی ؟ . . . نیچون؟ دها قونلی درده اوندن . دیمک که بر شیئی قالدیرمق ایچون قوت لازم در .

۷ — برشی نه قدر آغر اولورسه اونی یزندن قالدیرمق ایچون ده اوقدر قوت لازم اولور. اُلکزدده کی طوب قورشوندن و یا خودده یزندن اولسه ایدی، بونی آصیلی کی طوتوق ایچون دها چوق قوت می لازم اوله جق ایدی ؟ — (مثلاً برایکنه کوستریله رک) یا بو ایکنه بی طوتوق ایچون؟ آرز قوت لازم در، چونکه (ایکنه) حقیف در .

۸ طوبی دوشور ! — طوب دوشرکن بر هرکت اجرا ایدیور. صاغهی، صولهی، یوقاری یهی، آشاغی یهی کیدیور؟ — دوشن برشی، برمانعه یه اوغرامازسه، بویه «طوغریجه آشاغی» کیدر .

۹ — سز طوبکزی ماصه کزک اوزرینه قونجه طوب قویدیفکنز برده طورییور؛ نیچون بنکی بزم یازی ماصه نك اوزرنده طورییور ؟ (معلمه ماصه سنک اوستی مائل در) — جسملر، سطح مائلر اوزرنده یووارلا نبرلر، قایارلر : یووارلانمق، قایمق ده دوشمک دیمک در ؛ بو حرکتکده سبی ده آغراق در .

بر شیئی دوشمکدن آلیقویق ایچون اونی یا باشقه بر شیئک اوزرینه قویملی — «طوبی صول اُلک اوستنه قوی!» و یا خود ایپندن آصیلی در. — «طوبی ایپندن آص!» ختام شرقیسی .



اړنځی تعلیم

خط واستامتلری


بو تعلیمده موضوع مشاهده ؛ طوپک ایپی در . تعلیمه ، طوبی ایپندن شاقول کی آصیلی طوتدرمقله باشلامق ؛ خطی واستقامت لرینی مشاهده ایبدرمک ایچون اُلک موافقی باشلانغج در .

۱ — صول اُل ایله طوبی طوت ! صاغ اُل ایله ایپی کر ! — بو وضعیتده ایپ بر خط ارائه ایدر ؛ ایپی کر سه کز خط مستقیم اولور .

۲ — اُلاری بر آر یا قلاشدر ! — ایپ ینه بر خط تشکیل ایدر ، منحنی (اکری) ؛ بوکا خط منحنی دیرلر .

۳ — طوبی ایپندن آص ! — ایشته شاقول . ایپ شاقولی بر خط مستقیم ارائه ایدیور . — دیوارلرده کی ، صیره لرده کی . . . شاقولی خطلری کوسترملی .

- ۴ — طوی صاغ آله آل ، شوبله کر (افق اوله رق کر دیربله جک) — ایپ افقی بر خط مستقیم ارائه ایدر — افق خطلر اوزرینه نظر دقن جلب ایتلی .
- ۵ — صاغ آل آشاغی ، صول آل یوقاری ! — ایپ صاغه طوغری مائل بر خط ارائه ایدر .
- ۶ — عکسی عملیه (صول آل آشاغی ، صاغ آل یوقاری !) — صوله طوغرومائل برخط* — درسخانه داخنده بولنان اشباهه کی منحنی خطلری کوسرتعملی . بوصول تعلیم ؛ تخته چوبوقلرله یاییله جق اشکال هندسیه ایچون بر مقدمه تشکیل ایدر .
- طوب اوپونلری مناسبتیه چوجوقلره یوک ، اییک ، ایپک ، کتن ، کنویر بویا قاتوجوق ... کی شیلر حقنده غایت مختصر بعضی معلومات ویرملی . ختام شرقیسی .



* مختصر اولق ایچون « صولدن صاغه طوغرو » ، « صاغدن صوله طوغرو » دینیه جک یرده « صاغه طوغرو » ، « صوله طوغرو » دینامش در .

کره، مکعب، اسطوانه

فروبهل ؛ ایکنجی هبه اسمیله معروف اولان بو کوچوک اشکال مجسمه مجموعه سنی ابداع ایتمکله ، چوجوقلری علی الاطلاق اشکالی تحلیل و مقایسه یه آلدیلمق ایسته میش در . بوجسملر شکلاً بسیط و منتظم اولمق اوزره انتخاب اولنمش در ؛ آره لرنده ، سهولته مقایسه یه خادم غایت صریح مشابهت لر و پک قطعی ضدیت لر وارد در . برده ، بوتعلیمدن مقصد یالکمز بعضی اشکال هندسیه یی اوکرتیمکدن عبارت دکل در ؛ اصل مقصد : مشاهده ایده جکی برشیه طوغرودن طوغرویه مناسبتده بولدی ریلان ذکانتک ، او شیئی مشاهده ایچون اجرا ایتدیکی عملیاته چوجوغنی آلدیلمق در .

بویالک تتبع ، پک کوزل تقدیر ایدیه جکی وجهله ، کیزلی و محدود قالمی ؛ وچوجوقلرک سننه متوافق اولمق ایچون او یون شکلنده ، ومع مافیّه بوتون جاذبه سی مشاهده ، معاینه هوسنی ، والحاصل صور مختلفه ده فعالیت احتیاجنی استیفا ایتمک حظندن عبارت جدی بر او یون شکلنده اولملی در .

ترتیبات متقدمه

بوهبه ده کی اوچ شکل مجسم : کره ، مکعب و اسطوانه ؛ ابعاد ثلاثه لری اعتباریله ریری برینه مساوی در ، یعنی کره نك قطری ؛ اسطوانه نك قطری ایله ارتفاعنه ، و مکعبک ضلع مجسمنه مساوی در . جسرلدن هر بری بر کوچوک چنکلی ایله مجهز در که بوجنکله بر تعلیق ایی کچیریلرک اییک ایکی اوجی برابر طوتیه جق در . اولا اسطوانه نك تعلیق ایی ایکی قاعده سنندن برینک مرکزیه تثبیت ایدلش اولان چنکله ، و مکعبک تعلیق ایی ده و جهلرندن برینک وسطنده کی چنکله کچیریلرک در . بو اوچ شکل مجسمه سورمه قاپاقلی تخته بر قوطوده محفوظ در . هر چوجو غک آئنده بویله بر قوطو اولملی در .



برنجی سلسله

ایلك تعلیم

کره

اگر قوطولر ، احتیاطه رعایت ایدلمه رک ، ایلك درسك بدایتند توزیع ایدله جك اولورسه چوجوقلرک ضبطی مشکل بر مراق ایله کوستره جکلری تهالک ؛ انتظامسزلی ایجاب ایده بیلیر . بوندن باشقه ، چوجوقلرک دقی اوج شکله بردن معطوف اوله جفی ایچون ، اوله تدقیق وتتبع ایتدیریه جك شکل اوزرنده نظر دقتلرینی تثبیت اتمک ممکن اولاماز. اوفاق بر مهارتله بو مشکلی برطرف ایتلی در .

معلمه ؛ قوطولری توزیع ایتدن اول کندی قوطوسنی آچار ، وحاوی اولدینی اشکال مجسمه بی ، اییجه کورونه جك وجهله ، ماصه نك اوستنه قویار. هر شکل مجسمی ایندن طوتوب آیری آیری کوسترر. واصل تتبع ؛ توزیعدن صکره باشلایه جفندن ، یالکز چوجوقلرک بوشکلری بری برندن صریحاً آیره بیلملرینه مدار اوله جق قیصه بر تعریف ایله اکتفا ایدر . کره ، مکعب ، اسطوانه دییه اسملرینی اوکره تیر . پارماغیله اوچنده آیری آیری اشارت ایدره رک ، اسملرینی تکرار ایتدیرر . چوجوقلرک مراق وحیری ایشته بوسورتله تسکین ایدلکدن صکره قوطولربلا محذور توزیع اولنه بیلیر. (قوطولرک توزیعنده طویلک توزیعنده کی اصوله رعایت ایدله جك در .)

چوجوقلر ، اشارت ویرلندن اول ، قوطولری آچه ماملی در .
« قوطولی قارشیکه قوی ! - صول آل ایله طوت ، صاغل ایله قاباغنی آچ ! - قاباغی ماصه نك اوستنه قوی ! »

معلمه امر ویردجه کندیده ویردیکی امره عائد حرکتلری اجرا ایدر.
« کره بی قوطودن چیقار ! - ایندن طوت ! »

چوجوقلرک یا کیلوب یا گکادقلرینه ، یعنی کره یرینه مثلا اسطوانه بی آلوب آمدقلرینه باقیلیر ، یا کیلان وارسه اخطار ایدیلیر .

« کره‌بی ماصه‌نک اوستنه قوی ! - قوطونی قابا-کره‌بی قوطونک اورزینه‌موی ! -
اصیلی طوت ! »

شیمدی کره‌بی برنجی هدیه‌نک طوطی ایله مقایسه ایتدرملی . چوجوق ،
بوصورتله ایلك دفعه اوله‌رق ، تحت مشاهده‌سنده بولنان بر جسم ایله کوزینک
اوکنده اولمان ویا لکیز فکری خاطر دسنده مرتسم بولنان بر جسم آره‌سنده
برموازات تأسیس ایده‌جک دیمک در .

وجه مشابهت : شکل ؛ وجه مغایرت : ماده . کوردیککن کره تخته‌دن یاپیش ؛
سطحی ده‌ا دوز ، طوپه نسبتله ده‌ا سرت . کره ایله ماصه‌اوزینه خفیف برضرهه ؛
بوصدمه‌دن ، طوپه نسبتله ده‌ا چوق سس حاصل اولدیغنه دقت ایتدیریلیر . فقط مقایسه
ایدیلان ایکی شیئک (کره ایله طوپک) شکلی بردر ؛ ایکیسی ده کره در .

بومشاهدلر ؛ حین مشاهده‌ده ظهور ایده‌جک احواله کوره ویریه‌جک
تفصیلات ایله برابر تماماً اجرا ایدل‌کدن صکرده ، اولجه طوپله یاپیش اولان
بعضی حرکتلری ، (۳ ، ۴ ، ۵ ، ۶ نومرولی تعلیملری) کره ایله تکرار ایتدرملی .
صکرده مصله‌نک اخطار و دعوتی اوزرینه چوجوقلر کره‌بی قوطونک
ایچنه قویوب و قپاغنی قاپیوب ، طوپ اویوننده اولدیغی کبی ، قوطونی آلدن
آله ، ماصه باشنه ایصال ایتلی .
شرقی .



ابکنجی تعلیم

مکعب

برنجی تعلیمده اشکال مجسمه‌نک اُک بسیطی اولمق جهتیله ابتدا کوسترملی
لازم کلان کره برتویه اولان سطحیله تدقیق و تحلیلله مساعد پک آز اوصافه
مالک در . مکعب بذیه منتظمه‌سنده ایسه تحلیل و مشاهده ایدیله‌جک متعدد
و مختلف عنصرلر واردر . بناءً علیه بو تعلیمده مکعب تتبع ایتدیریه‌جک ،
و کره‌ده ؛ آره‌لرنده‌کی ضدیت حسبیه مکعبک خاصه‌لری واضحاً تظاهر ایتک
ایچون ، مدار مقایسه کبی استعمال ایدیله‌جک در .
« مکعبی قوطودن چیقار ! »

معلمه ده كندى قو طوسندن مكعبى چيقارر، ايندن آصيلي طوتار. چوجوقلر ده
او كا امتال ايدرلر. طلبه نك جسمى بولمقده اصابت ايدوب ايتدكاري تحقيق اولنور.
« مكعبى ماصه نك اوزرينه قوى ! - كره يي قو طودن چيقار ! - قو طوي قاپا ! -
مكعبى ، كره يي يان يان قو طونك اوزرينه قوى ! »
چوجوقلر بو صورتله شكللر آره سنده كي فرقى ، مغايرتي عيانا كورورلر .
« مكعبى آلر ينك ايچنه آل ! ، شكلنه باق ! »

شيمدى ومه (يوز) نه ديمك اولديغنى آكلاتلى ، مكعبك وجهلر يني
صايدرملی . صكره ، مشاهدندن حاصل اولان مفهوم ؛ بحمل بر افاده ايله خاطره لره
برلشمك لازم اولديغندن ، هپسهنه بردن شو تعبيرى تكرار ايتدرملى :
« مكعبك آلتى وجهى (يوزى) وردر . »

چوجوقلر ده وجهلردن برينى پارماقلىله معايينه ايتدرملى ؛ مستقيم ، مسطح
اولديغنى حس ايدرلر . بوتجربه يي ديكر وجهلر اوزرنده ده تكرار ايتدرملى ؛
كورورلر كه وجهلر ك هپسى مسطح در ، دوزدر . اووقت تعبير مخصوصنى
سويله مى :

« مكعبك وجهلرى مستوى در - ديملى ، واصل اولان مفهومه ده ازياده صراحت
وهرمك ايچون :- ماصه نك اوستى كي ، قو طونك وجهلرى كي . . . ديهه رك مقاييسه لر ايتدرملى . »
« مكعبى ماصه نك اوزرينه قوى ! » مكعبك هر هانكي بر وجهى ماصه نك اوستنه تماماً
استناد ايده جيكي (طيانه جنى) ايچون قونديغى كي طرورور: بونى كوستره رك چوجوقلر ده
مكعب مستقر ، (طرر يچى) در ديملى .

« كره يي ماصه نك اوزرينه قوى ! » - كوريبورسكز كه يو وارلانيور ، چونكه
ماصه نك پك آز بريرينه تماس ايديبور ، ايله ايسه كره : مستقر دكل در ، (اوبناق) در .
چوجوقلر ده بومشاهده سايه سنده منحنى سطح ايله مستوى سطحك طبيعت
فارقهلر يني حس ايتدردكدن صكره ، منحنى ، مدوركه سنك معناسنى ؛ تقضى اولان
مستقيم ، مسطح كله سيله تقابل ايتديره رك ايجه آكلاتلى . بومفهومدرى افاده
ايدن تعبيرات آنيه يي تكرار ايتدرملى :

« مكعبك وجهلرى مستوى در .
« كره نك سطحى منحنى در . »

چو جوقلره درسخانه ایچینده بولنان اشیان سطحی مستوی، و بالعکس منحنی اولانلری صایدرملی .

طوب او یوننده کوستریلان حرکتلردن بعضیلری مکعب ایله ده اجرا ایتدیریلرک تعلیمه نهایت ویریله بیلیر .
قو طولر طاغیدلینی کبی اعاده ایدیلیر .
ختم شرقیسی .

اورنجی تعلیم

ضلع مجسملر و زاویه لر

قو طولون یالکیز مکعب چقار بیلیر .

بو تعلیمده ضلع مجسملر، یعنی مکعبک وجهلرینی تحدید ایدن و بو وجهلرک تقاطعندن حاصل اولان خطلر تدقیق ایتدیریلرک . . .

« مکعبی الکره آلیکیز . وجهلرندن برینی کندیکیزه طوغر و چوریکیز . پارماغیزی بو وجهک اطرافنده طولاشدیریکیز . معلمه بو جهله لری تلفظ ایتدیکی صیره ده امر ایتدیکی حرکتلری کندیدی ده یابار . - بر آذرباسار کبی طوقونیورم : پارماغمک آلتنده کسکین برشی طویورم - اطرافنی ؛ درت دفعه ده دور ایدیورم : ۱ ، ۲ ، ۳ ، ۴ . بو صورته

مکعبک محیطنی تعقیب ایتش اولیورم . هر کسکین کناره ضلع مجسم دینیلیر .

« مکعبک قاپ ضلع مجسمی اولدینی صایه م ؛ اوست طرفده : ۱ ، ۲ ، ۳ ، ۴ ؛ آلت

طرفده : ۱ ، ۲ ، ۳ ، ۴ ؛ یانلرده : ۱ ، ۲ ، ۳ ، ۴ . مجموعی اون ایکی .

« مکعبک اون ایکی ضلع مجسمی واردر . »

« کره نك ضلع مجسملری وارمی در ؟ » - حایر .

شمدی چو جوقلرک پارماغنی، سیوریلکی طویوره جق وجهله ، زاویه لردن

برینک اوزرینه قویدرملی ؛ بو سیوریلکله نهایت بولان یره مکعبک زاویه سی ،

زاویه مجسمه سی دیرلر ، دیملی .

مکعبک سکز زاویه سنی بولدرملی، اوندن صکره آتیده کی عبارده لری تکرار

ایتدرملی :

« مکعبک سکز زاویه سی واردر . »

« کره‌نك زاویه‌لری واری ؟ » - حایر .

« مكعبی، ضلع مجسملرندن بری اوزرنده طوردرمه چالیشیكنز. طوره‌میور، دكلی؟ دیمك كه مكعب ضلع مجسمی اوزرنده مستقر، ثابت كل در. سیوری كوشه‌لرندن (زاویه مجسمه رأسلرندن) بری اوزرنده طوردرمه چالیشیكنز. ینه طوره‌میور، دكلی؟ - اويله ایسه بو وضعیتده مستقر دكل در. مكعب یالكنز و جهلرندن بری اوزرنده یاطیرلرینی، قوللرینی زمان مستقردر، ثابت در. »

سواللری تکرار ایتلی :

« مكعبك قاچ وجهی (یوزی) واردر ؟ .. قاچ ضلعی واردر ؟ قاچ زاویه‌سی واردر ؟

قوطولرك اعاده حرکتی .

شرقی .

دردنجی تعلیم

اسطوانه

اسطوانه؟ مكعب ایله بالمقایسه تتبع ایتدیریله جك در . بناءً علیه ایکیسینده قوطودن چیقارتلی . چوجوقلره آولا بوايکی شی آره‌سینده کی وجه مشابته آراتلی . بونك ایچون اونلره تبعلرنده معاونت ایتلی : ایکی نهایت اوجلرده کی مستوی سطحلری کوسترملی . اسطوانه‌نك محیطی (چوره‌سنی) تشکیل ایدن سطح منحنی‌نی مشاهده ایتدرملی .

« اسطوانه‌نك ، کره‌کی، منحنی برسطحی واردر ؛ فقط بوسطح کره‌نك سطحنه مشابه دكل در. »

« اسطوانه‌نك مستوی سطحلرندن برینه دقتله باقیكنز - محیطی یووارلاق ر، دائرة وی در. پارماغیزی بوسطحك چوره‌سینده دور ایتدیره جك اولورسه كز كسکین برکنار طویارسكز، یالكنز زاویه یوق. بارماقلر كز برحرکنده اسطوانه‌نك اطرافنی طولاشه بیلیر، مكعب کبی درت حرکت لزوج یوق، دكلی ؟ (مكعب اوزرنده اولجه پایلان مشاهده‌نی تکرار ایتدرملی .)

اسطوانه و جهنك محیطنه ضلع مجسم اطلاق ایدلمدیکنی سویله‌ملی .

« اسطوانه‌نك ضلع مجسمی یوق در. اسطوانه‌نك زاویه‌سی یوق در. اسطوانه‌نی، ماده‌نك


اوزرینه « قاناً » قویکیز . مستوی سطحلرینک بری اوزرنده قوندینی کبی طورور ؛
ایچه اوطورور ؛ مستقردر .

« یانلامه سنه قویکیز . سطح منحنیسی اوزرینه یاتیرمش اولورسکیز : یووارلانیز ،
ثابت طورورماز .

« کنار ی اوزرینه ده قویکیز (یعنی مائل بر وضعیت ویریکیز) باقهلم . ینه طورمیور ،
دوشیور . دکلکی ؛ »

شمدی تکرار ایتدرملی : اسطوانه نك ایکی اوجنده ایکی مستوی وجهی
واردر ؛ بووجهلرک چورده سی مدوردردر ، (یووارلاقدر) . اسطوانه دائرأ مادار
برسطح منحنی ایله محاطدر . ضلع مجسملری یوقدر ؛ زاویه لری یوقدر .

بوندن دوکرده برجناسیتیق ممارسه سی مقامنه قائم اولمق اوزره ، اسطوانه ایله
طوب اوبونلی حرکتلرندن بعضی حرکتلر یاپدرملی .
شرقی .



بشجی تعلیم

اوج شکل مجسمک مقایسه سی

اوج شکل مجسم ، اسطوانه اورتده اولمق اوزره ، ماصه نك اوزرینه قونیه جق .
آره لرنده اولجه تبین ایتدیرلمش اولان مشابیهت ومغایرتلر بولدیریله جق .

« اسطوانه نك مکعبه بکیزر ایکی مستوی وجهی (یوزی) ، - کره یه بکیزر بر منحنی
وجهی (یوزی) وار . کره کبی یووارلانیز ، مکعب کبی ده مستقردر ... الخ ،) »

صکره ، جوهرلرینه نقل کلام ایله ، شکلا بری برینه مغایر اولان بو اوج
جسمک بر ماده دن ، تختهدن معمول اولدیغنه دقت ایتدرملی .

چو جوق بوصورتله ایکیدن زیاده شیلری بردن ملاحظه ومقایسه یه آیشیر .
چو جوقلره ، شمیدین ، حال حرکتده بولنان بر جسمک حرکتلرندن
حاصل اولان بر تأثیر غریب دخی مشاهده ایتدیریله بیایر : آنجق بو مشاهده
اوزرنده تفصیلاته کیریشمه مک ، ودها زیاده ایضاحات اعطاسنی آتی یه تعلیق ایتمک
لازمدر . بوراده شو تمریندن قصد اولنان غایه ؛ حدت نظری (سرعت نظری) ،
ممارسه لندره کدن عبارتدر .

« کره‌ی ایندن طوتوب قالدیریکنز ؛ سرعتله طوپاچ کبی دوندیریکنز. کره بویه تبدیل مکان ایتیه‌رک دوندیکی زمان ، کنری اوزرنمه (محوری اطرافنده) دونیور ، دینلیر . »

چوجوقلر برأللرینه کره‌ی آله‌رق دیکر أللریله چفته تعلیق ایپنی بوکرلر . صکره کره‌ی معلقده دوندورلر .

کره بویه کندی اوزرنده (محوری اوزرنده) دوندیکی زمان؛ ساکن ایکن نصل کورونیورسه ینه اویله کورندیکنه دقت ایتدرملی .

« کره‌ی برینه قوییکنز . شیمدی اسطوانه‌ی کندی اوزرنده (محوری اوزرنده) دوندیرمه . »

تعلیق ایچی قاعده‌لردن برینک مرکزنده‌کی چنکله کچمش اولدیغی ایچون ، اسطوانه‌ده‌بو تعلیق نقطه‌سنه کوره محوری اطرافنده دوزکن منظره‌سنی دکشدرمز . طلبه‌ی بوکاده دقت ایتدرملی .

« شمدی مکعبی ده سریعاً کندی اوزرنده دوندیرمه . »
چوجوقلر اسطوانه‌ی براقوب مکعبی آلمی ، ودیکرلری کبی دوندیرملی .
مکعب دوزکن ، شکلی صراحتاً سچیله مدیکنه ، ضلع مجسملریله زاویه‌لرینک عادتاً سیلندیکنه ، بری برینه قاریشدیغنه ، وسطده بر اسطوانه کورونور کبی اولدیغنه دقت ایتدرملی . (خاطرده‌درکه مکعبک تعلیق ایچی ، وجهلرندن برینک مرکزنده‌کی چنکله کچیرلمش اولاجق ایدی [۱] .)

« شیمدی باشقه براویون پایه‌جفز ؛ اسطوانه‌ی آلیکز ، ایچی قاعده‌سنده‌کی چنکلدن چیقاریکنز ، منحنی سطحنده‌کی (یوزنده‌کی) چنکله کچیریکنز ؛ ایچی بویکیکنز ؛ ینه اسطوانه‌ی دوندیرمه . »

اسطوانه بووضعیتده معلق اوله‌رق سرعتله دوزکن ، « وسط » ده بر کره کورونور کبی اولور [۲] .

[۱] مکعب بووضعیتده دوزکن ، ضلع مجسملری خارجی ، شفاف و آز فرق اولنه بیلیر براسطوانه تولید ایدر ؛ بوندن باشقه ، عینی تأثیر حرکی ایله وسطده‌ده وجهلرک فصل مشترکندن متولد کثیف براسطوانه منظور اولور . ایشته تمیز و تفریق ده قولا‌ی اولان بو وسطی اسطوانه‌درکه چوجوقلرک کوره‌یله‌جکی اسطوانه‌ده بؤدر .

[۲] اسطوانه ، بومحور اوزرنده دوزکن ، محیط منظرینک وضعیت متوالیه‌سیله ،

اسطوانه کبی مکعبی ده ، یا ضلع مجسم لرندن برینک اورتہ سندن ویاخود زاویہ مجسمہ لرینک برندن معلق اولدیغنه کوره دوندر درک مشاهده ایتدیره بیلیر ، وتظاهر ایدہ جک شکلی تعینہ چوجوقلری تشویق ایدرسکز (حرکتدن حاصل اولان جسم دورانی) . فقط بوشکل مغلق در ، قاریشیق در ، بناء علیہ تحلیله واسمنی سویله مکہ قالقشمه ملی در .

« ایلری چیتاریکز ؛ قوطوبه قوییکز . شیمدی برشی بنا ایدہلم »
ایلك تجربه اولق اوزره :

۱ — اسطوانه مکعبک اوزرینه : بوضعیتده اسطوانه ده ، مکعب ده مستقر در ؛

۲ — مکعب اسطوانه نك اوزرینه ؛

۳ — کره مکعب اوزرینه ؛

۴ — کره اسطوانه اوزرینه ؛

وضع ایتدیریلیر . واقعا کره یو وارلانی ، فقط جزئی برمهاریله ثابت طور دیر یله بیلیر .

« مکعبی کره نك اوزرینه قویغه چالیشہلم — طور میور ، طور دیر یله من ، دکلی ؟ — یا اسطوانه ؟ اوده طور من ، طور دیر یله من . »


« شیمدی مکعبی آلتہ ، اسطوانه فی مکعبک اوزرینه ، کره بی ده اسطوانه نك اوزرینه تام « وسطه » قویہلم . »

بوصورتله وجوده کلان بنالرك (که بونلره حدود طاشی ، آیاقلی کره مصنعه کبی ناملر ویر یله بیلیر .) احضار ایتدیکی فرصتدن استفاده یله چوجوقلره اولرك ، دیوارلرك یان یانه قونولمش بری برینه اوبیرلس ، برکینلر ، برچوق یاریمه دن مرکب اولدیغنی آکلاتلی .

بویارچه لره برشیدک اجزاسی دینلیر . برطاقم اجزانك اجتماعدن حاصل اولان برشی : بر کل در . کل ، جزؤلر لردن ترکب ایدر . جزؤلردن بر کل تشکیل ایتکه انشا ایتک ، ترکیب ایتک (یا بق ، قورمق) ؛ برکلی ترکیب ایدن جزؤلری اولکلدن آیرمغه ییقمور ، بوزمور تعیر اولنور .

شکلی بر آز قاریشقی ، شفاف وهان غیر مرئی بر جسم تولد ایدر ؛ مع مافیہ بوندن باشقه ، مرکزده منحنی سطح وضعیتلرینک فصل مشترکندن متولد کشیف ، صریخ وتمیز وتفریق قولای کرکه منظره سی ده ا پیدا اولورکه ایشته چوجوقلر بونی کورور .

« انشا ايتديككز بنایي ييقيكز ، بوزيكز ؛ اجزاسنی قوطوبه قوبيكز . »
قوطولر اعاده ايديله جك .
شرقی .



ايكنجی سلسله

برنجی تعلیم

مكعبك وجهلری

ايكنجی هبه يله ياييله جق برنجی تعلیمات سلسله سه بوراده نهایت ویریورز .
بو ايكنجی سلسله منحصرأ مكعبك وجهلری تبتعه مخصوص در . ذاتأ چو جوقلر
اغبر بركه و تخمیر بروه ایشلریله خط ، زاویه ، مربع ... الخ معهوملری اؤكره نتیجه ،
بومفهوملرله مجسمات اوزرنده تطبیقات و تتبعات یادر مقایچون یکی بر درس سلسله سی
ترتیب ایتك ایجاب ایدر . شوده واركه اوجنجی هبه ايله اجرا ایديله جك تعلیملر
كاملاً شكل مكعینك خواصی اوزرینه مبنی اولدیغدن ، اولعیملره باشلامه دن
اول مكعبك تحلیل شكلیسنی اكال و اتمام ایتك ضروری در .
مكعب ، ایندن مجرد اوله رق ، قوطودن چیقاریلیر ، و ماصه نك اوزرینه
وضع ایدیلیر .

« مكعبك قاچ وجهی واردر ؟ — وجهلرندن یالکز برنی معاینه ایدم . — بو وجهك
شكلی نه در ؟ — بر مربع . — بومربعك سطحی کوستریكز ؛ محیطی ، (چوره سنی)
کوستریكز . — بومربع وجهك محیطی تشکیل ایدن نه در ؟ »
چو جوقلر مكعبك « کنار » لری و یا خود « ضلع » لری « دیرلر . سطحلرك
چوره لری خطلردن مرکب اولدیغنی خاطرلره کتیره رك ، (بؤكه ایشلری تمرین ۳)
مكعبك ضلع محسملری ده برر خط کی تلقی ایتدر ملی . ایشه بودرسك روحی ،
نقطه اساسیه سی بودر .

« بو خاطر مستقیم می ، منحنی می ؟ مربعك قاچ ضلعی واردر ؟ مكعبك وجهنك
ضلعلری کوستریكز . — بو خاطر بری برینه مساوی می ؟ بومربعك زاویه لری کوستریكز ،

باقیم ؟ قاچ زاویه سی وار ؟ بوزاویه لر بری برینه مساوی می ؟ حادثه می ، منفرد می ؟ -
بوزاویه لر ؟ زاویه قائمه در . - باقلم طوغرومی ، حقیقه قائمه می ؟ تدقیق ایدم .
ماصله لرك اوزرنده کی تقسیمات خطلری آره سنده متشکل زاویه لرك ؟ قائمه
اولدیغنی خاطرلره کتیره لرك ، مکعبك زاویه وجهیه لرندن برینی بو تقسیمات
زاویه لرندن بری اوزرینه تطبیق ایتدرملی .

« مربعك زاویه سی ؟ شو ماصه اوزرنده مرسوم زاویه قائمه تمامیه انطباق
ایدیورمی ؟ (پایشیورمی ؟) - اوت . اوילה ایسه بوده برزاویه قائمه .
« شیمدی ، بری برینی متعاقباً ، مکعبك وجهلرینه باقیکنز . هپسی مربع می ؟ هپسی
بری برینه مساوی کپی کوریورسکر ؟ »
بو مساوات هنوز چوجوقلره تدقیق ایتدیریه مز ، یالکنز کوزك تصدیق
وشهادتیه اکتفا ایتلی .

« اوت ، چوجوقلرم ، هپسی بری برینه مساوی در . وشو در وجهی ... - قاچ
دانه باقلم ؟ - آلتی - اوت ، آلتی وجهی اولدیغنی ایچون :
« مکعبك بری برینه مساوی آلتی مربع دن مرکب آلتی وجهی واردر ، دییه جکز . »
بودرس غایت مهم در ؟ فقط برآز محرد اولدیغنی وپك زیاده دفته احتیاج
کوستردیکی ایچون ، درسی قیصه کسملی ، اوزاتاملی در . چوجوقلرك ذهننی
هنوز تماماً ادراك ایدمه جکلری بر شیه یورمقدن ، مراق و تتبع حسلرینی
قیرمقدنسه ، بر مدت صکره ینه بو تجربه یی تکرار ایتک اولادر . بو درسی
ایکی یه بولمك ، بر وجهی معاینه ایتدردکن صکره تدقیقات متابعیه یی ایکنجی
بر درسه برامقده جائزدر . تعلیمه اکنجه لی بر تمرین ، ومناسب بر شرقی
ایله نهایت ویرملی .



ابکنجی تعلیم

مکعبك ضلعلری

بوایکنجی درس ، اولکنک مابعدی کپی در . بونده ده خطلر ضلعلر ایله
اشتغال ایدیله جك . بودرسده مهم اولان نقطه ، چوجوغه اصل حقیقی خط :
ضلع مجسم (سطحلر فصل مشترکلری) اولدیغنی ، تختیه ، کاغده چیزیلن

خطك ، كركين تعلیق ایپك ، كوچوك نخته چوبوغك ارأه ایتدیكى خطلر ؛ بو خط حقیقینك برر تمالندن عبارت بولندیغنی آكلاتمق در .

« مكعبك ضلع مجسمه لرینی كوستریكیز . قاچ ضامی وار ؟ - مكعبك بونون ضالمیری بری برینه مساوی بی ؟ ایجه باقیكیز . - هبسی بری برینه مساوی در ، چونكه هبسی بری برینه مساوی مریعلرك ضالمیری در . »

معلمه ؛ وجهلردن برینك متقابل ایکی ضلعنی كوسترورك ، بوايکی ضلعك بری برینه موازی ایکی خط اولدیغنی آكلاته جق در . صكره دیگر ایکی ضلعی ارأه ایدرك :

« یا اوتنه کی ایکی ضلع ... - اولرده بری برینه موازی در . طبق . چوبوقلرله بابیلان مریعلك ایکی ضامی کی . . چونكه مكعبك وجهی ده مریعل در ، دكلی ؟ » .

بوندن صكره ، برزاویه اوزرنده برلهشن ایکی ضلع مجسمك بری برینه عمود ایکی خط اولدیغنی ، چونكه اوایکی ضلعك مریعلك زاویه قائمه سنی تشکیل ایتدیكنی مشاهده ایتدرملی .

مكعبی قوطونك اوزرینه قویدیرهق ، ضلع مجسملردن دردینك شاقول استقامتمده درت خط مستقیم اولدیغنی طائمی ؛ شاقول وضعیتده تعلیق ایدیلان طوی خاطرله کتیرملی ... الخ .

« شمعی بكا بر ضلع مجسم كوستریكیزكه افق استقامتمده بر خط ارأه ایتسین . قاچ ضلع افقی كوریورسكیز ؟ »

چوجوقلر بالطبع مكعبك سطح فوقانیسند کی درت ضامی كوستررلر . اوزمان ماصهك یوزینه تماس ایدن وجهك درت ضامی ده افقی اولدیغنی بولدرتملی . دیمك كه بواسطه قائمده سكز ضلع مجسم واردر ، دیملی . وچوجوقلرله افقی و شاقولی مسنداتنك مكعبك طبیعت اساسیه سندن متولد اولیوب ، اوکا ویریلان وضعیتدن منبعث بولندیغنی حس ایتدرمك ایچون ، مكعبی ضلع مجسملردن بری اوزرنده چویرهرك اوایکی وجهه مجاور دیگر بر وجهی اوزرینه اوطورتملی . اولکی وضعیتده شاقولی اولان درت ضلع مجسمك شمعی افقی ، وافقی اولان درت ضلعك ده شاقولی اولدیغنی مشاهده ایتدرملی . هانکیلرینك شاقولی و هانکیلرینك افقی اولدیغنی آیری آیری تعیین ایتدرمكه لزوم یوقدر ؛ طلبهك یالكیز بر ایکی

ضلع اوزرنده کی تحول وضعیتی کورمسی کافی در. صکره شو سوائی ایرادایتلی:
 « پک آئی ! عجا شو برقمسی شاقولی، برقمسی افق اولان ضلع مجسملرک هپسنى،
 برحرکتله، مائل باه بیلیرمیسکز ؟ »

چوجوقلر ضلع مجسملرک هپسنى مائل قیله جق بروضعیت آرامغه باشلارلر.
 بوانئاده سزده اولنره یاردیم ایدرسکز. مکعبی ضلع مجسملرندن برى اوزرینه
 قویدیرسه کز، سکزی مائل اولور، فقط دزدی ینه افق قالیر. صکره :
 « هپسنى مائل اولق ایچون، بن بر یول بولم ! ایشته باقیکز ! »
 دیه رک، مکعبی زاویه مجسملرندن برى اوزرنده طور دیرر، و مقابل
 زاویه ده پارماغکزله خفیفجه باصارسکز؛ چوجوقلرده سزه امتثال ایده رک
 مکعبی او وضعیته طوتارلر، وضلعلرک کاملاً مائل اولدیغنى کورورلر.
 چوجوقلر بوتدقیقات ایچون صرف ایده جکلری قوتله یوریه جقلرندن،
 یورغونلقلرینی کیدرمک ایچون بعضی حرکت ممارسلری یاپدرملی.
 شرقی.



اوزمجبى نعلیم

دائرة

مکعبک ضلعلرنده کی خط مستقیمى کورن چوجوقلر؛ اسطوانه قاعده سنک
 محیطنده کی خط منحنی نی کوره کده کوجلک چکمز لر.
 اسطوانه قوطودن چیقاریلیر. تماماً مدور بر محیط ایله محدود اولان بر
 سطح مستوی یه دائرہ تسمیه ایدلیکینی اوکرملی. دائرنک محیطی، چوره سنى
 تشکیل ایدن خط منحنی یه محیط دائرہ اطلاق ایدلیکینی سویله ملی.
 کورونشه کوره حکم ایتدرمک، یعنی اثبات ایتدرمکه قالفشماق صورتیله،
 اسطوانه نك ایکی مستوی وجهنکده برى برینه مساوی ایکی دائره اولدیغنى
 مشاهده ایتدرملی.
 بومفهومی تعمیم ایچون طانیدقلری اشیا آره سنده دائره شکلنده اولانلری

(اونلق يكرمليك... کي شيلر) بولديره رق، بواشياده کي دأره يي، حقيق ويا خود خيالي سطح مستوي يي، محيط دائره دن، يعنى دائره يي تحديد ايدن خط منحنيدن تميز ايتدرملي

« — (ألكزى سطح مستوي ارزنده كزديره رك) : ايسته بوكا دائره ؛ — (پارماغنزه دائره نك چوره سنى تعقيب ايده رك) بوكاده ، دائره يي چپ چوره چويرن شو چيز كي به ده محيط دائره ديرلر ، ديملي . »

« اسطوانه سطحلرندن اوزرنده چنكل اولان سطحه باقكز . چنكل بو سطحك نره سنده در ؟ — دائره نك اورته سنده . — دائره نك اورته سنده مركز ديرلر . اويله ايسه : چنكل دائره نك مركزنده در ديه جكز . شمدى اسطوانه يي چويريكز : ديكر دائره نك مركز يي كوستريكز ، باقيم . »

بومفهومي ، بعضى سؤاللر ايراد ايده رك ، تعميم ايتدرملي .

« كيم دائره شكلنده برطاقم شيلر صايه بيلير ؟ — يوارلاق ماصه نك اوستى ، آراهه تكلركي ... الخ — تكلركك مركزي نره ده در ؟ — آراهه يوروركن ، تكلركك طوپراغه ده كن قسمي هانكي قسمي در ؟ »

بوادمانلره نشئه وشطارت ويرمكه غيرت ايتملي .

شرقى .

ايكنجى هبه ايله ياپيله جق تعليملر بوراده ختام بوليور . بو هبه يه داخل اولان جسملر بالاخره اشكال هندسيه يي دها واسع بر صورتده تعليم ايچون استعمال ايديله جك در .



مكعبلر

(سكرت مكعب آبىر بىر بر مكعب)

اوجى هبه

اوجى هبه تعليملىرىنىڭ باشلىغىچە موضوعى انشاآت در، يعنى ايكنجى هبه يە
عائد برنجى سلسلەء تعليماتى اكل ايدر كن سويلەديكمز كى جزؤلردن بر كل
وجودە كتىرمك در. بوايشلردە شو كوچوك مكعبلر مائزە خدمتى ايفا ايدە جك.
چو جوق بومكعبلىرى منظر ترتيبلى كومه لر تشكيل ايتك اوزرە بر آره هبه
اتمكى اوكرەنە جك؛ كوزلى بوتربيلر كنظامى حقندە بر حكم وىر مكا آليشە جق؛
سكرە طائيدىغى، بيلدىكى بعضى اشياى، اواشياسنى آزچوق نخطر ايتدیرە جك
اشكال وجودە كتىرمكدن، بر ذوق، بر حظ، بر سماد طويمغە باشلايه جق،
واشكاك مولداتى، عناصرى، محررر ايله ظرفى، يعنى اصل كل ترك چاتىسى
قوران، وخطوط فرعيە باغ تشكيل ايدن هندسى آنا خطلىرى كورمكە مقدر
بر حالە كلە جك در. چو جوق بو صورتلە وجودە كتىردىكى تركيبلرە، اوتركيبلرى
كنديسنە در خاطر ايتدیرن شكلرە نسبتلە دها واضح، دها معين فكرلر ربط
ايدر، يعنى شكللىرى در خاطر ايدوبدە بر نمونه سنى تركيب ايتدىكى شيلرى بو
تركيبات سايه سنده دها واضح بر صورتدە آكلار. بوندن باشقە، بوفرستدن
استفادە ايله انشاآتدە استقرارى، مئتنى تأمين ايدن شرائطى دها مشاعدە ايدر.
چو جوق، وجودە كتىردىكى تركيبلرى، معلمە نك دلالتلە، بر شكلدن
ديكر شكلە افراغ ايدر كن مساعى صناعيە نك غايە سى تحرير اولديغى اوكرەنير.
دنياهە كاشى؛ يالكنز استهلاك ايچون اولديغى، چالشمق واستحصال ايتمكە دها
مكلف بولنديغى، ايلرودە مستحصل و محول اولق، ويالكنز كوروجى وباقيجى
دكل، شكلر و آهنگار يارادىجى بر مستحصل و محول اولق ايچون شمديدن
حاضر لائىسى لازم كلە جكنى حس ايدر.

اصول حدسیده کی فکر اساسی به بحق رعایت ایتک وتأمین ایندیکي منافعدن
 تامیله مستفید اولقی آرزو وایدیلیرسه ؛ چوجوغه، وجوده کتیردیکي انشآت
 مناسبتیه ، او انشاآلتک تمثیل ایتدیکي مواد وایشانک نه یه یارادیغنه ونصل اعمال
 ایدلدیکنه دائر بعضی ایضاحات ویرمکندنده کیرو طور ماملی در . بو صورته
 چوجوق ؛ حیاتده دائماً ایشنه یارایه جق عملی بر چوق معلوماته ، اکثریا بیلیر
 دییه سویله مدیکمز وحال بوکه هیچ بیلمدیکي بر طاقم معلوماته صاحب اولابیلیر.
 بعضاً درس انناسنده اک عادی شیلر حقنده بیله اویله غریب وقوفنزلقلره
 تصادف اولنه بیلیرکه انسان حیرت ایدر ، واووقته قدر عبثه اوغراشمش ،
 بوشلقلر اوزرینه تأسیس افکاره چالشمش اولدیغنی آکلار . ویره جکه کز ایضاحات
 قورو بر طاقم سوزلردن ، صرف تعریف وتوصیفدن عبارت اولماسین ؛ جانی
 ونظرربا اولسون . معلملرک وظیفه سی یالکیز «تعلیم» ، یالکیز فکر ویرمکه
 منحصراً دکلدر ؛ بر آزده چوجوغک سعادتنی دوشونمک لازمدر . بناءً علیه
 او ایلّه هنوز تقلید ایدوبده اصلی ده تماماً خاطر لادیغنی شیلیری اویله پارلاق
 وسویملی بر صورتده تصویر ایتلی که چوجوغک مخیله سنی ده ممنون وخشنود
 ایتلی . یاپدیغکنز شی نه در ؛ بر باغچه کره ده تی می ؛ ها ! شو باغچه لرده چارداقلر
 آلتنده کوریلان کره ده تلردن . بو کره ده تلره بویوک بابالر ، یاخود بویوک آنالر
 اوطورور . طورونلری اطرافنه طویلانی ، اءکوزل کوزل ماصاللر سویلر ،
 چوجوقلرده سوه سوه دیکارلر ... یابو ، برچشمه . . اویله می ؟ شو تارلانک
 کوشه سنده کی ... بویوک چنارلر آلتنده کی چشمه یه نه قدر بکزییور . اوچشمه نك
 صوینی نه قدر صوغوق ، براتی وکورددر ! کوی چوجوقلری بو چشمه دن
 یوزلرینی ییقارلر ، دستیلرینی طولدیرلر ... الخ کبی . سزی بلکده کولومسه تن
 بوانواح ساده نك چوجوقلر ایچون پک یکی شیلر اولدیغنی نظراعتباره آملی .
 اساساً بوتون اویاوروجقلری ممنون ومسعود ایدن نه در ؟ هپ بویله ساده
 ومعصوم برطاقم تصورات دکلی ؟

زینبات مقدمه

سکزر مکعبه منقسم اولان مکعب؛ تخته‌دن مکعب شکلنده وسورمه‌قاپاقلی بر قوطو ایچنده محفوظدر . هرچو جوغک مطلقا کنندینه مخصوص بر قوطوسی اولمی در . معلمه‌نک آئندهده ، امر و اشارت ایده‌جکی عملیاتی چو جو قورک کوزی اوکنده بالذات یایق ایچون ، آریجه بر قوطو بولغلی در . هر قوطونک اوکیوزی : قاپاغک چکوب چیقارلدینی طرف ، ۳ رقمی حاوی اولمی در .

برنجی تعلیم

کل و اقسامی

بو تعلیمدن مقصد؛ چو جو قورله اوچنچی هبه‌نی ترکیب ایدن ایش عنصر لرینی ، هیچ برانتظامسزانی موجب اولمق سزین ، آله ایتمه خدمت ایدن ایلک حرکتی اوکرتلمکدر . چو جو ق ، بونی اوکرنده کدن صکره ، هبه‌نک هیئت عمومیه سنک عرض ایتدیگی شکلی تعیین ، ومقدما ایکنجی هبه‌ده تعلیم اولنان کل و اقسام مفهوم لرینی بوشکل مجسمه تطبیق ایده‌جکدر .

قو طولر ، طرز متاد اوزره (طوب او یوننده اولدینی کبی) توزیع اولته‌جق در . تعلیمه باشلامه‌دن اول معلمه کندی قوطوسنی خفیفجه صالایه‌رق ، حاصل اولان طوقوردی ایله . « قوطونک ایچنده رشی اولدیغنه » ، قوطونک برشی اولدیغنه استدلال ایتدیره‌جکدر .

« عجا بو قوطوده نه وار ؟ . . . طرریکز ، باقلم . - قوطوبی قاپاغی آلت طرفه کلک اوزره ، ماصه‌نک اوزرینه قویکز . - رقمی طرفنی کندیکزه طوغرو چوریکز . - قوطوبی ، ماصه‌نک کنارینه یافلاشدیریکز . - سورکوی کنارندن طوتیکز ، صاغ آلکزله چکیکز (چو جو ق صول آلیله قوطوبی طوته‌جق) . »

« قاپاغی کوستریکز ، باقلم . - اونی ماصه‌نک اوزرینه قویکز . - قوطوبی ماصه‌نک اورتیه‌سنه ، تام قارشوکزه طوغرو سوریکز . - شیمدی قوطوبی قالدیریکز ، صاغ طرفکزه قویکز . » (قوطو قالدیریلنجه ایچنده‌کی سکزر کوچوک مکعب ماصه‌نک اوزرنده قالیر .)

بو امرلر چو جو قورلر ایچون بر درجه‌یه قدر مههمدر ؛ فقط معلمه اشارت

ایتدیکی حرکتلری بالذات کندیدی ده اجرا ایتدیجه ، او مهیمیت زائل اولور . «۱»
 سیمدی بو سکیز کوچوک مکعبك شکل عمومیسى اوزرنده ایکنجی هبه ده
 مشاهده ایتدیریلان عنصرلری : آلتی عدد مستوی ، مساوی و مربع سطحلری -
 ضلع مجسملری ، زاویه مجسملری بولددرلی . چوجوقلر ، بو عنصرلری ؛
 اُك خفیف بر تماس ایله شکلی بوزیله جنی ایچون ، آلرله مکعبه طوقونیه رق
 بارماقلرله اوزاقدن کوسترملی .

« مکعب بر جوق قسم دن مرکب برکلدر . صاغ اُلهه بو قسملردن ایکسینی
 آلیورم ، صاغ طرفه قویورم . صول اُلهه ده ایکی قسمنی الیورم ، صول طرفه قویورم .
 صاغ اُلهه ایکی ، صول اُلهه ده ایکی قسم دها آلیورم ؛ بونلری بری برندن برآز
 اوزانلاشدیریورم . صاغ طرفه ده کی ایکی قسمدن برنی کندینه طوغرو چکدرک او ایکی
 قسمی ایکی به آیریورم ، دیکرلرینه ده بویه آیریم . ایشته بوتون قسملر بری برندن
 آیریلدی . صایلم ، باقالم : ۱ ، ۲ ، ۳ ، ۴ ، ۵ ، ۶ ، ۷ ، ۸ قسم . »
 « شمدی بو پارچهلری بر آره ده کتیره رک برکل تشکیل ایده جکیز . بو ایشه
 نه دییه جکیز ؟ - انشا ایتک (یاق) . »

چوجوق ، معلمه نك اخطار ودعوتی اوزرینه ، قوطونك قاباغنی ماصه نك
 کنسارینه قویار . هر اُلهه کوچوک مکعبلردن برنی آلیر ، ایکسینی ده قاباغك
 اوزرینه ویان یانه وضع ایدر ، صکره دیکرلرینه ده بویه جه برلشدیره رک بویوک
 مکعبی تکرار تشکیل ایدر .

« دمین تحلیل ایتدیکنز مکعب ، ایشته ینه شکل ایتدی . - قوطوی اُلکزه آلکیزه .
 نه شکلده ، سویلمیسکیز ؟ - قوطو مجفدر ، (اویوقدر) ایچنه بر شی قونق
 اوزره بایلشدر . بو قوطویه فلان شیئی (دها بویون اولدینی بک آشکار بر شی)
 قویه بیلیرمی ؟ - یچون قویه هم ؟ - یا ، فالان شیئی (بوایکنجی شی دها کوچک اوله جق) ؟ .
 چوجوقلره بو قوطویه کیره بیله جک و کیره میه جک شیلری صایددرملی .
 مظررف ک ، « بر قابك ایچنه قابانیله جق ، قونیه جق شی » ک ، اونی احتوا
 ایده جک شی دن ، ظرف دن دها بویوک اولامیه جقنی استنتاج ایتدرملی .

« قوطوی مکعبك اوستنه قاپاتهلم : قاباغی اُلکیزده طوتیکیز ، قوطوی آغزی
 آشاغی کلک اوزره چویریکیز . ایشته کوردیکیز یا ! مکعب قوطوسنه کیردی . »
 مکعبك هان هان قوطونك هرف نی (اویوقاغنی) ، یعنی مسافه داخلینسی

۱ بو احتیاطاره سبب ؛ مکعبلرک دوکولسی ، اوتیه بری یه طاغلمسی کبی بر
 انتظامسزله محل ویرمه مکدر .

طولردیغنی مشاهدہ ایتدرملی . هر درس نهایتده ، مکعبی قوطونک اینجه قویق ایچون بو طرز اوزره حرکت ایتلی .
« قوطولری کال دقتله قاپاییکیز »
قوطولرک اعاده عملیه سی .

ابلیجی تعلیم

کوچوک مکعبلر

بو تعلیمده قسملردن هر برینک شکلی ایجه تدقیق ایتدیرلرکدن صکرده ، اوقسملر؛ اُک بسیط انشاءات و اُک ابتدائی متناظرات مالز مه سی کبی استعمال ایتدیریلرکدر . قوطولرعلی الاصول توزیع ایدیلوب ، قاپاقلری آچدیریلرک . اولا بویوک مکعب ، اولکی تعلیمده اولدیغی کبی ، اقسامنه تفریق ایتدیریلرک .
« آیردیغیز بارچه لردن برینی اُلکزه اُلکیز . شکلی نه در ؟ »
چوجوق شکل مکعبی یی طانیر . بویوک مکعب ایچون اولجه یاپدردیغیز کبی ، بو کوچوک مکعبلری ده سریعاً تحایل ایتدیریکیز : قاچ وجهی .. قاچ ضلع مجسمی ... اولدیغی بولدیریکیز . آرهلرنده کی شکل مشاهتتی وبویوکلک فرقنی (حجم) ی استنتاج ایتدیریکیز .

« کوچوک برشی ، بویوک برشی ، ایله عینی شکله اولابیلیر : ابعادک ، چاپک ، سکل اوزرینه برتائیری یوقدر . - او کوچوک مکعبی برینه قوییکیز . - دیکر قسملرده ، بو کوردیککیز کبی ، بر مکعبی در ؟ - هبسی بری برینه مساوی کبی می ؟ - باقالم ، تحقیق ایدلم . »

چوجوق هر اُلنه بر مکعب آلاق وجهلرینی بری بری اوزرینه تطبیق ایتلی ، اوست اوسته قویق صورتیه آرهلرنده کی مساواته حکم ایتلی . بوتجربه یی او ایکی مکعبک دیکر وجهلری اوزریده ده ، صکره لاعلی التعین دیکر کوچوک مکعبلرده تکرار ایتدرملی . نهایت حاصل اولان مفهومی تعمیم ایتلی ، وشو نتیجه یه باغلاملی :

« بوتون بو کوچوک مکعبلرک وجهلری بری برینه مساوی در : بو وجهلر مساوی مریبلر در . ضلع مجسملرده بری برینه مساوی اولقی لازمی ؟ »

وجهلرايچون يادردينگدزکي، ضلع مجسملری ده اوست اوسته قويدیره رق، مساوی اولوب اولدقلرينی تحقیق ایتدرملی .

« هبسی مساوی در . کوچوک مکعبلر کاملاً بری رینه مساوی در . - بویوک مکعبی تکرار تشکیل ایدیکز . - شیمدی انشا آتده ، بنا یه باشلایلم . کوچوک مکعبلر ، مالزمه؛ بوده (بویوک مکعب) ، مالزمه کومه سی .»

چوجوقلرک ، بوتون ترتیبات و انشا آتده ، آللرنده کی مکعبلری ماصه لرک اوزرنده کی سطرانج واری تقسیمات خطلرینی همقیب ایده رک یرلشدرملرینه دقت ایتلی . بونک برشرط انتظام اولدیغنی آکلاتملی .

ایکی مکعب ایلر انشاآت

- ۱ — « ایکی مکعب آلیکنز . ماصه نك اوزرینه قوییکز . برر وجهی تماس ایتک اوزره یان یانه کتیریکز . بوشکل بره بر قوطوی تمثیل ایدر (لوحه ۱ ، شکل ۱)
- ۲ — « اوست اوسته قوییکز : یول کنارلرنده کی سنور طاشنه بکزیور، دکلی؛ (شکل ۲) سنور طاشنك فائده سندن بحث ایتلی . »

ترتیبات منظره

(ماصه اوزره)

لوحه ۳، شکل ۱، ۲، ۳، ۴، ۵، ۶، ۷، ۸؛ شکل ۹، ایلاک ترتیب . ایکی مکعبدن بری ثابت اوله صق؛ دیکری اونک اطرافنده قایه رق، صیره سیله لوحه ده کوستریلان وضعیتلری آلاچق . ترتیبات متناظرینی تحویلده طرز عمومی؛ دوران در، یعنی ترتیبات متناظره یی دکشدرمک ایچون، صورت عمومی ده، اوترتیباتی وجوده کتیرن قسملرینه او قسملردن بری اطرافنده دور ایتدیریلیر .

اوج مکعب ایلر انشاآت

- ۲ — « برمکعب دهآ آلیکنز . اولکی ایکی مکعبک یانه قوییکز . بوشکل سزه نه بی اخطار ایدیور؛ - برتخته صیره یی (لوحه ۱ شکل ۳)، کزینتی یرلرنده ویاخود باغچه ده یورولدیغمز زمان اوزرینه اوطوردیغمز تخته صیره یی دکلی؛
- ۲ — « یابو (شکل ۴) نه؟ برآیاق اسکمله سی، کتبخانه دن برکتاب، ویاخود دولابدن بریمش، برشی آلتی ایچون ایاق آلتنه قونیلان بر اسکمله .

٣ — « برستون ، برديرك (شكل ٥) كه طولمغه يارار .

٤ — « برقانال (شكل ٦) ، بر صو جدولی .

زنجيات منظره

سلسله ١ : لوحه ٣ ، شكل ١٠ ، ١١ ، ١٢ ، ١٣ ، ١٤ ، ١٥ .

وسطده کی مکعب ثابت اوله جق ؛ دیگر ایکی مکعب اونک ایلرافنده دور ایده جک ؛ چوجوقلر بو ایکی مکعبدن برینی صاغ آلاریله دیگر جی ده صول آلاریله ، بر زمانده ، دورتوب قایدیره جقلر .

سلسله ٢ : برنجیده اولدینی کی ١ آتئجق وسطده کی مکعب قطری استقامتده قونیله جق (شكل ١٦ ، ١٧ ... الح)

هر بری بر ضلعیله دیگر ایکی مکعب هر ایکیسینه ناس ایدن اوچ مکعب : (شكل ١٨) اورنده بوش برمسافه قالیر . بو اوچ ضلع جسم آره سنده تشکل ایدن مثلثی مشاهده ایدرملی .

ابعادت صره — چوجوقلر بر طاقم شیلر ابداع ایدرملی . واقعا اوچ مکعبله چوق شی یاییله مز ؛ فقط شمیدیدن ابداعه باشلاتملی




اوممجبی تعلیم

برشی نامک (بوتون) ک نفسی

چوجوقلر بوتعلیمدن اول ، نخته چوبوق ایشلریله تقسیم مفهومنی اوکرنمش ، وکل ک اقسامه صورت تفریقنی ده مشاهده ایش اوکرنمش اوله جقلرندن ، بوتعلیمده بالخاصه کمر فکری ویرلمکه جالیشیله جق در .

تقسیمه باشلاتمندن اول ، مکعبی قوطونک اوزریه فویدیردق ، کل نام بوتونه ده تعبیر ایدلدیکنی ایضاح اتملی صکره بر الکترله اوستنده کی درت کوچوک مکعبی بری برندن آیرمه دن قالدیرملی ، و چوجوقلر ده سزک کی یاملرینی سویله ملی .

« نه یاپدم ؟ بر بوتونی ایکی قسمه آیردم . - ایشنه ایکی قسم . (بر قسم آله ، و بر قسم ده قوطونک اوزرنده اوله جق .) - بو ایکی قسم بری برینه مساوی می ؟ - بوتعلیمده برنامک ، بر بوتونک ایکی نصفی ، ایکی یاریمی دیرلر .



« نصفلردن برینی تکرار دیکرینک اوزرینه قویهلم . نه یامش اولورز ؟ - بر بوتون یایقی ایچون قاچ نصف لازمدر ؟ »

« برشی تام برقاچ مساوی قسمه آیریلیرسه ، بوقسلردن هربری کسرنامنی آلیرکه تامک ، بوتونک برر یاریم سی دیمکدر . »

« اوکزده کی بوتونی ینه ایکی به آیریم ، بولهلم . هر نصفدن ایکیسنی ، سزده نیم کی ، تکرار ایکی قسمه آیریکز . - شمدی بوتون ؛ قاچ قسمه آیریش اولدی ؟ - بوقسلردن هربرینه ربع ، بر بیرک دیرلر . - اشته ۱ ، ۲ ، ۳ ، ۴ ربع . - بر بوتونده قاچ ربع واردر ؟ - بر نصفده قاچ ربع واردر ؟ »

« شمدی ینه ایکی نصی ، صکردهده بوتونی تشکیل ایدلم . »
« دمن نصی ایکی به بولدی کز کی شمدی ده بوتونی درت قسمه بولیکز . ایکی ربی بری برینه یاقلاشدیریکز . بونصفک ، یاریمک اوزرینه براوچنجی ربع قوییکز . بوتون وجوده کلدیمی : . اکسیکی وار ؟ - بو ؛ بوتونک یالکز اوچ ربی ، درنده اوچی ، دکلی ؟ »
« بر بوتونک ، بالعموم اقسامی دکله یالکز بر قاچ قسمی بر آره به کتیریلیرسه ، بوتون تمام اولماز ؛ ینه بر کسر ، یعنی بوتونک بویوک ویا کوچوک بر پارچه سی وجوده کلیر . - بوتونی تماملاییم : بوتونک ایچون نه یایلی ؟ »
« بومفهوملری بر میوه نک ، بر قورابه نک ، صورت تقسیمنی خاطرلره کتیره رک تعیم ایتلی . »

« بوندن صکره بویوک مکعبی یانه ایتهرک وایچندن درت کوچوک مکعب الدیره رق بومکعبلره انشآت یایدرملی . »

درت مکعب انشآت

- ۱ — بر صندوق (شکل ۷)
- ۲ — یوکسک آرقه لی بر اسکمله (شکل ۸)
- ۳ — بویوک بر ستون ، دیرهک (شکل ۹)
- ۴ — بر کوپک انخی (شکل ۱۰)
- ۵ — تارلا کنارنده کی کوچوک چشمه (شکل ۱۱)

ترتیبات متناظره

سلسله ۱ : لوحه ۳ شکل ۱۹ ، ۲۰ ، ۲۱ ، ۲۲ ، ۲۳ ، ۲۴ تکرار شکل ۱۹ .
سلسله ۲ : شکل ۲۵ ، ۲۶ ، ۲۷ ، ۲۸ ، ۲۹ ، ۳۰ ، ۳۱ ؛ و تکرار شکل ۲۵
ابداعات صره .



در درنجی تعلیم

بوتونك تقسیمى (دوام)

بوتعلیمده اولکی تعلیم تکراره و بوتونك تقسیمه عاذاعماله دوام اولنه جق .
بویوک مکعب ینه درت قسمه بولدیریله جك ؛ صکره ربعلردن هر بری ایکی
قسمه آیرتیه جق : بوصورتله سکز قسم مناظر وضعیتده بری برینه موازی
ایکی صیره تشکیل ایدر . (برنجی تعلیمه باق .)

« قاچ قسم حاصل اولدی ؟ - بوقسلر بری برینه مساوی می ؟ - بوتونك سکز قسمه
آیرلدیغی افاده ایتك ایچون ، بر نهمه ، سکزده بر دیه جکز
» بوئلردن ایکیسنی بری برینه یاقلاشدیریکز : نه تشکیل ایتش اولدیکز ؟ - بر
ربع . - بر ربع تشکیل ایتك ایچون ایکی ثمن لازم در .

« بر نصف ، بر یارم وجوده کتیرمک ایچون قاچ ثمن لازم در ؟ - تجریه ایدیکز !
» شمدی اوچنچی بر ربع ده تشکیل ایده رک اولکی ایکی ربعل اوزرینه قوییکز .
بوصورتله قاچ ثمنی بر آرمه کتیرمش اولور سکز . - بوتونی تشکیل ایتك ایچون نه اکسیک ؟
- بر ثمن ده علاوه ایدیکز .

بو حالده بوتون ؛ یالکیز بر کوشه سنده بر کوچوک مکعب اکسیک اولمق
اوزره ، اولکی شکلنی ، یعنی بویوک بر مکعب شکلنی آلیر . بویدی ثمنك ینه بر
کسر اولدیغی چوجوقلره مشاهده ایتدرملی .

« اویله ایسه بوتونی تشکیل ایتك ایچون قاچ ثمن لازم در ؟ - صوک ثمنی ده
علاوه ایدم . »

سؤاللری تنويع ایتلی ، توسیع وتفصیل ایتلی ، ترسنه چویرملی ؛ الحاصل اویله
حرکت ایتلی که چوجوقلر بوتونك بوغختلف تفریق وترکیب عملیاتنی هب کند
کندیلرینه یاهورق جواب ویرمه دن اول مشاهده ایتلی و بوطلی . صکره اکتساب
ایدیلن مفهوملری آتیده کی تعیرلر کی قصه تعیرلرله تثبیت ایتلی .

« دیمک که بر بوتون : ۲ نصفه ، ۴ ربعه ، ۸ ثمنه معادل در . »

« بر نصف : ۲ ربی ، ۴ ثمنی حاوی در . »

« بر ربع ۲ ثمندن مرکب در . »

بسمه كوچك مكعب انشآت

- چو جوقلر أولا ، هرايكي آلريله ايكي شرمكعب آلتق اوزره ، دردر مكعب افراز ايدجكلر ؛ صكره برر مكعب دها آلجقلر .
- ۱ — برآبدج ، برستون قاعده سي (لوچه ۱ شكل ۲) . هيچ آبدج كورديك نيزي ؛ كورديك كنز آبدجلر نه تمثيل ايدسيوردی ؟ او آبدجلر . ستونلر نه اوزرنده طوريوردی ، نه اوزرينه او طور مشدی ؟ الخ . . .
- ۲ — بر پو (شكل ۱۳)
- ۳ — بر كوچوك پنجره (شكل ۴) بر پنجره ايله بر قاپو آره سنده نه فرق وارد ؟ (أولا ياپيليشي و صكره نفی اعتباريله اولان فرق صورملی .)
- ۴ — بر چفته مرديون (شكل ۱۵)

ترتيبات منظره

اولادرت مكعبيله ، ضلعلر بری برينه آيجه اتصال ايتك اوزره ، ۳ نومرولی لوحه ده کی ۲۹ نومرولی شكلی تشكيل ايتلی . مركززده حصوله كلن بوشلتي مشاهده ايتدرملی . بو آچيقلغك درت ضلع مجسمدن منشكل اولان چوره سنی كوسترملی ؛ چوره نك مربع شكلنده اولديغنی ، و او بوشلغك :

« تام بر كوچوك مكعب يرلشديره چك قدر برير »

ديهرهك ، بر مكعب شكلنده بولنديغنی طاعتلی .

متعاقباً اورايه ألكزده کی بشنجی مكعبی يرلشدرملی كه او بوشانی تماماً طولديرر . ايسته چو جوقلر بو صورتله سطوح ايله محدود بوسه بر مصافيه بر شكل و بعد اسناد ايتكي ، و بوش مصافه لری ، شكل و بعد نقطه نظرندن ، طرلو مصافه لرله مقايسه ايله مي اوكره نمش اولورلر . بوندن صكره صيره سيله أولا ۳ نومرولو لوحه ده کی ۲۲ ، ۲۳ ، ۲۴ ، ۲۵ ؛ ثانياً ۲۶ ، ۲۷ ، ۲۸ ؛ وثالثاً ۲۹ ، ۴۰ نومرولی اشكال متناظره يی ياپدرملی .

ابراعات صره .

بشجي تعليم

مجسم

مجسم تعير هندسي اوقدر كثير الاستعمال دركه شو بزم اك ابتدائی

در سرامنده بیه قریباً بوتعبیری قولاً تمقندن صرف نظر ایتک ناموافق وحتى همان غیر قابل در . بناءً علیه چو جو قلدرد بر می ، مثلاً ، بر مکعبک ؛ و بعده ، شکل ایستر بویه منتظم و ایستر غیر منتظم اولسون ، علی الاطلاق هر شینک بر مجسم اولدیفنی آکلاتملی در .

« کره بر مجسم می در ؟ - اسطوانه بر مجسم می در ؟ - او کزده کی قوطو بر مجسم می در . »
الح

بدايةً ابعاد ثلثه سی سهولته قابل ادراك اولیان شیر حقنده ، مثلاً بر کاغد پارچه سی کی یالکز سطحی ، و یا خود برای کی یالکز اوزونلغی دها جالب دقت اولان مواد حقنده بر حکم و یردرمکدن اجتناب ایتلی .

ایلمک تجربه اولق اوزره بویوک مکعبی ماصه نك اوزرینه قویدرملی ، مجسمی سطح دن تمیز ایتدرملی .

مجسم ؛ بذاته می در ، سطح ؛ اونک « خارجی قسمی » (طیشی) در .
شو آنی وجه (چو جو قلدرد پارماق لرینی بویوک مکعبک وجه لری اوزرنده کزدیروب کوستره جک) آلمده کی مکعبک سطحی تشکیل ایدر .
« کوچوک مکعب لردن برینی آلکزه آلکزه . بوده بر مجسم می در ؟ - بکا ، پارماغ کزی وجه لری اوزرنده کزدیره رک ، بو کوچوک مکعبک سطحی کوستریگز . »

آلتی کوچوک مکعبک انشآت

- « شمدی بویوک مکعبک اوج ربعی آلم . آلمزده فاج کوچوک مکعب اوله جق ؟
- اوله ایسه آلتی کوچوک مکعب آلم . بو مالزمه ایله ایشته آتیده کی انشآت یاپه جفز :
۱ — اکثریا کزمه یرلرنده کوریلن آرقه لقی صیره (لوحه ۱ شکل ۱۶) .
۲ — برطاش صردیون (شکل ۱۷) .
۳ — بر بویوک ستون (شکل ۱۸) .
۴ — براو طور اقلی ساعت (شکل ۱۹) ؛ ماصه اوزرینه ، اوجاق طاشی اوزرینه قونیلان ساعت لردن . ساعت نه یه بارار ؟ الح . . (زمان حقنده معلومات)
۵ — اکثریا کوی اولرینک اوکنده کوریلان یایوان بر صردیون (شکل ۲۰)
۶ — بر آبد قاعده سی (شکل ۲۶) ، بر آبد اوطور تمق ایچون .
۷ — ظریف بریووا (شکل ۲۲) ، ایچنه کوزل بر بک قویق ایچون .
۸ — داوارلری صولامنه مخصوص بریالاق (شکل ۲۳) .

ترتیبات مناظره

بو ترتیباده تناظر مربیی اولاماز . لوحه ۳ ، شکل ۴۱ ، ۴۲ ، ۴۳ ، ۴۴ ، ۴۵ ، ۴۶ ، ۴۷ ، ۴۸ ، ۴۹ ، ۵۰ .
ابراعات عمره .



آلننجی تعلیم

بجسمك ابعاد ثلاثه سی

بویوك مكعب ماصه نك اوزرنده طوره جق ؛ مربیه چوجوقلره : اولاً مكعبك بویه ماصه نك اوستنده طوروركن آشاغیدن یوقاری یه طوغرو ارتفاع نی؛ ثانیاً صاغدن صوله طوغرو عرصه نی؛ ثالثاً اوكدن آرقه یه طوغرو ثمرنی کوستره جك و کوستره جك .

بعده بو مفهوماری چوجوقلرك ذهننده ایجه تثیت ایتك ایچون ، شو عملیات یاپدیره جق :

۱ - مجسمی (مكعبی) ، ارتفاعاً ، ایکی نصفه آیریکز . — کلی تکرار وجوده کتیرمك ایچون ، بویکی نصفی ینه بری برینك اوزرنه قوییکز .

۲ - « مكعبی ، عرضاً ایکی قسمه تفریق ایدیکز . (بونك ایچون مكعبك برنصفی صاغ آل ابله ، دیگر نصفی ده صول آل ابله ، برزمانده ، صاغه صوله طوغرو قایدردلی .) — کلی ، یعنی مكعبك بوتوتتی تکرار تشکیل ایتك ایچون ، بویکی قسمی ینه بری برینه باقلاشدیریكز . »

۳ - مكعبی ثخننه ، قایلنغه كوره ایکی یاریه بویكز . (بونك ایچون اوكدن کی یاریم ایلری طوغرو سورديرلوب ، آرقه ده کی یاریم یرنده قاله جق .) بوتوتتی تکرار قوریکز . (عكسی حرکت : یعنی اوكد یاریم آرقه یاریه یاپدشیریله جق .)

« مكعبك ارتفاعی عرضندن زیاده می ؟ — عرضی ثخنندن دها بویوك می ؟ — مكعبك ثخننی ارتفاعنه مساوی می ؟ »

« کوچوك مكعبلردن برنی ألكزه ألیكز : ماصه نك اوزرنه قوییکز عرضی ، ثخننی ، ارتفاعنی کوستریكز . »

« قوطوی ألكزه ألیكز ، آغزینی قاپاییكز ، یعنی سورمه سنی سوریکز . (قوطو بویه قاپاتدیرلیه جق اولورسه ، چوجوقلر جدرانك قایلنغیه اصل قوطونك تشکیل ایت . یکی جسمك قایلنغنی بری برینه قاریشدیره بیلرلر .) قوطوی اوكدنزه قوییکز . — قوطونك ارتفاعنی ، ثخننی ، عرضنی کوستریكز . »

بالعموم مجسماتك ، يعنى بالعموم اشياك آزچوق برار تفاعه (ياخود طوله) بر عرضه ، بر ثخنه مالك اولديغى سويله مى . كوزا و كنده اولوب ابادلته سى يك بارز و متمياز اولان كتاب ، قوطو ، مرييه كرسي سى ، موزه دولابى كې اشيان مثاللر صاي مى ، و طلبه يده بولديروب صايدرمى .

بىرى و سىكنز كرىچوك مكدبىل انشاآت

- ۱ — آر قه قلى بويوك اسكمله (لوحه ۱ شكل ۲۰) .
- ۲ — ايكي عادى اسكمله (شكل ۲۵) .
- ۲ — كوى ميدانلار ينه ديكيلن طاش ستونلردن ايكي ستون (شكل ۲۶) .
- ۴ — بر باغچه مدخلى (شكل ۲۷) .
- ۵ — برديوار (شكل ۲۸) .
- ۶ — صيره ستونلار (شكل ۲۹) .
- ۷ — ايكي مربع قله لى بر بنا جبهه سى (شكل ۳۰) .

ترتيبآت متناظره

بو ترتيبلرده دوت كوچوك مكعب وسطده ثابت اوله رق ، ديكرلىرى اونلرك اطرافنده دور ايده جك .
برنجى سلسله : لوحه ۳ ، شكل ۵۱ ، ۵۲ ، ۵۳ ، ۵۴ ، ۵۵ ، ۵۶ .
ايكنجى سلسله : شكل ۵۷ ، ۵۸ ، ۵۹ ، ۶۰ ، ۶۱ ، ۶۲ .
ابراعات صره .

بىر نجي تعليم

تجيم

بو تعليمدن مقصد چو جوقلره بر شيك همجى حقنده صريح برفكر و يرمك در . مكعبلر على الاصول ماصه لرك اوزرينه وضع ايديله جك ، قوطولر قاپانه جق ، يعنى سوركولرى سويله جك . هر چو جوق كندى بويوك مكعبدن بر كوچوك مكعب افراز ايدوب قوطونك يانه قويه جق ؛ حدين مقايسه بو كوچوك مكعبه قوطو اوله جق .

» ايشته ايكي مجسم . شكللى بر . (شكللرده كى مشابهتى تفصيل ايتلى .)

نه فرقلری وار! شیشکینلار فرقی، جته فرقی، قوطو دها شیشکین، دها جته لی اولدیغی. ایچون مکبدن دها جوق بر اشغال ایدیور. — بر شیک شیشکینلککه، فسادن (هوادن) آز جوق اشغال ابتدکی بره اوشیک مهیم ی دیرلر. جمی بیوک، جمی کوچوک شیلر سایی و سایدملی.

طلبه، مریه نك اخطار ودعوتی اوزرینه، کوچوک بر مکعب آلهرق قوطو ایله یان یانه قویلی، بر صورتده که برر وجهلریله ایکی ضلع مجسملری وبرر زاویه لری بری برینه انطباق ایتلی.

چوجوق، کوچوک مکعبک اولاً ارتفاعی قوطونك ارتفاعندن، ثانیاً عرضی، ثالثاً ثنخی کذلک قوطونك هر ضندن، نختندن دها آز اولدیغی بالذات تحقیق ایتلی.

چوجوقلره کوچوک مکعبک؛ بویوک مکعب تام قدر، وبالذات مکعبی قوطو قدر وجهلره، ضلع مجسملره... مالک اولدیغی بولدرملی، خاطر لایملی: وجهلری، ضلع مجسملری تماماً اونلرکککه مشاب در، فقط دها کوچوک نسبتده در. جمی، یعنی فضا ده اشغال ابتدکی موقع ده دها کوچوک در، دها آذر در.

ثنخی ویاخود عرضی بر آز دها زیاده اولسه، جمی دها بویوک اولوردی. ثنخی، عرضی دها زیاده اولسه ده، یالکز ارتفاعی زیاده اولسه ینه جمی بویوک اولوردی، یعنی فضا ده (ارتفاعاً) ینه جوق بر اشغال ایدردی. بو ایکنجی فکر اوزرنده بر آز توقف واصرار ایتلی: چونکه چوجوقلر علی الاکثر جمی، یعنی بر شیک فضا ده اشغال ابتدکی بری، آنجق او شیک مساحه سطحیه سنه، سطح افقیسنک امتدادینه نسبتله تقدیر ایتکه تمایل در.

سکر مکعب انشآت

۱ — طاش قالدیریم. (لوحه ۱ شکل ۳۱) — سواقلره، یایا قالدیریملرینه ایچون طاش دوشرلر؟ ... الخ

۲ — ایرماق کنارلرینه یاپیلن صاغلی صوللی ایکی ریغتم (شکل ۳۲). ریغتملر نه به یارار:

۳ — دارلری صولافه مخصوص بر بویوک یالاق. (شکل ۳۳).

- ۴ — بر يالاق دها ، مربع شكلنده (شكل ۳۴) .
 ۵ — عمومه مخصوص بر چشمه ، صو خزينه سيله برابر (شكل ۳۵) .
 ۶ — بالق بسيله مكه مخصوص مربع شكلنده بويوك بر حوض (شكل ۳۶) .
 ۷ — قاعده سيله برابر بر آبدۀ ؛ اكثريا كوي ، قصبه مدانلريني سوسله مك ايچون ديكيلن آبدۀ لردن (شكل ۳۷) .

تزيينات مناظره

- برنجي سلسله : (مركز تناظر بوش در) لوحه ۳ ، شكل ۶۳ ، ۶۴ ، ۶۵ ، ۶۶ ، ۶۷ ، ۶۸ .
 ايكنجی سلسله : (ينه مركز تناظر بوش اوله رق) ۶۹ ، ۷۰ ، ۷۱ ، ۷۲ ، ۷۳ ، ۷۴ .

ابداعات صره .

سکرنجی تعلیم


استقرار

چو جو قلك بو آنه قدر اکتساب ايتدکری ابتدائی والک مستعمل هندسه مفهو .
 ملريني ذهناً تمثيل ايتما يينه زمان براقق ايچون ، شمديك هندسه بمخنده دها ايلری کتيميه جکزر . يالکزر بروجه آتی ترتيب ايدۀ جکمز اوچ مختصر درس ايله ، طلبه نك بالذات کندی مکعلريني قوللانه رق وجوده کتيردکری انشاءات انناسندۀ او انشاءاتک استقرار و تناظرينه طائد اولق اوزره اجرا ايتدکری مشاهداتی دها صريح و واضح قيلمغه چاليشه جفز .

ماصه نك اوزرينه بر کوچوك مكعب وضع ايديله جك .

بو کوچوك مكعبك مستوی و بره یی ، ماصه نك كذلك مستوی اولان سطحی اوزرينه ايجۀ او طورور ، يرله شیر . کوچوك مكعب بو وضعیتده محکم در ، مستقردر .
 برنجی مكعب اوزرينه « قائماً » (عموداً) ايكنجی بر کوچوك مكعب وضع ايديلير ، اوده مستقردر . (لوحه ۲ شكل ۳۸)

بو ايكنجی مكعب هانکی جهته طوغرو اولور سه اولسون ، وضعیت عمودي يی بر آز تجاوز ايتسه (شكل ۳۹) ينه مستقردر ؛ فقط « چوق »



تجاوز ایدرسه ، یعنی آلتنده کی مکعب سطحنک یاریسندن زیاده سنی کچرسه ،
دوشر (شکل ۴۰) . — برکوچوک مکعب ایکی ضلعیه ، ولوپک جزئی اولسون ،
دیگر ایکی مکعبه استاد ایتسه ، ینه مستقردر ؛ آلتنده بر بوشلق پیدا اولور .
(شکل ۴۱)

برمکعب وجه تحانیسنک درت زاویه سیله ، ولوپک جزئی برصورتده اولسون ،
دیگر درت مکعبه استاد ایده جک اولسه ، ینه غایت مستقر اولور .
(شکل ۴۲)

بری برینه یالکنز برر ضلعیه یوکلنه ن ایکی مکعبک ایکیسی ده ، یکدیگری نه
ایجه استاد ایتک شرطیه مستقردر (شکل ۴۳) ، بو حالدده براوجنجی ، بر
دردنجی مکعبده طاشیه بیلیرلر (شکل ۴۴) ؛ ایشته کمر انشا آتک مبدای
بودر .

« کوچوک برستون (دیرهک) انشا ایده لم ، برصورتده که جهت ارتفاعده
اولان ضلع نجمملری (بو ضلعلری چوجوقلره کوسترملی ، وکوسترملی)
تماماً شاقولی اولسون . وجوده کتیردیکمز ستون مستقردر ، طوریحی در :
مکعبلر بری بری اوزرینه ایجه اوطورمشدر . — شمعی ستونلری اوپله
برصورتده بنا ایده لم که هر مکعب دیگرینی ، دائماً برسهته طوغرو اولمق اوزره ،
برآز تجاوز ایتسین . اووقت وجوده کلان ستون شاقولی اولماز : مائل اولور .
محکم ومتین طوره ماز ، المزله طوتمساق ، دوشر ، ییقیلیر .

« بردیرهک » برانجه دیواری ، برآو دیواری مستقر ومحکم اولمق
ایچون وضعیت عمودیه ده ، یعنی تماماً شاقولی اولملی در .

« المزده کی مکعبلره ینه بردیوار بنا ایده لم ؛ عمودی وضعیتده اولسون که مستقر
اولسون ، ییلتداسین . — دیوارلر اکثریا یونتمش طاشلرله انشا ایدیلیر . بو طاشلر ،
ایشته بزم مکعبلره یاپدیغیز کبی مستری رهبرلری بوز یوزه کلک اوزره بری برینک
اوزرینه قونیاور . طاشلرک بری بری اوزرینه کلک یوزلری ، شو بزم بنا ایتدیکمز کوچوک
دیوارده کی مکعبک وجهلری کبی ، انقی اولملی در . — طاشلر مائل اولدق وضع ایدیه جک
اولسه ، ایشته شوپک مائل طوران مکعبک اوزرینه قویدیغیز بو مکعب کبی ، بری برلری
اوزرینه قایه بیلیرلر (شکل ۴۶) ؛ و احوالده ده دیواری ییقیلیر .

» یاپی لرده؛ بزم بویه مکعبلری بری بری اوزرینه قویدیفمزکی ، ساده جه یونتمش طاشلری بری بری اوزرینه قویقله اکتفایتمزلر ؛ بو صورتله یابیلان دیوارلر، ستونلر، اولرینه قولایقله دوریه بیلیر. مواد انشائییه بی بری برینه برنوع بولاماجله یاییشم برلر ، پرکتیرلرکه بولاماجه فرج دیرلر . خرج قورور ، قاتیلاشیر ؛ وطاشلر بوسورتله بری برینه صیم صیقی طوتونور . . . الخ .

سکزمکعبله انشآت

- ۱ — گوشه قایماجه اویناق ایچون درت اشارت طاشی (لوحه ۲ شکل ۴۷) .
- ۲ — درین برقویو (شکل ۴۸) .
- ۳ — ایکی آغزی برقویو (شکل ۴۹) .
- ۴ — برنوبجی کلبه سی (شکل ۵۰) .
- ۵ — حولی قاپوسی (شکل ۵۱) .
- ۶ — کوچوک برکوپری (شکل ۵۲) (یدی مکعبله) .
- ۷ — اوستی اورتولی برکجید (شکل ۵) .
- ۸ — اهرام شکلنده اوچ قدمه لی برراف (شکل ۵۴) ، چیچک صاقسیلری قویق ایچون . (موازنه لی برصورتده انشاسی برآزکوج بریایی)

رئییات متناظره

- مکعبلردن دردی غیر متحرک اوله جق .
- سلسله ۱ : لوحه ۳ ، شکل ۷۵ ، ۷۶ ، ۷۷ ، ۷۸ ، ۷۹ .
- سلسله ۲ : شکل ۸۰ ، ۸۱ ، ۸۲ ، ۸۳ ، ۸۴ .
- ابعادات صره .



طفوزنجی تعلیم

تناظر

چوجوقلر، بوندن اولکی تعلیملرده برچوق ترتیبات متناظره وجوده کتیره رک ، تناظری مشاهده ایتدیلر . شمدی یاپیله جق شی ؛ اونلره اکبسیط تناظر شرطلرینی بولدرمقدن ، آکلاتمقدن عبارت در . چوجوقلر اساساً اشکال منتظمه ده کی کوزلکی مسی ایدرلر ؛ بویه اشکال منتظمه وجوده کتیرمکدن

محفوظ اولورلر، بو؛ «کوزل» در دیرلر. ایسته مقصد، کوزایه تقدیر ایتدکری بو کوزلک لک انتظام دن نشئت ایتدیکنی اولره آکلاتمق در . بونک ایچون؛ مفکره لرینی بوارتباط وعلاقه اوزرنده برآز طور درملی در که، کندی یاشرینه کوره ، انتظام و کوزلک حقنده بر فکر آلقه برابر برطویغوده پیدا ایتسینلر. بدایه^۱ چوجوقلرک نظر دقتی ، بالضروره ، اکبسیط تناظر اوزرینه، ایکی طرفلی تناظر (ثنائی الطرف) اوزرینه جلب ایتلی (*). چوجوق بر مکعب آلوب ماصه نک اوزرینه تام قارشیسنه قویملی . بومکعب ؛ تناظرک نقطه مرکز یسینی تشکیل ایده جک .

صکره ایکنجی بر مکعب دهآل دیره رق ، یالکز بر ضلعیه برنجی مکعبه تماس ایتک اوزره اونک صاغ طرفه قویدرملی . (لوحه ۳ شکل ۸۵)

شیمدی چوجوقلره بر ترتیب نظره خوش کورونمک ، متناسب اولمق، الحاصل وجوده کتیر یله جک ترتیده انتظام ، ناظر بولمق ایچون ، وسطدن اعتباراً صول طرفک صاغ طرف ، وأوک طرفک ده آرقه طرف کبی اولسی لازم کله جکنی ایضاح ایتلی . مادام که صاغ طرفه بر کوچوک مکعب قویدق ، طبقی اونک کبی صول طرفه ده بر مکعب قویملی یز ، دیملی (شکل ۸۶).

مکعبلردن بری برجهته طوغرو برآز اوزاقلاشه جق اولسه (شکل ۸۷) ، ویاخود اولا اوزاقلاشوبده صکره کری کلسه (۸۸، ۸۹)، دیکر مکعبک ده اویله جه اوزاقلاشمسی ویاخود کری کلسی ایجاب ایدر .

عینی ترتیبات و مشاهداتی أوک طرفه آرقه طرفه کوره ده تکرار ایتدرملی . مکعبلردن برینه اویله آشکار بر صورتده غیر متناظر بروضعیت ویرملی که چوجوق شرط انتظام تأمین ایدلدکجه باصره سنک خشنود اولامدیغنی ایجه طویملی . بری وسطده اولمق اوزره، بش مکعبله غایت بسیط ثنائی الطرف متناظرات یاپدرملی . (برنجی سلسه : شکل ۹۰ ، ۹۱ ، ۹۲ ، ۹۳ ، ۹۴)

وسطده بر مکعب اولسی ضروری دکل در ، (اورته ده کی مکعبی قالدیریکنز

[*] بر مستوی داخلنده و بر محور اطرافنده اوله جق . مع مافییه بو ترتیب ، ایجابنه کوره ، تالی محورلر تشکیلنه مانع دکل در .

شکل ۹۴)، بآن شرط که مرکزك صاغ و صول طرفنده کی مکعبلر عینی صورتده موضوع اولسون .

(ایکنجی سلسله (مرکز بوش اوله رق) : شکل ۹۵، ۹۶، ۹۷، ۹۸) .
چو جوغه ، تشکیل ایده جکی « ایکی طرفلی » بر تناظرک ایکی طرفده
شکل بری برینک عینی اولق ، فقط علمی مهزه متوجه بولنق لازم کله جکی
مشاهده ایتدرملی . چو جوق ، هرا یکی قسمی بری برندن صریحاً متفرق اولدیغی
ایچون ، استقامت معکوسه لری پک ظاهر اولان آتیده کی ترتیبات متناظره یی
وجوده کتیردیکی ائنده بوشرطی دها آبی ادراک و تیقن ایدر .

(اوچنجی سلسله (آلتی مکعبله) : شکل ۹۹، ۱۰۰، ۱۰۱، ۱۰۲، ۱۰۳، ۱۰۴) .
عینی تناظر سلسله لریخی ، برنجی محوره عمود بر محور تناظر اوزرنده اولق
اوزره ، اوک - آرقه وضعیات معکوسه لرینه کوره ده تشکیل ایتدیره رک ،
عینی مشاهداتی تکرار ایتدرملی .

مکعبله انشآت

- ۱ — جفته قابو (لوحه ۲ شکل ۵۵) .
- ۲ — روستائی بر چشمه (شکل ۵۶) ؛ جوان یولاری اوزرنده کوریلن
آعاج کولکله لرله اورتولو چشمه لردن بری .
- ۳ — قولتوقلی بر اسکمله (۵۷) .
- ۴ — روستائی بر فرون ؛ (۵۸) چفتلک حولیلرنده کی فرونلردن .

ترتیبات متناظره

- سلسله ۱ : (بری مرکزی اراشه ایتک اوزره یدی مکعبله ؛ ثنائی الطرف تناظر)
لوحه ۳ ، شکل ۱۰۵، ۱۰۶، ۱۰۷، ۱۰۸، ۱۰۹ .
- سلسله ۲ : برنجی سلسله ده کی ترتیبات متناظره ؛ او ترتیباته عمود وضعیتده
عیناً تکرار ایتدیریله جک .
اماعات صره .

اوچمی تعلیم تناظر (مابعد)

بر ثنائی الطرف تناظرده ایکی استقامت اوزره تشکیل ایدیلن ترتیباتی

توحيد ايدەرك ، بر مرکز اطرافدە دوت استنامتدە تماماً متشابه دوت طرفلې (رباعی الطرف) بر تناظر وجوده کتیریلەبیلەجکنی مشاهدە ایتدرملی .

چوجوق ، بش مکعبه (بری مرکزی اراڻه ایدەجک) آتیدەکی ترتیبات متناظرینی وجوده کتیره رک ، بونی اییجه ادراک ایدر .

اولا مرکزی اراڻه ایدەجک اولان مکعبی اورتیه قویدرملی ؛ صکره صاغ طرفه بر مکعب ، صول طرفه بر مکعب ، وأوگ طرفه ده بر مکعب وضع ایتدرملی . « وجوده کتیردیکمز تناظر تام دکلدور ، دکلی ؟ اویله ایسه بوتناظر کوزل اولتی ایچون دها نه علاوه ایتک لازم در ؟ - آرقه طرفه ده بر مکعب قویق لازم . - اونیده وضع ایدلم .

« شمدي بودرت مکعبدن برینی اوزاقلاشدیره جق ویاخود یقینلاشدیره جق اولسه (شکل ۱۱۲ ، ۱۱۳ ، ۱۱۴) ، دیگر مکعبلری ده اوترزده اوزاقلاشدرمق ویاخود کربله ایتک ایجاب ایدر .

« وسطده بر مکعب بولنسی مطلقا لازم دکلدور ؛ وسطی بوش بر اقه بیلیرز . (شکل ۱۴) ک مرکزنده کی مکعبی قالدیرملی ، شکل ۱۱۵ وجوده کلیر .

« شمدي ده اوگ طرفه بر مکعب علاوه ایدیلەجک اولسه ، آرقه به ، صاغه ، صوله ده برر مکعب علاوه ایتک اقتضا ایدرکه ، اوحالده شو کوزل ترتیب حاصل اولور (شکل ۱۱۶) .

« نهایت ، بوکوچوک مکعبلری ۳ر ، ۵ر ، ۶ر ، بر مرکز اطرافدە صیره لیهرق ۳ لی ، ۵ لی پک کوزل بر طاقم متناظرات دها تشکیل ایدەبیلیرز . (بر نقطه اطرافدە مضلع تناظر لر) . »

ترتیبات مضلع

۱ — مرکزده بر مثلثی حاوی بر ترتیب مضلع (لوحه ۳ شکل ۱۱۷) .

۲ — ترسنه بر ترتیب (شکل ۱۱۸) ، اوچ مکعب برر ضلع مجسمیلە یکدیگره تماس ایتک اوزره .

۳ — بش ضلعی بر ترتیب متناظر (خماسی الاضلاع) (شکل ۱۱۹) .

۴ — ۵ شعاعلی (خماسی الاضلاع) بر بیلدیز (شکل ۱۲۰) ؛ بایراغمزک بیلدیزی کبی .

۵ — آتی ضلعی (سداسی الاضلاع) بر ترتیب منتظم (شکل ۱۲۱) .

۶ — آتی شعاعلی (سداسی الاضلاع) بر بیلدیز (شکل ۱۲۲) .

۷ — سکیز ضلعی (ثمانی الاضلاع) بر ترتیب منتظم (شکل ۱۲۳) . صوده باشایان نباتاتی وبالقلمی بسیلە مکه مخصوص بر بویوک حوض .

۸ — سکنز ضلعلی (ثمانی الاضلاع) بریلیدیز (شکل ۱۲۵) . دیگر بر شکل متناظر (شکل ۱۲۴) .

بوتون بوتربیتانده اورتهده قالان بوشلغك شكل مضلعنه دقت ایتدرملی .
بو بوش مسافه محیطك ؛ كوچوك مكعبلك اوست وجهلری ضلعلرندن متشكل اولدیغی مشاهده ایتدرملی ، اوضعلری صایدرملی .

سکنز مکعبله انشآت

۱ — بر بویوك پنجره (لوحه ۲ شكل ۵۹)

۲ — بر بویوك قابو (شكل ۶۰)

۳ — بریر آتی کیلاری ، بعضی ذخاثری تازه تازه صاقلامق ایچون .

۴ — بر شمندوفر قطاری (شکل ۶۲) — كوچوك مكعبله ماصه لك اوزرنده کی سطرنج واری خطلردن ایکی خط اوزرینه (سوزده رای) دیزدیریله جك . —
لوقوموتیفه ، بخاره ، دومانه ، آتسه ؛ شمندوفرک یورورکن حاصل ایتدیکی کورولنویه وسرعتنه دائر معلومات ویرملی .

اهراعات صره . — طلبه نی ، کندی کندیبلرینه ، ایکی طرفلی ، درت طرفلی انشآت و ترتیبات متناظره وجوده کتیرمه دعوت ایتلی .

بوتعلیمه ، سکنزدن زیاده مکعبله یاپیله جق بعضی ترکیبات نمونلری علاوه ایدیورز ؛ چوجوقلره بوتربکیاتی ده یادرملی ؛ طلبه ایکیشر ایکیشر بر آره یه کلهرك برلکده برایش یایمق ایچون مواد انشائیهرلرخی برلشدرملی ؛ چوجوقلره : « باقیکز ، بویه ده بویوك ودها اهمیتی مانی وجوده کتیره بیلیرز ؛ ایشته ، چوجوقلرم ، نوسزه مشترک (برلك) ایشلرده اشتراكك ، معاونت متقابله مك فضل ومنفعتی کوسترد ، دیملی . (موضوعی توسیع ایتلی) .


سکنزده زیاده مکعبله انشآت

۱ — بر شمندوفر استاسیوی (شکل ۶۳) . اون آلتی مکعبله .

۲ — بر اهرام (شکل ۶۴) ، اون مکعبله : مکعبلردن بری ، برنجی قاعدهك مرکزینه قونیه جق .

۳ — سداسی الاضلاع بر قویو (شکل ۶۵) ، اون ایکی مکعبله .

۴ — عمومی میدانتلره مخصوص درت قورنهلری بر بویوك چشمه (شکل ۶۶) ، اون آلتی مکعبله .



منشورلر

(سکز منشوره آیریلیر مکعب)

دردنجی هبه

دردنجی هبه نامی آلتندەکی مواد انشائیە مجموعه سنی تشکیل ایدن منشورلر (منشورات متوازی المستطيلات) عناصر شکلیەلری اعتباریله پک آشکار برتنوع اراۛه ایدرکه بو تنوع مکعبده یوقدر . بو منشورلر سایه سنده اولکی هبه لرله اشکال هندسیە حقنده اجراسنه باشلادیغمز حدسی تتبعاتی ، ینه اومحدود وبسیط درجه دن آیریلماق وعینی مشخص طرزلری تعقیب ایتمک شرطیله ، برآزدها ایلری کوتورەبیلیرز . واقعا منشورلر ، مکعبلر قدر ، ترتیبات متناظرە تشکیلنه الویریشلی دکلدر ؛ آنجق انشآت مصورده ، یعنی اشیایی حقیقته دها قریب بر صورته ده کوستره جک انشآتە دها مساعددر . منشورک ، مکعبه نسبتله ، دها تنوعنا ودها نظر فریب اولسی بر طاقم تعریفات وایضاحاته لزوم کوستررکه ، بو قیل انشآت ؛ او مجرد تعریفات وایضاحات ائناسنده چوجوقلرک جوال اولان غیله سنه حقیق و عیانی بر نقطه استناد اولور .

ترتیبات مقدره

دردنجی هبه نی ترکیب ایدن سکز منشورک هیئت مجموعه سی اوچنجی هبه کبی بر مکعب تشکیل ایدر . بو منشورلرده ، طبق اوچنجی هبه کبی عینی شکله وعینی ابعادده بر قوطی ایچنده محفوظدر . منشورلرک عرضی ، طوللرینک ؛ و ثخنلری ده عرضلرینک نصفه مساوی در . بونستلر ؛ انشآتە اک مساعداولتی جهتیله ، طوغله لره ویریلان نسبتلرک عینی در . ایشته بونک ایچون درکه چوجوقه اکثریا دردنجی هبه نک عنصرلرینه طوغله نامی ویررلر . مؤلفلرک بر جوغی بو عنوانی قبول یتملردر . مع مافیە بز ، ضبط وحفظده برکوجاک کورمدیکمز ایچون ، هندسی اسمنی ترجیح ایدیورز . قوطونک اولک وجهی اوزرنده درت رفی محرردر .



برنجی تعلیم

منشور لر

چو جوقلره دردنجی هبه‌یی ویررکن ، نظر دقتلرینی جلب ایتک ایچون ، بالطبع یکی یکی اویونلردن ، بوهبه‌یی ترکیب ایدن مواد ایله اولکیلره نسهٔ ده کوزل برطاقم انشاآت وجوده کتیریله‌بیله‌جکندن .. بحث ایده‌جکسکز . بومواد حقنده یاپدیره‌جگکز تبعاتی‌ده اویله بر صورتده یاپدرملیسکزر که ، چوجوق اومواد استعماله‌باشلامه‌دن اول بوتبعاتی‌یایمق شرط اولدیغنی آکلامتله برابر ، هرتبعک هم مساعی‌یی سوق و اداره‌یه وهم حظ و ذوقی احضاره خادم اولدیغنی‌ده اییجه طویسون .

قو طولر ، اصول معتاده اوزره ، توزیع ایدیله‌جک . چوجوقلر ، منشورلری قوطودن چیقارمق ایچون ، اوچنجی هبه قوطوسنی نه‌طرزده آچدیلسه بو قوطوی‌ده اوطرزده آچه‌جقلر .

اولا ، منشورلرک قوطودن چیقدقلری هیئت اوزره ، یعنی اویله‌بر بونوره حالنده عرض ایتدکلری شکل مکعبی‌ی‌طائلی . بونک ایچون صیره‌سیله ، سریعاً - اولا : اوکوردکلری شکلک آلتی وجهی ؛ بو وجهلردن آلتینسک‌ده مربع شکلنده وبری برینه مساوی اولدیغنی ، - ثانیاً : اون‌ایکی ضلع مجسمی ؛ بوضلع مجسملردن دردینک ، وضعیت حاضره‌سنه کوره ، شاقول استقامتنده ، سکزینک‌ده افق استقامتنده اولدیغنی ، وهپسنگ بری برینه مساوی بولندیغنی ، - ثالثاً : سکز زاویهٔ مجسمه رأسلرینی ؛ - رابعاً ابعاد ثلثه‌سنی (ارتفاعنی ، عرضنی ، ثخننی) و بو اوچ بعدک‌ده بری برینه مساوی اولدیغنی ؛ تعیین و اشارت ایتدرملی . بوندن صکره :

« دیک‌که شو کوردیکز بر مکعب . - شمدی بو بوتون ی ؛ اقسامته آیره‌رق ، شو بوتون حالندن چیقاره‌جغز ، طایفه‌جغز . ابتدا واحد تامی ارتفاعی استقامتنده ایکی‌یه بوله‌لم . ایسته واحد تامک ایکی نصفی ، ایکی یازمی . بو ایکی نصف‌ده کذلک ایکی‌یه بوله‌لم ؛ واحد تامک هانکی کسرلری حاصل اولور ؟ - ربعلری . - قاچ ربع ؟ - درت . - بودرت ربعی ؛ متناظراً ایکیسی اوکه ، ایکیسی آرقه‌یه کلک اوزره :

یادینغز تقسیمه کرره ایکیمی صاغده، ایکیمی صولده در؛ ماصه نك اوزرینه قویه لم. —
شمدی ده بوربلردن هر برنی، عرضی استقامتنده اولق اوزره، ایکی قسمه
بولم. (هربری تشکیل ایدن ایکی منشور متناظراً ایکی خط اوزرینه صیره لنه جق صورتده
بری برندن تباعد ایدر یله جك.) جمعاً یکوز قاق پارچه حامل اولدی؟ — واحدك
بوکسرلردن هر برینه نه دینیر؟

چوجوق، اوکنده کی سکنز پارچه یه باقه رق، بویکی هبه نك عنصرلریله
اوجنجی هبه یی تشکیل ایدن عنصرلر آره سنده شکلاً موجود اولان فرقی
کوره بیایر. شمديك مفصل بر مقایسه یادر مقدن صرف نظر ایده رك (بومقایسه
بالاخره یادر یله جق در)، یالکز بوفر قی تصدیق وتأیید ایله اکتفا ایتلی.

• بوبارچه لردن برنی آلکزه آلکزه. شکلی، اوجنجی هبه مکعبلرینك شکلی کبی می؟
• دقت ایدیکز: طولی عرضندن. عرضی ثننندن دها زیاده (دها اوزون، دها
یانتی... دکلکی؟

• دیمک که بو کوچوک مجسم بر مکعب دکل در. بوکا منشور نامنی ویره جکز.
اوله ایسه: ألزده کی مکعب تام سکنز منشور ه آیرلدی، دییه جکز.

بوندن صکره، اوجنجی هبه ایله یادر دیغکنز کبی، بری برنی متعاقباً ربلرلی،
نصفلری ونهایت بوتونی تشکیل ایدر ملی. چوجوق بوضورتله اولجه مکعبلرله
یادینغی بو دفعه باشقه برشکلده اولان شو پارچهلر اوزرنده تطبیق ایده رك،
اقسامك واحد تام ایله اولان نسبت عددیه لری شکلدن طولای اصلادکشمديکینی
حس وادراك ایدر.

ایکی منشور ایله اشآت

مکعبدن ایکی منشور آیریکز؛ بویکی منشور ایله برچوق شی وجوده کتیره سیلیرز؟
مثلاً:

- ۱ — آرقه لقی برصیره (لوحه ۴، شکل ۱)
- ۲ — بر مسافه طاشی (شکل ۲)، یول کنارلرینه یولک اوزونلغنی کورترمک
ایچون قونیلان اوزری یازیلی طاشلردن.
- ۳ — ایکی طاش باصاماق (شکل ۳)، علی الاکثر سوراق قبولرینك اوکنده
کوریلان، ویاخود اودن بانغچه ایتنک ایچون پاپلان باصاماقلر کبی.
- ۴ — برمارانغوز کونیه سی (شکل ۴)، زاویه قائمه لر چیزمک ایچون.
- ۵ — بر کوچوک صنف رحله سی (شکل ۵).

اوج منشور ایلہ انشآت

- ۱ — شمعی براونچی منشور دھا آلیکز ، یادیفکز رحلہ ٹک اوکنہ قویکز ، ایشہ بودہ پیکہ . - رحلہ ویکہ ایکسی برلکده (شکل ۶) .
 - ۲ — اوستی اورتولی برصو جدولی (شکل ۷)
 - ۳ — برجفتہ صیرہ (شکل ۸)
 - ۴ — برقاو (شکل ۹) ، ایکی باینده سیلہ قوشاخی .
 - ۵ — برپانو (شکل ۱۰) . پیاوئی مخدہ برآ تعریف ایتلی ، سورت استعمالی سوبلہ ملی . موسیقیدن بحث ایتلی .
- امراعات صرہ .

ایکی ، اوج منشور ایلہ یادیریلہ بیلہ جک ترتیبات مناظرہ پک اعمیتسز شیردر ، بناء علیہ بوایلک تعلیمده اورتیباتدن صرف نظر ایتک اولادر .

منشورلر ، تعلیم بیتدکن صکرہ ، اوجنچی ہبہ مکعلری ایچون تعریف اولنان طرزده قوطولرہ ادخال و مریبہ یہ اعاده اولنہ جق .

— — — — —

ایکینچی تعلیم

منشورک تدقیق

برنجی تعلیمک مبدأندہ اولدینی کی منشورلر علی الاصول قوطودن چیقاریلہ رق ہیئت عمومیه سیلہ ماصہ اوزرنده طورہ جق . ایچلرندن بر منشور افراز ایدیلہ رک آریجہ معاینہ ایدیلہ جک . منشورک شکلی ؛ اولجہ کوزلہ کورہ رک حکم ایتدکلری وجہلہ مکعبک شسکلندن باشقہ اولدینی چوجوقلرہ درخاطر ایتدیرلکدن صکرہ ، بویکی شکک تحلیلنہ باشلاتیلہ جق .

اولا ، منشورک آلتی وجہی اولدینی ؛

ثانیاً ، بوجہلرک مستوی بواندینی ؛

ثالثاً ، وجہلرک ہمسنک بری برینہ مساوی اولدینی ؛

رابعاً ، ایکسنک بویوک ، ایکسنک کوچوک و ایکسنکده متوسط (اورتالاق) اولدینی مشاهدہ و کشف ایتدیریلہ جک . (متوسط کلمہ سنک مناسنی ایضاح ایتلی .)

بوايضاحاتی ادراك ايتكم ايجون منشورلره برکرمه باقق کفایت ایدر. صکره
تأسيس مقایسه باشلاملی ؛ منشورک ده ، مکعب کبی ، آلتی وجهی اولدیغنه دقت
ایتدرملی : ایشته بروجہ مشابہت . فقط مکعبک وجهلری بربرینه مساوی در ،
بونلر ایسه غیر مساوی : بوده آره لرنده کی فرق ، وجه مغایرت . — بوصورتله
متوازیاً مقایسه یه دوام ایده رک آره ده کی بوتون مشابہت و مغایرتلری تحقق
ایتدرملی .

د الکرده کی منشوری یا تصیلغنه یعنی بویوک وجهلرندن بری اوزرینه یاتیریکز . —
یانلامسته ، یعنی متوسط یوزلرندن بری اوزرینه یاتیریکز . — شمدی ده دیکلکنه .
کوچوک وجهلرندن بری اوزرینه اوطورتیکز . ایشته اوچ مختلف وضعیت که قوره جفمن
یاپلرده منشورلره بواوچ وضعیت ده ویره بیلیرز .

« شمدی تکرار منشوری الکره آلیکز . وجهلرینک محیطی تشکیل ایدن
خطلری کوسرتیکز . بو خطلر مستقیم ؟ مکعبک محیطی تشکیل ایدن خطلره نه دیوردق ؟
— ضلع مجسم . — ایشته منشور وجهلرینک محیطی تشکیل ایدن خطلره ده ضاع مجسم
دیه جکیز . شمدی پارماغکیزی منشورک ضلع مجسملری اوزرنده کزدیردک قاچ ضلع
مجسمی اولدیغنی سویله ییکیز . — اون ایکی ضاع مجسمی وار . — تمام مکعبکی قدر .
فقط مکعبک ضلعلری بری برینه مساوی در ؛ منشورک ضلعلری ده کاملاً بری برینه
مساوی می ؟ — خایر ، هبسی بری برینه مساوی دکل ؛ بویوکلری ، کوچوکلری ،
متوسطلری ار .

« منشوری ماصه نک اوزرینه قائماً (دیکنه) ، کوچوک وجهلرندن بری اوزرینه
اوطورتیکز ، بر صورتده که بویوک وجهلرندن بری اوک طرفه ، بری ده آرقه طرفه کلسین .
شمدی برلکده صایه لم :

« ارتفاع استقامتنده یا خود اوزرنلغنه ؛ بویوک ضلع ؛

« عرض استقامتنده ؛ متوسط ضلع ؛

« ثخن استقامتنده ؛ کوچوک ضلع . »

چوجوقلر ، تعیین وتوصیف اولسان ضلعلری ، اوزرلرنده پارماقلرینی
کزدیردک اشارت ایتلی .

بوندن صکره ، منشوری بویوک وجهلرندن بری اوزرینه یاتیرتملی :
ضلع مجسملرک وضعیتی دکی شیر ؛ فقط ضلعلرینه عینی در ، درت بویوک ،
درت کوچوک ، درت متوسط ضلع واردر ، دیملی .

درت منشور ابد انشآت

- ۱ — بر پنجره (لوحه ۴ شکل ۱۱) . مربع شکلنده ، شونلر پروازلری ؛
بوواست توشاق ، شواآلت قوشاق ؛ بوده دروازده (اورته ده کی آچیقلاق) ، بوشلق دیبه
پنجره نك اقسامی حقنده معلومات ویرملی .
- ۲ — بر قانادلی بر قاپو (شکل ۱۲) .
- ۳ — بر بابا (شکل ۱۳) ، شو طاملرک اوزرنده اسمر و یاخود ماوی بولوطرله
توتن باجالردن .
- ۴ — چشمه (شکل ۱۴) ، بر قیر چشمه سی .
- ۵ — کوچوک چوجوق قاریولاسی (سدیری) (شکل ۱۵) .
- ۶ — یازی ماصه سی (شکل ۱۶) .

ترتیبات منظره

- برنجی سلسله : درت طرفلی (رباعی الطرف) بر تناظر ، لوحه ۶ ، شکل ۲۰۱ ؛
یل دکرمنی قانادلری شکل ۳ ، ۴ ، ۵ ، ۶ .
- ایکینجی سلسله : ایکی طرفلی (ثنائی الطرف) بر تناظر ، شکل ۷ ، ۸ ، ۹ ، ۱۰ ، ۱۱ ، ۱۲ ، ۱۳ ، ۱۴ ، ۱۵ ، ۱۶ ، ۱۷ ، ۱۸ ، ۱۹ .
- ابداعات صرّه .







اوممچی تعلیم

منشورک وجهلری

بو تعلیمه کلنجیه قدر ، چوجوقلر ، لاغر بونک و تخت میربرور ایشلریله
مستطیل ، مستطیلک سهولته قابل مشاهده اولان اوصافی اوکره نمش اولاجقلرندن ،
بوراده یالکزاوُلجه اوکره ندکاری او مفهوملرک ؛ منشورک سطحلری اوزرینه
تطبیقیه اشتغال ایدیله جک در .

بونک ایچون ؛ ماصه نك اوسته « یاتصیلغنه » (بویوک وجهلرندن بری اوزرینه) ،
وبویوک ضلعلری صاغدن صوله متوجه اولمق اوزره بر کوچوک منشور یا تیرتیه جق :
اولا ، سطح فوقانی نك (اوست سطحك) مستطیل شکلنده اولدیغی
طانیته جق .

ثانیاً ، مستطیلک ایکی بویوک ضلعی ، ایکی کوچوک ضلعی کوستریله جک .



ثالثاً ، متقابل ايکي بويوك ضلعك برى برينه موازى اولدينى مشاهدە
ايتديريله جك . - صكره ، متقابل ايکي کوچوك ضلعك ده كذلك
موازى اولديغنه دقت ايتديريله جك .
رابعاً ، مستطيلك درت زاويه قائمهسى ارايه ايديله جك .
خامساً ، منشور چويريله جك ، آلتده قالمش اولان ديكربويوك سطحك ده
تماماً اوست سطحك عيني اولديغنه دقت ايتديريله جك . اوکا مساوى اولدينى
سويله نه جك .

صكره ، متوسط وجهلرندن برى اوزرينه يانلامسنة ؛ وكوچوك ضلعلرندن
برى اوزرينه ، يعنى ديكنه وضع ايتديريله رك عيني مشاهدات سريعا تكرار
ايتديريله جك .

نهایت ، بومشاهدات بروجه آتى اجمال اولنه جق : اولاً ، منشورك آلتى وجهى
واردركه آلتيسى ده مستطيل شكندە در ؛ ثانياً ، بوجهلر ايکيشر ايکيشر برى برينه
مساوى در ؛ ثالثاً ، بومستطيللر كده ، بوتون مستطيللر كې ، متقابل ضلعلى
برى برينه مساوى وموازى در ، وزاويلرى قائمه در ؛ دينيله جك .

بسمه منشور البر انشآت

- ۱ — ايکي قانادلى برقاپو (لوحه ۴ ، شكل ۱۷)
- ۲ — برجويان كلبهسى (قولوبهسى) (شكل ۱۸) ، هانى چوبانلرك قيرلرده
قوزولرى اوتلاتيركن ايچنه كيروب صفندقلرى بر ...
- ۳ — برکوچوك صحنلق (شكل ۱۹) اكترى در اثر رسميه اوكنده كى ، جامعلرك
جله قېوسى اوكنده كى صحنقلر كى ...
- ۴ — بريلاق (شكل ۲۰) ، چشمه لرك ياننه قونيلان يالقلردن .. كوى
ايچنده كى چشمه نك ياننده كى يلاق ...
- ۵ — اوجاق (شكل ۲۱) . كوى اوجاقلرينه ، باجاره ، آتشلكره ، آتسه
داثر معلومات ويرملى .

سنيبات مناظره

- لوحه ۶ ، شكل ۲۰ ، ۲۱ ، ۲۲ ، ۲۳ ، ۲۴ ، ۲۵ ، ۲۶ ، ۲۷ ، ۲۸ ، ۲۹ .
ابراعات هرّه ايکي طرفلى تناظرلر .

در دهمی تعلیم

سطح لرك مقایسه می

چو جوقلره منشور و جهلرینك ابعاد نسیه سنی تقدیر ایتدرمك ایچون ،
بو و جهلری بری بری اوزرینه وضع ایتدیره رك آری آری اولچدیره جکز .
اولا ماصه نك اوسته یاتصلیغنه (بویوك وجهی اوزرینه) بر منشور وضع
ایدیله جك ؛ اونك ، اوسته عینی وضعیتده ایکنجی بر منشور ، صکره بر
اوجنجی منشور یاتیریلجق ؛ بوتجربه ایله حاصل اولان فکر تعمیم ایدیله جك :
المزده بولنان منشور لرك بویوك و جهلری كاملاً بری برینه مساوی دره ، دینیله جك .
بو عملیات اورته و جهلره ، وبعده کوچوك و جهلره ده تکرار ایتدیریله جك .
منشور لرك انشا آتده بری برینه تماماً اویغون کلسی ایشه بو شرطدن ناشی
اولدینی مشاهده ایتدیریله جك .

بعده ، ینه منشور لر اوست اوسته قویدیرلق صورتیله :

اولا ، بر بویوك وجهی تماماً اورتكم ایچون ایکی متوسط وجه (لوحه
۶ ، شكل ۳۰) ،

ثانیاً ، بر متوسط وجهی اورتكم ایچون ایکی کوچوك وجه (شكل ۳۱) ،

ثالثاً ، بر بویوك وجهی اورتكم ایچون ده درت کوچوك وجه (شكل ۳۲) ؛

لازم اولدینی کوستریله جك .

بوصوك تجربه ، درت کوچوك وجه بویوك ضلعلری استقامتمنده اوست

اوسته قونمق صورتیله ده یاپیله بیلیر .

نهایت شونتیجه لر استنتاج ایدیله جك : « ۱ » اورته یوزلر ، امتداداً (مساحت) ،

بویوك یوزلرك نصفه معادل در ؛ « ۲ » ، کوچوك یوزلر ، امتداداً ، اورته

یوزلرك نصفه معادل در ؛ « ۳ » ، کوچوك یوزلر ، امتداداً ، بویوك یوزلرك

دبغه معادل در .

آلتی منشور ایلر انشآت

۱ — تونل (لوحه ۴ شكل ۲۲) ، شمندوفر قطار لرينك ایچندن کچدیکی کرلی

بر آلتی بولی .

- ۲ — ایکی پیکه‌لی بر رحله (شکل ۲۳) .
 ۳ — صو مخزنی (شکل ۲۴) .
 ۴ — قلمه قاپوسی (شکل ۲۵) ، کوچوک یان قاپولریله برابر .
 ۵ — کوچوک بر عطار دکانی (شکل ۲۶) .
 ۶ — دونمه مرادیون (شکل ۲۷) . بویانی؛ یدی ویاخود سکنز منشور ایله یاپیله‌بیلیر ، آنجق سکنز منشور ایله یاپیلانی موازننده طوتمق برآز دها کوچجه در .
 ۷ — بر طبان دیره‌کی (شکل ۲۸) . ایضاحات ویرملی : اودونجی بر آغاج کوتوکی کسر ، طوغرامه‌جی او کوتوکی درت گوشه اوله‌رق یونتار . بوندن صکره ، ییغیجی (خزارجی) اونی اوزونلغه ایکی‌یه بیجر ، ایکی پارچه‌یه آیررکه (شکل ۲۹) اووقت بوپارچه‌لری یاتصیلغنه طبانلرده قوللانمق ممکن اولور .

ترتیبات منظره

- سلسله ۱ : لوحه ۶ ، شکل ۳۳ ، ۳۴ ، ۳۵ ، ۳۶ ، ۳۷ ، ۳۸ .
 سلسله ۲ : شکل ۳۹ ، ۴۰ ، ۴۱ ، ۴۲ .
 سلسله ۳ : شکل ۴۳ ، ۴۴ .
 ابراعات صره .

شجی تعلیم

سطحلرک مقایسه‌سی (مابعد)

چوجوقلر ، بوندن اول ، یان یانه موضوع برقاچ سطحک هیئت مجموع‌ه‌سنی تک بر سطح کبی رؤیت و تقدیر ایتمه مدار اوله‌جق برقاچ تجربه کوردیلر . شمدی ذهنلرنده مبهم بر حالده اولان او انطباعی دها دقیق بر مشاهده ایله واضح برحاله کتیردم که منشورلرک مختلف وجهلریله تشکیلی ممکن اولان شکل و امتدادی متخالف سطحلری قولایلقله مقایسه ایتدیره‌بیللم .

ماصه‌نک اوزرینه اولایاتصیاغنه بر منشور وضع ایتدیروب ، اونک یانه ، ضلع کیرینه موازی اولق اوزره ، ایکنجی بر منشور علاوه ایتدرملی . بو ایکی

مستطیلک اجتماعدن بر مربع حاصل اولور . مستطیللردن هر بری او مربعک نصفه مساوی در ؛ مربعده او مستطیللرک ضعفی در .

مکره ، آریجه ایکی منشور دها آدیروب « اوج اوجه » ، یعنی کوچوک وجهلری بری برینه تماس ایتمک اوزره یان یانه قویدرملی . بو وضعیتده ایکی بویوک وجه اوزون بر مستطیل تشکیل ایدر . کوچوک مستطیللردن هر بری بویوک مستطیلک نصفه مساوی اولوب ، بویوک مستطیلده اونلرک ضعفه مساوی در . « اوککزه کی مربعی اوزون بر مستطیله تحویل ایدیکز . شدی ده او اوزون مستطیلی بر مربعه تحویل ایدیکز . »

شوحالده ، بری برینه اتصال ایتدیریلن شواکی وجهدن تشکیل ایدن مربعک مساحتی سطحیه سی ، عینی ایکی وجهک صورت آخرله وضعندن حاصل اولان اوزون مستطیله مساوی در . دیمک که مختلف شکلده اولان ایکی سطح ، امتداداً (مساحت) بری برینه مساوی اولاییلر .

بری منشور ایله انشآت

۱ — کوروکلی کوچوک بر پیانو (لوحه ۴ شکل ۳۰) ، چوجوقلر شرقی سویله دکلری زمان آهنگ طوتمق ایچون .

۲ — بر قوبو (شکل ۳۰) ، کویک میداندلنده کی ویا کنارنده کی قوبو .

۳ — آراهه قاپوسی (شکل ۳۴) ، آراهه لرک آراهه لگه کیرمسنه مخصوص .

۴ — اوجاق (شکل ۳۳) ، نعلبند دکاننده کی دمیجی اوجانی .

۵ — ایکی دلیکلی بر مطبخ اوجانی (شکل ۳۴) .

۶ — بالقونلی بر پنجره (لوحه ۵ ، شکل ۳۵) .

ترتیبات منظره

سلسله ۱ : لوحه ۶ ، شکل ۴۵ ، ۴۶ ، ۴۷ ، ۴۸ ، ۴۹ ، ۵۰ .

سلسله ۲ : شکل ۵۱ ، ۵۲ ، ۵۳ ، ۵۴ ، ۵۵ ، ۵۶ .


ابعادات هر سه .



آلنجی نهلم

مربعی اقسامنه آیرمق

بوتون منشور لرله ، هپسی براستقامتده اولمق اوزره ، بر بویوک مربع تشکیل



ایدیکز . بوشکل ؛ مربع بردوشه می تمیل ایدر، منشورلرده دوشه مه تخته لری
آکدیرر (لوحه ۷ ، شکل ۵۷) . بو مناسبتله بر دوشه مه نك نصل انشا
ایدلیکنی ایضاح ایتلی .

« شمدی شو اوکمزده کی مربعی عرضاً ایکی مساوی قسمه بولهلم (شکل ۵۸) .
ایکی مساوی مستطیل حاصل اولور . تکرار مربعی تشکیل ایدلم .

« شمدی ده بویوک مربعی ، دیگر استقامتنه ، کوره ایکی مساوی قسمه تفریق ایدلم
(شکل ۵۹) : نه حاصل اولدی ؟

« شوایکی مستطیلدن برینی ایکی مساوی مربعه آیرهلم . دیگر مستطیلده اویلهجه تفریق
ایدلم . بویوک مربع ؛ بری برینه مساوی درت کوچوک مربعه تقسیم ایدلش اولور
(شکل ۶۰) . هر کوچوک مربع ، بویوک مربعک بر ربی در . ینه بویوک مربعی
تشکیل ایدلم .

« بویوک مربعی ، عرضاً ، درت مساوی مستطیله بولهلم (شکل ۶۱) .
بومستطیللردن هر بری بویوک مربعک بر ربی در .

« شو اوزون مستطیللردن هر برینی ایکی مساوی قسمه آیرهلم : نه حاصل اولور ؟
سکز کوچوک مستطیل (شکل ۶۲) . بو کوچوک مستطیللردن هر بری ، بویوک
مربعک سکزده بری ، ثمنی در . تکرار درت کوچوک مربعی ؛ صکره ده ، بویوک مربعی
تشکیل ایدلم . »


سکز منشور ایله انشآت

- ۱ — ۲۰ — مربع بردوشه مه ترتیباتی (لوحه ۵ ، شکل ۳۶ ، ۳۷) .
- ۳ — بر بویوک قولتوق اسکله سی (شکل ۳۸) .
- ۴ — کوچوک بر باغچه (شکل ۳۹) ، جوجوقلرک چیچک اکسنه مخصوص .
- ۵ — ایکی قاپولی بر باغچه کوشکی (شکل ۴۰) .
- ۶ — بر شمنده فر کوپروسی (شکل ۴۱) .
- ۷ — دوزر وصایی صایار دولاب (شکل ۴۲) .
- ۸ — ایکی یان قاپویی حاوی قلعه قاپوسی (شکل ۴۳) .

ترتیبات منظره

لوحه ۷ ، شکل ۶۳ ، ۶۴ ، ۶۵ ، ۶۶ ، ۶۷ ، ۶۸ ، ۶۹ ، ۷۰ .

ایراعات هر ره .



برنجی تعلیم

اباد نلکه نك مقایسه سی

متوسط (اورته) وجهی اوزرینه قونمش بر منشورك ارتفاعه مساوی بر ارتفاع پیدا ایتك ایچون، یاتصیاغنه اوست اوسته ایکی منشور قویق لازم اولدیغنی مشاهده ایتدرملی.

چوجوقلر (لوحه ۵، شکل ۴۴) ده کوستریلن ترتیبی وجوده کتیرملی. کذلک قائماً موضوع بر منشورك ارتفاعه مساوی بر ارتفاع پیدا ایتك ایچون، ایکی منشورك ایکی متوسط وجهی اوست اوسته وضع ایتك ایجاب ایده جکنی بولدرملی (شکل ۴۵).

نهایت، قائماً موضوع بر منشورك ارتفاعه مساوی بر ارتفاع پیدا ایتك ایچون یاتصیاغنه اوست اوسته درت منشور قویق لازم اولدیغنی ارأه ایتلی (شکل ۴۶).

بوتجربه لر دن :

اولاً : ألمزده کی منشور لر دن برینك عرضی ثخنك ضعفه ،

ثانیاً : اوزونلغی عرضك ضعفه ،

ثالثاً : ینه اوزونلغی ثخنك درت مثله مساوی اولدیغنی استنتاج ایتدرملی.

شومقایسه لر؛ بویه یالکز ارتفاعاً دکل، ماصه اوزرنده افقی اوله رق وجوده

کتیریه جك انشآت ممانله اوزرندن آله جق اولچولرله ده تکرار ایتدیریه بیلیر.

سکن منشور ایل انشآت

۱ دکرمن حوضك اطرافنده کی سد (لوحه ۵، شکل ۴۷)، صولری بند ایتك ایچون.


۲ صواق (شکل ۴۸)، دکرمن صوبی فضله سنك دوکلدیکی بر.

۳ قاباق، خرق قاپاغی (شکل ۴۹)، دکرمنه صو صالیورمك ایچون.

۴ دکرمندن چیقان صوبك اوزرینه قورولش کنارلی کوپرو (شکل ۵۰).

بوسلسله انشآت دکرمن حوضی، صواق، دکرمن ... حقتنده معلومات

ویرمك ایچون نصل فرستلر تدارك اوله بیه جکنه، توصیفی درس لر ده فرو بهل



ایشلرلندن نه صورتله استفاده ایديله جكنه بر مثال اولق اوزره ترتيب اولمش در .

ترتیبات منظره

لوحة ۷ ، شكل ۷۱ ، ۷۲ ، ۷۳ ، ۷۴ ، ۷۵ .
ابداعات صره .



سکز منجی تعلیم

جملرك مقایسه سی

بو تعلیمده یالکز سطحلردن دکل ، مجسمك کندیسندن و بویوکلکندن ،
تعبیر مخصوصیله مجسم ندن بحث ایديله جكنی چوجوقله اخبار ایتلی .
چوجوقلر اوچنچی و دردنجی هبلرده کی مکعبك بر چوق مجسمدن
مرکب بر شکل مجسم اولدیغنی کورمش و آکلامشلردی ؛ شمدی بو تعلیمده
ویريله جك فکره نقطه استناد اولق اوزره او ایلک فکری تأیید و تقویه ایتلی .
چوجوقلره ایکی منشوری یاتصیلغنه اوست اوسته وضع ایتدرملی .

« بویکی قسمدن متشکل بر بونوره در . بو بوتون بر مجسم در . کوچوك منشورلردن
ایکی کره دها بویوک در . بویوکا ؛ جمی اولرك جمنك ضعی در ، دییه افاده اولنور . »
صکره اوایکی منشورك اوسته بر منشور دها وضع ایتدرملی . بو صورتله
وجوده کتیر یان شکل مجسم بر کوچوك منشوردن اوچ کره دها بویوک در ، یعنی اوچ
کره دها بویوک حجمه مالک در ، دیلی . — بری بری اوزرینه وضع ایتدیريله جك
درت منشورایله ده عینی مشاهده یی تکرار ایتدرملی . — نهایت ، سکز منشورك
اجتماعندن تشکل ایده جك بویوک مکعبك بر کوچوك منشورك جمندن سکز
کره دها بویوک حجمه مالک اوله جغنی سویله ملی . بویوک مکعبی تکرار
قوردرملی .

ینه ایکی منشوری یاتصیلغنه اوست اوسته وضع ایتدرملی .
« ایشه ایکی منشوردن متشکل بر شکل مجسم . »

صکره، بونک برآز اوته سنه، فقط اوست اوسته دکل، یان یانه و یا تصیلغه ایکی منشور دها وضع ایترملی .

« ایسته باشقه برشکده وینه ایکی منشوردن مرکب بر شکل مجسم دها . »
شمدی بوندن، شکلری باشقه اولقله برابر، بو ایکی شکل مجسمک جملری بری برینه مساوی اولدینی نتیجه سنی چیقارتملی . بو ایکی شکلدن بری دها قالین ایسه ده، دیکری ده دها اکللی اولدینی، اکللیکله قالینلغک بری برلرینی تلافی ایترکلرینی مشاهده ایترملی . — نهایت، تعمیم ایتملی : مختلف شکله اولان ایکی شی، حتماً بری برینه مساوی اولایلیر .

بو مبحثده شمدیلاک دها ایلری کیمه ملی؛ چو جو قله مجسم ایله شکل ک آری آری شیر اولدینی، وایکینسک ده مستقلاً تنوع ایده بیله جکینی احساس ایتمش اولقله اکتفا ایتملی .

- ۱ — بر صوبا (لوحه ۵ ، شکل) ، قیشین اوطه بی ایصتق ایچون .
 - ۲ — ایکی قانادلی بر دولاب (شکل ۵۲) .
 - ۳ — بر قاریولا ، بر سدر (شکل ۵۳) .
 - ۴ — چیچک صاقسیرلی قویمغه مخصوص بر راف (شکل ۵۴) .
 - ۵ — مخزن (شکل ۵۵) .
 - ۶ — برستون قاعده سی (شکل ۵۶) .
 - ۷ — ایکی دوتر مردیونلی بر صحنلی (شکل ۵۷) .
- ترتیبات متناظره

سلسله ۱ : لوحه ۷ ، شکل ۷۶ ، ۷۷ ، ۷۸ ، ۷۹ .

سلسله ۲ : شکل ۸۰ ، ۸۱ ، ۸۲ .


سلسله ۳ : شکل ۸۳ ، ۸۴ ، ۸۵ ، ۸۶ .

ابراعات صره .

طغوزنجی تعلیم

انشآت

قسم اعظمی هندسه یه تخصیص اولنان بوسلسله بی صرف تطبیقات عملیه دن عبارت بر درس ایله اتمام ایده لم . بودرس بالخاصه هبلر ، تحت چوبوقلر ،



لاطه لر کبی فرو بهل مالز مه وادوات انشائیه سیله ایسانک نصل نمربل ایدیه بیه جکته و بواسیا نمونه لری مناسبیه نصل ونه کبی ایضاحات ویریه جکته بر مثال اولمق اوزره ترتیب استدک .

انشا آتده قوللانیلان صناعی مالز مه یعنی طوغله ، کریچ و سائره . . . علی الاکثر فرو بهل منشور لرینک حائر اولدینی شکل وابعادی حائر در . بوابعاد عینیه مقدا بسط و بیان اولنان نسبتلره کوره تعین ایدلمش در (یدنجی تعلیم) . — درسه ، طوغله لره نصل اعمال اولدینغی ایضاح ایله باشلاملی . بالچینی مناسب مقدارده صو ایله صولاندر دقدن و اییجه یوغوردقدن صکره ، شکل مطلوبی آلمق اوزره قابله دو کدکلرینی سوبله ملی .

« سزده بم کبی ، درت منشور ایله ، بر طوغله قالبی انشا ایدیکز (لوحه ه ، شکل ۵۸) . اورته ده کوردیککز بوشلق ، اییجه طوغله خمورینی طولدر دقلری او بوق در . بالچیق بوایو غک شکلی آلیر . بالچیک سطح فوقانیی ، اوزرندن شویله جه بر تخته پارچه سی یکیره رک ، دوزملیر لکه بو تخته پارچه سی چامورک فضلہ سنی صیرر آتار . »

الکزه بشنجی بر منشور آلہ رق ، طوغله نک سطح فوقانیی مالاقله دوزلقن طوغله جینک حرکتی تقلید ایتلی . چوجوقلرده بو حرکتی تکرار ایتسینلر . اورته ده کی بوشلغک اییجه بر منشور یرلشدیروب بومنشورک او بوشلغی تماماً طولدر دینغی کوستردکن ، و طبق بالچیکک قالب ایچنده اخذ ایتمش اوله جفی شکلی حائر اولدینغی سوبله دکن صکره ، طیشاری چکملی . طوغله نک ، آلرنده کی منشور شکنده اولوب آتچق ابعادی دها بویوک اولدینغی ، « دها بویوک و حهلره ، دها بویوک ضلع مجسملره ، دها بویوک بر حجمه مالک بولندینغی » اییجه آکلاتمغه چالشملی .

« طوغله لر بعده هواده قوروتولور . اولا طوغله لری کره وتلر اوزرینه دیزرلر (بوترباتیق یاپدیریکز) . صکره ، لایقوله قوروتوق ایچون آره لرندہ هوا جریانه مساعد بوشقلر براقه رق ، بری برلرینک اوزرینه ییغالر . بزده بویله بریغین یاپلم (شکل ۵۹) » طوغله لر قورونجه قاتیلایشیر . اولری بعضی کره بو حالده قوللانیلر ؛ مع مافیه علی الاکثر پیشیرلر لکه طوغله لر بو حالده دها سرت اولور ، و آرتق صوده اصلا بوزولمز . طوغله لر پیشدکن صکره ، رنگلری یاصاری و یاقیرمز ی اولور .

« برطوغله فرونی یابهلم (شکل ۶۰) »
 فرونك شكلى ، ييشيرمه عملياتنى مجملآ آكلاتملى . طوغله نك انشا آتده
 نر دلرده قوللانديغنى سويله مى .

« ايشته ديوار ياقمى ايچون طوغله لره وىردكارى وضعت . طوغله لرى برى برى
 اوزرينه ياپيلنه قويارلر ، ... الخ شمدى ، بزده طوغله دن بر ديوار ياپان عمله كچي
 بر ديوار يابهلم (شكل ۶۱) . »
 نه انشاده طوغله ايله وياخود طوغله كچه منتظم شكللا مازده ايله بر ديوار
 ياپيليركن مائز مه صيردلىرى ؛ اره لقلر (درز محللرى) برخط اوزرنده بولنمه جق صورته
 تبادل ايتدر دكلرىنى ، بوسورتله كرفته ن مائز مه نك برى برينه دها ائى باغلانوب
 بنالرك ده دها زياده كسب متانت ايتديكنى ايضاح ايتملى .

طيش ديوارلر قدر متين اولمى مطلوب اوليان و دها ائىسز اولان ايچ
 ديوارلرده طوغله لرى اورته يوزلرى اوزرينه وضع ايتدكلرىنى آكلاتملى .
 « طوغله نك اورته يوزلر ، برى برى اوزرته قوغلاسه ورتله برآزه ديوارى ياپالم .
 (طوغله فاصله لرى آره سنده كي تبادل مشاهده ايتدرملى .) بواورته ديوارلرك متاتى ،
 اولجه ياپديغمز ديوار دن دها آزدرد . » - بونى برآز ايضاح ايتملى .
 « طوغله ايله وياخود بونتمش طاشلا ياپاش اولرك كوشه لرينه هيچ دقت ايتديكزى ؟
 طوغله وياخود طاشلرك ، بوراده كورديككز كچي ، برى بر طرفه واونه كي ديكر طرفه
 طوغرو موضوع در . ائزده كي منشور لرى ياصيلغنه قويهرق بزده اويله برر كوشه
 بنا ايدلم (شكل ۶۲) . »

بونوع ترتيبانك اينه كوشه لرنده تشكيل ايتديكي طرطيلملى خطلرى
 در خاطر ايتدرملى .

« منشور لرى اورته يوزلرى اوزرينه قويغى صورتيلا ده بر بنا كوشه سى انشا
 ايدم بيليرز : برآزدقلى طاورانيرسحق ، يابه جغمز ديوار دوريلز . (شكل ۶۳)
 نهايت ، اك بسيط واك قولاي شكل لر دن خارجه چيقماق شرطيله ، مختلف
 بنالرك صورت انشاسنه وجهت استعمالنه دائر بعضى تفصيلات دها ويرملى .

« شمدى ده مثلا مربع شكلنده بر قويو يابهلم . »
 بالاده تعريف ايديلن اساس قاعده لرى تطبيقه مدار اولمق اوزره
 ياپديره جغمز بوبنده كوشه طاشلرينك صورت تبادلنى ائيجه مشاهده ايتدرمكه
 دقت ايتملى .

ترتیبات متناظره

ثنائی الطرف ورباعی الطرف (ایکیزلی و دردزلی) تناظر لر . لوحه ۷ ، شکل ۸۷ ، ۸۸ ، ۸۹ ، ۹۰ ، ۹۱ ، ۹۲ ، ۹۳ ، ۹۴ .
برمہکز اطرافندہ تناظر (ییلدیز شکندہ ، ذوکشیرالاضلاع شکندہ) . ذوکشیر-
الاضلاع اشکال متناظرہ نک تکراری : لوحه ۷ ، شکل ۹۵ ، ۹۶ ، ۹۷ ، ۹۸ ، ۹۹ ، ۱۰۰ ، ۱۰۱ ، ۱۰۲ ، ۱۰۳ ، ۱۰۴ بویوک برباقی حوضی .

معرفہ

كوچوك تخنه چوبوقلر

فروبهلك « تخنه چوبوقلر » ى بالخاصه مختلف رسم و هندسه ممارساتنه مخصوص در . بونلر او ممارساتده خط مستقيمي تمثيله خدمت ايدر . چوجوق تخنه چوبوقلرى ياتريبات مناظره اوزره بريره جمع ايدر ، وياخود بسيط شكللى بعضى اشيانك چوره لى تصوير ايچون استعمال ايدر كه ، بوچوبوقلر طولاً برى برينه مساوى اولمق جهتيله ، ياپيلان شيلر بر درجه يه قدر منتظم اولور . چوجوق بو صورتله چيزكى چيزمك مشكلاتنه معروض اولميه جنى ايچون ، ايلك رسم مقامنه قائم اوله جق بوايشلرده بر حفظ ومنفعت بولور . بو ممارساتدن اصابت نظر ، حس انتظام ، واشكال منتظمه ذوق پك چوق استفاده ايدر ؛ بر حالده كه بر زمان صكره ، چوجوقلر قلمله چيزكى چيزمكه باشلاينجه ، بومارسه لردن حاصل اولان فائده پك آشكار اوله رق كوريلور . تخنه چوبوقلرله وجوده كتيريله جك ترتيبات مناظرده كي اشكال هندسيه يي چوجوقلر ك ياشنه و اولجه آلمش اولدقلرى معلوماته كوره تحليل ايتدرملى ؛ و آكلايه ميه جقلرى تفصيلاته كيريشمه ملى در . اشيائى مستعمله يي تمثيل ايتمك اوزره وجوده كتيريله جك شكللرده ، مكرراً اخطار ايتديكمز وجهله ، تمثيل اولنان او اشيانك طبيعته ، شكلنه و موقع استعمالنه ... دائر مجمل بر طاقم تعريفات و توصيفات ترديف ايتلى ، و بو صورتله او شكللردن مختصر و لطيف و ظريف برر زمين مصاحبه تشكيل ايتلى در .

بوندن باشقه ، تخنه چوبوقلر شكللى اعتباريله ، ايلك تعداد تعليملرنده و ممارسات سائرده واضر لى ارائه و تمثيل ايتمكه ده پك مساعد در . حتى تخنه چوبوقلر ، بدايه ، بالخاصه بو موقعده استعمال ايدملى در . آنجق تعدادى اوكره تمك ايچون منحصر آ تخنه چوبوق قوللانماملى ، تخنه چوبوقلر ك بو خصوصده تأمين ايتدىكى منافعدن استفاده ايتمكه برابر مكاتب ابتدائيه ده

اليوم مستعمل اولان و بعضيلرى حقيقهٔ مطلوبه موافق بولسان طرزلى ده برلكده تطبيق ايتلى در . راسر و عرر فكرلى چوجوقلره مختلف شكلرده بسط و ارائه ايدملى دركه بوفادهلى تماميله تجريد ايدم بيلسينلر .
تخته چوبوقلره يابلسى ممكن اولان تعليملىرى ، قاعدهٔ تدريجه تابع اولق بوندن اولكى هبه تعليملىله ، بوكه ، طوقومه ... تعليملىرىنه ده تطابق ايتك اوزره متعدد سلسله لره تقسيم ايتك .

ترتيبات متقدمه

تخته چوبوقلر؛ غايت اينجه ، ودرت كوشه لى ويا مدور اولق اوزره خفيف برتخته دن معمول اولوب ، تام اون سانتيمتره طولنده در (ماصه اوزرنده كى تقسيات خطلى ايله كوچوك مكعب ضلعلىرىك دوت مثلى) . ده قارىشيق شكلار تمثيل ايتك ايچون ، بو چوبوقلره برابر اولرك يارى طولنده چوبوقلره استعمال اولنه بيليركه بوسورتله ده متنوع تركيبات وجوده كتيريلير . فقطبك كوچوك چوجوقلره اصولى اوله رق بايديرله حق تعليملرده ، هرشكل ايچون ربوده چوبوقلر استعمال ايتك الادر . تخته چوبوقلر اونر دانه لك پاك حالده توزيع اولتى لازم در . بپاكتلردن هربرى برقوطو ويا برقليف اينچنده اوللى ، وياخود ساده جه لاستيك برشريدله باغلى بولملى در . هرچوجوق ايچون آيرى آيرى برر پاك لازم در .

حساب تعليملىرى

برنجى سلسله

برنجى تعليم

واحد

بوسلسله ايلك طوب اربونى درسلىله برابر باشلاملى ، و برلكده دوام ايتلى در .
تخته چوبوق پاكترى ، طوب اويوننده كى طوپلر كى توزيع اولتور .
پاكتلر چوجوقلره چوزديريلير . هرچوجوق صاغ آلنه برتخته چوبوق آلهرق ، آلنى يوقارى قالدير .

بروجه معتاد موضوعه دائر بر آز ايضاحات ويرييلير . ايشته كوچوك بر دكنك ، بر چوبوق . تخته دن يابلس ؛ طولانى ، انسز ، خفيف و كورك ،

«... و اما که سارق تیر ایدر. بو چو-قله بر حوت ایلان اولان...»
 «ایمانلار منهد کی تخت چوبوقلی سالام. — صایدر بر یکن بر ر مددیلیر.
 چوبوقلری برر برر صایدیمز زمان، هر چوبوق برواحد تشکیل ایدر. بر چوبوق
 کوستره رک . ایشته بر واحد . برواحد ، بر شی : نك بر شی دیمك در . »
 ایلک عشره نی یعنی اونه قدر اولان صاییلری اوکره ملی : هیچ اولمازه
 اوکره تمکه باشلاملی؛ چو جونلر لایقله اوکره نجه قدر وقت وقت تکرار ایتدرملی.
 — چو جوق تخت چوبوقلری صول ائنده طوتوب، برر صایدجه، صاغ ایلله بر
 چوبوق آهرق، اولکنه موازی اولق اوزره، ماصه نك اوزرینه قویملی. تعلیمه بر
 آرتنوع ویرمك ایچون، بو حرکتی بر شرقی ایلده تکرار ایتدرملی .
 چوبوقلری طوپلاتوب باغلانملی . — پاکتله علی الاصول اعاده اولنملی .

ایکنجی تعلیم

— واحد طاقلری —

برنجی تعلیمده اولدینی کبی ینه ایلک عشره نی، فقط بودفعه ۱ ، ۱ دها
 ۲ ایدر ؛ ۲ ، ۱ دها اوچ ایدر ... دیه تعداد ایتدرملی .
 « بر جوق واحدك (واحد مشخصك) اجتماعدن بر طاقم وجوده کلیر . بزده
 ائزده کی کوچوك دکنکرله بویله طاقلر تشکیل ایدم . — اولایکی واحدن مرکب بر
 طاقم تشکیل ایدم . »
 چو جوق یان یانه ایکی دکنك وضع ایدر . بوندن صکره ، بر آزار اوتنده
 صاغ طرفده اوکا مشابه ایکنجی بر طاقم ، صولده کذلک اوچنجی بر طاقم
 تشکیل ایتدیریلیر ، و دکنکرلر بیتجه به قدر بو منوال اوزره دوام اولنور .
 « چوبوقلری ینه آلکزه آلیکز . شمدی ده اوچ واحدن بر طاقم تشکیل
 ایدم . اونك صاغنده ، صولنده اولله برر طاقم دها وجوده کتیره لم . قاچ طاقم
 تشکیل ایش و لدق ؛ آلکزه نه قالدی ؟ »

اوردنجه نعلیم

عشره

اولا ایلک عشره ، ایکنجی تعلیمده اولدینی کبی ، تعداد ایتدیریله جک .
صکره ، آتیده کی ممارسه لر یاپدیریله جق :

« درت واحد ایله بر طاقم یاپیکز . دیگر درت واحدله بر طاقم دها وجوده
کتیریکز . چوبوقلری تکرار آلکزه آلیکز ، بش واحدلی بر طاقم یاپیکز . بش
واحدلی ایکنجی بر طاقم دها تشکیل ایدیکز . شمدی ده اون واحدلی برطاقم وجوده
کتیریکز . - اون واحدلی حاوی بر طاقه بر عشره دینیلیر .

« اوچ واحددن مرکب بر طاقم تشکیل ایدیکز . او طاقه برواحددها قویکز .
شمدی بو طاقده کی واحدلر اولکی طاقه نسبتله دها چوقی ؟ یعنی بویله بر واحد
علاوه ایدهرک یاپدیگنر طاقده اولکی طاقدن دها چوق واحد واری ؟ »

بر ، ایکی ، اوچ چوبوق دها علاوه ایتدیریله رک، بویله چوبوق علاوه
ایدلجکه طاقده کی واحدلرک تزايد ایتدیکنه دقت ایتدیریله جک . بویله برشیته
بر شی^۱ دها قاتمغه نه دیرلر ؟ - *عموده ایتک* ، *ضم ایتک* .

« بر واحد دها ضم ایدیکز ، بر واحد دها علاوه ایدیکز . بر دها ... »

دردنجه نعلیم

جمع

چوبوقلر هر بری ایکی واحددن مرکب اولق اوزره ایکی طاقم تشکیل
ایده جکلر .

« شمدی سزده نیم کبی بو ایکی طاقی برلشدیریکز . بو عملیه هر ایکی آل ایله ،
وهر ایکی طاقم عینی زمانده بری برینه یافلاشدیرلوق صورتیه اجرا ایدیلیر .

« ایشته شو یاپدیگنر حرکتله صاغده اولان واحدلری ، صولده اولان واحدلره
ضم وعلاوه ایتنن اولدیکز . بویله بر چوق واحد یکدیگرینه علاوه اولنه بیلیر .
شمدی اوراده قاچ واحد وار ؟ »

« ایکی ویا دها زیاده واحد طاقلرینی بویله تک برطاقم تشکیل ایتمک اوزره برآره یه طولامغه جمع دیرلر (مشخص جمع) .
 « شمدی بوکا ایکی واحد دها علاوه ایدیکز . ایشته شمدی ده بر جمع عملیه سی یامیش اولدیکز . بر واحد دها علاوه ایدیکز ، باقیه م . »
 نهایت ، ایکی واحدلی ایکی طاقم ؛ صکره بری اوچ واحدلی ودیکری ایکی واحدلی ینه ایکی طاقم الح تشکیل وتوحید ایتدیره رک ، بعدالتوحید تشکل ایدن واحد طاقلرینی صایدرملی .
 « بویله متعدد واحدلرک برآره یه کتیرلسندن حاصل اولان طاقه حاصل جمع ، بکوره دینیلیر . »



تنبی تعلیم

جمع (مابعد)

بو تعلیم اولکی تعلیمک مابعدی و متممی در .
 « شورایه ۲ ؛ بورایده ۲ واحد قویهلم . اونلری توحید ایدهلم ، جمع ایدهلم . ۲ ،
 ۲ دها نه ایدر ؟ حاصل جمع اوله رق آلزده ۴ چوبوق ، ۴ واحد وار . ۲ واحد ،
 ۲ واحد دها ۴ واحد ایدر ؟ دیمک که ۲ ، ۲ دها ۴ ایدر .
 « ۴ واحدله ۲ واحدک یکونئی بولیکز . ۳ واحدله ۲ واحدی جمع ایدیکز .
 ۳ ه علاوه ایدیکز . ۲ ، ۴ دها نه ایدر ؟ . »
 دائماً ایکی ضمیله اولا اونه قدر ، چفت عددلری :
 ۲ ، ۲ دها ۴ ؛ ۴ ، ۲ دها ۶ ؛ ۶ ، ۲ دها ۸ ؛ ۸ ، ۲ دها ۱۰ ؛ صکره ده ، تک
 عددلری :
 ۱ ، ۲ دها ۳ ؛ ۳ ، ۲ دها ۵ ... صایدرملی .



التنبی تعلیم

طرح

چوجوقلره اون واحددن مرکب تک برطاقم تشکیل ایتدیریله جک .

« شمدی نه تشکیل ایتس اولدق ؟ - بر عشره .
 « ایچندن برچوبوق چیقاریکیز . اوطاقدنه ایلکی قدر چوبوق واری ، نه قدر
 اکیسک ؟ بر چوبوق ده چیقارک . بر دها . »
 بویله بری برینی متعاقباً برر تخته چوبوق چیقاردیجه ، طاقمک آزالدیغنه ؛
 طاقده دها آز واحد قالدیغنه دقت ایتدرملی .

« بویایدیغیز شیئه نه دیزیلیر ؟ - چیقارمور ، اضراج ایتمک . »
 « شمدی تکرار اون واحدلی ایلک طاقی تشکیل ایدلم . ایچندن (کناره ایتمک صورتیله)
 ایکی چوبوق چیقاریکیز . بونک کی او طاقدن دها برچوق واحد چیقاره بیلیرسکیز ،
 دکلی ؟ »
 ایشته بویله برطاقدن برویا متعدد واحد چیقارمغه طرح ایتمک ، وبو عملیه یه ده
 طرح دیرلر .

« ایکی واحد دها طرح ایدلم . شمدی نه قالیر ؟ »
 بر طرح عملیه سی یابلدقدن صکره قالان شیئه باقی تعبیر اولنور .



برنجی تعلیم

جمع ایلله طرحک مقایسه سی

واحدی یکان یکان جمع ایتدیره رک ، ایلک عشره یی تشکیل ایتدرملی ،
 بونک ایچون شو تعبیری استعمال ایتلی :

۱۰، ۱۰ دها (۱۰ دهاعلاوه ایتدکده ، ۱۰ دها ضم ایتدکده ... دیمکدر) ۲ ایدر ۲۰
 ۱ دها ۳ ایدر ، الخ .

صکرده یه عشره دن ، شو تعبیر ایلله ، واحدی برر برر طرح ایتدرملی :
 « ۱۰، ۱۰ اکیسک (۱۰ دن ۱۰ چیقارسه ، ۱۰ ناقص ۱) ۹ قالیر ؛ ۱۰، ۹ اکیسک
 ۸ ... الخ . »

نتیجه :

« جمع برطاقی جو غالتیر ؛ طرح اکیسکلیتر . جمع آحادی زیاده لشدیرر ؛ طرح آزالتیر ...
 طرح ؛ جمع ک عکسی در . »



سکرنجی تعلیم

برنجی عشره یه دائر ممارسه

اولا عشره یی دائماً ایکی ضمیمه یوقاری یه طوغری (۲، ۴، ۶، ۸، ۱۰)؛ صکرده معکوساً، یعنی عشره دن دائماً ایکی طرح ایتدیره رک، آشاغی یه طوغرو (۱۰ ناقص ۲، ۸؛ ۸ ناقص ۲ ...) تعداد ایتدرملی. چوجوقلر، بوصورتله، ایلك عشره یی تشکیل ایدن عددلرله بو عددلر آره سنده کی نسبتلره آالشمش اولورلر.

ایکنجی سلسله

برنجی تعلیم

ایکنجی عشره

برنجی سلسله یی تشکیل ایدن تعلیملرک مابعدی و متممی اولان بوایکنجی سلسله تعلیملر؛ ایکنجی هبه تعلیملری و تخته چوبوق هندسه تعلیملرینک برنجی سلسله سیله مناوبهٔ یادیریه جق در.

هر چوجوغه اوندن زیاده تخته چوبوق ویرمک مشکل اوله جفندن، برنجی عشره حدودینی آتلامق ایچون، چوجوقلری ایکیشر ایکیشر تشریک ایتلی در؛ طلبیه بو صورتله، ایلك دفعه اوله رق، مالزمله لینی توحید ایتک و مشترکاً چالشمق فکری ده ویرلمش اولور.

ایلك حاضر قلر یابلدقدن صکره، چوجوقلر اللرنده کی یکر میشر تخته چوبوقله آتیده کی عملیاته ایتدار ایدرلر.

اولاً بر عشره تعداد ایتدیره رک بر دمت حالنده باغاتیلیر. صکره، چوجوقلرله آتیده کی جمله تکرار ایتدیره رک بودمتک یانته، بری برینی متعاقباً، دیگر واحدلر علاوه ایتدیریلیر:

« بو عشره یه، دیگر واحدلر علاوه ایده بیلیرم. برواحد علاوه ایدرم. برعشره و بر واحد اون برواحد ایدر، ... الخ »

چوجوقلر بوصورتله ایکنجی عشره عددلرینک اسملرینی بلله لرلر. ایکنجی

عشره تماماً تشكىل ايدنجه: ۲۰، يا خود ۲ عشره ديه رك بونى ده باغلاملى . — ۱۰۱ دن
۲۰ يه قدر اولان اعدادى از بر تكرر ايتدرملى .

« ۱۴ نديمك در؟ — بر عشره ايله ۴ واحد. بر عشره ايله ۶ واحد نه ايدر؟... الخ. »

— — — — —

ابكنجى تعليم

جمع

چو جو قىلر، اولكى تعليمده اولدينى گي ، ايكيشر ايكيشر تشريك ايديلير .
اولا هر چفته داخل اولان ايكي چو جو قىلر رى ، معلمه نك تعين و بيان
ايدى چكى مقدار مساوى تخته چو بوغى، يوكسك سسله صايه رق، بر بر ماصه نك
اوزرينه وضع ايدر . صكره ايكنجيلر ده ، عيى اصل ايله، او چو بو قىلر يانسه،
يكيدن تعين و بيان ايديله چك مقدار مساوى تخته چو بو قىلر علاوه ايدرلر .
برنجيلرله ايكنجيلر تشكىل ايتدكارى بوطا قىلر توحيد ايتديريلير، و چو جو قىلر
چو بو قىلر عددينى برلكده صايه رق بىلر سويله رلر .

« ايكى كىلر برىكز ماصه نك اوزرينه اوچ چو بو قىلر قويىكز، اونه كى ده ايكي و بو قىلر
علاوه ايتسين . يگونى صايىكز و سوييله يىكز . »

آتيده كى عملياتى ده بوسورتله ياپدرملى :

$$۲ + ۳ + ۳ + ۱۰ + ۱۰ = ۳۴ : ۴ \text{ الخ}$$

$$۱۲ : ۱۲ + ۱۰ + ۱۰ + ۳۲ + ۴ = ۴۴ : ۳ \text{ الخ}$$

بو تعليم؛ مرتب و منتظم اوله رق ياپديريلير سه چو جو قىلر فوق العاده خوشنه كيدر .

— — — — —

اوونجى تعليم

طرح

بو تعليم؛ اولك نك عكسى در. چفت چو جو قىلرلر برى، ينه ماصه نك اوزرينه،
وصايه صايه، معلمه نك تعين و بيان ايدى چكى مقدار مساوى تخته چو بو قىلر وضع
ايدى چك (برنجى حد). ديكرى، معلمه طرفدن طى و اخراجى بيان اولنان مقدار
مساوى تخته چو بو قىلر برر برر افراز و تعداد ايدى رك ، اوندن چيقار جق
(ايكنجى حد). صكره ، باقى برلكده صايه جق و سوييله يه جك .

« برنجی ، بنم کبی ، آلتی تخته چوبوق قویه جق . ایکنجی اوندن ایکی چوبوق
چیقاره جق . شمدی باقی برلکده صایلم ، الخ »
آتیده کی عدد لرله ده بو عملیاتی عیناً اجرا ایتدرملی :

۸-۲، ۷-۳، ۸-۶، ۷-۵، ۱۲-۳، ۲۰-۲، الخ .

دردنجی تعلیم

مساوات وعدم مساوات

هر چوجوغه اوچ چوبوقدن مرکب برطاقم تشکیل ایتدرملی ؛ صکره ،
ینه اوچ چوبوقلی ایکنجی برر طاقم ده ایتدرملی .

« ایشته ۲ طاقم تشکیل ایتدک . برنده قاچ چوبوق وارسه دیکرنده ده اوقدر چوبوق
وار . طاقلردن هانکیسی ده ا بویوک ؟ - هیچ بری اوته کندن بویوک دکل . - هانکیسی
ده ا کوجوک ؟ - کوجوک ده دکل ، ایککیسه ده بری برینه مساوی .

« بویله عینی مقدارده واحدی محتوی اولان طاقلره ، بری برینه مساوی دیرلر .
شمدی ۳ واحدلی برطاقم ده تشکیل ایدلم . ایشته بری برینه مساوی ۳ طاقم .
۲ چوبوقلی : طاقم یاپیکز . ۴ چوبوقلی ۲ طاقم یاپیکز . ۵ چوبوقلی : طاقم یاپیکز ...
بو طاقلر برر برر شکل ایتدکجه آرهلرنده کی مساواتی تعیین و بیان
ایتدرملی .

« ۴ واحدلی برطاقم یاپیکز . باقیدن ده دیکر برطاقم وجوده کتیریکز . بوایکی طاقم
بری برینه مساوی می ؟ هادی ! صایلم (۴ ، ۶) . مساوی دکل ؛ غیر مساوی .
هانکیسی ده ا بویوک ؟ هانکیسی ده ا کوجوک ؟ . »

بوندن صکره ، بری ۵ لی بری ۳ لی ؛ بری ۴ لی بری ۵ لی اولوق
اوزره مختلف طاقلر تشکیل ایتدیره رک بو طاقلر آرهلرنده کی عدم مساواتی
بیان وارا . ایتدرملی .

« ؛ چوبوقلی ایکی طاقم تشکیل ایدیکز . صوله کی طاقه برچوبوق علاوه ایدیکز .
شمدی بوایکی طاقم ینه بری برینه مساوی می ؟ هانکیسی ده ا بویوک ؟ هانکیسی
ده ا کوجوک ؟

« ۱۰ چوبوقله بری برینه مساوی ایکی طاقم وجوده کتیریکز (۵ ، ۵) . صاغده کی
طاقدن برچوبوق چیقاریکز . آرهلرنده ینه مساوات واری ؟ هانکیسی ده ا بویوک ؟
هانکیسی ده ا کوجوک ؟ »

تَنْجِي نَعْلِم

ضرب

ایکیشر چوبوقدن مرکب اوچ طاقم تشکیل ایتدیریله جک .

قاچ طاقم تشکیل ایتدک؛ هر طاقده قاچ واحدوار؛ بو طاقلر بری برینه مساوی؟
دیمک که ۲ واحدلی ۳ کومه: ۳ کره ۲ واحد. شمدی بو اوچ طاقده جمعا قاچ واحد
اولدیغنی بیلیمک ایچون عجباً نه یاملی؟ - بو اوچ طاقلر اوچنی برورده، برحرکتله توحید
ایدهرک تک برطاقم تشکیل ایدیکیز. شمدی صایلم. ۶ واحد وار، دیمک که ۲ واحدلی
۳ طاقم برآزیه کتیریلنجه ۶ واحد حاصل اولیور؛ ۳ کره ۲ واحد ۶ واحد ایدر.
» مساری (برجنس واحدلی حاوی) برقاچ طاقلی تک برطاقم حالنه کتیریمک
اوزره بردن جمع وتوحید ایتکه ضرب دیرلر .

» ۳ واحدلی ۳ طاقم یاییکیز . شمدی بو اوچ طاقده کی واحدلی هپ بریره
طوبلایلم . صاییکیز باقییم : ۹ واحد ۳ کره ۳ واحد ۹ واحد ایدر؛ ایشته ینه بر
ضرب یامیش اولدق .»

ضربک جمعه بکزه دیکنی؛ آنجق ضربده بالعموم طاقملر بری برینه مساری اولور
وهیسی برورده ، برعملیه ایله برلشدیریمک لازم اولدیغنی (یوقسه بری برینی متعاقب
برجوق جمع یایمق اقتضا ایده جکنی) سویله ملی .

صکره، ینه تخته چوبوقلرله ، آتیده کی ضربلری یاپدرملی :

» ۲ واحدلی ۲ طاقم ؛ ۲ کره ۴ ؛ ۳ کره ۴ ؛ ۴ واحدلی ۲ طاقم ؛ ۲ واحدلی
۵ طاقم ... نه ایدر ؟ «

بو تعلیمدن مقصد چوبوقلرله ایلمک ایکی اوچ عددک حاصل ضربلرینی
اوکره تمک اولیوب آنجق اولرله ضرب عملیه سنک ماهیتینی ، یعنی ضرب
دیمک ؛ مساوی واحدلی حاوی برقاچ طاقم (مساوی عددلر) معلوم
ایکن اولردن تک برطاقم (یکون وحاصل ضرب اوله رق تک برعدد) تشکیل
ایتمک دیمک اولدیغنی آکلاتمی در .



آننجی تعلیم

تقسیم

درت تخته چوبوقله برطاقم تشکیل ایتملی وایتدرملی .

« بو ۴ چوبوغی ۲ مساوی قسمه ، ۲ مساوی طاقه آیره بیلیرمیز ؟ بوالده هر قسمده قاق واحد اوله جق ؟ »

« ۹ چوبوقلی برطاقم وجوده کتیره لم . بو طاقی ۳ مساوی طاقه آیریکز . هر طاقه قاق واحد اصابت ایتدی ؟ »

« برواحد طاقنی بویله برچوق مساوی قسملره ، حصه لره آیرمغه تقسیم ایتمک ، بو عملیه یه تقسیم دینیلیر . مثلاً برچوق جوز و یا خودفندق اولسه ده بونلری آرقداش لر کز آره سنده متساویاً ، یعنی برینه نه قدر ویررسه کز دیکرینه ده اوقدر ویرمک اوزره ، طاغیته جق اولسه کز بر تقسیم (مشخص بر تقسیم) یا عین اولورسکز . (مشخص بر طاقم مثال لره ایضاح ایتملی .)

« هادی ! برلکده بر تقسیم یاپه لم . اُلرده کی ۱۰ واحدی (اون چوبوغی) ۲ واحدلی طاقلره تقسیم ایده لم . قاق طاقم حاصل اولدی ؟ بر تقسیم ده : شمیدی ده نو اون چوبوغی ۲ مساوی قسمه آیره لم . هر قسمده قاق واحد وار ؟ الخ »

ایشته چو جوقلر بوضورتله تقسیم لهماهیت و غایه سنی ، یعنی تقسیم دیمک ؛ متعدد واحدلری حاوی برطاقی مساوی بر قاق طاقه آیرمق دیمک اولدیغنی آکلار لر و اوکره نیرلر . بوندن صکره ، بری برینی متعاقباً بر ضرب و بر تقسیم عملیه سی یابدیره رق ، تقسیم ضربک ضدی اولدیغنی مشاهده ایتدرملی .



برنجی تقسیم

تقسیمک طرز مشخصی

بو تعلیم اولکی تعلیمی اکال وتوسیع ایدر .

چو جوقلره :

« بعضاً آره کزده برطاقم شیلری متساویاً پایلاشمق ایسته دیککز زمان هر حصه یه ، آرقداش لر کزدن هر برینه او شیلردن قاق دانه اصابت ایده جکنی بیله مرسکز ، کوجلک چکرسکز . بن سزه بوکی تقسیملر اینچون غایت بسیط بریول کوستره جکم . »

دیملی .

سکیز تخته چوبوق صایدیروب صولالدرنده طوتدرملی . بوسکز چوبوقی
درت حصهیه آییرمق مطلوب اولدیغنی سویله ملی . اولاماصه نك اوزرینه ۱ چوبوق ،
سکزه اولنك برآز اوته سنه ۱ ، ده ایلرینه ۱ ، برآز ده اوزاغده ینه ۱
چوبوق قویدرملی .

« ایشته مطلوب اولان : طاقی بوجوبوقلرک بولندی بی برلرده وجوده کتیره جکیز .
شمی برنجینک بولندی بی بره ۱ الخ چوبوق دها قویه لم . »

المزده بولنان سکیز واحده بوضورتله درت حصهیه انقسام ایتیش اولور .
« هر طاقده قاچ واحد وار ؟ »

عینی صورتله ، یعنی هر حصهیه بری برینی متعاقباً برر واحد علاوه ایتدرمک
صورتیه ، معلوم المقدار چوبوقلر (مقسوم) بیتنجهیه قدر ، اولامنفرداً :

۱۰ ی	۵ طاقه	۱۰ ی	۲ طاقه
۸ ی	۲ طاقه	۶ ی	۳ طاقه
سکزه ده ، چوبوقلری ایکیشر ایکیشر تشریک ایدرک :			
۱۲ ی	۳ طاقه	۱۵ ی	۵ طاقه
۱۶ ی	۴ طاقه	الخ	

تقسیم ایتدرملی .

سکیزنجی تعلیم

تقسیمدن قالان باقی

باقیلی تقسیم حالیده چوبوقلرک حاکمه سنی ایشله تمک ایچون پک کوزل بروسيله
تشکیل ایدر .

« شمی المزده کی ۱۰ چوبوقله ۳ مساوی طاقم تشکیل ایتکه چالیشمه لم . »

چوبوق اوچ طاقدن هر برینه آیری آیری ، وبرر برر ، اوچ تخته چوبوق
وضع ایدر جک .

« فقط المزده فضله برچوبوق قالدی ، برتخته چوبوق آرتدی ، دکلی ؟ اونی
نه باغلی ؟ »

شمی اولده قالان تخته چوبوق اوچ طاقدن فقط برینه وضع ایدیلیرسه

اونك ديكرلرندن بويوك اوله جغنى ، طاقلارك برى برينه مساوى اولميه جغنى ، حال بوكه هر حصه نك يكديكرينه مساوى اولمى مطلوب بولنديغنى سويله مى .
 «پك آيى! مادامكه بوتخته چوبوغى طاقلاردن هيچ برينه قويه ميه جغز ، او حالده آيرى بريره قويه لم . آنزده كي ۱۰ چوبوغى ۳ طاقه تقسيم ايتدك ؛ فقط كرى يه ۱ واحد آرتدى ، ۱ واحد باقى قالدى .»

كذلك سكر چوبوغى اوچ طاقه تقسيم ايتدرملى . باقى ايكي چوبوق قالير . - بعده نتيجه اوله رق : معلوم المقدار واحدى بر قاچ طاقه توزيم ايتدكدن صكره خارجده ينه واحد قالير ، و بو خارجده قالان واحدلر هر طاقه برر دانه ده علاوه ايديله جك مقداره اولمازسه ، اونلر آيرى بريره قونيلير ، و تقسيمك باقىنى تشكيل ايدر ديملى . - اكر چوجوقلر آكلايه بيله جك حالده ايسه ، نهدن طولايى باقىنك راعما شكلى مطلوب اولسه طاقملر عرمدنره دهها آز و اصرى هاري بولنديغنى ، ينى مقسوم عليه دن دهها كوچوك اولديغنى ده افهام وايضاح ايتملى .

تعداد و ترقيمه متعلق دهها مفصل معلوماتى صددمزك خارجده اولان طرز لرله تدريجاً اوكره تملى در . بزم تخته چوبوقلرله يابديره جغمز تعليملر ، اعدادى اوكره تمكدن زياده ، اعدادايله ياپيله بيله جك عمليات حقنده چوجوقلرله طوغرو برفكر و يرمك مقصدينه مبتنى در . بوفكر ايسه بالذات اعداددن آپ آيرى ، تماماً مستقل برفكر در ؛ و بزامينزكه عددلر نه قدر بسيط اولورسه چوجوقلرده عمليات حسابيه نك ماهيت و موقع استعمالنى اوقدر آيى تصور و ادراك ايدم بيليرلر . شونى ده اونو تيمه لم كه بو آنده مقصود اولان شى ؛ چوجوقلرله حساب اوكره تمك دكل ، اونلرى بالخاصه محاكمه يه (استدلاله) آلاشدرمق در .

هندسى تعليملر

برنجى سلسله

برنجى تعليم

خط مستقيم و استقامتلى

بوبرنجى سلسله ينى تشكيل ايدن تعليملر غايت بسيط اولوب ، حساب

تعلیملرینک ایکنجی سلسله سی وایکنجی هبه تیغایله علی طریق المناوبه یایدیریه جق در .


چو جوقلر، بوندن اول، بونکه اربوندریه واورم ایسریه باشلامش اوله جقلری کبی اولنره خط دن ده بحث ایدلش بونور؛ مع مافیه بویکی سلسله تعلیملرینی یینه فاصله یاله یایدرملی در. قاعده اساسیه دائما شواوله جق: ترقی یی زورلاماق، استعجال ایتمه مک .

طوب او یوننده کی کرکین تعلیم اپی تجربه سیله خط مستقیم نه دیمک اولدیغنی کورمش و آکلامش اولان چو جوقلره، شوانجه، اوزون و مستقیم تخته چوبوغک ده برخط مستقیمه بکزه دیکنی، برخط مستقیم تمیل ایتدیکنی ایضاح ایتلی .

هر چو جوق صول آله برتخته چوبوق آله رق برآز یوکسکده طوته جق . « پارماغیزی، بنم کی، شوتخته چوبوغک بونجه اوزرنده قایدیریکنز . « چو جوق، بوسورتله . تخته چوبوغک یالکیز طولیله اشتغال سوق ایدلش اولور . - تخته چوبوغک ایکی نهایت « اوجلرینی « کوستریکنز . بواوجلر خطک منفرلری در .

« چوبوغی صاغ آلکزه آلیکنز . شاقول استقامتده طوتیکیز . شمدی نه یی تمیل ایدیور؟ - شاقولی برخط مستقیم . تخته چوبوغی افقی استقامته کتیریکنز . - ایشته افقی برخط مستقیم . شمدی ده اوکا؛ صاغه، صوله طوغرومائی بروضعت ویریکنز . بوده مائل برخط مستقیم . چوبوغی، ماصه نك اوزرینه قائماً دیکیکیز (اوزرینه برپارمقله باصیاهر ق طوردیریه جق .) هانکی وضعیتده ؟ وضعیت شاقولیه ده . ماصه نك اوزرینه وضع ایدیکیز . باشمدی هانکی وضعیتده ؟ وضعیت افقیه ده . «

بوندن صکره ، تخته چوبوقلری بری بری اوزرینه قویدیره رق و طولاً مساوی اولدقلرینی ارانه واثبات ایتلی وایتدرملی . « دیمک که مساوی خطوط مستقیمه یی کوستریورلر ، تمیل ایدیورلر . « دیملی .



ایکنجی تعلیم

زاویه

ماصه نك اوزرینه، برر منتهاسیله بری برینه تماس ایدمک صورتده، ایکی تخته چوبوق وضع ایتدیریه جک . (لوحه ۸ ، شکل ۱)

« بر او جيله برى برينه التصاق ايدن ايكي خط زاويه ديدىكمز شئيى تشكيل ايدر . زاويه ايكي خط آره سنده كي شو كوشه در . پارماغكزي بوايكي تخته چوبوغل آره سنه قوبيكز : ايسته او آرده كي زاويه نك اينجه قويمس اولورسكز . بويله برى برينه تماس ايدرك بر زاويه تشكيل ايدن ايكي خطله او زاويه نك ضلعلى ديرلر .

ايسته شوايكي تخته چوبوق ؛ وجوده كتير ديكمز زاويه نك ضلعلى تصوير ايدر . زاويه نك ذروه نه ، سيورى نقطه سنه ، يعنى خطلارك برى برينه تماس ايتديكي نقطه يه راسى زاويه اطلاق اولور . زاويه نك ضلعلى ورأسنى كوستريكز .

« آلمزده كي ايكي تخته چوبوغه شو وضعى ويردم : برچاى اورنكى وجوده كلير (شكل ۱) .

« شمدى اونه كي اوچلىرى بيتشديرلم (شكل ۲) . آره ده كي زاويه يي ، ضلعلى ورأس زاويه يي كوستريكز . بو وضعيته راس زاويه بزه متوجه ، بزه طوغرى ، دكللى ؟

« شمدى ده بروركن اورنكى وجوده كتيردم (شكل ۳) . ايسته صاپى ؛ ايسته اصل بغدادى دوكن قسمى .

« ايسته ، چوجوقلرم ، بو ياپديغكز شيئه رسم ديرلر . رسم برشيئى ، بر جسمى خطلرله تصوير وتمثيل ايتك ديمك در ، الخ »

« دوشونكز باقىم : بوايكي تخته چوبوقله دهانه لر تمثيل ايدم بيليرسكز (نه لرك اورنكى ياپه بيليرسكز ؟) »

ابراعات حرمه .

اورميجي تعليم


زاويه (مابعد)

ايكي خط ايله ايكي ، درت مجاور زاويه تشكيل ايتديريله جك .

« باقىم ، ايكي تخته چوبوقله بر زاويه دن فضا ، زاويه تشكيل ايتك يولنى بوله ييله جكميسكز ؟ تجر به ايدىكز !

« ايسته باقىكز ، بن آلمده كي ۲ تخته چوبوقله ۲ زاويه تشكيل ايتدم (شكل ۴) . برى صاغده ، برى صولده . بو زاويه لرى چوجوقلره كوسترملى . - دهامى وار : بن شو ۲ چوبوقله ۴ زاويه تشكيل ايدم جكم (شكل ۵) . كورسيورميسكز ! سزده بنم كى بايىكز ، باقىم . - بو ۴ زاويه يي ده اراثة ايتلى وايتدرملى .

« برده، شو وضعیتده ایکی زاویه تشکیل ایدلم. بو، چوجوقلم، بررسم درکه بر قازمه تصویر ایدر (شکل ۶).
 « برده آلکیزده کی ۲ کوچوک دکنکی ۴ زاویه تشکیل ایدم چوک صورتده، بری برینک اوزرینه چارازلامه قوییکز. طبق بریل دکره نی قانادلری، دکلی ؟ (شکل ۸).
 « ایسته بوده کوچوک باغچه مزک یولارینی تمیزله مک ایچون قوللاندیفمز برطارق (شکل ۸). « شمدی ده سز کندی کندیکزه دوشونکز، آراییکز باقمه : ۲ ویا ۴ زاویه تشکیل ایدم ده نلر تصویر ایدم بیلیرسکز ؟
 ایداعات صره .



دردمچی تعلیم زاویه قائمه

اولا ماصه نك اوستنه، سطرئحواری تقسیمات خطلری تعقیب ایتدیریلرک، عرضانی برتخته چوبوق، صکرده اونك اورتسنه عموداً دیگر برتخته چوبوق وضع ایتدیریلرک .

« ایکنجی تخته چوبوقی « طوس طوغرو » نه صاغه ، نه ده صوله میل ایتیه چک صورتده وضع ایدیکز (لوحه ده، شکل ۸). اولدی ؟ قاچ زاویه تشکیل ایتیش اولدیکز ؟ - ایکی . - بویه نه صاغه نه صوله میل ایتین . برنجی خط اوزرینه ایجه اوطوران دیگر خطک ایکی طرفنده شکل ایدن زاویه لره زاریه قائمه دیرلر . ماصه لرك اوزرنده کی خطلری بوجهاه تعقیب ایدم تشکیل ایدم چک زاریه قائمه بیری برزاویه قائمه اولور . اولانک برزاویه قائمه تشکیل ایدلم .

زاریه قائمه سلسله وضعیاتی پایدملی : بونک ایچون ماصه نك اوزرینه عرضانی اوله رق وضع ایدیلن تخته چوبوق ثابت قاله رق دیکری، بعضاً بر ، بعضاً ایکی زاویه قائمه تشکیل ایتک صورتیه ، اونک اوزرنده متوالیاً بیان و اشارت ایدیه چک وضعیتلری آله جق . زاویه قائمه نك سلسله وضعیاتی : لوحه ۸، شکل ۹، ۱۰، ۱۱، ۱۲، ۱۳، ۱۴، ۱۵، ۱۶، ۱۷، ایلک شکل .

چوجوقلر بوسلسله وضعیاتی یاپارکن تشکیل ایدم چک چکیچ (شکل ۱۴)، دوکن (شکل ۱۵)، طوغرامه جی کونیه سی (شکل ۹، ۱۱، ۱۳، ۱۵) رسملرینی اونلر

صیره سیله طاتملی . طوغرامه جی کونیسه نك محل استعمالی : بالذات بر زاویه قائمه شكلنده اولدینی ایچون زوایای قائمه چیزمك اوزره قوللانیدیغنی آكلاتملی . چو جوقلری ایکی ویا خود اوج تخته چوبوقله ابراعات صرته یه تشویق ایتلی . واقعا ایکی چوبوقله پك چوق شی ابداع اولنه من ؛ فقط شمیدین باشلاتملی . شوده واركه چو جوقلرك بویه محدود واسطه لردن استفاده ایتك ایچون صرف ایدم جكلری غیرت ، اولر ایچون بالوجوه موجب منفعت اولور .

سجی تعلیم

زاویه حاده و زاویه منفرجه

بر زاویه قائمه تشکیل ایندیریله جك (شکل ۱۸) .

« شمدی بوزاویه نك ایکی ضلعنی بری برینه یا قلاشدیریکز : زاویه کز دهاسیوری اولدی ، دکلکی ؟ (شکل ۱۹) . ضلعلرك آره سی اولکی وضعیته نسبتله دهآ آز آجیق . — بر زاویه ؛ زاویه قائمه دن دهاسیوری اولورسه ، اوکا زاویه حاده دیرلر ؛ حاده تمامیه « سیوری » دیمك دور . زاویه منری ینه قائمه یا پهلم ، تکرار زاویه قائمه حالته کتیره لم . تخته چوبوقلرك آره سنی بر آز دهآ آچه لم . حاصل اولان زاویه ، زاویه قائمه دن دهآ آز سیوری ؛ اوندن دهآ آجیق ، دکلکی ؟ بوزاویه بده زاویه منفرجه دیرلر . »

صکره ، تخته چوبوقلردن بری ثابت قالمق ، دیدکری بردور تام اجرا ایدمك مختلف وضعیتلرده مختلف زاویه لر تشکیل ایتك اوزره آتیده کی سلسله یاپدیریه جق . لوحه ۸ ، شکل ۲۱ ، ۲۲ ، ۲۳ ، ۲۴ ، ۲۵ ، ۲۶ ، ۲۷ ، ۲۸ ؛ ۲۹ ایلک شکل . — شکل ۲۱ ایله ۲۹ ده ایکی خط ، یکدیگرینه تماس ایدرسه ، بری برینه قارشیبر ، بر خط کی اولور ؛ شکل ۲۵ دده بری دیگرینك بر امتدادی کی در ، آره لرنده زاویه یوق در .

مختلف زاویه لر تشکل ایتدکجه اسملرینی سویله تملی ، رأسلرینی ، ضلعلرینی اراشه اینتدرملی .

« ایشته اردون یارمق ایچون قوللانیلان بر دمییر قاما (لوحه ۸ ، شکل ۳۰) ، زاویه حاده لی . صورت استعمالندن بحث ایتلی . . . »
« ایشته بوده بر صبان دمییری (شکل ۳۱) . چفت سورمه سنی آكلاتملی . »

ابداعات صرّه . بوابداعات ایچون چو جوقلره ایکیدن زیاده تخته چوبوق ویریه بیلیر .



آلنجی تعلیم

موازی خطلر

چو جوقلر ، ماصه نك طولانی تقسیات خطلرندن بری اوزرینه بر تخته چوبوق ، صکره اونك « تام قارشینه » اوکا موازی اولان دیگر خط اوزرینه ده دیگر بر تخته چوبوق وضع ایدم جکک (لوحه ۸ شکل ۳۲) .
« شو ایکی چوبوغك ایکی اوجی ده بری برینه طوقونمور ، دکلی ؟ آرهلرنده کی مسافه ، آیریلق هر طرفده بر : بو حالده اونلره موازی دیرلر ؛ بو وضعیتده بولنان چوبوقلر موازی خطلری تمثیل ایدر .

شمدی بوایکی تخته چوبوقله آتیده کوستریلان استقامتلرده بر طاقم خطوط متوازیه تشکیل ایتدرملی :

تام قارشى قارشیه (شکل ۳۳) . عرضانی اوله رق (شکل ۳۲) . صاغه مائل (شکل ۳۴) ، صوله مائل (شکل ۳۵) .
موازی خطلر بری برینه تماس ایتدیکی ایچون ، آرهلرنده زاویه لر تشکیل ایدمیه جککی درخاطر ایتدرملی .
ابداعات صرّه .



ایکنجی سلسله

برنجی تعلیم

مثلث

بو ایکنجی سلسله تعلیملری ؛ ایکنجی هبه تعلیملری و بوکره ممارسه لرله بر زمانده یاپدیریه جق .
چو جوقلر بدایهٔ ایکیشر تخته چوبوق آلا جقکلر . او ایکی چوبوقله ماصه

اوزرنده لاعلى التعمين بر ساحه نك محبطنى (چوره سنى) ياپملىرى ؛ « چوبوقلردن برينك اوزرندن كچمكدكجه ، آتلامدقجه ايچندن چيقيه ميه جق » - صورتده اوساحه يي تحديد ايتملىرى تكليف و طلب ايديله جك . چوجوقلر بونك غير ممكن اولديغناك چارچابوق فرقه واريرلر .

« برده ، باقلم ، اوچلرني برى برينه تماس ايتدرمك اوزره ، اوچ چوبوقله تجربه ايدهلم . »

چوجوقلر برر مئلت تشكيل ايدرلر .

ايسته بوندن استفاده ايله « بر ساحه يي ، بر مسافه يي تمامي تمامه احاطه ايتمك ايچون لاقول اوچ خط مستقيم لازم اولديغنه ، دقت ايتدرملى .

« بو ياپديفكر شكل نه در؟ بر مئلت (بوكمه ايشلرى ، تعليم ۳ ، سلسله ۵۳ باقكر) . بومئلك ۳ زاويه سنى ؛ ۳ راس زاويه سنى ؛ ۳ ضلعنى كوستريكر . »

چوجوقلر ، شكل مئلتى ايله انست پيدا ايتمك ايچون بو تمريني مكررآ ياپه جقلر . - بعده ، زاويه لرى ارئه ايتدرمك شرطيله ، آتيده كي سلسله تحولاتي ياپملى و ياپدرملى :

لوحة ۸ ، شكل ۳۶ ، ۳۷ ، ۳۸ ؛ شكل ۳۹ ممتد بر خط مستقيم ؛ شكل ۴۰ ، ۴۱ ؛ شكل ۴۲ ، ايلك شكل .

اشغال اشيا

۳ نخته چوبوقله

- ۱ — ايسته اوچ گوشه لى بر ساج آياق رسمى (شكل ۳۶) .
- ۲ — برقاپو رسمى (شكل ۴۱) .
- ۳ — بريابه رسمى (اوت قوروتغه مخصوص چاتال شكلنده كي آلت) (شكل ۴۳) . اوت قوروتغه عملياتي حقنده ، اوت قوروتغه مخصوص آلشور وما كنه لر حقنده معلومات و برملى .
- ۴ — اوزون بر دوكن (شكل ۴۴) .

ترتيبات متناظره

لوحة ۸ ، شكل ۴۵ ، ۴۶ ، ۴۷ ، ۴۸ ، ۴۹ ، ۵۰ ، ۵۱ ، ۵۲ ، ۵۳ ، ۵۴ ، ۵۵ ، ۵۶ .

چوجوقلرى كنديلكلرندن بر طاقم ترتيبات متناظره وجوده كتيرمكه دعوت ايتملى .
ايراعات صرر .

اینگنی تعلیم

مربع و معین

چو جوقلر بوندن اول بوک ایشلرند مربع نه دیمک اولدیغنی کورمش اوله جقلرندن، شکل مربعی بی بلا مشکلات طایر لر. طلبه یه، تخته چو جوقلرله، ماصه اوزرنده کی تقسیمات خطارینه کوره بر مربع تشکیل ایتدیر یله جک .
بو مربعک ضلعلری، زاویه لری صایدیر یله جق ؛ زاویه لرك قائمه اولدیغنی مشاهده ایتدیر یله جک .

«شمدی ایلزده کی درت تخته چو بوقله بر طرفی مربعدن دها اوزون و بر طرفی دها طار بر شکل یاپمغه چالیشه لم . . . ایشته بر معین ؛ بوشکه معین دیر لر . »
مربع ایله معین ک تحولات شکلیه سی :
لوحه ۸، شکل ۵۷، ۵۸، ۵۹، ۶۰، ۶۱ و ۶۲، ایلك شکل . - شکل ۵۷، ۵۸، ۶۱، ۶۲ مربعلر ؛ ۵۹، ۶۰ معینلر .

اینگال ایشا

درت تخته چو بوقله

- ۱ — شکل ۶۲ ده کی مربعک بر لوحه چرچیوه سی، بازی تخته سنک اطرافنده کی چرچیوه کی بر چرچیوه تمثیل ایتدیکنی مشاهده ایتدر ملی .
- ۲ — بوده بر روزکار فرلداغنک رسمی (شکل ۶۳) . — روزکاردن، روزکارلرک استقامتندن، تحولاتندن بحث ایتلی .
- ۳ — ایشته بر اسکله رسمی (شکل ۶۴) .

ترتیبات مناظره

لوحه ۸، شکل ۶۵، ۶۶، ۶۷، ۶۸، ۶۹، ۷۰ .
ابداعات حرره .

اوهنگنی تعلیم

مربع ایله معینک مقایسه سی

بر مربع تشکیل ایتدر ملی. مربع ک محیطی تشکیل ایدن درت خط آره سند. محصور بوتون سطح دیمک اولدیغنی ویا لکز محیطدن (چوره دن) عبارت بولمادیغنی

درخاطر ایتدرملی . ضلعلرک مساواتی بولددرملی : مربعی بوزدیره رق درت
تخته چوبوغی یان یانه قویددرملی .

• ضلعلر بری برینه تماماً مساوی ، هر مربعده نصله بورادهده اوپله . شمدی بر
معین تشکیل ایدلم . معینی تشکیل ایچون قوللاندیغمز چوبوقلرده بری برینه مساوی ؛
دیمک که معینک ۴ ضلعده ، مربع کبی ، بری برینه مساوی در .

• اوپله ایسه بر معین ایلر بر مربع آره سنده کی فرق نه در ؟ مربعک ۴ زاویه
قائمسی وار ، درت زاویه سی ده قائمه ؛ حال بوکه ، ایسته کوردیککز کبی ، معینک ۲
متقابل ، یعنی فارشی فارشی به اولان زاویه سی حاده ، دیگر ۲ متقابل زاویه سی ده
منفرجه . بو ۲ زاویه حاده بی ، ۲ زاویه منفرجه بی کوستریکز . •

اشکال اشیا

درت تخته چوبوقله

- ۱ — کوچوک برآو (لوحه ۸ ، شکل ۷۱) .
- ۲ — دیواربی تسویه سی (شکل ۷۲) .
- ۳ — یش آغاجلرندن قوشاری قاجرمغه مخصوص فرداق (شکل ۷۳) .
- ۴ — اوچ دیبلی یابه (شکل ۷۴) .
- ۵ — فنار دیره کی (شکل ۷۵) .

ترتیبات منظره

شکل ۷۶ ، ۷۷ ، ۷۸ ، ۷۹ ، ۸۰ ، ۸۱ .



اوچنچی سلسله

برنجی تعلیم

مستطیل

بو اوچنچی سلسله تعلیملر ؛ اوچنچی ودردنچی هبه تعلیملریله منسوبه
یادیریلرله جق در .

چوجوقلر اولجه ، بوکه ایلمرزه مربع کاغدلر بوکدرک (بوکه ایلمری
ایکنچی سلسله ، اوچنچی تعلیم) مستطیلی کورمش و آکلامش بولنه جقلر .
بناء علیه ، شمدی او وقوفه استناد ایلر ، مستطیل شکلک مختلف وضعیتلری
یادیریلرله جق . لوحه ۸ شکل ۸۲ ، ۸۳ ، ۸۴ ، ۸۵ ؛ ۸۶ ، ایلک شکل .

ابتدا بوشکلرده کی متقابل ضلعلر ارائمه ایتدیریله جک. صکره، اولاً : برر تخته چوبوقدن متشکل اولان ایکی کوچوک ضلعک بری برینه مساری اولدینی؛ ثانیاً : اوج اوجه تماس ایتدیریلن ایکی چوبوقدن متشکل ایکی بیوک ضلعک کذلک بری برینه مساوی بولدینی؛ ثالثاً : درت زاویه نکه ده قائمه اولدینی کشف و بیان ایتدیریله جک .

«مستطیل مربعله مقایسه ایدهل: مستطیلک ۴ زاویه سی ده ، مربعده اولدینی کبی ، قائمه ؛ فقط ضلعلرک هپسی بری برینه مساوی دکل. یالکز متقابل ضلعلر بری برینه مساوی. — مستطیل شکلنده نهلر بیلیرسکز؟»

ایضال ایشیا

بش تخته چوبوقله

- ۱ — بایراق (شکل ۸۷) .
- ۲ — آل کورکی (شکل ۸۸) .
- ۳ — آیاقلی صو باردانی (شکل ۸۹) .
- ۴ — کرده تیرک آلته قونان درت آیاقلی دستک (شکل ۹۰) .
- ۵ — اسکله (شکل ۹۱) .
- ۶ — دیره کلی کوچوک او (شکل ۹۲) .
- ۷ — بوده کوچوک باشقه بر او (شکل ۹۳) .
- ۸ — موم سوندرمکه مخصوص آلت (موم سوندرن) (شکل ۹۴) .
- ۹ — نوطه اسکله سی (شکل ۹۵) .

ترتیبات متناظره

لوحه ۹ ، شکیل ۹۶ ، ۹۷ ، ۹۸ ، ۹۹ ، ۱۰۰ ، ۱۰۱ .
ایماعات صره .



ایکنجی تعلیم

متوازی الاضلاع

اولا (لوحه ۹ ، شکل ۱۰۲) ده کوستریلان وضعیتده برمتوازی الاضلاع یاپدیریلیر .

چوجوقلره متوازی الاضلاعک مستطیلدن نه فرقی اولدینی صوریلور .

— متقابل بویوک ضلعلره باقیکز ، بری برینه مساوی می ؟ بونی نصل اثبات ایدمه بیلیرسکیز ؟ کوچوک ضلعلرده اوایل می ؟ اوت ؛ اولنرده بری برینه مساوی . بویوک ضلعلر بری برینه موازی می ؟ یا کوچوک ضلعلر ؛ زاویه لر قائمه می ؟ زاویه حاده لری ، زاویه منفرجه لری کویستر میسکیز ؟

بوشکل ، زاویه لری قائمه اولدینی ایچون ، مستطیله بکزه منر . اضلاع اربعه سی بری برینه مساوی اولدینی ایچون ، معینه ده بکزه منر . ضلعلری بری برینه موازی اولدینی آکلاشلمق ، درخاطر ایدملک ایچون اوکانه دیمشلر ؟ «متوازی الاضلاع» . (برکه اشتری ، اوچنجی سلسله ، ایکنجی تعلیمه باقیکز) . «شمدی ده کوچوک ضلعلری صوله مائل بر متوازی الاضلاع تشکیل ایدمه . (شکل ۱۰۳) .

اسطالاسیا


۶ تخته چوبوقله

- ۱ — آیاقلی بر یازی تخته سی (لوحه ۹ ، شکل ۱۰۴) .
- ۲ — بر پارمقلق (شکل ۱۰۵) .
- ۳ — پارمقلقی بر بانچه قاپوسی (شکل ۱۰۶) .
- ۴ — صریعلره بولونمن بر پنجره (شکل ۱۰۷) .
- ۵ — پنجره پارمقلقی (شکل ۱۰۸) .
- ۶ — ایکی قوللی بر شمعدان (شکل ۱۰۹) .
- ۷ — فلامه پایراق (شکل ۱۱۰) .
- ۸ — شمندوز رایلی (شکل ۱۱۱) .

ترتیبات منظره

بر مثلث مساوی الاضلاع دن مشتق ترتیبلر .

لوحه ۹ ، شکل ۱۱۲ ، ۱۱۳ ، ۱۱۴ ، ۱۱۵ ، ۱۱۶ ، ۱۱۷ ، ۱۱۸ ، ۱۱۹ .
ابراعات صرر .



اوهنجی تعلیم

شبه منحرف

لوحه ۹ ، شکل ۱۲۰ ده کویستریلان وضعیتده بر شبه منحرف (بر شبه منحرف

متناظر (تشکيل ايتديريله جك . بو شكل ؛ متوازی الاضلاع ایله مقایسه ایتدیریله جك .

« شو شكل سزه طوغرو اولان (سزه متوجه اولان) ضلعنى كوستريكز . اوکا مقابل اولان ضلعده كوستريكز . بو ۲ ضلع برى برینه مساوی می ؟ خایر . برى برینه موازی می ؟ اوت . »

بونى مشاهده ايتدر دكدن صكره ، يانلرده كى ۲ كوچوك ضلعك برى صاغه ، برى صوله طوغرو اكرى اولديغنه ، برى برینه موازی بولنديغنه دقت ايتدرملى .

يالكز ۲ ضلعى برى برینه موازی اولان بو شكله شمه منحرف نامى ويره جكز . بو شبه منحرفك ؛ جبهه جهتمدن بر او چاتيسي تمثيل ايتديكنه نظر دقتلريني جلب ايتملى ؛ صكره ، اونك ترسنه بر شبه منحرف ياپديره رق ، بونكده ياندن كورينن بر كمى شكلنه بکزه ديكنى سويله ملى . (شكل ۱۲۱) .

اشكال اشيا

۶ تخته چوبوقله

- ۱ — متوازی کوزلى بر کتبخانه (شكل ۱۲۲) .
- ۲ — مردیون باصامقلرى (شكل ۱۲۳) .
- ۳ — كوچوجك بر او (شكل ۱۲۴) .
- ۴ — يلبازه (شكل ۱۲۵) .
- ۵ — چاپراز پارمقللى باغچه قابوسى (شكل ۱۲۶) .
- ۶ — چيقريق (شكل ۱۲۷) .
- ۷ — اوچورتمه (شكل ۱۲۸) .

ترتيبات متناظره

مربع ومعيندن مشتق شكللر

لوحه ۹ ، شكل ۱۲۹ ، ۱۳۰ ، ۳۱ ، ۱۳۲ ، ۱۳۳ ، ۱۳۴ ، ۱۳۵ ، ۱۳۶ .
ابراعات صرّه .



درديجي تعليم

ذوكثير الاضلاع (مضلعلر)

بو تعليمده ، چوجوقلره درت ضلعدن زياده اضلاعى حاوى اشكال منتظمه تشکيل ايدياهيله جكي مشاهده ايتدیریله جك .

ابتدا (لوحه ۹ ، شكل ۱۳۷) ده کی آلتی ضلعی شکل (سداسی الاضلاع) تشکیل و تحلیل ایتدیر یله جک .

« شو شكل آلتی ضلعی کوستریکنز . بری برینه مساوی می ؟ قایچ زاویه تشکیل ایدیورلر ؟ بوزاویه لری کوستر میسکوز ؟ شكل منتظم اولق ایچون زاویه لرك بری برینه مساوی اولسی لازم می ؟ »

بولزومی طلبه یه تقدیر ایتدیره لرك ، ضلع لری مرکز اطرافنده متناظر بر حاله ارجاع ایتدر ملی . صکره ، سکوز ضلعی بر شکل منتظم ، بر (ذو ثمانية الاضلاع) (شكل ۱۳۹) ده اناش ایتدیره لرك ، بونی ده سداسی الاضلاع کبی تحلیل ایتدر ملی . سداسی الاضلاع دن مشتق ییلدیزلی بر شکل متناظر یاپدر ملی (شكل ۱۳۸) . بو شکل ؛ ایکی ماث اوست اوسته قویدیر یله رق تشکیل ایتدیر یله جک .

نهایت ، ایکی مربعی اوست اوسته وضع ایتدیره لرك ، شكل ۱۴۰ ده کوریلن ذو ثمانية الاضلاع دن مشتق شكل منجمی یاپدر ملی . مرکز ده حاصل اولان شكل ماهیتی صور ملی ، بولدر ملی ، کوچوک مثلث لری تعیین و اشارت ایتدر ملی ، الخ .


اشغال اشیا

- ۱ — چارداغه آلتیش بر میوه آغاسی (شكل ۱۴۱) .
- ۲ — بر آغیل قاپوسی (شكل ۱۴۲) .
- ۳ — بر چفتلك حولیسی قاپوسی (شكل ۱۴۳) .
- ۴ — بر اوجکوز (شكل ۱۴۴) .

ترغیبات مناظره

بر مرکز اطرافنده انتشاری نناظر :
لوحه ۹ ، شكل ۱۴۵ ، ۱۴۶ ، ۱۴۷ ، ۱۴۸ ، ۱۴۹ ، ۱۵۰ ، ۱۵۱ ، ۱۵۲ ، ۱۵۳ .
نقطه مرکزیه اطرافنده تشکیل ایدن زاویه لری اراؤه ایتدر ملی ؛ کوز شكل انتظامندن خشنود اولق ایچون زاویه لرك بری برینه مساوی اولسی لازم کله جکنی مشاهده ایتدر ملی .

طلبه شو مرتبه یه واصل اولنجه ، کرك شكل یایمق و کرك هندسه عنصر لری تبع ایتک ایچون ، تحته چوبوقدن ده متنوع ودها چوق منابعه مالک بر آلتله



اشتغال ایتمه باشلار که بو آلتده : اولاً طاش قلمله طاش تخته اوزرینه وبعده قورشون قلمله کاغد اوزرینه رسم در . تخته چوبوقلر طلبه یی رسمه آشدرمق ایچون برواسطه ایدی ؛ بومقصد حاصل اولنجه آرده کی واسطه اولکی اهمیتتی، وهر حالده مستقل ومستمر بر طرز تدریس اولمق صفتنی آرتق محافظه ایده من . بوندن صکره تخته چوبوقلر، یالکز اکلنجه قیلندن اولان تعلیملرده ویاخود ابراعات مرده استعمال اولنهرق، چوجوقلرده تظاهر ایتمه باشلایان تنويع اشکال احتیاجاتی استیفایه خدمت ایدر . - ایشته بومطالعیه بناء تخته چوبوقلرله ده قاریشیق برطاقم ترتیبات ووضعیات احداث ایدرک، طلبه یه قاعده یابدیرلسی لازم کلان تعلیماری ده زیاده اوزاتمق ایسته مدک . یالکز صوک بر نمونه اولمق اوزره، هم مربیه لره فائده سی اوله بیله جک وهمده ، بعدما ممکن اولدینی قدر چوجوقلرک تشبث شخصیسنه براقلمسنی آرزو ایتدیکمزانشا آتده، اولنرک مخیله سنه رهبرک ایده جک بر قاج مشال ارانه ایتمکی مناسب کوردک .

اشغال اشیا

۸ دن زیاده تخته چوبوقله

- ۱ — کوچوک بر او (شکل ۱۵۴) .
- ۲ — تخته کوپری (شکل ۱۵۵) .
- ۳ — برطاقم مثلثلر (شکل ۱۵۶) .
- ۴ — پارمقلی بر کوچوک او (شکل ۱۵۷) .
- ۵ — صچاق ورواق (شکل ۱۵۸) .
- ۶ — هوا غازی فناری (شکل ۱۵۹)
- ۷ — برانبار چاتیسنک تپه سی (شکل ۱۶۰) -
- ۸ — چاک قوله سی (شکل ۱۶۱) .
- ۹ — اوچوزلی (اوچ قولی) برشمعدان (شکل ۱۶۲) .
- ۱۰ — برجیچک صاقیسی (شکل ۱۶۳) .
- ۱۱ — برقله (شکل ۱۶۴) .
- ۱۲ — یل دکرمی (شکل ۱۶۵) .
- ۱۳ — آصقی به آلمش بریمش آغاجی (شکل ۱۶۶) .

لاطه لر (یاد اوارار)

لاطه لرده ، تخته چوبوقلر کبی ، خطاری تمثیله مخصوص در ؛ بونلرده ، عینیه ، هم بعضی تعریفات نظریه یه خدمت ایدر ، وهمده برطاقم انشاآتده قوللانیلیر . تدریسات نقطه نظرندن ، لاطه لر بعضی جهتلرجه دها نافع در . لاطه لر دهاچوق کوزه چارپار ؛ بونلرله خطی ، زاویه یی یالکز بر مستوی اوزر نرده دکل ، بعد مجرد ده دخی کوستر مک ممکن در . لاطه لرله یایدیریله جق ترکیباتک انواعی ، تخته چوبوقلرله یایدیریلان ترکیباتدن دها آذر در ؛ فقط باشقه درلودر . لاطه لرک تابع اولدینی شرائط انشاییه غایت فرقی در ؛ تخته چوبوقلرله اعمالی مشککجه اولان چاراز لامه لر ، لاطه ایشلرنده الزم در . نهایت ، لاطه لرله یاییلان شیلر بر نرده قالدیر بر نرده ، شاقولاً چوجوقلرک کوزی اوکنه قونیه بیلیر ، وبو صورتله بعضی رسملره وضع طییعیلرینی ویرمک ممکن اولور . مع مافیه ، بویله چاراز لامه لاطه لرله قابل تقلید اولان شیلر پک چوق ده دکل در . لاطه لر ، بدیهی درکه ، کرک مطلوبه موافقت جهتیله و کرک قصد تنويع ايله ، حساب تعلیملرنده تخته چوبوقلر یرینه اقامه ایدیله بیلیر ، وبوحالده بالطبع عینی شرائط دائره سنده استعمال اولنور .

ترتیبات متقدمه

لاطه لر اکیلوب بوکولمسی قولای ومع مافیه اولدقجه طییانیقلی والاستیکی برتخته دن یاپلش اولوق ، وائی یونتملش بولنق لازم در . ابعاد اعتباریه ۲۵ سانتیمتره ، یعنی بر ربع متره بوینده ؛ ۱ سانتیمتره عرضنده ، ومطلوب اولان انحنایی آله بیله جک برنخنده اولملری ایجاب ایدر . هرچوجوق ایچون لاقل اون لاطه بولنملی در . معلمه لرده ده بومقدراهم مساوی لاطه اولملی درکه چوجوقلره اعمال ایتدیره جکلری ترکیباتی حسن صورتله تنظیم واداره ایده بیاسینلر .



برنجی سلسله

برنجی تعلیم

خط مستقیم استقامت‌تری

بوبرنجی سلسله؛ کوچوک تخته چوبوقلرله اجرا اولنه جق هندسه تعلیملرینک
برنجی سلسله سندن برآز صکره باشلار .

لاطه لر طرز معناد اوزره توزیع ایدیلر جک .

لاطه ؛ اوزون ، آنسز ، اینجه ، خفیف وقابل انخسار ، تخته دن
معمولدر ... الح دییه اوللا لاطه تعریف ایدیلر جک .

لاطه ده، تخته چوبوق کبی ، بر خط اراؤه وتمیل ایدر . واقعا لاطه
برآز آنلیجه در ؛ فقط بر خط تمیل ایتک اوزره استعمال ایدلر بکی زمان
بوانیلک نظر اعتباره آلتماز (یعنی آنه اهمیت ویرلر) . لاطه یه کنارندن
(تخنی جهندن) باقیله جق اولورسه خطه مشابهتی دها بارزدر .

لاطه طوغرو طوتیلیرسه بر خط مستقیم اراؤه ایدر؛ بوکیلیرسه ، اکیلیرسه
بر خط صمئی شکلی آلیر . — لاطه نك منتهالرندن ، اوچلرندن بحث ایتلی .
(تخته چوبوقلر ، صیفه ۱۱۳ . باقیکر) . لاطه لری اوست اوسته قویدیره رق ، طولاً
بری برینه مساوی اولدقلرینی؛ مساوی خط مستقیملر تمیل ایتدکاریخی اثبات
وبیان ایتلی .

برخطک بعد مجردده آله بیله جکی وضعیتلری اراؤه ایتلی . (تخته چوبوق ،
هندسه تعلیملرندن برنجی تعلیمه باقیکر) .

« لاطه کزی هوایه قادیروب آلکزده طوته رق ، بر ساقولی خط مستقیم تصویر
ایدیکز . لاطه یی ، ینه هواده (بعد مجردده) طوتمن اوزره ، افقی وضعیته کتیریکز .
صاغه طوغرو ، صوله طوغرو بر خط مائل تصویر ایدیکز . آلکزده کی لاطه یی
افقی وضعیته کتیروب ایلریدن کزی به طوغرو (کندیکره طوغرو) توجه ایدیکز .
شمی ده صاغدن صوله متوجه (عرضانی) افق بر خط مستقیم تصویر ایدیکز . »

لاطه لر یالکر برآله واولدجه یوکسک طوتیلر جق که مربیه سهولته کوره
بیلین ، وچو قوکلر ویره جکی استقامت لردره بر خط اولورسه در حال تصحیح ایتسین .

لاطه ايله بعد مجرده (هواده) اجرا ايتديريله جك . بو تجربه لردهده ، اولكى شكلر مرييه رهبرك ايد بيلير . (لوحه ۸ ، شكل ۹ الى ۱۷ .)
بونك ايچون ، لاطه لر ، ايكي آل ايله ، هوايه قالديريله جق ؛ افقي لاطه صول آل ايله بر اوجندن طوتيله جق ؛ صاغ آل عمودی لاطه ني اونك اوزرنده كزديره جك .

« شمدي ، اوچ وياخود درت لاطه آلهرق ، شو ماصه اوزرنده ، تخته چوبوقله ياپديغمز شكلر كي ، مختلف شكلر وجوده كتيرلم . (تخته چوبوقله ، لوحه ۸ ، شكل ۴۰ ، ۴۱ ، ۴۲ ، ۴۳ ، ۴۴ ؛ ۷۶ ، ۷۹ ، ۸۰ ، ۸۱ .) مرييه بو شكلر آره سندن مناسبلريني ، اوست اوسته وضع ايدلكتري تقديرده اضلاعي برى بريله تقاطع ايدجك ، چاپرازلامه كله جك شكلري انتخاب وترجيح ايدجك . »
امراعات صره

اومنجي نعلم

زاويه نك بعد مجرده كي تحولاتي

تخته چوبوقله بختنده انواع زاويه ني كوسترملك اوزره ماصه اوزرنده ياپيلان شكلر شمدي لاطه لرله فضاذه تكرار ايتديريله جك (لوحه ۸ ، شكل ۱۸ الى ۲۷) . بونك ايچون اولّا : لاطه لر دن برى افقي اولهرق طوتيله جق ، بونك اوزرينه بويلى بوينه ياتيرلمش اولان ايكنجى لاطه ، تدريجياً قالقهرق ، عمودی وضعيته كله جك ، صكره مخالف جهته طوغرو آلچاله جق ، الخ ؛ ثانياً : هرايكي لاطه ده افقي اولهرق فضاذه طوتلمق صورتيله ، زاويه نك عيني تحولاتي ارائه ايديله جك . بو تحولات حقنده اولجه واقع اولان مشاهدات درخاطر ايتديريله جك ؛ بعد مجرده مرسوم زاويه ططبيق ايتديريله جك . تخته چوبوقله ياپديليني كي ، زاويه حاده لر ، زاويه منفرجه لر ؛ ايكي لاطه نك اوست اوسته قومسندن وياخود براستقامتمده اوچ اوجه تماس ايتديرلمسندن حاصل اولان خط مستقيم لر تعيين واره ائه ايتديريله جك .

صكره ، ايكي خط مستقيم ايله (ايكي لاطه ايله) ، اولّا : اوج اوجه تماس ايتملى حالته كوره ياكيز بر زاويه ؛ ثانياً : برينك اوجى ديكرينك وسطه قريپ نقاطدن برينه تماس ايتمسه نظراً ، رأسلى بر نقطه ده مشترك ايكي زاويه ؛

ثالثاً : بری بریله تصالب ایتلمی، تقاطع ایتلمی حاله کوره کذلک رأسلری مشترک دوت زاویه تشکیل ایتک ممکن اولدینی کشف ایتدیلمک (مشاهده ایتدیلمک، بولدیلمک) .

اشغال ایشیا

- ۱ — ۴ لاطه ایله بر چاقی آره سی اورنکی یاپیکز (لوحه ۱۰ شکل ۱) .
چاقی آره سی نه در ؟
- ۲ . چفته رای (شکل ۲) .

ترتیبات منظره

- سلسله ۱ : اوچ لاطه ایله (لوحه ۱ ، شکل ۳ ، ۴ ، ۵ ، ۶) .
 - سلسله ۲ : دوت لاطه ایله (شکل ۷ ، ۸ ، ۹ ، ۱۰ ، ۱۱ ، ۱۲ ، ۱۳) .
- ایراعات صرم .

سعود

در دنجی تعلیم

کچمه لر (کرفته لر)

بوندن صکره کله جک تعلیماره باشلامه دن اول چوققره کچمه (کرفته مه) طرز لرینی اوکره تملی : ذاتاً لاطه تعلیم لرینک خصوصیتی (صفت کاشفه سی) ده بوکچمه ایشلریله ابتدار ایدر . بناءً علیه شو بر درسی کاملاً بو طرز لر ی تعلیمه حصر ایده جکز .

چوققره آلرینه اوچ لاطه آله رق ضاع لرینک استقامت مخرجه لر ی غیر محدود بر مثلث ترتیب ایده جکلر (لوحه ۱۰ ، شکل ۱۴) . بو لاطه لر اویله بر صورتده ترتیب ایدیلمک که هر بری دیلمک بر آئنده و براسته مه کچه جک . کچمه ایشلرینک اُک بسیط شرطی بو اولدینی اوکره تیله جک . بو صورت ترکیب نتیجه سی ۱۴ نومرولی شکل وجوده کتیریلنجه تقدیر ایدیلیر ؛ بویله بری برینه چارازلامه کچیریلن لاطه لر ماصیه یالکز بوش اولان نهایت اوجلریله تماس ایتدکلری حالده ده بری بر لرینی طوتارلر . شو ساده و بسیط موازنه حالی ، چوققرک چارازلامه دن متوالد شرائط استقراره عطف اهمیت ایتلمی ایجاب ایدر .

شمی بوفرستدن استفاده ایله، برلاطه نك مجاور لاطه لرك تضییقه ثابت-
بر حاله گسی ایچون، اولّا : لاقل اوچ نقطه سندن چاپرازلامق صورتیله
طوتدیرلسی ؛ ثانیاً : بواوچ چاپرازلامه دن ایکی یان چاپرازلامه نك براستقامتمده
بولنسی مقتضی اولدیغنی سویله ملی .

۳) لاطه آلکیز؛ اوچنك ده برر اوچنی، ۲ زاویه حاده تشکیل ایدمه نك مورتده،
برنقطه ده برلشدیریکز . صول آلکیزله صیم صبیق طوتیکز (شکل ۱۵) . شمی
صاغ آلکیزله بردرنجی لاطه آلکیز . بونی، اورطه ده کی لاطه نك آئتمده و دیگر ۲ لاطه نك
اوزرمنده کچمک اوزره شو اوچ لاطه نك آره سنه برلشدیریکز . زاویه نك رأسنه
طوغرو برآز ایلری سوزیکز . ایسته بودرنجی لاطه قویدیفکز یرده طوروز ؛ دیگر
۳ لاطه اونی طوتار . سز بواوچ لاطه یی رأسدن صیم صبیق طوتدجه اوده قویدیفکز
یرده ثابت قالیر . شمی بودرنجی لاطه یی اورادن قالدیریکز . اورته ده کی لاطه نك
اوزرمنده وایکی کنارده کی لاطه لرك آئتمده کچمک وجهله برلشدیریکز . ینه ثابت
قالیر . تکرار : برلاطه ثابت قالیر ایچونه . . . الخ .

۴ شمی ؛ لاطه آله لم، و بو ؛ لاطه یی ده بری برینی طوته جق، مجتمعا بر یرده
طوره مبر وجهله کرفته مکه چالیشه لم . ۲ زاویه حاده تشکیل ایدیکز . شو بنم یایدیم
کبی، سزده بوایکی زاویه نك ضلع لری بری برینه کرفته ییکز (شکل ۱۶) . ضلع لرك
۲ کره بری برینه کچمی لازم . شمی ده لاطه لرك زله شو کچمی یاپیکز ، باقیم
(شکل ۱۷) . «

بو کچمک ل اوزرمنده کی تقاطع نقطه لری ، و عینی استقامتمده اولاره ایکی
متقابل تقاطعی اراؤه ایتدرملی .

اوچدن زیاده کرفته مه لرك متبادل بولنسی (یعنی برآلندن براوستدن
اولسی) ده فائده لی در ؛ بوشرطی فرصت دوشنبه چوجوقلره کوسترملی .
چوجوقلر بوعمده یی (بواساسی) آکلادقندن صکره ، آتیده کی کرفته مه لری
قولایلقه یاپارلر . - وجوده کله جک شکلری صره سیله تحلیل ایتدیررسکز .
هرشکلی باشدن آشاغی تحلیل ایتدرمک هم مزعج اولور ، وهمده بیلزوم
تکرارلری ایجاب ایدمه بیلیر ؛ بناء علیه عناصر اشکالدن برینی رسملردن بری
اوزرمنده ، و دیگر لری ده دیگر رسملر اوزرمنده ، مثلا مربرملری ، مثلثلری ...

بر رسمده ... زاویه لری ، زاویه حاده لری ، زاویه قائمه لری دیگر بر رسمده ،
و تقاطع نقطه لری ده باشقه بر مناسبتله مشاهده ایتدرمك ده موافق در . شو مطالعه
بوقیلدن اولان بوتون تعلیمله قابل تطبیق در .

کجه در (کرفندر)

۱ — برجیت (لوحه ۱۰ شکل ۱۸) . ۲ خط متوسط واسطه سمیله ۴ مربعه
منقسم بر مربع ، الخ .

۲ — برنجی شکلده کی لاطه لرك جلاسی مائل بروضعینه کتیر یله جك اولورسه ،
۴ معینه منقسم بر معین وجوده کلیر : معین شکلده بر سورکی (تارلا طبانی) ...
(شکل ۱۹) .

بری ریاضود سکز بوطه ایلد ابراعات هرّه .

ایکنجی سلسله

برنجی تعلیم

رأساً متقابل زاویه لر

بو سلسله ، برنجی سلسله ده کی مباحثه دوام و آنلری توسیع و اتمام ایدر .
ایکنجی سلسله به داخل اولان تعلیملر ، تحتہ جو بوقلرك صوک تعلیملریله ،
منحیلره و درنجی هبه تعلیملرینه متعساف اولمی در . لاطه لرله وجوده
کتیر یله جك اشکال هندسیه علی الاصول تحلیل ایدیلیرکن ، مقدما اوکره تیان
بر طاقم مفهوم لری تطبیق و تکراره و جو بوقلرك کوچو جك حمله عرفانه
بعضی فائده لی معلومات ده علاو سنه مساعد وسیله لر پیدا اولور .

ایکی چار ازلامه لاطه ایله رأساً متقابل درت زاویه تشکیل ایدیکز . عینی
شکلی چو بوقلره ده یایدیریکز . زاویه لرك ایکسی حاده و ایکسی منفرجه
اولمی . تشکیل ایدیلن درت زاویه ایله بوزاویه لرك رأس مشترکنی ارئه
ایتدیریکز . بودرت زاویه دن رأساً متقابل زاویه لری تفریق و تمیز ایتدیریکز .
متقابل نه دیمك اولدیغنی ایضاح و تفهیم ایدیکز .

چو جوقلرده سزه باقهرق :

« ۲ زاویه حاده رأساً بری برینه متقابل در؛ ۲ زاویه منفرجه ده کذلک متقابل در. »
دیسینلر .

بعده، چو جوقلری بوایکی متقابل زاویه حاده آره سنده کی مساواتی تقدیره
سوق ایدیکنز؛ کوزله تخمین و بیان ایده جکلری حکمی، تأیید و تصدیق ایدیکنز.
زاویه منفرجه لر ایچون ده عینی حرکتی تکرار ایتدیریکنز . بوندن « رأساً
بری برینه متقابل اولان زاویه لر بری برینه مساوی در. » نتیجه سنی استنتاج
ایدیکنز و ایتدیریکنز .

بعده، لاطه لردن برینی دیکرینه عمود اوله جق وجهله، یاواش یاواش اونک
اوزرنده طوغر و لیکنز : چو جوقلرده سزک کبی یاپسینلر .
« شمدی نه زاویه منفرجه لر ، نه ده زاویه حاده لر وار ؛ زاویه لر ینه رأساً
ایکبشر ایکبشر بری برینه متقابل ؛ فقط بودنعه هبسی مساوی ، چونکه دردی ده
قائمه »

دییکنز .

اشکال مضاعفه یی مصوّر اولان کرفته مه لرده اکثریاء، شکللر بری برینه استناد
ایده بیلیمک ایچون ، ضاعلری موازیلرله تضعیف ایتک لازم کلیر .
چو جوقلره یالکز هبیت عمومیه یی دکل، لزوم و ایجابنه کوره، تقاطعلردن
حاصل اولان صورتالییه یی، اشکال فرعییه یی ده کمال دقتله تحلیل ایتدرملی در، تاکه
کل ده فرع ی کورمه که، بونلری بری برندن تفریق ایتکه آلیشسینلر .

کچمه لر (کرفته لر)

- ۱ — مثلث متساوی الاضلاع (مضاعف) . اولاً داخله متشکل شکل مثلثی ؛
بومثلث ضاعلری ، زاویه لرینی ارائه ایتدرملی (لوحه ۱ شکل ۲۰) . — صکره ،
ضاعلری مثلثی و ضاعلری کوسترتملی . بوخارجی مثلث ضاعلری ، داخلی مثلث ضاعلرینه
موازی اولدیفنی سوبله تلی . مثلث رأسلری جوازنده تشکیل ایدن اوچ کوچوک معینی
ارائه ایتدرملی .
- ۲ — ایکی کرفته مه مثلث (شکل ۲۱) . اولاً ۲ بویوک مثلث ؛ صکره ،


ابتدا برنجی مثلثك زاویه لرینى ، رأس لرینى ، ضلع لرینى ، ومتعاقباً ایکنجی مثلثك زاویه لرینى
وضلع لرینى ارائه ایدیکز . محیطه طوغرو نه شکلر حاصل اولدی ؟ شکل متناظر اولق ایچون
بوکوچوك مثلثلر برى برینه مساوی اولق لازم می ؟ (۳نجی هبه یه باقیکنز .) — داخلده
بر شکل کوریورمیسکنز ؟ اوشكلك محیطنى کوسترینکز . ضلع لرینى صاییکنز . هبسی
برى برینه مساوی ، دکلئ ؟ دیمك که آلتی ضلعلى (سداسى الاضلاع) بر شکل تشکیل ایتدکه
۳ — ۵ شعاعلى بریلدیز (شکل ۲۲) . زوایای خارجیه نك ضلع لرینى کوسترینکز .
داخلده نصل بر شکل حاصل اولدی ؟ ۵ مساوی ضلعلى بر شکل (برخماسى الاضلاع) .
۴ — متعاقباً (شکل ۲۳) ی یاپدیره رق ، بوشكلده کی مستطیلئ ؛ ایکی بویوك
و ۲ کوچوك مثلئ ؛ مرکزده ۲ شر ۲ شر رأساً متقابل ۴ زاویه یی بولدرملئ .
۵ — (شکل ۲۴) ده کی مربیئ ؛ ۲ قطرى ، بر رأس اطرافنده ۲ شر
۲ شر متقابل ۴ زاویه قائمه یی ؛ مربیئ تقسیم ایدن ایکی قطردن طولایى حاصل
اولان ۴ مثلئ ارائه ایتدرملئ ، بو ۴ مثلثك برى برینه مساوی اولدیغنى بولدرملئ .
۶ — (شکل ۲۵) ده کی مربی طائیلئ ، بومرعبده رأساً ۲ شر ۲ شر متقابل
اولان ۴ زاویه نك ؛ بوشكلك مبدأى اولدیغنى کشف ایتدرملئ . موازى خطلری ؛ ضلع لرك
استقامت منجرجه لرینى ارائه ایتملئ وایتدرملئ .
ابداعات مره .

ایکنجی تعلیم

تقسیم زاویه

بو تعلیمده چوجوقلره زاویه نك تزیدوتتقیصه ، و بناء علیه ضرب و تقسیمه
و مساحه و نسبتبه قابل بر کمت اولدیغنى اوکره تیله جك ؛ رسمده اُك بسیط زاویه
نسبتلرینك و بالخاصه تنصیف زاویه نك غایت مهم اولدیغنى مشخص اوله رق
ارائه واثبات ایدیله جك .

« ألكره ۲ لاطه آلدرق باش آشاغى برزاویه تشکیل ایدیکز ، ورأس زاویه یی تشکیل
ایدن اوچلرندن او یله جه هواده طوئیکز (شکل ۲۶) . اوزاویه نك ایچنه عینی رأسده
برلشمك اوزره ۳ نجی برلاطه قوییکز . شمدى نه حاصل اولدی ؟ ۲ زاویه . دیمك که
برنجی زاویه یی ایکیه آیردیکز . ایکی طرفكده تمامیه مساوی اولسنه دقت ایدیکز .
ایشته صاغده برکوچوك زاویه ، صولده ده کذلک برکوچوك زاویه : ایکیسی ده برى



برینه مساوی ، دكلى ؟ (كوزله تخمین ايتديريله جك .) بونلر برنجی زاویه نك ایکی نصفی در . بوايکی کوچوك زاویه برلشديريله جك اولورسه ، بويوك زاویه تشكيل ايدر . شمدی اورتده کی لاطه یی قالدیریکز ؛ تقسیم زائل اولدی ، آرتق زاویه آیریق دكل ؛ اولجه فصله ینه اوشكله کیردی ، دكلى ؟

« ايشته کوردیکز : هرشی کبی زاویه ده برچوق قسمه آیريله بیلیر (مساوی اولسون ، غیر مساوی اولسون) .

« برخط شاقولی بر خط افقی ايله بر زاویه قائمه تشکیل ایدیکز (شکل ۲۷) .
۳ نجی بر لاطه ايله بوزاویه قائمهی ایکی مساوی قسمه بولیکز . ايشته ۲ زاویه تشکیل ایتش اولدیکز . بو ۲ زاویه دن هربری زاویه قائمه نك بر نصفی در . عیبا بو ۲ زاویه نك هربرینی ده ینه ایکی یه آیره بیلیرمی بز ؟ آیریجه ۲ لاطه آله مده آیرمه چالیشه لم . شمدی زاویه قائمه قاچ قسمه آیرلش اولدی ؟ شهادت پارماغیزی آرده ده کی آجیق قلره وضع ایتك صورتيله ؛ او ۴ زاویه یی کوستریکز . اوزاویه لر دن هربری زاویه قائمه نك بر ربی در .

کچمیر

۱ — آزیچق حاد برزاویه تشکیل ایدیکز (شکل ۲۸) . زاویه کزی ۲ قسمه بولیکز . بوزاویه یی تشکیل ایدن لاطه لری بر آرده ده طوتمق ایچون آرده لینه ایکی لاطه کچیریکز . شمدی ، رأسی یوقاری کلك اوزره . شکلی چویریکز . ايشته بر دیوارچی سورسی تشکیل ایتش اولدق . دیوارچی تسویه سی تخته دن معمول بر مثلث درکه رأسندن اوجی قورشونلی بر ایپ صارقار ، و بواپ شاقول وضعیتنه کتیريله رك قوللانیلیر . بويوك مثلثی کوستریکز . زاویه یی قطع ایدن خطی کوستریکز . بوخط ؛ یالکز زاویه یی تنصیف ایتبور ، بويوك مثلثی ده ۲ مساوی مثلثه تقسیم ایدیور ، دكلى ؟

۲ — معکوساً موضوع ایکی زاویه ضلعلرینك بری برینه تصادفدن بر معین شکل ايدر (شکل ۲۹) . بوتریب ؛ چاپرازلامه ایکی لاطه ايله ثابت بر حاله کتیريله بیلیر . ايشته بری صاعده ، بری صولده ۲ مثلث ، مرکزده ده ۶ ضلعی بر شکل متناظرکه مقابل ۲ ضلی دیکر لرندن دها بويوك .

۳ — رأساً مقابل ، و هرايکیسی بر خط مستقیم ايله ۲ مساوی قسمه منقسم ایکی زاویه (شکل ۳۰) . هرايکی طرفه عرضانی اوله رق کچیريله جك برر لاطه بو کچمهی تثبیت ايدر .

۴ — مساوی زاویه تشکیل ایدن و ۲ لاطه ايله بری برینه طوتدیریلان یلپازه شکلنده بش لاطه (شکل ۳۱) .

ایراعات هره

اورنجی تعلیم

بر نقطه اطرافندہ متشکل زوایانک قیمتی

بوندن اول، چو جوقلرک استعداد و مکتسباتنه نظراً، بوکمه ایشلری بشنجی سلسله سنک ۳ نجی و ۴ نجی تعلیملرندہ کی معلوماتک تدریسی موافق کورلمش اولدینی، یعنی بر نقطه اطرافندہ متشکل زوایہلرک قیمتیله مجاور زوایہلر مجموعنک قیمتی حقندہ بر فکر ویرلمش بولندیقی تقدیردہ، بو معلوماتی بر کردہ، زوایہ یی بعد مجرددہ کوسترن لاطہلر واسطہ سیلہ کوزدن کچیرمک مناسب اولور. بو حالده او تعلیملر دہ یاپلمش اولان اثباتلر، شکل ۳۲، ۳۳ و ۳۴ دہ ارانہ ایدیلن ترتیبات بردها وجودہ کتیریلرک، بر آرز متخالف اولان بوشکل آلتندہ دہ، سریعاً تکرار ایدیلر (بوکمه ایشلری، سلسله ۵ تعلیم ۳ و ۴ دہ باقیکنز.) — اکر او تعلیملر کوسترلمه مش ایسه، بوندن اولکی تعلیمدہ زوایہنک تقسیمنه دائر ویریلان فکر ایله اکتفا اولنور.

شمی چو جوقلرہ اوکرہ تیله جک برشی دہا قالیرکہ اودہ: آرتق بالذات تخیل و تصوّرہ قالدیشہ جقلری دہا قاریشیق بر طاقم ترکیباتدہ اولنرہ رھبرلک ایدم جک برقاعدہ عمومیہ، بر طرر توسل در.

صورت عمومیہ دہ بوتون ترکیباتدہ بر هیئت اساسیہ واردرکہ صور تالیہ هپ اونک اطرافندہ طویلانی. ایشتہ چو جوقلرہ اشکال فرعیہ آره سنده رهین اشکال اولان بو صورت اصلیه یی تفریق و تمیز ایتمکی، طوغرودن طوغرویه اوصورتی بولمی، اولاً اونی احاطه و ضبط ایتمکی اوکرہ تمک لازم در؛ بونک امر تربیہ دہ فوق العاده اهمیتی واردر. برده، صورت اصلیه بر ترکیبک فکر موبہ ی در؛ حین ترکیبده بوتون اقسام صورت اصلیه یی نظراً تحصیل اولنور. بناء علیہ چو جوقلری دہ بو صورت موجہی تصور و احاطه ایتمک، وجودہ کتیرہ جکلری انشا آتدہ دائماً اونی استهداف ایتمک آلسد رملی در؛ یوقسه، بوتون اعمال و انشآت غیر منتظر بر طاقم تصادفلرک سوق طالعه بر اقلمش اولور؛ بو تقدیردہ ایسه، وجودہ کلہ جک شکلر بر اثر ابداع دکل، بر محصول تصادف اولورکہ تربیہ ذهنیه نقطہ نظرندن نتیجہ سی هیچله برابر در، هیچ در.

« چو جوقلرم ، بیلیرسکیزکه آئی بر شی وجوده کتیرمک آرزو اولندیفی زمان
ابتدانه یایلمور ایسته ندیکنی دوشومک لازم در . بناء علیه بر طاقم کرفتله مه لر یاقی
ایچون اولاهانکی شکل اصلی یی : مثلاً بر مربع می ، بر معین می ، کرفتله مه مثلثلرمی .
موازیلرمی تشکیل ایتک ایسته دیککیزی دوشونکیز . بونی ذهنکیزده ایجه تقرر
ایتدرکدن صکره ، تشکیل ایتک ایسته دیککیز شکک ایجابنه کوره ، لاطه لری ماصه کزک
اوزرینه وضع ایتکه باشلایکیز . شکل اصلی بوصورتله (نخته چوبوقلرده اولدینی کی
مستوی اوله رقی ماصه اوزرنده) وجوده کانهجه ، لاطه لری بری برینه نصل کرفتله مک
لازم کله جکینی آراشدیررسکیز . اگر شکک بعضی پارچه لری بری برینی طوته میه جق
اولورسه ، اوبارچه لری بری برینه طوتدرمق فقط شکک منظر اولسنده مانع اولماق
اوزره ، آره لینه نصل یاپوبده دیکر بر لاطه قویه بیله جککیزی تأمل ایدرسکیز . الحاصل ، شکل
اصلی یی وجوده کتیردکن و ایجه تثبیت ایتدکن صکره ، اونی دههاز یاده اشکال ایتک ، دهامغلق
برحاله کتیرمک ایسترسه کیز ، تزین وتحسین ایچون تصوراتیدیککیز شیلری ده علاوه ایدرسکیز .
شمدی بو عمده لری (اساسلری) آتیده کی شکللری یاپدیره رقی چو جوقلره
تطبیق ایتدیریکیز .

کرفتله مر

- ۱ — شکل اصلی : مربع (لوحه ۱۱ شکل ۳۰) . ۱ نجی مربع تشکیل
ایدنجه ، اونی تالی بعضی پارچه لرله طوتدرمق اقتضا ایتدیکی آکلاشیلیر : بو شکله
ضلعلری تضعیف ایتک کافی در . شمدی شکلی تحلیل ایدیکیز ، و تضعیف دن تولد
ایدن اشکال فرعیه یی ، مستطیللری ، مربعلری ... کوستریکیز .
- ۲ — معین (شکل ۳۶) : اولکی شکک بالعموم زاویه لرینی بردن تغییر ایتک
صورتیه تشکیل اولنور .
- ۳ — هم ۲ خط متوسطی وهمده ۲ قطری استقامتنده طوتدیرلش بر مستطیل
(شکل ۳۷) . مستطیل ، بوصورتله ، ۸ مساوی مثلثه تقسیم ایدلش اولور .
- ۴ — شکل ۳۸ ده ، هیئت عمومیه یه نسبتله دها کوچوک اولان مرکزده کی مربعی
صورت ، امتداد اضلاعدن منبعث اولان انشعاعی عیاناً کوستر .
- ۵ — مرکزده بر شکل مثنی تشکیل ایتک اوزره بری برینه کرفتله غش مادی
مربعلر (شکل ۳۹) . بوهیئت جملات تحلیل اعلی وابتدرملی .
- ۶ — غیر مادی مناضل مربعلر (شکل ۴۰) . تحلیل : ۲ مربع آره سندده
واقع ۴ منک .

ایلك دوره تحصیلده تدریسی مناسب اولان معلومات هندسیه یی ایشته آتام
ایتدك. چوجوقلربوئانده برچوق اثباتلی تدبغات اجرا ایتدکری کبی، آز چوق
برموفقیته ترکیب ایدلمش بعضی کیفی شکللدنخی وجوده کتیردیله. اوکره تدبکمز
عمده لردن بالاستعانه ینه بوبولده ممارسه یه دوام ایدرله. مع مافیله ابراع ایدم جکلری
اشکالی، وباخصوص بوشکللدن بریکیاکله، براصلیته متصف اولانلری اونلره
تحلیل ایتدرمکدن کری طورمه ملی در. خاتمه کلام اولمق ومربیه لره رهبرک
ایتمک اوزره، برچوغی چوجوقلرک محصول خیالی اولان برقاج ترکیب نمونه سی
ارائه ایدلم.


اشکال اشیا

- ۱ و ۲ — پنجره لر (لوحه ۱۱، شکل ۴۱ و ۴۲).
- ۳ — اسقاره (شکل ۴۳).
- ۴ — پارماقلی حولی قاپوسی (شکل ۴۴).
- ۵ — باغ قاپوسی، چایرلق قاپوسی (شکل ۴۵).
- ۶ — ییقانمش یوکلری قورونمغه مخصوص قفس (سرکی) (شکل ۴۶).
- ۷ — برکوشکک، روستائی برأوک چائی آره سی (شکل ۴۷).
- ۸ — پارقلری قاپامغه مخصوص دمیر بارمقلی قاپو (شکل ۶۹). بو ترکیب
ایچون ۱۷ لاطله لازم در.

مختلف ترکیبات منظره

لوحه ۱۱، شکل ۴۸، ۴۹، ۵۰، ۵۱، ۵۲، ۵۳، ۵۴، ۵۵، ۵۶،
۵۷، ۵۸، ۵۹، ۶۰، ۶۱، ۶۲، ۶۳، ۶۴، ۶۵، ۶۶، ۶۷، ۶۸.





حلقه لر

بو آنه قدر چوبوقلر، لاطه لر، منشورلر ... واسطه سیله وجوده کتیردیکمز انشآت و ترتیباتده یالکز بر عنصر قوللاندق که اوده خط مستقیم در . واقعا چوجوقلر رسم بختك ۲ نجی قسمنده خط منحني کوره جك واوندن ده استفاده ایتکه باشلايه جقلر در . آنجق شمیدین اوتبعاته مقدمه اولق ، و صرف خطوط مستقیمه ايله یاپیلان رسملر ایچون تخنه چوبوتلر نه دیمکسه منحني چیز کیلر ایچون ده حلقه لر او دیمک اولدیغنی اراؤه ایتك اوزره بر درس احضاری ترتیبی فائده دن خالی دکل در . شوده وار که چوجوقلرک نظری خط مستقیمده کی درستلکه آلمق لازم اولدیغنی کبی ، منحیلرده کی ظرافت و لطافته الفت ایتك ایجاب ایدر .

حلقه تعلیمی، که بوندن اولکی تعلیملر ایچون حقیقهٔ يك مفید برتمه در، تام حلقه لرله و یا خود حلقه پارچه لرله ماصه لرك سطح مستویسی اوزرنده برطاقم تام دائره لر و یا جزؤ دائره لر ترتیب و تشکیل ایتکدن عبارت در .

چوجوقلر بو حلقه لری ؛ رسم خطیده دائره قوسلرینی یکدیگرینه اتصال ایتدردکلری کبی ، یان یانه کتیروب بری برینه بیتیشدر دجه ، متسلسل برطاقم منحیلر تشکیل ایتکده کسب ملکه ایدر لر . بو صورتله برچوق اشکال وردیه و ترتیبات متناظره دن مؤلف متنوع ترکیبات وجوده کتیرمک ممکن اولور . خطوط مستقیمه ايله یاپیلان ترکیبات همان دایما صنعی برطاقم شیلری ، صنعت بشریه نك محصولی اولان شیلری تصویر ایدر . انسان اکثر معمولات و محصولاتده خط مستقیم اختیار ايله بساطت و سادگی استهداف ایدر . طبیعت ایسه وجوده کتیردیکی اشکال حیاته نامتناهی صورته متنوع برطاقم منحیلرله عادتاً اوینار . ایشه دائره قوسلری اعانه سیله طبیعتی بر درجه یه قدر تقلید ایتك، یاپراقلر، چیچکلر ... کبی اشیا ی طبیعه دن برچو غنك ابتدائی صورتلرینی ترسیم و تصویر ایتك قابل

اوله بیلیر . نهایت ، چوجوقلره ، بو فرستدن استفاده ایدهلرک ، تخته چوبوقلر بختده خط مستقیمه دأثر ویردیکمز معلومات کبی ، بو بختدهده دأثرلره دأثر اؤ متداول معلومات اوکره تیله بیلیر .

منحنيات تعلیملری ؛ تخته چوبوق تعلیملری اوچنچی سلسله سنک نهایتلرینه طوغرو باشلاملی در .

ترتیبات مقدمه

یکرمی موجودلی بر صنف ایچون ۱۰۰ بوتون حلقه ، ۱۰۰ یاریم حلقه و ۱۰۰ ربع حلقه نی حاوی بر قوطو کفایت ایدر . شمده یه قدر قبول وتعقیب ایتدیکمز طرز تدریجدن خارج بر جزوء تقسیم اولمق ، وتطبیقاتده فائده دن زیاده محذوری داعی بولنمق حسیله ، مثلث حلقه لردن صرف نظرایتدک . حلقه لرک قطری ۲,۵ سانتیمترو اولملی در ؛ دمیر حلقه لر ، کرک حفظ الصحه اعتباریه و کرک نظافت جهتیله ، باقر حلقه لره ترجیح ایدلملی در .



برنجی تعلیم

دأثره

حلقه لرک توزیعی . — چوجوقلر ، ائی زماندنبری اصول دأثره سنده توزیعاته آلمش اوله جقلری ایچون ، حلقه لری بلا مشکلات منتظماً و سریعاً توزیع ایده بیلیرلر . بناءً علیه مریبه هر صیره باشنده اوطوران چوجوغه ، او صیره ده کی چوجوقلرک عددیله متناسب بوتوره مقرر تودیع ایدر . صیره باشلری ده او حلقه لری االدن آله آرقداشلرینه توزیع ایدرلر . صکره ، عندالایجاب ، یاریم حلقه لر ، ربع حلقه لره بو صورتله تقسیم اولنور .

حلقه لرک اعاده عملیه سی ده ، مریبه نک اخطاری اوزرینه ، عکسی ترتیبده جریان ایدر . برنجی تعلیم ایچون هر چوجوغه دردر بوتون حلقه توزیع ایدیه جک .

چو جوقلر دائره نه ديمك اولديغنى اسطوانه قاعده سنى تتبع ايتدكلى صيره ده كورمش و آكلامشلردى (ايكنجى هبه) . بناءً عليه حلقه دائره نك ممئى اوله رق توديع واعطا اولنور . اولا موضوع ماده يه ، يعنى حلقه يه دائر بر قاچ سوز سويله نيلير : بوكا حلقه ديرلر ؛ بو حلقه بر معرره دن ، دميردن ياپش در ... الخ .

حلقه بردائره صورتنده در . چو جوقلر ابتدا تك بر حلقه آلهرق اوكلرينه ، ماصه نك اوزرينه قويارلر . اوزاره اصل دائره نك ، محيط مدور داخلنده محصور اولان مسافه دن ، او محيطك تحديد ايتديكى سطح مستوى پارچه سندن (ماصه سطحندن افراز ايتديكى قسمدن) عبارت بولنديغنى ؛ وبالذات حلقه نك محيط دائره نى تصوير ايتديكى مشاهده ايتديررسكيز .

» پارماغكيزله دائره نك مركزينى كوستريكيز . - دائره صورتنده اولان شيلرى صايكيز .

» ألزده كى ۱ : دائره برى برينه مساوى در : بومساواق او دائره لرى اوست اوسته قويتق صورتيله اثبات ايده لم .

» ماصه نك اوزرينه ۲ : دائره وضع ايتديكى . بو ايكي دائره نى برى برينه تماس ايتديرليكيز . بوحالده او ايكي دائره ، يكديكلى اوزرندن كچيريلدكجه ، محيطلرينك يالكلر بر نقطه سيله ، برى برلرينه تماس ايده بيليرلر ، فقط برى برى اوزرندن كچيريله جك اولورلرسه او وقتده تماس اولز ، باشقه بر شى اولور . « (برآز ايلروده كى تقاطع بحثنه باقيكيز . »

ترتيبات منظره

۳ و ۴ حلقه ايله

لوحة ۱۲ ، شكل ۱ ، ۲ ، ۳ ، ۴ ، ۵ ، ۶ ، ۷ ، ۸ ، ۹ ، ۱۰ . - شكل ۸ ، ۹ ، ۱۰ ده حلقه لر برى برى اوزرندن كچر ، يعنى تقاطع ايدر .
بداعات صره



ابښمې نعلیم

یاریم حلقه

دردر یاریم حلقه توزیع اولنه جق ؟ بو یاریم حلقه لردن هر برینک محیط
دائرتهك نصفی تمثیل ایتدیکی کوستریله جك .

ایکی یاریم حلقه یی برلشدیره رك بر دائره تشكيل ایدیكز . چو جوقلرده
سزك كې یاسینلر .

« نه تشكيل ایتدك ؟ بردائرة . شمدي ۲ یاریم حلقه یی بری برندن آیریكز .
اونلرك هربری تام دائرتهك برمتساوی قسمی ، بر كمری در . دیمك كه ، بر
دائرتهك یاریسی در ، بر نصف دائره در . ۲ نصف دائره ایله تكرار تامی ،
بوتونی تشكيل ایدیكز . المزده کی ۴ یاریم حلقه ایله قاچ تام دائره تشكيل
ایده بیلیرز ؟ »

اشكال اشیا

۲ و یاخود ۳ یاریم حلقه ایله

- ۱ — بردائرة (شكل ۱۱) ، قرص شمس . بدر تام .
- ۲ — هلال قمر (شكل ۱۲) . عكسی وضعیتده ینه برهلال (شكل ۱۳) .
- ۳ — آیاقلی بر كوچوك آینه (شكل ۱۴) . موقع استعمال .
- ۴ — بر ألما ، بر پورتقال (شكل ۱۵) .

ترتیبات منظره

لوحة ۱۲، شكل ۱۶، ۱۷، ۱۸، ۱۹، ۲۰، ۲۱، ۲۲، ۲۳، ۲۴ .

اشكال واسیا


۴ یاریم حلقه ایله

- ۱ — برچیچك (لوحة ۱۲، شكل ۲۵) .
- ۲ — برچیچكلك (شكل ۲۶) .
- ۳ — آغزی كنیش بوینی قیعه برنوع شیشه (شكل ۲۷) .
- ۴ — بر كوچوك صراحی (شكل ۲۸) .

ترتیبات منظره

لوحة ۱۲، شكل ۲۹، ۳۰، ۳۱، ۳۲، ۳۳، ۳۴ .





اورنجی تعلیم

قوس دائره

دردر ربع دائره ايله ايکيشر نصف دائره توزيع ايدیکز .
اولاً درت « کوچوک قسمله » تام بر دائره تشکيل ايتسينلر . بوصورتله
بوقسملردن هر برينک بر ربع اولديغنی ادراک ايدرلر .

« بر نصف دائره تشکيل ايتک ايچون قاچ ربع دائره لازم در ؟ ۲ ربع دائره ايله
بر نصف دائره تشکيل ايدیکز . شمدی بوکا بر ربع دائره دها علاوه ايدیکر . دائره
تمام اولديمی ؟ تمام اولق ايچون دها نه لازم ؛ الخ . بو ؛ دائره نك ۳ ربعی در . دائره بی
تماملايیکز . »

« بردائره چوره سنک (محیط دائره نك) آزچوق بويوک بر پارچه سنه دائره نك بر
قوس ی دیرلر . اوککرده کی یاریم دائره به دقت ايدیکز . اوق آتقی ايچون بويکین
بر پای ه نه قدر بکزیسور ، دکلی ؟ بر ربع دائره ده بر قوس در ، الخ . »

اشغال اشیا

برنجی سلسله : يالکز ربع دائره لرله .

۱ — بر ياپراق (لوحه ۱۲ ، شکل ۳۵) .

۲ — بر غنجه (شکل ۳۶) .

۳ — بر طمورچق (شکل ۲۷) .

ايکنجی سلسله : ربع ونصف دائره لرله .

۱ — ايکی ياپراق (شکل ۳۸) .

۲ — بر چيچک (شکل ۳۹) .

۳ — بر غنجه (شکل ۴۰) .

۴ — ينه بر ياپراق (شکل ۴۱) .

۵ — بر آصمه فيلیزی (شکل ۴۲) .

۶ — بر چيلک فدانی ياپراغی (شکل ۴۳) .

۷ — بر طاتلی کاسه سی ، قاپاغيله برابر (لوحه ۱۳ ، شکل ۴۴) .

۸ — بر چيچکلک (شکل ۴۵) .

۹ — ينه بر چيچکلک (شکل ۴۶) .

۱۰ — بوده باشقه بر چيچکلک (شکل ۴۷) .

ترتيبات متناظره

لوحه ۱۳ ، شکل ۴۸ ، ۴۹ ، ۵۰ ، ۵۱ ، ۵۲ ، ۵۳ ، ۵۴ ، ۵۵ ، ۵۶ .

—•••••—

درد نجبی تعلیم

تماس و تقاطع

درد نصف و درد ربع دائره توزيع ایدیه جک .

۲ دائره نك « یووارلاق یرلریله » یالکیز بر نقطه ده بری برینه تماس ایدیه بیلدکاری درخاطر ایتدیریله رك ، ایکی نصف دائره ده دخی حال بومرگزده اولدینی بیان اولنه جق .

« ایکی نصف دائره آلکیز ، بونلره اولیه بروضعیت ویریکیزکه بری برینه تماس ایتسینلر (لوحه ۱۳ ، شکل ۵۷) . تماس نقطه لرینی کوستریکیز . »

« فقط ایکی دائره یی چاپرازلامه سته ، یعنی بری برینه کچه جک ، بری دیگرینك اچمه کیره جک صورتده ده وضع ایدیه بیلیرز ۱ شکل ۵۸ ، ۴ یاریم دائره ایله) . »

« بوحالده ۲ دائره بری برینی قطع ایدیور دینیلیر . بو صورتله ۲ محیط دائره ایکی نقطه ده تقاطع ایدر ، یعنی بری بری اوزرندن کچر . اوککیزده کی ۲ دائره نك تقاطع ایتدکاری ، بری برینك اوزرندن کچدکاری ... ۲ نقطه یی کوستریکیز . »


شمده ده ، ۴ ربع دائره ایله بری برینی قطع ایدن ۲ نصف دائره تشکیل ایدلم (شکل ۵۹) . آلمزده کی بوتون دائره قوسلریله بری برینه کچه ۳ دائره وجوده کتیره لم (شکل ۶۰) . بو ۳ دائره نك بری برینی قطع ایتدیکی نقطه لری کوستریکیز . »

اشکال اشیا

- ۱ — ایکی قوابلی برچیچكك (شکل ۶۱) .
- ۲ — صو دستیسی (شکل ۶۲) .
- ۳ — طوماتس (شکل ۶۳) .
- ۴ — یاپراقلی بردال (شکل ۶۴) .
- ۵ — یاپراغیاه برابر برمیوه (شکل ۶۵) .
- ۶ — برشقایق غنجه سی (شکل ۶۶) .
- ۷ — نار (شکل ۶۷) .
- ۸ — سوسن چیچکی (شکل ۶۸) .
- ۹ — برچیچك (شکل ۶۹) .
- ۱۰ — اوچ فصلی (۳ قاشلی ، ۳ کیرینتیلی) بر یاپراق (شکل ۷۰) .
- ۱۱ — قولافدن طاقه یووارلاق جاملی کوزلك (شکل ۷۱) .

ترغیبات منظره

شکل ۷۲ ، ۷۳ ، ۷۴ ، ۷۵ .



بشجی تعلیم

التصاق

ایکیشتر نصف وسکزر ربع دائره توزیع اولنه جق .

۲ قوس دائره بری برینه الصاق اولدور متصل برمنحنی تشکیل ایدیله بیله جکی اوکره تیله جاک .

« ماصه نك اوزرینه ، برنصف دائره تشکیل ایدمك صورتده ، ۲ ربع دائره وضع ایدم . بو ۲ قوسك مجموعی تك ، یکپاره برمنحنی حالتی آلیر . منحیلری بویله بری برینی ولی وتعیب ایدمك ویکپاره کبی کورونه جک صورتده اوج اوجه وصل ایتمه الصاق ایتمك (بیتشدرمك) تعبر اولنور . ألكزده کی ۲ قوس دائره بی (۲ ربع دائره بی) بن نصل یاپیورسم سزده اولهجه ماصه نك اوزرینه قوییکز : شو اوزون مر شکلنده بر منحنی حاصل اولور ؛ کویا یکپاره بر منحنی که صوليجان کبی قیورلش ، ذکلی ؟ ایشه بوصورتمده ألكزده کی ایکی قوس بری برینه الصاق ایدلمه اولور (شکل ۷۶) . »

« شوقوسلر ایسه (شکل ۷۷) ، شمدی بکا باقهرق بالذات یاپه جفکزر کبی ، بری برینه اتصال ایتمك ، یکدیگرینه اوج اوجه تماس ایتمکه برابر ، بری برینی ولی ایدمك عینی برمنحنی تشکیل ایتزلر : آرهلرنده التصاق یوق در . »

« نصف ویا ربع دائره لرله بر بوتون دائره تشکیل ایتدیگکز زمان ، او نصف وربعلرینه بری برینه التصاق ایتش اولور ، چونکه جمله سی بر منحنی حالتی آلیر . بر بوتون دائره تشکیل ایتك اوزره ۲ نصف دائره بی بری برینه الصاق ایدیکز . اولنری مر شکلنده الصاق ایدیکز . »

اشغال اشیا

- ۱ — بر مرکب یاپراق (لوحه ۱۳ ؛ شکل ۷۸) .
- ۲ — دوه دیکنی چیچکی (شکل ۷۹) .
- ۳ — برمیوه (شکل ۸۰) .
- ۴ — فیلزله برابر بری یاپراق (شکل ۸۱) .
- ۵ — چیت صارماشینی یاپراغی (شکل ۸۲) .
- ۶ — ألمانا (شکل ۸۳) .
- ۷ — ایکی یاپراقلی برغنجه (شکل ۸۴) .

- ۸ — قاوون چيچكي (لوحه ۱۴ ، شكل ۸۵) .
- ۹ — پلاموط دانه‌سی (شكل ۸۶) . — ميشه اغاجنه دائر معلومات .
- ۱۰ — آرمود (شكل ۸۷) .
- ۱۱ — صارماشيق ياپراغی (شكل ۸۸) . .
- ۱۲ — ۳ فصلی (۳ ييرتماجلی) بر ياپراق (شكل ۸۹) .


ترتيبات منظره

شكل ۹۰ ، ۹۱ ، ۹۲ ، ۹۳ ، ۹۴ .

منحني‌لره دائر ويرديكمز شوغخصر معلومات هندسيه كافي در . چوجوقلر مرييه‌لرينك دلائيله، بوبرقاچ قاعده عوميه سايه‌سنده، متنوع برطاقم تركيبات كشف وابداع ايده‌بيايئرلر . يالكز بورايه ، بعضيلري اشياى طيعيه وصناعيه‌يى تقليد وبعضيلري ده متناظرترينات عنصمرلرينى تمثيل ايدن برقاچ تركيب نمونه‌سى درج ايتمكى مناسب كوردك . هر شكلك ياننده ، او شكللى وجوده كتيرومك ايچون استعمال ايديلن پارچه‌لر ك عدد وماهيتى تعيين ايدلمش در . عدد تاملر تام دائره‌لرى ، وكسرلر اقسام دائره‌يى ارايه ايدر . افاده كسريه‌نك صورتى اقسامك عددىنى ، ومخرجى ده اوقسملر ك تام دائره ايله اولان نسبتنى اشعار ايلر؛ بناءً عليه نصفلر ۲ مخرجيله، وربعلر ۴ مخرجيله بيان واءاده قانمش در . چوجوقلر ك وجوده كتيرومك تركيباتدن ممتاز و مستقلا اولانلر ك خصوصى بر دفتره جمع ايدلمسنى مرييه‌لره كمال اهميتله توصيه ايدر . بودفتر؛ اولنر ايچون معاون بر درس فهرستى تشكيل ايدر كه آتياً وظيفه‌لرينى فوق‌العاده قولايلاشديرر . جمع ايديله‌جك تركيبات ، بزم بوراده كوسترديكمز كى ، برطاقم افادات عددىيى حاوى اولملى در .

مختلف اشكال اشيا

- ۱ — بر ميوه (لوحه ۱۴ ، شكل ۹۵) ، $\frac{3}{4}$ ، $\frac{5}{6}$.
- ۲ — قاباق چيچكي (شكل ۹۶) ، $\frac{3}{4}$ ، $\frac{5}{6}$.
- ۳ — چاك چيچكي (شكل ۹۷) ، $\frac{1}{4}$ ، $\frac{1}{2}$.
- ۴ — كوندوز صفا چيچكي (شكل ۹۸) ، $\frac{1}{4}$ ، $\frac{1}{2}$.
- ۵ — چيت صارماشيني چيچكي (شكل ۹۹) ، $\frac{1}{4}$.



- ۶ — شقایق چیچکی (شکل ۱۰۰)، ۳، ۴، ۱/۴.
- ۷ — ایکی یاپراغیله برابر برمیوه (شکل ۱۰۱)، ۱، ۱/۴، ۱/۲.
- ۸ — اوچ پورتقال (شکل ۱۰۲)، ۳، ۴، ۷/۴.
- ۹ — ایکی یاپراغیله برابر برچیلک (شکل ۱۰۳)، ۱، ۱/۴، ۱/۳.
- ۱۰ — آی چیچکی (شکل ۱۰۴)، ۱، ۱/۴، ۱/۴.
- ۱۱ — جالی یاپراغی (شکل ۱۰۵)، ۱/۴.
- ۱۲ — برکل (شکل ۱۰۶)، ۱، ۵/۴، ۵/۴.
- ۱۳ — برکل فدانی یاپراغی (شکل ۱۰۷)، ۱/۴.
- ۱۴ — آچلامش شقایق چیچکی (شکل ۱۰۸)، ۱، ۷/۴، ۴/۴.
- ۱۵ — ایکی غنجه (ورق زهریلرله برابر) (شکل ۱۰۹)، ۲، ۱/۴.
- ۱۶ — قامش فدانی (شکل ۱۱۰)، ۴، ۴/۴.
- ۱۷ — برچیچک (ورق زهریلرله برابر) (شکل ۱۱۱)، ۱/۴.
- ۱۸ — بر طاقم یاپراقذر (شکل ۱۱۲)، ۷/۴، ۱/۴.

ترغیبات منظره

- صیاق کنارلری تزییناتی، نقش کنارلری الخ.
- ۱ — یاپراقذر (شکل ۱۱۳)، ۴، ۴/۴.
- ۲ — آقار کولر شکنده تزیینات (شکل ۱۱۴)، ۴، ۴/۴.
- ۳ — تلغراف تازی، قابولتلری شکنده تزیینات (شکل ۱۱۵)، ۱/۲.
- ۴ — چیچک شکنده زنجیرله تزیینات (شکل ۱۱۶)، ۴، ۱/۲.
- ۵ — زنجیر شکنده تزیینات (شکل ۱۱۷)، ۱/۲.
- ۶ — زنجیرله یونجه یاپراقذرله تزیینات (شکل ۱۱۸)، ۳، ۱/۲.
- ۷ — کنار تزیینات (شکل ۱۱۹)، ۳، ۱/۲.
- ۸ — یسه برنوع زنجیرله تزیینات (شکل ۱۲۰)، ۴، ۴/۴.
- ۹ — چیچک شکنده بر زنجیرله تزیینات ده (شکل ۱۲۱)، ۴، ۴/۴.

اورمه ایشری

چوجوقلره ویریهلک ایلک ایش آلتی رنکلی کاغد شیریدلردر. شاگردانک عادی بر او یون کبی تلقی ایده جکی بواش ، طوقوم، بومک، کسمه ایشلری کبی چوجوق ایشلرینک باشلانغجی در. چوجوق، مختلف ترکیات وجوده کتیرمک اوزره ، آئنده کی شیریدله بر طاقم اورمه لر یاپدینی صیرمه ده ، کورک و نازک بر ماده یی نصل قولانمق لازم کله جکنه آلیشیر؛ یاپدینی حرکتلردن بعضیلرنده کی غیر اختیاری خشونتلری تعدیل ایتمک مجبور اولور ؛ قوه عضلیه سنی احتیاط و اصابته توزیع و تقسیم ایتسنی اوکره نیر ؛ الحاصل ، آللری ملکه پیدا ایدر . بوندن باشقه ، چوجوق بواشلرده دواملی ودقتلی بر صبر ایله چالشمق لزومنی ده حس ایدر. چونکه کندیسنه ایلک دفعه اوله رق برشی تحصیل ایتسی، بر اثر روبرده کتیرمی تکلیف اولنیور دیمک در ؛ آلت سعی اوله رق آله ویریلن شیریدلرده ، اوپارلاق رنکلریله پک زیاده خوشنه کیدر؛ حاصل اوله جق نتیجه یی ایسه پک دلفریب بولور؛ الحاصل، یاپه جنی شیئه بویوک برشوق وهوسله صاریلیر. سعی و عملک بویله غایت جاذبه لی بر صورتده عرض و تصویر ایدلمسندن حاصل اولان انطباع ، چوجوقده بالطبع ائی ایزلر براقیر . باخصوص بر مدت تقلید ایتدکدن ، نمونه لر یاپدقدن صکره ، بالذات ابراع ایچون صرف ذهن ایتمک باشلارکه بوصورتله، ایلک دفعه اولمق اوزره، صاف وجدی بر سعادتله، کندی کندینه برشی بولسه اولمق ذوقنی ده طویار . یاشی ایلروله مش آدم لر ایچون بلکه موجب استخفاف اوله جق بوکو چوجوک شیلر ، تام چوجوقلره کوره در؛ اونلرک سن وادرا کیله تماماً متناسب در: کوچوک چوجوقلر ایچون هیچ برشی کوچوک دکل در. بناءً علیه حاصل اولان نتیجه لرده بر اهمیت مخصوصه یی حائزدر. اورمه ایشلرنده، صیرمه ایشلری ترکیاتی تقلید ایدیلیر. مع مافیه، بر مدت صکره، شیریدلرله بر طاقم کچمه لر یاپه رق بعضی اشکال هندسیه ده وجوده کتیریله بیلیر. اورمه

ایشلرندن، تدریسات اعتباریله، حاصل اوله بیلجهک استفاده هان لاشی^۱ منابه سنده در؛ یالکز، یری کلنجه، کرکین برشردک، طوب او یوننده کی تعلیق ایی کبی، بر خط مستقیم اراهه ایتدیکی مشاهده ایتدیر یله جک، و خط مستقیمک بعد مجروده (هواده) اخذ ایده بیلجهکی مختلف وضعیتلرده تکرار ایتدیر یله جک در. طوب اوبونوی بختنه باقیکز. دها صکرده، وجوده کتیر یله جک ترتیبات و ترکیاتده تصادف اید یله جک مریعلر، معینلر. . . کبی اشکال بسیطه تتبع ایتدیر یله بیلیر. اؤرمه تعلیملرینه، هنوز ایلك دفعه اوله رق مکتب صیره لرینه اوطوران صیان آره سنده بر آرز نظام وانضباط تأمین ایدیلیر ایدلر، یعنی هان طوب اوبونلری ایله بر زمانده، باشلانیه بیایر. مریه چو جوقلرک ایلك تجربه لرینه کمال صبر و تحملله رهبرک ایده جک؛ اولاً اُک بسیط ترکیلری یاپدیره رق بعده چو جوقلرک کیف و آرزوسنه رخصت جریان ویره جک در.

ترتیبات متقدم

اؤرمه ایشلرینه مخصوص اولان شریذ طوقومه ایشلرنده قوللانیلان شریذک عینی در. کاغد اینجه جنسندن وغایت پارلاق رنگلی اولملی در. ایلك تجربه لرایچون طوقومه شریذلری پک اوزون دوشه جکندن، اونلری ایکی یه بولمک مناسب اولور.

اؤرمه تعلیملری

بوراده اؤرمه ایشلرینک تفرعاتی حقنده برر برر معلومات اعطاسی ممکن دکل در؛ ذاتاً بوتفرعات پک قولایقله کشف اید یله بیلیر. تعلیملر ایکی شریذله باشلار. یالکز برشریذله اجراسی لازم برطاقم ترکیاتده وارد در، فقط بونلر دها کوچ در. بوایشلره، علی العاده، فاره مریبونوی دینیلن بر اؤرمه ایشیلره ابتدار ایدیلیر. شورایه علاوه ایتدی کمز بر قاج شکل؛ چو جوقلرک اُک زیاده خوشنه کیدن ترکیلری اراهه ایتدیکی کبی، بونلری یایمق ایچون استعمال اولنان طرزک نه دن عبارت اولدیغی ده اعلام ایدر. بوندن باشقه، بوتریکلر، ممکن اولدیغی قدر، تدریجاً کوجلشمک اوزره ترتیب ایدلمش در.

۲ شریده اورمه لر : لوحه ۱۵ ، شکل ۱ ، ۲ ، ۳ ، ۴ ، ۵ .

۳ شریده اورمه لر : شکل ۶ ، ۷ ، ۸ ، ۹ .

یاکز بر شریده اورمه لر : شکل ۱۰ ، ۱۱ ، ۱۲ ، ۱۳ .

بونلردن باشقه ، اشکال هندسیه یی مصور و بعضیسی گوشه لرنده ساده بر بوکمه یی ، بعضیسی کوچوچك بر کلی حاوی بر طاقم کجه لرده وجوده کتیريله بیلیر .


کاغد شریدارله تقلیدی قابل اولان بعضی شکل لر :

لاطه لر : لوحه ۱۰ ، شکل ۲۱ ، ۲۲ ، ۲۴ ؛ لوحه ۱۱ ، شکل ۳۹ ، ۴۰ ،

۴۹ ، ۵۳ ، ۶۷ .

رسم : لوحه ۲۲ ، شکل ۴۷ ، ۶۰ ، ۶۳ .





طوقومه ایشلری

طوقومه ایشلرینه ، اؤرمه ایشلرندن برآز صکره ، یعنی چوجوقلر کاغد شیریدی یرتیمه جق قدر ملکه پیدا ایتدکن صکره بدأ ایدیلیر . اؤرمه ایشنه نسبتله دهها متنوع ودها چوق منابعی محتوی اولان بوایش، طوقومه قماشلرده کی چوزکی یی (قالین ایی) آکدیره جق صورتده کسلمش برکاغد پارچه سنک موازی شیریدلری اوزرینه طبق آلتقیه مائل اینجه و مختلف رنگلی بر طاقم شیریدلری کرفته مدن عبارت در. آتمه لری تنویع ایتک صورتیه اصل منسوجاتی تزیین ایدن ترکیبته مشابه بر طاقم ترکیبات وجوده کتیر یله بیلیر؛ ذوق سلیمه موافق اوله رق اوبک اوبک ایشلنه جک بو قیل ترکیبلر بر موزائیتی آکدیرر : بوعادتا برحالی رسمی اولور. واقعا بویه اوبک شکنده تشکیل ایدیه جک رسملر، اولا پک بسیط اولور ؛ فقط کیت کیده دهها مرکب ، دهها مغلق برحاله کلیر ، و بو موزائیتی اویارلاق رنگلرک اتحاد آهنگدار یله عادتا مستقل عناصر دن متشکل و متناظر بر هیئت مجتمعه عرض ایدر. طوقومه ایشلری؛ ترکیبلر نه قدر بسیط اولور سه اولسون، چوزکیلر و آتقیلر پک زیاده بییرانماش اولمق شرط یله، دائماً پک دلفریب بر منظره ارائه ایتدیکندن، چوجوقلرک فوق العاده خوشه کیدر. چوجوقلر بوایشلری یتیردکن صکره ، مریسه هپسنی طویلار ؛ اینجه شیریدلری یاواش یاواش چیقارده رق ، طوقومه لری بوزار ؛ بو صورتله چوزکی و آتقیلر بر چوق دفعه استعمال ایدیه بیلیر. برانموزج (اورنک) تشکیل ایدیه بیه جک اُک کوزل ایشلرله ، یکی وشخصی برر ابداعه دلالت ایدن ایشلر کمال دقتله محافظه ایدیلیر ؛ و بو ، کنج ایشی ایچون بر نشانه مکافات اولور .

شریفات متقدمه

موازی شیریدلره منقسم اولان و چوزکی تعبیر اولنان کاغد پارچه سی علی الاکثر بر مربع صورتنده در : ضلع خارجیسی تخمیناً ۱۴ سانتیمترو طولنده در .

کوچوک صنفلرک طوقومه ایشلری ایچون اؤ موافق اولان تقسیمات؛ هر بری ۵ میلیمتره عرضنده ۲۲ موازی شریدی حاوی اولان تقسیمات در . آتقی ایپلکلیری آسمیه ایده جکمز ایجه شریدرده تماماً عینی عرضی حائر اولقی لازم کلیر . مقدما آتقیلری چوزکی تللریزک آره سنه کچیرمک ایچون، دیکیش ایکنه لری ویاخود مختلف شکله تخنه مکیک لر استعمال ایدیلیردی ؛ فقط تجربه، هان هریرده ، بونلرک ترک ایدلسنی ایجاب ایتدی . بونک ایچون اؤک ائی وؤک صادق آلت پارماقلر اولدینی آکلاشادی .

طوقومه تعلیملری

چوزکیلر؛ دیگر ایشلری لوازمک توزیعی حقنده متخذ اولان اصول اوزره توزیع ایدیلیر . هر چوزکی ایله برابر برده مت ایجه شرید ویریلیر ؛ چوجوقلر، امکان دأرئه سنده، آرزو ایتدکلی رنگلری انتخاب ایدرلر . یاپیله جق ایش بر جلسهده نادراً اکمال ایدیله بیلیر : کوچوک ایشچی ، برنجی جلسهنک ختامنده، قوللاندیغی ایجه شریدلری طاقیله چوزکی تللریزک آره سنه ایایشدیردک، اویله جه بر اقیر ؛ جلسه آتی ده هرایکیسی ده کندیسنه عیناً اعاده اولنور . ایلک درسده مربیه ، بویکی ایش آلتی حقنده چوجوقلر بر آرایضاحات ویرر . ایشک موضوعی آکلاتمق ایچون، بر طوقومه باشی کوسترر ؛ ورنکلردکی پارلاققله چوجوقلرک نظر حیرتی جلب ایدرک، اولنردده بویله ایشلر وجوده کتیرمک آرزوسنی اویندیرر . صکره، (برقناویچه پارچه سندن ویاخود باشقه بر طوقومه پارچه سندن استعانه ایدرک)، بر قماشه نه دیمک اولدیغی ایضاح ایدر . ایپلکلرک فصل چاپرازالنمش اولدیغی کوسترر؛ یاپه جقلری ایشکده بر درجه یه قدر اوکامشابه اوله جغنی سویلهر . مربع کاغدی کوستررک ، ایشته شو کرکین ایپلری تمثیل ایدن موزکی ؛ ایشته بونلرده ، ایجه شریدلری ارأئه ایدرک، چوزکی ایپلرینه کچیریه جک آتقیلر دیر، وهان، شو تعریفه مثال اولقی اوزره، کندی طوقومه سنه بر ایکی تل علاوه ایدر .

بویاضاحات و تعریفاتدن صکره، اصول تدریجه رعایتله ترتیب ایدلمش اولان آتیده کی ترکیبلر صره سیله یاپدیریلیر . بو ترکیبلرک صورت اعالماتی مفصلاً

تعریفه حاجت کورمیورز ؛ یالکز ایشلرک نصل اداره و تمشیه ایدیله جکنه دائر بعضی ملاحظات سرد ایتمکه اکتفا ایده جکزر .

آتی مناوبه چوزکی ایپلرینک براوستندن وبر آلتندن کچه جک؛ آتقینک بر ویا بر قاچ چوزکی ایپنی بردن آتلامسی ده جائزدر . آتقینک اوستمه کچه رک کندینی کوستردیکی بر بر طوقومه نقطه سی تشکیل ایدر . آتی اوستمه آنجق ۳ ویا ۴ طوقومه نقطه سی آتلایه بیلیر : دهها زیاده آتلاسه ، قالیق قایلر ، طوقومه صبغی اولماز . آتی ایلکی ، چوزکینک ترس طرفندن (آلتندن) دهها اوزون برمسافه آتلایه بیلیر ؛ مع مافیہ آنیمی اوزون اولان بر آتی صاغلام اولماز .

تام برصیره آتی یابدقن صکره، ایکنجی صیره دهینه عینی آنمه لر تکرار ایدیله جک اولورسه، آتی ایپلرکی اوست اوسته یئر ، بری برینه قاریشیر . شوده وارکه ، کچمه لرده (کرفته مه لرده) تناوب اولمزه ، چوزکی ایپلری بری برینه ایجه طوتدیرلش اولماز . — بر ویا ایکی طوقومه نقطه سی بریلری برکری کوتوریلیر ، وبوطرلر اوزره طوقومه ده دوام اولورسه، متنوع مائل چوبوقلر حاصل اولور (لوحه ۱۶، شکل ۵، ۶، ۷، ۸ ... الخ). اگر اوچنجی آتمه ده ایلمک آتمه وضعیتنه مشابه بروضعیه عودت ایدیله جک اولورسه، مختلف یارلر لامرلر تشکل ایدر (شکل ۲، ۳، ۴) . شوکاده دقت ایدم که بر آنمه دیگر آتمه یی عیناً تعقیب ایتک و آکا مشابه اولقله برابر آتمه لرک بری ایلریدن وبری کریدن باشلایه جق اولورسه، طوقومه صیره سنک ایلمک آنموملری ایله صوک آتلاملری بری برینه مشابه اولماز : ایشته چوجوقلری مشکلات و سهویاتدن وقایه ایتک ایچون ، عندالایجاب ، بو نتیجه یی ده وقتیه اخبار ایتیلی در .

طوقومه ایشلرنده اُک بسیط ترکیب ، رانه طوقومه سی درکه بر آلتندن بر اوستندن اولان وهر آتمه اولکنک عکسی بولان طوقومه در (شکل ۱) . بونی متعاقب هان پک مغلق برطاقم ترکیبات کایرکه ، جمله سنی بیان و اخطار ایتک قابل اولمدینی ایچون ، یالکز برقاچ مثال کوستره جکزر . ۱۶ نومرولی لوحه ده کی شکللر هر طوقومه نک تمامنی دکل، یالکز صول ربع علیاسنی ارائه ایدر .

شکل ۲. بوتربیده آتی، بری برینی متعاقباً ۲ جوزکی ایی اوستده ۲ جوزکی ایی آلتده برافه رق کچر. ایکنجی آتمه برنجی آتمه ایله متبادل اوله جق، یعنی ایکی آلتدن ایکی اوستدن کچه جک. متبادلاً، ۳ اوستدن ۲ آلتدن اولقی اوزره ده بر ترکیب وجوده کتیربله بیلیر.

شکل ۳. برنجی آتمه: ۲ اوست، ۱ آلت. ایکنجی آتمه، بالتبادل، ۲ آلت ۱ اوست.

شکل ۴. برنجی آتمه: ۳ اوست، ۱ آلت؛ ۱ اوست، ۱ آلت. ایکنجی آتمه: اولکنک عکسی و متبادل. بونک کبی، ۲ و ۳؛ ۱ و ۲؛ ۱ و ۳؛ ۲ و ۳ و ۱ اوست و آلتلرده برطاقم ترکیبات وجوده کتیربله بیلیر.


شکل ۵، ۶، ۷، ۸: مائل چوبوقلی طوقومه لر. بوطوقومه لرده آتمه لرشمی تعریف اولنان آتمه لرك عینی در، مع مافیله باشغه درلو تربیلرده انتخاب اولنه بیلیر. هر آتمه، اولکنه کوره، برابر ایلمی ویا کرمی اولمی در: ایشته بوصورته صاغه ویا خود صوله مائل برطاقم چوبوقلر تحصیل ایلمش اولور. بونوع طوقومه یه علی التوالی بوطرز اوزره دوام اولمقله برابر، آتیده کی طرزلرده اختیار ایدیله بیلیر که بوتقدیرده مائل چوبوقلر یکی یکی شکللر پیدا ایدر:

اولاً: ایکنجی ربی (یعنی علیانی) برنجینک عکسنه مائل؛ اوچنجی ربی (یسار سفلائی، برنجی یه مشابه؛ دردنجی ربی (یعنی سفلائی) ایکنجی یه مشابه اوله رق طوقومق. بوصورته متنوع جهانی کیمیشلری حاصل اولور.

ثانیاً: ایکنجی ربی (یعنی علیانی) برنجینک (یسار علیانک) معکوسی؛ اوچنجی یی ایکنجی یه مشابه؛ و دردنجی یی برنجی یه مشابه اوله رق طوقومق. بوصورته ده بری برینه کچمه (متداخل) برطاقم معینلر. ویا خود برنجی ربک جهتمیلی استقامتنده اولقی اوزره، رأسلری مرکزه متوجه برصیره جهانی کیمیشلری تحصیل ایدر.

شکل ۹، ۱۰، ۱۱، ۱۲، ۱۳. مختلف زیرقازلر (دستره دیشی شکلنده طوقومه لر). اولجه مستقیم ویا خود مائل چوبوقلی طوقومه لر یا یمنی ایچون هانکی طوقومه نقطه لری انتخاب ایلدیسه آتی ایپلری (اینجه شریدلر) یز او نقطه نردن کچمک و مناسب صورته تبادیل اتمک اوزره زیرقاز (منشاری) طوقومه لر تشکیل ایدیله بیلیر.

چوبوقلر کندی کندیلر سنده دوز، منشاری برطاقم چوبوقلر ابداع ایده جکلر. صریبه یالکیز، ۴، ۵، ۶ نومرولی شکللرده بررغونه سی کوریلن، و بسیط برعنصر ک تکرارندن حاصل اولان بعضی سریمه اورنکلری اعمال واره ایده جک. بوندن صکره، دهایلری کیده رک، عدد آدها آزوفقط شکلاً ده قازیشیق عنصر کورم لرنی حاوی و رسمی باصمه لر



دینیلن باصمه لره مشابه برطاقم ترتیبات تخیل ایده جکلر (شکل ۱۷، ۱۸، ۱۹، ۲۰، ۲۱، ۲۲). نهایت، ۲۳، ۲۴ نومرولی شکلدرده صورت ترتیبی ارائه ایدیلن رسملرکی، بوتون چوزکی بی اشغال ایده جک یکباره رسملر تشکیل ایتک تشبثنده بولنه جقلر . (بو شکللرک برنجی ربی نه ترتیبده ایسه دیکر اوچ ربكده عینی ترتیبده اوله جفنی و آنجق ناظر جهتیله مقابل بولنه جفنی بیانه حاجت یوقدر .)

قارشوکی لوحهده قوبورنکله ایشله نه جک برلر طولو اوله رق، و آچیق رنکله ایشله نه جک برلرده طارامه لرله کوسترلش در. ۲۱ نومرولی شکل بر چیچک رسمی در؛ دردنجی، بشنجی و آلتنجی آتمه لر قویو یشیل اوله جق .

قارشوکی لوحهیه درج ایتدی کمز رسملر برر نمونه اولمقدن زیاده، برر مثال در؛ مریه لر و باخصوص چوجوقلر برطاقم رسملر بوله بیلیرلرکه، بونلر طلبه دن تجربه سی ناقص اولانلره و یاخود یکی ترتیلر تخیل ایده مینلره برر نمونه اولور .

چوجوقلره اعمال ایتدیر یله جک نمونه لری ایکی مثلی چوغالتمه نك غایت بسیط بریولی واردر که اوده: هر هانکی معلوم بر ترکیک، ترس یوزینه باقرق، او ترکیک معکوسی یابد رمقدن عبارت در. ایشته ۱۵ نومرولی شکل، ۱۴ نومرولی شکلک معکوسی در .

ایش ائساننده هر اتقی ایپلکی اولکی آتمه نك بر آ. اوته سنه پارماقلره کچیر یله جک؛ صکره طرناقلرک ترسیله اولکینک یانه ایتله جک . طوقومه غایت صیقی اوله جق که متین و ظریف اولسون. اتقی بی؛ اوست یوز طیرناقلره زده لنه مک ایچون، ترمنده صیقشدر ملی در . ایلك آتمه لره نسبتله صوکنجی ایکی اوچ آتمه یی چوزکی اینه کچیرمک ده ا کوچ در؛ بناء علیه یایله جق شیلری محافظه ایتک مطلوب ایسه، مریه نك، ایشلرک صوکنه طوغرو، اُک کوچوک چوجوقلره اولسون، بر آز معاونت ایتمی مناسب اولور .

بوکه ایشلری (قائلامه ایشلری)

بسیط بر او یون مثابه سنده اولان بوکه ایشلری فرو به لك دست استادانه سنده جدی بر واسطه تعلیم شكله گیرمش در . بوکه تعلیملری ، فرو به ل اصوله مربوط اولان دیگر طرز لر کی ، ایکی نقطه نظر دن مطالعه ایتک ایجاب ایدر . اولاً بو طرز ، کوزی و آلی تربیه ، و چو جو قلی بالآخره یابه جق لری نازک و ظریف ایشلر تهیه ایدر؛ بو طرز ده ، اولدجه بر صحت و اصابت لازم در: بوکه یرلری صراحت و قطعیتله اشارت ایدملی ، و جمله سی کمال درستی ایله تلاقی نقطه لرینه متوجه بولملی در . ایشته بوکه ایشلری بر او یون ، و آنجق دقت و بصیرتی استلزام ایدن و چو جو قلمر صبر و ثبات خاصه لرینی اوکره تن بر او یون در .

دیگر جهتن ، بذاته کاغد؛ آل ایشلری ایچون غایت موافق بر آلت ، و تعبیر جائزه ، ایلک تدریساتک ایجابات و مقتضیاتنه اُک الویریشلی بر مهران تعریف و اثبات در . کسمه ایشلرنده کاغدن نه صورتله استفاده ایدیه جکنی ایلروده کوره جکز : شمذیک یا لکز بوکه ایشلرنده تأمین ایلدیکی منافی آکلامق ایچون شوکا دقت ایتک کافی درکه ، بویموشاق و او یصال مطمح؛ دائماً برایز براقان و کندی کندیلرینه خط مستقیم اوزره تشکل ایدن بر طاقم بوکه لره بالسهوله قابل تقسیم اولمق اعتباریله ، اشکال هندسیه یی مدرسی اولرور تدقیق و تتبعه فوق العاده مساعد در . حتی چو جو قلمر بوکه ایشلریله یاپیله بیله جک ترکیباتی کاملاً یتیردکن ، و کندیلرینی ده از یاده علاقه دار ایده جک ایشلرله اشتغاله باشلا دقن صکروده ، بوکه کاغدلر بر واسطه تعریف و اثبات اوله رق قوللانیله بیلیر .

بوکه تعلیملری ایکنجی هبه تعلیملریله همان برزمانده باشلاملی در . مربیه ، بدایه ، بوکه ایشلرینک اوافق تفک بعضی دقایقی اوکره ته جک ، صکره بو او یونلره دائر مفید و نافع بر طاقم مطالعه لر در میان ایده جک در . بواشاده اولجه بالمناصبه تعریف ایدلمش اولان افادات و تعبیرات هندسیه قوللانیله حق؛ و قیمت

و ماهیتی هنوز ایضاح ایدلین تعیراتک ایسه ، آنجق لسان عادیله مستعمل مقابله‌ری بیان اولنه‌جق در. هر تعلیمده، بوکمه‌لره باشلامه‌دن اول، بر قاچ دقیقه، اصل تدریسات دینلن قسم ایله اشتغال ایدیله‌جک ، یعنی بوایشلره دائر نظری بعضی ایضاحات و تفصیلات ویریله‌جک در .

بوکمه ایشلری ایکی درلودر: بر قسمی اشکال هندسیه تشکیلنه مخصوص در. بوزلرک اُک مهملرینی صیره‌سیله تعریف ایده‌جکزر . ایکنجی قسم بوکمه‌لرده بر طاقم اشیای مستعمله‌یی تصویر ایدر .

بوایکنجی قسم بوکمه‌لرک تعریفانه کیریشمک بزم ایچون امکانشز کبی در؛ ذاتاً بوزلرک معلوم و آشکار شیلردر؛ بناءً علیه یالکزر اواشیانک بر فهرستی تنظیم ایتمکه اکتفا ایدیورز .

آئیده‌کی تعلیملرده بالخاصه قسم نظری و تعریفی‌یی، یعنی هر تعلیمک بدایتنده ویرلسی مقتضی اولان درسی تفصیل و تمهید ایتمکه اعتنا ایتدک . بو تعلیملرک دیگر تعلیملره (هبلره، تخته چوبوقلر، لاطه‌لر . . . الخ) تمامیه توافق ایتسی، یعنی نوعنه و صیره‌سنه کوره اونلرله برزمانده یاپلسی الزم در .

تربیات متفکره

مهریه مقدار کافی مربع کاغد بارچه‌لری تدارک ایتلی . بومر بعلرک ابعاد ایچون برحد ثابت کوستریلهمز، مع‌مافیه اُک، وفاق اولانلری ضلی ۸ الی ۱۰ سانتیمتر و طولنده اولان مریعلردر. بوکمه ایشلرنده، ابتداء، تصرف فکرله، یازیلی کاغدلر قولانیله بیلیر؛ صکره، چوجوقلری تشویق ایچون، ایچلرند، اُک زیاده‌دقت و صبر و ثبات اثری کوسترلره، یابدقلری ایشک ایکنجی برنونه‌سنی اعمال ایتمک اوزره، مکافات مقامنده، غیر مستعمل و یاخودرنکلی کاغدلر ویریلیر. بومکافات، بالطبع، یکی یکی ترکیب‌لر ابداع ایدنلره ده تشمیل اولنور .

مربع کاغدلرک کنارلری غایت دوزکون اولملی در. بوده پک قولای در : مریع ضلعلرینی قطرلری استقامتنده بری بری اوزرینه قاتلایه‌رق مساوی اولوب اولمدقلرینه باقلی ، وفضله‌کان طرفی مقاصله کسملی در .

مربع کاغدلرده، دیگر تعلیم آلنلری کبی ، توزیع ایدیلیر .

اُكلنجہ مقامندہ بعضی اشیای مستعملہ تقلیدی بوکھلر

- | | |
|-------------------------|-----------------------|
| ۱ — طوزلق . | ۱۱ ماصہ . |
| ۲ — ہجم کلاہی . | ۱۲ جزو دان (جزدان) .. |
| ۳ — پانطالون . | ۱۳ بازار قاینی . |
| ۴ — خروس . | ۱۴ کوروك . |
| ۵ — جفتہ قایق | ۱۵ پارہ چانطہ سی . |
| ۶ — یلکنلی قایق . | ۱۶ کلہ بک . |
| ۷ — جفتہ قاپاقلی قوطو . | ۱۷ قاپالی قوطو . |
| ۸ — چرچیوہ . | ۱۸ درتلی بریلدیز . |
| ۹ — بشیک . | ۱۹ اسکماہ . |
| ۱۰ — کوملک . | |

مجموعہ

برنجی سلسلہ

برنجی تعلیم

مربع کاغذ

بوسلسلہ یہ داخل اولان تعلیملر ۲ نجی ہبہ نک ۱ نجی سلسلہ سنہ تطابق ایدہ جک . اورمہ، بوکھ ایشلریلہ برلکدہ تعقیب اولنہ جق .

ہر چوجوغہ بر مربع کاغذ تودیع ایدیلیر . — موضوعہ، یعنی کاغذہ دائر قیصہ جہ حدسی بر درس ویریلیر .

« کاغذ : اینجہ، قولای بوکولور، خفیف . . . بر جسم در؛ — کاغذک مختلف خاصہ لری

بولمیر بیلیمور و اظہار و اثبات ایشیر بیلیم جک . کسمسی، بیرتمسی قولای در؛ باشلیجہ شو ایشلردہ قولانیلیر (مواقع استعمالی تعریف ایدیہ جک). ابتداء کاغذہ . شونک کی، کوچوجک کوزل بر طاقم شیلر پایہ ییلیرز . . . (بعضی بوکھلر یاییلوب کوستر .

یلہ جک .) بویلہ کوزل، ظریف شیلر یایمق ایستہ مز میسکز؟ بونلری کاغذی بوکر رک، قاتلا یہ رق یاپارلر . (مربیہ اُندہ کی مربع کاغذی ایکی مساوی مستطیل تشکیل ایدہ جک صورتہ بوکر .) بوکر کن مہارت و نزاکتہ حرکت ایتلی، الخ . بو ایسہ، بو 'وبورہ ہ بوکھ ایشی دیہہ جکزر .

«اُلکزدہ کی شی بر مربع کاغذ در، یعنی مربع شکلندہ کسلمش بر کاغذ پارچہ سی در . یقیندہ بر مربع کاغذ، پرورسز و دوز کون اولمق ایچون، نصل یاپلق لازم کلہ جکنی سزہ اوکرہ نہ جکم .

شمیدن چو جوقلره مربع کله سنک قیمت هندسیسی اوکره تلیه جک ؛
یا لکنز اسمی بلله تیه جک . چو جوق کوزینک اوکنده طوران و خیالی آز
چوق ذهنه انتقشایدن هیئی بواسم ایله تعین واره ایتمه یا واش یا واش
آلیشیر .

بوکله لر . — اولا کاغد قاتلامنی اوکره تمهلی ؛ صکره اُک بسیط بوکله شکلرینه
کچملی . کاغدی ایکیه قاتلاملی (لوحه ۱۵ ، شکل ۱۴) : ایشته بر کتاب یا پراغی .
شمی درده قاتلایکیز (شکل ۱۵) : بوده قاتلانش بر مندیله . — کوشه لرندن ایکیه
قاتلایکیز (شکل ۱۶) — کذلک کوشه لرندن درده قاتلایکیز (شکل ۱۷) . شوده
بر اوموز آتقیسی در .

ابلیجی تعلیم

سطح

بو تعلیمه ۲ نجی هبه دن صکره باشلانہ جق . بناء علیه چو جوق اولجه سطح
نہ دیمک اولدیغنی اوکره تمش ، و مجسمات اوزرندن یاپدیغنی تجربه لرله سطح مستوی
و سطح منحنی یی تفریقہ آلمش بوانه جفندن ، طوغرودن طوغرویه ائده کی مربع
کاغذک سطحنی ارانه ایتدیره بیلیر سکنز .

» مربع کاغذک ترسنی چویریکنز : بو طرفده ده بر سطح وار ، دکلکی ؟ مربع
کاغدی ماصه نک اوزرینه قویار ، و ایجه یاپشدر سره کنز سطحی مستوی اولور . فقط باقیکنز :
بن کاغدی ماء آلیورم ؛ بورو کبی بوکیورم ... بو ، ینه بر سطح مستوی می ؟ خایر :
بر سطح منحنی ، طبق اسطوانہ نک سطحی کبی . ائده کی کاغذ قولایجه بوکیور بر جسم
اولدیغنی ایچون ، سطحی مستوی ده اوله بیلیر ، منحنی ده . »

بوکله لر . — اولکی درسده باشلانیلان کوچرک ایشلره دوام ایدله جک .
مربع کاغذ ، درس سابقده اولدیغنی کبی ، بر کره بوکولوب آچاقدن صکره ،
زاویه لرندن بری هر کره قدر قاتلانہ جق . — مجاور بر زاویه ده بو وجهه اونک یانه
یا تیریه جق (لوحه ۱۵ ، شکل ۱۸) . ایشته بر چائی آرہ سی صورتی . اوچ زاویه ده

بویله قاتلانہ جق اولورسه آجیق بر ظرف اورنکی، دردنجی زاویہ دہ مرکزہ کتیریلیرسه قابالی بر مکتوب نمونہ سی وجودہ کلیر .

سسسس

اوردنجی تعلیم

مربعك ضلعلى

مربع كاغدلرك محیطی، كنارلى : « سطحك نہایت بولدینى یر ، مشاهدہ ایندیریله جك . بر سطحك كنارى (محیطی ، متہاسی) خط دینیلن شئی ، (یاخود بر طاقم خطلرك ہیئت مجموعہ سنی) تشکیل ایدر .

« ألزده کی مربع كاغذك درت كنارى واردر : بو مربعك محیطی درت خطدن تشكل ایتمش در . بو خطلر اكری بوكری ، منحنی دكلدر : مستقیم در . بو درت خط مستقیمہ مربعك ضلعلى دینیلیر . مربعك درت ضلعلى واردر . . ألكزده کی مربع كاغذك ۴ ضلعنى كوستریكز . . سطحنى كوستریكز . »

چوجوقلر هر هانكى بر سطحك ضلعلىنى ، محیطلىنى كوسترمك ایچون ، پارماغنك اوجنى یاواشجه بو خطلر اوزرنده كزدرملی در . بو صورت ، اونلرك ، خط دینلیدیكى زمان یالكز مساحه سطحیه نك متہاسی قصد ایدلیدیكى آكلاملرینه ، واوسته پارماقلىنى یاتیره رق ارئه ایتدكلى سطح ایله خط آره سنده موجود اولان تضادى اییجه حس ایتلرینه مدار اولور .

بوكملر . — اولجه كوستریلن بوكملرى صیره سیله تكرار ایندییره رك صوك صورته (قابالی بر مکتوب شكله) كلی ؛ بو صورتك ترسی چویریلنجه ، ایلک مربعه مشابه ، آنجق ایكى قات اولدینى ایچون سطحی اولكنك نصفه مساوی بر مربع كورولور . شمدی بومربعی مبدأ آنخا ایدره رك اولسكى بوكملرى : حیالی آره سی نی ، مکتوب ظرفی نی ، كویهوك قابالی مکتوبی ، نصف ابعادده اولن اوزره ، بونكه ده یاپدرملی (لوحه ۱۰ شكل ۲۰) .

دردنجی تعلیم

مربعك زاویہلى

مربعك درت « گوشه سی » واردر . بو گوشه لره زاویه نامنی ویره جکز . (زاویه نك نه دیمك اولدینى بالاخره تعریف ایدیله جك .)

« مربعك درت زاويه سنى كوستريكنز . »

چو جو قنر زاويه نى كوسترمك ايچون ؛ دائما شهادت پارماغنك اوجنى ،
رأسنه طوغرو ، زاويه نك ايچنه قويه جق . (تحتہ چوبوقلر لاطه لرده كى زاويه
تعريفنه باقىكنز .)

بوكملر . - اولكى تعليمك صوك شكلندن (كو و ك مکتوب شكلندن باشلانہ جق ؛
بوشكلك ترسى چويريلنجہ مرکزده كى زاويه لرى آچيق درت كوچوك مربعلہ مستور
برمربع مشاہدہ ايديلير . بو كوچوك مربعلر نصفنى ديكر نصفلى اوزرينہ چويريكنز :
بوصورتلہ بر بويوك مربع ايچنדה قطر (قطر سياقنده) مندرج برمربع حاصل اولور (شكل ۲۱) .
صورت سابقہ ده كى اوست مثللك بر رضاعى بردها مائلا و آلتہ طوغرو بوكيكنز . ديكر
آچيق ضلعلى ده بويلہ قاتلارسہ كز ، شكل ۲۲ حاصل اولور . - بو بوكوملى آلتہ طوغرو
يايمبوہ اوستندن ياپار ، و صكرہ مربعك مركزينہ طوغرو قاپانيرسہ كز ، شكل ۲۳
ده كى ييلايز وجودہ كالير .

بشجى تعليم

سطح اوزرنده خطلر

مربعى ؛ بر ضاعك اورتہ سندن مقابل ضاعك اورتہ سنہ طوغرو قاتلاتيكنز .
(بوكمہ ايشلرينك باشلانغچنہ ياپدرديغكنز كچى) . بوصورتلہ ايكيہ آيبريلان
مربعك هر ايكي قسمى ده يكدىكرى اوزرينہ تمامى تمامنہ قاپانير . كاغد بويلہ
بوكولى طوتيليرسہ ، بوكوم ىرى بر كنار ، بناءً عليه بر خط تشكيل ايدر .
« مربعى اسكى حالنہ كتيريكنز . اوزرنده بوكوم ىرى قالىير . مربعى بويدن بويلہ
قطع ايدن بوايز بر خط ارانہ ايدر : بوخط ؛ مربعك چوره سنى كوسترن خط دكل .
سطحنك اورتہ سندن كچن بر خط در . » (شو ايكي مستطيلك حد فاصلى در .)
اولجہ ياپش بر بوكمہ نى انكشاف ايتديره رك (آچديره رق) ، بوكمہ ايچون
تشكيل ايديلان قاتلرك بر طاقم خطلر وجودہ كتيرديكنى ، وكاغدلر آچلديغى
زمان او خطلرك ينہ باقى قالدیغى مشاہدہ ايتدرملى .

بوكملر . - طبقى درس سابقہ ده كى ايشدن باشلانہ جق (كوچوك مکتوبدن) .
كوچوك مربعلر ، آچيق زاويه اوجلى آلتہ قايديرملى صورتيلہ ، ياريدن بوكيلہ جك . -

مربعك ترسی چویررسه کز ، مرکزہ طوغرو قیورلمش دوت پارچہ کورورسکز (دوت مثلث) . بو پارچہ لړک او جلړینی اوستنه قیوریکز ، شکل ۲۴ پیدا اولور . — بویه قیورمیوږده (اولیکي درسده کوچوک مربعلرله یادیغمز کبی) ایکي طرفندن ده مائمه بوکر و حصوله کلن سیوری نقطه لری مربعك اوزرینه یاتیررسه کز، شکل ۲۵ ده کی بیلدیز تشکل ایدر .

آلنجی تعلیم

قطر

مربع کاغدی ایکي مقابل زاویه سی استقامتنده قاتلاملی (لوحه ۱۵، شکل ۱۶) . « ايشته برخط تشکيل ايتدك . مربعي آچیکز : بر زاویه سندن دیگر زاویه سته طوغرو سطحنی قطع ایدن بوخطی کورورسکز . »

« بویه بر مربعي بر زاویه سنده مقابل زاویه قدر قطع ایدن خطه قطر تعبیر اولنور . » « عجباً بر قطر دها تشکيل ایده بیلیر میسکز؟ مربعي دیگر ایکي زاویه سی استقامتنده قاتلايیکز . ايشته ايکنجی بر قطر . اوچنجی بر قطر دها تشکيل ایدیله بیلیر می ؟ خایر . بر مربعك آتجق ایکي قطری اوله بیلیر . »

بوکر لړ . — شکل ۲۴ و ۲۵ ده کی بوکر لړک عینی ، شوقدرکه بودفعه بوکر لړ ایچری چویریله جک ؛ بوصورتله بر رسم چرچیه سی حاصل اولور . — ۲۴ ، ۲۵ نومرولی شکلر مزج و ترکیب ایدیله لړک ایکي طرفلی بر شکل متناظر دخی یابیله بیلیر .

برنجی تعلیم

خط متوسط

مربع کاغدی ایکي یه بوکیکز ، بر صورتده که بو بوکره ایکي مقابل ضلعی ایکي مساوی قسمه آیرسین . چو جو قلدده سزک کبی یاپملی (لوحه ۱۵، شکل ۱۴) . « مربعي آچیکز : تشکيل ايتدی کز خطك ؛ مربعك اوردن سندن کچدیکنی ، و بر ضلعك وسطندن مقابل ضلعك وسطنه قدر امتداد ايتدیکنی کورورسکز . »

« بر ضلعك وسطندن مقابل ضلعك وسطنه کیتمک اوزره مربعي قطع ایدن برخطه خط متوسط دینیلیر . »

« بومربعك اوزرنده ايكنجى بر خط متوسط دها تشكيل ايده بيليرميسكنز؟ كاغدى ديكر ايكي ضلعك وسطندن بوكيكنز. مكره آچيكنز: ايسته ايكنجى بر خط متوسط دها. « بومربعك اوزرنده برچوق باشقه بوكه لر دها بيلير، فقط اونلر ضلعلرك

وسطنره كچه من: خط متوسط اولاماز. »

« بر مربع اوزرنده آنجق ايكي خط متوسط تشكيل ايديله بيلير. »
مربعيه، بعدما ياپديره جنى بوكه مركباتنده كي بوكه لرى بيان و اشارت ايتك ايچون آتيده كي تعبيراتى قوللانمى: قطر استقامتنده بر بوكه، — خط متوسط استقامتنده بر بوكه.

بوكه لر. — بر «كوجوك مكتوب» ياپيكنز. مكتوبى تماماً آچيكنز. كاغدك آلت يوزنى اوسته چوريكنز. بو يوزده كي دوت ضلعى اورتولردن طوته رق مركزه قدر ياتيريكنز: قاباران ضلعلى ياصيلتيكنز. بو بوكه لردن: آلتده كوروك تشكيل ايدن، و اوستده شكل ۲۰ ده كي منظره يي ارائه ايلين اومهرى آهيى دوت كوجوك مربع حاصل اولور.

بو مربعلرك نصفى طيتمه و اوسته بوكه سكه ز، شكل ۲۱ ده كوريلن، فقط دها زياده قاتلري حاوى اولان برشكل وجوده كليى. شمعى ده، كوروكلرك مركزه متوجه طوران ايچ اوجلرني قالديريكنز، و تكرار اوستنه بوكيكنز؛ منظره سى شكل ۲۴ ك منظره سته مشابه بر ميرميره پيدا ايدرسكنز.



ايكنجى سلسله

برنجى تعليم

مربعك ضلعلرينك مساواتى

بوسلسله؛ ۲ نجى هبه نك ۲ نجى سلسله سيله، تحت چوبوقلرك ۱ نجى سلسله هندسه تعليملرينه تطابق ايده جك.

چوبوقلر تحت چوبوق هندسه سلسله سنك برنجى تعليميله ايكي خطى، اوست اوسته كتيره رك، آرهلرنده كي مساواتى اثبات ايتكى اوكره نجه، مربعك ضلعلرينى ده بويلا اوست اوسته كتيرمك عمليه سته ابتدار ايديله جك.

« مربعى؛ خط متوسطى استقامتنده قاتلاييكز. ايسته ايكي مقابل ضلع برى اوزرينه

انطباق ایتدی . هیچ بری طرلاً دیکرینی تجاوز ایدیورمی ؟ خایر . بو ایکی ضلع ده عینی طولده در : ایکیسی ده برینه مساوی در . »

« مربعی انکشاف ایتدیریکز (آچیکز) . دیکر خطه توسط استقامتنده قاتلاییکز . ایشته شمده ده دیکر ایکی ضلعنی بری برینه تطبیق ایتدک . اولرده بری برینه مساوی .

« عجباً مربعک درت ضلعنی بردن، بری بری اوزرینه تطبیق ایده مریز ؟ مربع کاغدی اولاً بر قطری استقامتنده قاتلایلم ؛ صکره ، برده دیکر قطری استقامتنده قاتلایلم ؛ درت زاویه ده ، درت ضلع ده یکدیکرینه تماماً انطباق ایدر ، اویار . ایشته مربعک درت ضلعنی ده بری برینه تطبیق ایتش اولدق : هیچ بری دیکرینی تجاوز ایتور ، دردی ده یکدیکرندن نه بویوک ؛ نه ده کوچوک . بر مربعک درت ضلعی بری برینه مساوی در .

بواباتلر ایچون ، بدیهی درکه ، مربع کاغدک کنارلری دوزکونجه کسلمش اولمق لازم در .

بروکرلر . — کوردلرک اربهرینی بوندن اولکی تعلیمده سویله دیکمز کی ساده یوقاریه قاندره جفکزه ، دردنجی تعلیمده بیان ایتدیکمز آلت ویاخود اوست مائل قاتلامه لری یاپیکز ؛ بو صورتله ایکی یکی صورت تحصیل ایتش اولورسکز . بو مائل قاتلامه لری هم کوروکله وهم ده مربعک اوجلرینه تطبیق ایده جک اولورسه کز ، دیکر ایکی مضلع صورت پیدا اولور .

ایکینجی تعلیم

زاویه لر

چو جوقلر تحت چوبوقلرک ۲ نجی تعلیمنی یاهره بر زاویه نهدیمک اولدیغنی اوکره ندکدن صکره ، بومفهومی ، بوجه آتی ، مربعک زاویه لرینه تطبیق ایتدرملی .

« مربعک زاویه لرندن هر بری ؛ برسیوریلک پیدا ایتک اوزره ، بری برینه بیتیش ایکی خطدن متشکل در . زاویه لرندن برینک ایکی ضلعنی کوستریکز . اوزاویه نکرأسنی کوستریکز . دیکر اوج زاویه نکرأسلرینی ده اوانه ایدیکز . — مربعک ضلعلری ، زاویه لرک ده ضلعلری در . »

بروکرلر . — ایکی اولکی تعلیمه مبدأ اولان شکلدن باشلانمق ؛ درت کوچوک مربع ، بویوک مربعک قطری استقامتنده . یانه قاتلانمق . بو صورتله مائل قاتلامه لر تشکیل ایدن دوار بر تناظر حاصل اولور . کوچوک مربعلری بویله ساده جه ایکیشره مثلث تشکیل

اینگه اوزره قانلایه جعفره ، او مثلثلرک اوجلرینی قطرلرک ایکی یان طرفنه طوغرو آلتنه قاتلاییکیز . بو حالدده ۲۶ نومرولی قاپارتمه شکل حاصل اولور . بو قاتلری اوسته طوغرو یاپارسه کز، عینی شکاک باشنه بر نوعی وجوده کلیر .



اوجلرینی تعلیم

زاویه قائمه لر

تخته چوبوقلرک ۴ نجی و لاطه لرک ۳ نجی تعلیملریله زاویه قائمه تعریف و اراهه ایدلدکن صکره ، مربعک زاویه لریده زاویه قائمه اولدینی طانتدیریه جق .

« آلزده کی مربع کاغذک ۴ زاویه سی ۴ زاویه قائمه در . »

« مربع کاغدی خط متوسط استقامتنده قاتلاییکیز ؛ تکرار آچیکیز . صکره : ایکنجی خط متوسط استقامتنده ده قاتلایوب آچیکیز . »

« ۲ خط متوسط بری برینی قطع ایدن ۲ خطدر : مربعک تام وسطنده بری برلرینی قطع ایدرلر . قاچ زاویه تشکیل ایتدی ؟ شو ۲ خط متوسطک تقاطعندن مربعک وسطنده تشکیل ایدن ۴ زاویه بی کوسترینکیز . بو زاویه لر زاویه قائمه می ؟ »

بوکملر . — اولکی تعلیملره مبدأ اولان شکلدن باشلایه جقسکیز ؛ کوجوک مربعک تشکیل ایتدیکی ۸ مثلثدن هر برینی ینه آلتنه ، فقط بودفعه شکل ۲۷ ده کوردلیکی وجهله ، هب برخط مائل استقامتنده بوکیکیز . — مثلثلرینه آلتنه ، فقط عکسی جهته مائل اوله رق بوکیله جک اولورسه ، مربعک اوزرنده ؛ ۲۳ نومرولی شکلده کوردیکیز ییلدیز ، قاپارتمه اوله رق ، تشکیل ایدر (شکل ۲۸) .

بو ایکی صورتک برنجیسنده ؛ مائل بوکملر یاپله دن اول ، مربعلرک اوجلری آلتنه و یاخود اوسته بوکیله جک اولورسه ، عینی شکاک باشقه بر نوعی حاصل اولور . — عینی طرز اعمال ؛ شکل ۲۸ ده کی صورتک بر نوع دیکرینی تواید ایدر .



در دنجی تعلیم

موازی ضلعلر

بو تعلیم ؛ تخته چوبوقلرک ۴ نجی تعلیمنی متعاقباً یایدیریه جق . مربعک بری برینه مقابل اولان ضلعلرینک یکدیگرینه موازی اولدینی مشاهده ایتدیریه جک .

« مربع کاغدی خط متوسط استقامتندہ قانالییکز . - خط متوسط باشقہ برشیئہ موازی اولیورمی ؟ - مربعک ضلعارینہ موازی (چونکہ اونلرہ تصادف ایتیمور .) چوجوقلرہ اولجہ یاپدئرلی بوکمه ایشلرندہ موجود اولان موازی بوکوم یرلرینی اراۛه ایتدرملی .

بوکمه لر . - بوندن اولنکی تعلیمده یاپیلان بوکمه لر یاپدیریلہ جق، آنجق بودفعہ مثلثلر اوستہ قیویریلوب یانیریلہ جق : بو وجهله عینی صورتلرک باشقہ نوعلری وجودہ کلیر . بو بوکمه لرک ہر برندہ سیوری نقطہ لر قایلر، اگر بوسیوری نقطہ لری دہ اوستہ یاتیرہ جق اولورسہ کر ۲ یکی ترکیب پیدا اولور .

اوچنجی سلسلہ

برنجی تعلیم

مثث

بوسلسلہ ؛ تختہ چوبوق تعلیملرینک ۲ نجی و ۳ نجی سلسلہ سنہ تطابق ایدہ جک ، و ۲ نجی ہبہ تعلیملرندن سوکرہ یاپدیریلہ جق .

« مربع ؛ قطری استقامتندہ قانالییکز، لوحہ ۱۵، شکل ۱۶ . بو وجهله تشکیل ایتدیکنز شکلک قاچ زاویہ سی وار ؟ ۳ . قاچ ضلی وار ؟ کندلک ۳ . بو ۳ ضلی، ۳ زاویہ بی ؛ وشو ۳ زاویہ نک رأسلرینی کوستریکنز . بو اوچ زاویہ بی حاوی اولان شکلہ مثلث دینیلیر . برمثلثک آنجق ۳ زاویہ سی، ۳ ضلی ... الخ واردر . »

بعدہ مربعی آچدرملی ، و قطرک ؛ مربعک سطحی اوزرندہ ایکی مثلث وجودہ کتیردیکنی مشاہدہ ایتدرملی . - بو ایکی مثلثک ہیئت مجموعہ سی ؛ مربعی تشکیل ایتدیکنی، قطرک ؛ مربعی ایکی مثلثہ آیردیغنی سویلہ ملی .

« شمدی دہ مربعی ؛ دیگر قطری استقامتندہ قانالییکز . قاچ مثلث کوریورسکنز ؛ مثلثی دہ کوستریکنز . بو مثلثلرک ہیئت مجموعہ سی ؛ مربعی تشکیل ایدر . »

« ۲ قطر ؛ مربعی ؛ مثلثہ آیرر . »

بوکمه لر . — اولجہ یاپدیریلان بوکمه لر ، ثنائی الطرف تناظر قاعدہ سنہ کورہ ، ایکیشر ایکیشر ترکیب ایتدیریلہ جک اولورسہ ، چوجوقلرک قولایلقلہ احاطہ وادراک ایدہ بیلہ جکاری برطاقم مختلط صورتلر تولد ایدر .

ایکینچی تعلیم

مستطیل

مربع کاغذ خط متوسط استقامتندہ قاتلانہ جق، چو جوقلرہدہ عینی عملیہ اجرا ایندیریله جک .

« ایشته اوزون بر صورت تصویر ایندیکنزکہ مربعہ بکنزہ میور : چونکہ ۴ ضلعی بری برینہ مساوی دکل . بوصورتک طولی عرضندن زیاده . بری برینہ مقابل ۲ بویوک ضلعی؛ کذلک بری برینہ مقابل ۲ کوچوک ضلعی وار . بوصورتہ مستطیل دیرلر، چو جوقلرہ ایکی بویوک ضلعی اراۛہ ایندیرملی . بوضلعلر بری برینہ مساوی می؛ کوچوک ضلعلرہ مساوی می ؟ دیہہ صورملی . مقابل ضلعلرک بری برینہ مساوی اولدیغنی ؛ او ضلعلری اوست اوستہ کتیرہ رک ، اثبات ایتلی و ایندیرملی .

صکرہ، مستطیلک قاچ زاویہ سی اولدیغنی، بوزاویہ لرک برر زاویہ قائمہ اولوب اولدیغنی سؤال ایتلی . - نہایت، مستطیلک برجهتله مربعہ بکنزہ دیکنی : مربع کبی درت زاویہ قائمہ سی ودرت ضلعی اولدیغنی ؛ و برجهتلهدہ مربعدن آیرلدیغنی ، چونکہ اونک کبی درت ضلعی بری برینہ مساوی اولدیغنی آ کلاتملی .

بوکرلر . — بوندن اولیکی تنوعانہ مبدأ اولان صورت اصلیه (آنا صورت) یاپیله جق : یالکنز بو دفعہ ، ؛ کوچوک مربع حاصل اولیق اوزرہ کور و کطر تشکیل ایدیلہ جک برده، او جلاطیش طرفہ طوغرو چکیلہ رک بفرلداق صورتی وجودہ کتیریلہ جک (شکل ۲۹) . - اکر بوشکلده آحرفیله اشارت اولنان خارجی (چیقمه) کوچوک مثلثلری؛ اولامرکزہ طوغرو قیویرر، صکرہدہ نصفلریخی طیش طرفہ طوغرو قالدیرر سہ کز او صورتک دیکر برنوعی حاصل اولور .

اوچینچی تعلیم

مربعک ایکی مستطیلہ تقسیم

مربع کاغذ؛ ینہ برخط متوسط استقامتندہ، ایکی یه قاتلانہ جق . بو حالده . - مستطیل یاپیش اولورز . مربعی آچہ لم : او وقت خط متوسطک ایکی طرفندہ

ایکي مستطیل کورولور . بو ايکي مستطيلك هيئت مجموعه-ي؛ مربعي تشکيل ايدر . — خط متوسط؛ مربعي ايکي مستطيله تقسيم ايدر .
مربعك مقابل ضلعلري بری برينه موازي در . مربعي؛ خط متوسط استقامتمده، ايکي يه قاتلايه لم . حاصل اوله جق مستطيلك مقابل ضلعلري ده بری برينه موازي در .
چوجوقلره بومعلومات تلقين ايدلر کدن صکره ، مستطيل صورتنده اولان بعضي اشيا ذکر ايديلهرك وايتديريلهرك تعاييمه نهايت ويرهلهجک .

بوکملر . — فرلداقدن باشلانيله جق ؛ خارجي کوچك مثلثلر ، اوچلري مربعك زاويهلري اوزرينه ياتيريلق صورتيله ، قاتلانله جق ؛ بوخالده يکي بر صورت پيدا اولور .
— اکر کوچك مثلثلرک زاويه خارجهلري ؛ کوچوک برر کورک تشکيل ايدلهجک صورتده ، مربعلرک ضلعلري اوزرينه ياتيريله جق اولورسه شکل ۳۰ وجوده کلير . بو کوچوک کوروکار ؛ خارجي کوچوک مثلثلر اولو مرکز طوغرو ياتيريلهرق ، صکره يالکيز نصفلري ياييلمق صورتيله ده تشکيل ايديله بيلير (شکل ۳۱) . نهايت ، شو کوچوک کوروکارک اوچلري طيش طرفه طوغروده توجه اوله بيلير . (شکل ۳۲) .

درديجي نعلیم

متوازي الاضلاع

مربعي؛ ايکي مستطيل تشکيل ايدلهجک صورتده (خط متوسط استقامتمده) قاتلاملي . صکره ، نصف مستطيلي ايکي مربع حاصل اوله جق وجهله بوکملی .
بو صورته تشکيل ايدلهجک کوچوک مربع ؛ بويوک مربعك ربعي در .

« شو کوچوک مربعي ؛ ؛ کوچوک مثلث تشکيل ايتک اوزره ، ۲ قطر استقامتمده بويکيز . مربعي آيکيز . متعاقباً ، مستطيل (نصف مستطيل) ده آيکيز ، يايکيز ، (لوچه ۱۵ ، شکل ۱۸) . شمدی بوشکلده کی ثمن مثلثلردن برینی صاغه ، آکا مقابل زاويه ده کی ثمن مثلث ده ، شو بيم ياپديغم کي ، عکسی جهته (صوله) طوغرو بوکهرک ، يايکيز . (لوچه ۱۵ ، شکل ۲۳) .

بو تعريف تعقيب ايله مطلوب اولان صورتی يايق بر آز مشکل ايسه ده ، مربعه بر طرفدن تعريف و بر طرفدن ده تعريف ايتديکی عمليه بالذات تطبيق واره
ايتدکجه ، اوکوجلک زائل اولور .

« شو ياپديغمز شکل نه در ؛ بر مستطيل می ؛ مقابل ضلعلر بری برينه موازي می ؟ —

مقابل ضلع‌های بری برینه مساوی می ؟ — بو شکل ایله مستطیل آره‌سندده نه‌فرق وار ؟ شو فرق وارکه ۲ زاویه‌سی ده زاویه قائمه دکل . ۲ مقابل زاویه . زاویه حاده ؛ دیگر ۲ مقابل زاویه ده زاویه منفرجه . مستطیله بکیزه‌ین و آنجق ضلع‌های مائل اولان بوشکله متوازی الاضلاع نامنی ویره‌جکز . — بویوک ، قوس قوجه بر کله دکلې ؛ فقط بویوک ایله زاویه‌های هره‌قدر بری برینه مساوی دکلسه‌ده ، ضلع‌های بری برینه موازی اولدینی آ کلاشیلیر . (چو جوق‌لره بو تعبیرک مدلولنی ایجه آ کلا تملی .) دوشونکیز باقیم : متوازی الاضلاع ایله دیگر بر شکل آره‌سندده مشابهت وارمی ؛ معین . بکزیورمی ؛ نه‌جهتله بکزیور ؟ بونک ده معین کی ۲ زاویه منفرجه‌سی و ۲ زاویه حاده‌سی وار . یا آره‌لرنده کی فرق ؛ معینک ؛ ضلعی ده بری برینه مساوی در ؛ حال بویوک متوازی الاضلاع ۲ ضلعی بویوک و ۲ ضلعی کوچوک در . (نخته چو بوق تعلیم‌لرینه باقیکنز .) بونکر . — اولجه تعریف اولنان صورتلردن بر طاقم صور مرکبه یادی‌ریله‌جق .

بشیمی تعلیم

شبه منحرف

درس سابقده متوازی الاضلاع تشکیل ایتک ایچون یاپیلان ایلک بویوکله‌ر تحصیل اولنه‌جق . صکره ، بویوکله‌ر تماماً آچیلهرق ، بویوک مربع تشکیل ایدیله‌جک (شکل ۱۸) . بویوک مربعک ایکی مقابل زاویه‌سی ؛ یرلری کوریلان بویوکله‌ر استقامتنده تا مرکزده قدر یاتیریله‌جق (شکل ۱۹) . بو صورتله غیر مساوی آلتی ضلعی بر شکل حاصل اولور . شیمدی بو شکلی مربعک آچیق اولان قطری استقامتنده ایکی یه قاتلاییکیز . بر مناظر شبه منحرف تشکیل ایتش اولورسکیز (شکل ۱۹ ، کولکله‌لی قسم) .

« چو جوق‌لرم ، کوریورسکیزکه بوشکله یالکیز ایکی ضلع بری برینه موازی . دیگر ایکی ضلع موازی دکل ، یکدیگرینه مائل . »
« بویله ؛ ضلعندن یالکیز ۲ مقابل ضلعی بری برینه موازی اولان بر شکله شبه منحرف نامی ویریلیر . شو شبه منحرفده قاچ زاویه کوریورسکیز ؛ بو زاویه‌لر بری برینه مساوی می ؟ شبه منحرفله متوازی الاضلاع آره‌سندده نه‌فرق وار ؟ »

بونکر . — چو جوق‌لر . بو تعلیمه کنججه قدر ، بر جوق ابتدائی صورتلر اوکره نمش اوله قلملر . ندن ، بونکرک ؛ رباعی الطرف و یا ثنائی الطرف تناظرلر حالنده ، بر جوق نوعنی وجوده کتیره بیلیرلر .

بعده ، بوصورتی : منتظم هیئات مجتمعه تشکیل ایده جک وجهه ، طاقم طاقم
ترتیب ایده لره قوبو رنگلی کاغذلر اوزرینه ده یاپشدریله بیلیر .



در دنجی سلسله

برنجی تعلیم

مربع سطحك تقسیمی

بوکه ایشلرینک ۴ نجی سلسله سی ؛ ۳ نجی هبه تعلیملریله تخته چوبوق
تعلیملرینک ۳ نجی سلسله سنه تطابق ایده جک . چوجوقلر ، بووقته قدر هان
هرایشده نصادف ایده جکلری اُک اساسی و اُک متداول بعضی مستوی شکلری
مختصر بر صورتده ، ومع مافیه بونلری بالحا که بری برندن فرق وتمیزده کافی
اوله جق درجه ده ، کورمه و مطالعه ایتش بولورلر . بوندن صکره ، او یون
قیلندن اولوق اوزره ، بعضی بوکه ایشلری ده یاپه بیلرلر . آرتق ، یکی یکی تعلیملره ،
رسمه ، منحیلره ... باشلامق زمانی کلیر که بو تعلیملر تماماً بوکه ایشلرینک
یرینه قائم اولور ؛ مع مافیه کاغذ پارچه سی ینه اهمیتی ضایع ایتمز . ۳ نجی هبه ایله
جملرک مساواتی ، اقسامی ... مطالعه ایدلدیکی صیره ده ، مربع کاغذله ده
سطحلرک (مستوی شکلرک) مساواتی ، اقسامی تتبع ایدیلیر .

بو برنجی تعلیم ؛ ۳ هبه نك اوچنجی تعلیمندن صکره یاپدیریله جق .
چوجوقلره مربع کاغذك سطحی ارئه ایتدیریلوب ، صکره ، بو سطح ؛
قطراً (قطر استقامتده) تقسیم ایتدیریله جک .

» بو صورتله مربعی ۲ مثلثه آیرمش اولورز ، دکللی ؛ بو ۲ مثلث بری برینه
مساوی می ؟ تدقیق ایدلم . « (مثلثلر اوست اوسته کتیریلرک تدقیق اولور .)
» قطر ؛ مربعی ۲ مساری مثلثه تقسیم ایدر .

» مادام که بوا یکی مثلث بری برینه مساوی در ، بو حالد او مثلثلرک هربری مربعک
بر نصفی در . «

مربعی ؛ خط متوسطی استقامتده ده ایکی مستطیله تقسیم ایتدیر بکزر . بوا یکی
مستطیل بری برینه مساری در . هربری مربعک نصفی در



اینگنجی تعلیم

مربعك تقسیمی (مابعد)

مربع بر بونوره در. — مربعك سطحی ایکی قطری استقامتده ایکی دره قاتلاتیله رق تقسیم ایتدیر یله جك . بو صورتله حاصل اولان مثلثلر بری برینه مساوی در. بومساوات ؛ درت مثلث بری بری اوزرینه یاتیرلق صورتیله اثبات ایدیه جك . بومثلثلردن هر بری ؛ مربعك بر ربعی در. قطر استقامتده یاپیلان قاتلردن بری آچیه جق .

« مربعك نصفی اولان بو مثلث ایکی منشدن تشکل ایدی سورکه ، بونلردن هر بری ؛ مربعك بر ربع ی در . مربعك سطحی تماماً تشکیل ایتك ایچون بوربلردن قاچ ربع لازم در ؟ »

چوجوقلره دیگر بر مربع کاغد ده ویره رك اونیده ، خط متوسطلر استقامتده ، درت مساوی مربعه تقسیم ایتدرملی . بو مربعلری اوست اوسته کتیره رك ، بری برلرینه مساوی اولدقلرینی اثبات ایتلی . شو درت کوچوک مربعدن هر بری ، بویوک مربعك بر ربعی در. خط متوسط استقامتده یاپیلان قاتلردن برینی آچلی : « ایکی کوچوک مربع ؛ بویوک مربعك نصف ی اولان مستطیلی تشکیل ایدر . ایکی ربعدن بر نصف حاصل اولور . بویوک مربعك سطحی تماماً تشکیل ایتك ایچون کوچوک مربعلردن قاچ مربع ایستر ؟ »

اومنجی تعلیم

مربعك تقسیمی (مابعد)

مربع کاغدی ؛ اولاً ایکی خط متوسطی ، وبعده ایکی قطری استقامتده قاتلاتلی . بوسورتله قاتلانان کاغد ؛ کوچوک بر مثلث صورتی ارانه ایدر . « کاغدی تماماً آجیکز . قاچ کوچوک مثلث حاصل اولدی ؛ سکز . — بوسکز مثلثده بری برینه مساوی می ؛ مثلثلری اوست اوسته کتیره رك تدقیق ایدیکز . بومثلثلردن هر بری مربعك ثمننه ($\frac{1}{8}$) مساوی در . بر ربع ($\frac{1}{4}$) یایق ایچون قاچ ثمن لازم ؛ یابر نصف ($\frac{1}{2}$) یایق ، بر بوتون یایق ایچون قاچ ثمن ایستر ؛ « (۳ نجی هبیه باقیکز . بومفهوملر ، بر آز اول ، مکعبلر واسطه سیاه تعلیم ایدلش اوله جغندن ، شو

تجربه لوله بر ده تکرار ابرار اوله جنی کبی سطحلرک مقایسه سنه ده تطبیق اولنمش اولور.

مربعی تکرار کوچوک بر مثلث شکلنده قاتلایوب، صکره، حاصل اولان سکره مثلثدن برینی آچلی : بویوک مربعک ربی اولان کوچوک مربعلردن بری شکل ایدر. چوجوقلرده سزک کبی یاسینلر. اولنره بوجوک مربعک قطری کوسترملی. ایکی ثمندن بر ربع حاصل اولور (لوحه ۱۵، شکل ۲۰).

او کوچوک مثلثلردن برینی بوضورتله آچیوبده صورت آخرله آچارسه کز، ایکی مساوی مثلثه (۸) منقسم بر ربع (۱) مثلث حاصل اولور (شکل ۲۱). شو ربع مثلثک ایکی جانبنده کی بر مثلثی (۸) ده انکشاف ایتدیره جک اولورسه کز، درت ثمن مثلثه (۸) منقسم نصف مستطیل پیدا اولور (شکل ۲۲). چوجوقلره بوتقسیمک اشارت ایتدیکی بوکوم برلرینی مشاهده ایتدرملی. درت ثمن (۸) بر نصف (۱) تشکیل ایدر.

شده ده بویوک مربعی تماماً آچهرق، صکره قطرلردن بری استقامتنده تکرار قاتلاتملی (شکل ۲۴)؛ بو حالده، ینه اولکی کبی، و آنجق وضعاً متخالف، درت ثمن (۸) مثلث مشاهده ایدیلر. بونلرده درت مثلثه منقسم بر مثلث تشکیل ایدر (۱ = ۸) (شکل ۲۳).

بو بویوک مثلث؛ مربعک نصفی اولان مثلثدر. درت ثمن، هر نه ترتیبده اولورسه اولسون، بر نصف تشکیل ایدر.

در درنجی تعلیم

قطرلرک تقاطعی

چوجوقلر؛ ۳ نچی هبه ایله مجسم نه دیمک اولدیغنی اوکره ندکلری صیره ده، اولنره خطلردن ده بحث ایتک، و تطبیق قاده فائده سنی کوره جکلری بعضی غایت بسیط نسبت و علاقهلری مشاهده ایتدرمک مناسب اولور.

ایکی قطر تشکیل ایتلی. بوقطرلر، بری برینی قطع ایدرک، درت زاویه تشکیل ایدرلر. بودرت زاویه برر زاویه قائمه در. (بوطه تعلیملرینک بوساسله ینه تعالیق ایدن سلسله سنه باقیکر.)

بالذات او ایکی قطرده ، تقاطع نقطه لرنده ، ایکی مساوی قسمه انقسام ایدرلر. مربعی؛ درت مساوی مثلث تشکیل ایدرلر کی قاتلایه رق ، قطرلردن برینک ایکی قسمی اوست اوسته کتیرملی: بواکی قسمک یکدیگرینه مساوی اولدینی تین ایدر. دیمک که قطر؛ ایکی نصفه منقسم در. ایکی قطرک تقاطع ایتدیکی نقطه نام مربعک وسطی در.



بشنجی تعلیم

خط متوسطلرک تقاطعی

تعلیم سابقده یاپیلان مشاهدلر خط متوسطلرله ده تکرار ایدیلر. خط متوسطلر بری بری ایکی مساوی قسمه تقسیم ایدرلر قطع ایدرلر؛ بونلرک تلافی نقطه سی ده مربعک وسطی (شکلک مرکزی) در. خط متوسطلر درت زاویه قائمه تشکیل ایدرلر.

شو غایت بسیط و سهل اولان مشاهدلرک آتیا پک چوق فائده سی کوریه جک در.



بشنجی سلسله

برنجی تعلیم

رأساً مقابل زوایه لر

بوه نجی سلسله؛ ۴ نجی هبه تعلیملرینه تطابق ایتک اوزره ترتیب ایدلش در. چو جوقلر؛ بوانساده ، لاطه ، تخته چوبوق ، حلقه تعلیملرینی بیتیرمش، رسمه باشلامش، وبوکه اویونلرینی ده آرتق بوس بوتون براقه جق برحاله کلش اولورلر. شو تقدیرجه ، بومتنوع آلتر سایه سندم بر چوق معلومات اکتساب ایتمش بولورلر که مربع کاغذله او معلوماتی بری برینسه باغلایه جق بر طاقم تعلیملر یاپدیریه بیلیر. آنجق بووقته قدر مفردات دروس جدولنه برچوق مواد انضمام ایتمش ودرس ساعتلرینک قسم اعظمی بوماده لرله حصر ایتک لزومی تحقق ایلش اوله جغندن، بوتعلیملری، بالضروره، مناسبت و احتیاجه کوره، آره صیره یاپدرمق ایجاب ایدر.

چو جوق، رأساً مقابل زاویه نه دیمک اولدیغنی لاطه‌لر بختده کورمشیدی .
بناءً علیه بوکوم یرلرینک مربع کاغد اوزرنده تشکیل ایتدیکی متقابل زاویه‌لر ؛
طوغرودن طوغرویه تدقیق و مشاهده یه باشلانیه بیلیر .

بمربع کاغدی ؛ ۲ قطری استقامتنده قاتلایرسکیز . رأسلری مرکزده اولان
زاویه‌لر ایکیشرا یکیشر بری برینه مقابل در . چو جوقلره رأساً متقابل اولان بو
زاویه‌لری ارانه ایتدیررسکیز . مربعی ؛ خط متوسطلری استقامتنده بوکدیررسکیز ،
حاصل اولان بوکله‌لر ایکیشر ایکیشر بری برینه مقابل ۸ زاویه تشکیل ایدر .
بعده ، بالذات چو جوقلره آج‌دیره جنکیز بعضی صور مرکبه ده کی رأساً
متقابل زاویه‌لری ده ارانه ایتدیره رک ، تعلیمه نهایت ویررسکیز .

سعدیه

ایکینجی تعلیم

زاویه‌نک تقسیمی

چو جوقلره اولجه ، لاطه‌لر واسطه سیاه ، زاویه‌نک تقسیمه دأثر بر فکرویرمشیدک ؛
شمدی ، اولری بوفکره آلدیرمق ایچون بعضی تطبیقات یاپدیردم .

• مربعی ؛ برقطری استقامتنده قاتلایکیز . ایشته برزاویه قائمه ده ایکی زاویه تشکیل
ایتدک : زاویه قائمه یی ۲ زاویه حاده یه بولدک . بو ۲ زاویه بری برینه مساوی در .
اونلردن هربری زاویه قائمه‌نک بر نصفی در ، الخ . — قطر ؛ مربعک زاویه قائمه‌سنی
ایکی مساوی قسمه تقسیم ایدر . »

صکره ، مربعک ۲ نجی قطریه برخط متوسطنی تشکیل ایتدیررسکیز . ایکی
قطرک بری بریه تقاطعندن مرکزده ۴ زاویه حاصل اولورکه خط متوسط
بو زاویه‌لردن ایکینسی ۲ مساوی قسمه تقسیم ایدر . خط متوسطک بوصورتیه
تقسیم ایتدیکی زاویه‌لر ؛ رأساً متقابل ایکی زاویه در .

• ایشته بووجهله شکل ایدن ۴ زاویه حاده بری برینه مساوی در : بونلردن هربری
زاویه قائمه‌نک بر نصفی در . بو زاویه‌لر ، قطرک ؛ مربعک زاویه‌سنی ایکی یه بولدک تشکیل
ایتدیکی زاویه‌لره مساوی در . »

چو جوقلره کوچ که جکی آکلاشیلیرسه ، برآزمیم اولان بوصوک مقایسه‌دن
صرف نظر ایتلی .



اولیٰ تعلیمی

بر نقطه اطرافنده متشکل زاویانک قیمتی

چو جو قمر بوندن اولیکی تعلیمی سهولتله ادراک ایده بیلدکلری تقدیرده ، اولنره بر نقطه اطرافنده تشکل ایدن زاویانک قیمتی ده مشمر ومفید بر صورتده اوکره تیله بیلیر . عکسی تقدیرده ، بو نظریه نی ؛ پک ساده اولمقله برابر ، آتییه تعلیق ایتملی در . مربعی ینه ۲ قطری استقامتمده قاتلاتیکیز .

» مرکزده قاج زاویه قائمه وار ؟ — درت .

» رأسلری بر نقطه ده مجتمع اولان بو ۴ زاویه ؛ کاغذک بوتون سطحی احتوا ایدر . سطحک بوزاویه لر دن برنده داخل اولیان قسمی ؛ دیگرنده داخل در . — خط متوسط لر دن بری استقامتمده بر بوکوم بری یاپیکیز . ایشته مرکزده کی ۴ زاویه دن ۲ سنی ۲ مساوی قسمه آیرمیش اولدیکیز . بو صورتله تقسیم ایتدیکیز ایکی زاویه قائمه دن برینه باقارسه کیز ، اولجه اوزاویه قائمه نک محتوی اولدینی بوتون سطحک شمدی ایکی زاویه حاده دن یابرنده و یادیگرنده داخل اولدینی کورورسکیز . بو ۲ زاویه حاده برلشدیریلجه ک اولورسه ، زاویه قائمه تمامی تامنه تشکل ایدر .

» شمدی زاویه قائمه نک نصف اولان بوایکی زاویه دن برینی ایکی قسمه تقسیم ایده ک بر بوکله ده یاپیم . بو صورتله زاویه قائمه کیز بری برینه غیر مساوی ، بری ده اویوک وایکیسی ده اویوک ($\frac{1}{2}$ و $\frac{1}{2}$) ۳ قسمه انقسام ایدر ؛ فقط بواوچ قسمی برلشدیررسه کیز ، ینه زاویه قائمه کیز میدانم کلیر . — بر زاویه قائمه ؛ قاج زاویه حاده یه تقسیم ایدیلیرسه ایدلسین ، اوزاویه لرک مجموعی ینه بر زاویه قائمه یه مساوی در .

» ۴ زاویه قائمه نک دردی ده ایشته دیکیز قدر زاویه حاده لره آیرمه لم : بوزوایای حاده شو عاً ینه ۴ زاویه قائمه یه مساوی اولور .

» عینی بر نقطه نک اطرافنده ، هر نه صورتله اولورسه اولسون ، تشکیل ایدیلجه ک بوتون زوایانک مجموع قیمتی ۴ زاویه قائمه یه مساوی در . زیرا ۴ زاویه قائمه تشکیل ایده ک اولورسه ق بوتون اوزاویه لر ییچنه آلیر . زاویه قائمه لر دن برینه داخل اولیان برزاویه مطلقاً دیکرینه داخل اولور ، وهسی مجموعاً ۴ زاویه قائمه یی طولمیر .

» شمدی اُلکیزده کی مربعی تکرار قطر لر دن بری استقامتمده قاتلاییکیز . بوتون اوزاویه لر ، رأسلری عینی بر نقطه ده اولق اوزره ، بریلپازه شکلی آلیر . فقط بو حاله کور دیکیز زاویه لر ؛ قطرک یالکیز بر هابنیم ، بر طرفنده اولان زاویه لر در : دیکرلری آلت طرفده بوکولی قالیر که اولنری نظر اعتباره آلیه جغز . — ایشته قطرک یالکیز بر جانبنده کی زاویه لر بری صاغده ، بری صولده اولان ایکی زاویه قائمه داخلنده در : بو زاویه لر مجموعاً ۲ زاویه قائمه تشکیل ایدر لر .

« بر نقطه دن باشلاق، و بر خط مستقیم یالکز بر طرفنره اولق اوزره، تشکیل ممکن اوله یلین بوتون زاویه لرك مجموعی ایکی زاویه قائمه مساوی در. »

—

در درنجی تعلیم

ایکی مجاور زاویه نك قیمتی

بو تعلیمده اولکی تعلیمك متممی اولان شایان دقت بر حال خصوصیدن بحث ایدیله جات در.

« بر قطر . صکیره بر خط متوسط ایزی پیدا ایدیکیز .
« مرابی ؛ قطری استقامتنده قاتلاییکیز . — مرکزده نه جنس زاویه لركور بیورسکیز ؟
« ایکی زاویه، بری حاده، بری منفرجه . بو ایکی زاویه، . بودفعه رأسلری بر نقطه ده اولق و خط مستقیم عینی طرفنده بوللق اوزره یالکز ایکی زاویه کورولور، — ایکی زاویه قائمه مساوی می ؟ تدقیق ایدلم . دیگر قطرك ایزی ده پاییکیز . ایسته بر طرفده بر زاویه قائمه ؛ دیگر طرفده ده زاویه منفرجه نك مابقاسیله (بقیه سه یله) بر زاویه حاده که مجموعاً ایکنجی بر زاویه قائمه تشکیل ایدیور. »

« بر خط مستقیمك یالکز بر جانبنده وعینی بر نقطه اطرافنده اولق اوزره شکل ایدن ایکی زاویه نك قیمتی تام ۲ زاویه قائمه مساوی در؛ اوزاویه لردن برنده کی اکسیکلکی دیکرنده کی زیاده لك تلافی ایدر. »

بری برنی قطع ایدن ایکی بو کومك تشکیل ایتدیکي رأساً متقابل زاویه لری ده مشاهدده ایتدیره بیلیرسکیز ؛ بو ایکی متقابل زاویه نك بری برینه مساوی اولدیغنی سویلهر، و بو مساواتی او ایکی زاویه بی اوست اوسته کتیرتمک صورتیله تدقیق ایتدیررسکیز. (نختمه صوبوه تعلیملرینک ۲ نجی سلسله سنه باقیکیز .)



کسمه ایشری

بزم صورت تطبیق مزه و اساساً «فرو بهل» کده نقطه نظرینه کوره کسمه ایشی برنوع رسم در، بر رسم هندسی در : بو باده قناعت کامله حاصل اولمق ایچون ۱۸ و ۱۹ نومرولی لوحه لر بر کره باقمق کفایت ایدر. واقعا طرز اعمال باشقه در؛ کسمه ایشنده قورشون قلم ریینه اداره واستعمالی دها قولای بر آلت قائم در؛ تناظر دخی کندی کندینه وجوده کلیر ؛ آنجیق نتیجه بر درکه بو طرز ایله ده عیناً تزیینی رسمده کی کلیر (کوبکلر) حاصل اولور. مع مافیه کسمه ایشلری بوسه ولتلیری حائر اولمق، چو جو قلمری تزیینی رسمده موجود اولوب هنوز اقامت ایده میه جکلری بر طاقم مشکلاتدن قور تار مقله برابر، او اذهان تازمی نفوذ نظری تشحید و حس هندسی بی تمیه ایدم جک درلو درلو ترکیبات و ترتیاته سوق ایتمکدن ده کری قالماز. چو جو قلمر بو ابداعات سهله دن بر طاقم فکر لر اقتباس ایدر لر که اوفکر لر رسمده ده عیناً تصادف ایدر لر ؛ رساملرک تعیرینجه، کوزلری بر چوق صورت (شکل) قاپار. بونا زک ایشلر سایه سنده آلرده ده فوق العاده مهارت کلیر.

کسمه ایشلری، بالاتزام، معتاد اولدینی درجه دن زیاده توسیع ایدم رک، چو جو قلمر بر تربیه صنعتکارانه ویره بیله جک بر مرتبه مکملیه ایصال ایتمه، و بو ایشلر؛ صرف میخانیکی بر تناظر دن منبعث غیر ارادی تصادفلر و راست کله تلاقیلر بدل، قصه و نیت و فکر ترکیب صوغقه چالشدق. چو جو قلمرک بو ایشلردن فوق العاده محظوظ اولد قلمری کوردیکمز کی، بالنسبه ده امجد بر طاقم تبعات آره سنده بر فاصله مقامنه قائم اوله رق، ذهن طاغناغنی وعدم انتظامی موجب اولمق سزین، نکه دقتی تازم اندر مکم خادم اوله جق تعلیم لر تحری ایدن وظیفه شناس مر بیلرک ده عرض ایتدیکمز واسطه بی بالتجربه تقدیر ایدم جکلرندن قویاً امید وارز.

کسمه ایشری، طوقر مه ایشری ایله بر زمانده باشلایه بیلیر؛ مع مافیه بو ایشلر

بر زمان صکره ترك اولنیه جق، و حاصل اولان ترقیات ایله متناسباً تحوّل ایدم بیله جك مساعیدن در. وجوده کتیر یله جك کسمه ایشلرندن صور مختلفه ده استفاده ایدیه بیلیر. بونلرله برطاقم قوطولر و مقوا مصنوعاتی تزیین اولنور که بومزیناتده کی ساحت اشکال؛ او مصنوعاته بر رونق دیکر ویرر.

ترتیبات مقومه

کسمه ایشلرنده ده عینیه بوکمه ایشلرنده استعمال ایدیلن مربع کاغد قوللانیله جق در. چوجوقلر سن و مهارت اعتباریه درجه مطاوبیه واصل اولنجه، اولنره کوچوچوک مقاصلرده ویریلیر. بومقاصلرک قوللری کنیش و اوچلری ده سیوری و مدور اوللی در. مقاصلر؛ ایشلره باشلانم جنی اشاده و طرز معتاد اوزره توزیع ایدیلیر. اَلک یوقاری صنعتلرده هرچوجوغه بر مقاص ویریلهرک محافظه سی ده اولنره تودیع اولنم بیلیر. کسمه ایشلرنده استعمال ایدیه جك کاغد اینجه و خفیف اوللی در.



برنجی سلسله

کسمه ایشلرینه مبدأ اولان بوسلسله تعلیملرینک؛ اختصاصی و متسلسل تدریساته زمین اوله بیله جك برطاقم موادی احتوا ایدم مامسی طبیعی در. کسمه ایشلرینه، اولجده اشارت ایتدیکمز و جهله، بر بوکمه عملیه سی تقدیم ایدر. بناءً علیه کرك بو عملیه حقنده و کرك واسطه تدریس اولان مربع کاغده دائر بوکمه ایشلرنده بیان ایتدیکمز معلومات ابتدائیه، صیرمه سنه کوره، بورادده تکرار ایدیه بیلیر. چوجوقلره، علی التدریج، بوکمه لرله حاصل اولان خطلرک ماهیتی، سطحتک صورت تقسیمی ... کبی مواد برر درر در خاطر ایتدیریلیر.

بوکمه ایشلرنده کی ایلمک آنا بوکمه یاپدیریلیر: مربع ابتدا قطرلر استقامتده قاتلاتیلیر؛ بعده، ثمن مثلثلرک بری بر طرفه، دیکری ده او بر طرفه یاتیریلیر. بو صورتله قاتلانان کاغد بر مثلث قائم الزاویه منظره سی ارائه ایدر (لوحه ۱۷)، سلسله آ، شکل ۱). بو مثلثک سطحی اوزرنده یاپیله جق هر کسمه نك، شکل انکشاف ایتدیرلدیکی

زمان ، متناظر آ ۸ دفعه تکرر ایتش اولدینی کوریلور . بو حالد تنناظر ربخی الطرف اولور (۲ عمود محور اطرافنده تنناظر : ۳ نجی هبه ، ۲ نجی سلسله نك ۹ نجی تعلیمنه باقیکز .) نادر آ ، یالکز برنجی ایکی قاتله اکتفا ایدیلیر ، یعنی مربع کاغد یالکز ۲ قطر استقامتنده قاتلاتیلیر ؛ بو تقدیرده مربع ربی اولان مثله یاییله جق هر کسمه ۴ دفعه تکرر ایدر که آنجق بر محور اصلی اطرافنده ثنائی الطرف بر تنناظر حاصل اولور . بو وضع و ترتیبی تطبیق واستعمال ایتک بالنسبه ده کوج در . نهایت ، ایلک بو کملره ویریه بیله جک صورتلری اکمال ایتک ایچوز شونی ده سویله لم که بعضاً ۲ قطرک تقاطعندن تشکل ایدن زاویه قائمه لردن هر برینی ۳ قسمه تقسیم ایدر لر ؛ بو حالدده ۶ لی (سداسی الطرف) بر تنناظر تگون ایدر . فقط بو وضع و ترتیبک فائده سی ده حقیقتده یک جزئی در . بو کملر غایت دقتله یاپیلمی در ؛ یوقسه حاصل اوله جق شکللرده کی تنناظر یک ناخوش بر منظره عرض ایدر . هر بو کوم برینی ؛ طرناقله ، کسکین بر حاله کتیر ملی در . بوسلسله ده کی کسمه ایشلری بیر نمه طریقله یاپیله جغندن ؛ قولای یرتیلیر ، وایجاب حاله کورده ، یازیلی ، یازیسز ، رنگلی و یاخود رنگسز کاغدلر قوللانلق لازم در .

یرتمه طرزی یک ابتدائی برطرز کی کورولور ؛ مع مافیه بر قضا وقوعنه مانع اولمق مقصدیه هنوز آلرینه مقاص ویریه بن کوجو جوک چوجو قلر ؛ کاغدی پارما قلیله یرتیه رق ، چورملری بر آ ز دوز کونسز اوله اته برابر ، هیئت عمومیه لری اولدقجه واضح و معین بر طاقم اشکال منتظمه وجوده کتیر لر که استعمال اولنان واسطه یه نسبتله حاصل اولان نتیجه یه حیرت ایتمه مک قابل اوله ماز . آل ؛ مشکلات ایله چارپشدقجه ، کسب مهارت ایدر .

بو ایلک تجربه لرده چوجو قلره رهبرک ایتک اوزره ویریه بیله جک معلومات ، ایضا حدن مستغنی اولدینی وجهله ، صرف عملی اولمق لازم در . مع مافیه ، تدریجاً ، وزمان زمان ظهور ایدم جک فرصتلردن بالاستفاده ، ذاتاً چوجو قلرکده همان ایلک کونلرده و آ ز چوق مبهم صورتده فرق ایتش اوله جقلری ایکی ، اوچ اساسی نتیجه یی اییجه ادراک ایتلری اسبابنه تشبث ایتلی در . بوجهلدن اوله رق ،

اول باول، مثلث بکرلی حاوی اولیان و مربعك ضلعلرندن عبارت بولنان
آیمیه کنارلری، بکرلی اولان کنارلرندن لایقیله تفریق و تمیز ایتدرمکه دقت
ایتمی در . بالخاصه ، بکرلی کنارلر اوزرنده ایشله ملی در .

۱ — بکرلی برکنار اوزرنده پایله جق هرکسه (هریرتیق) ؛ اوبوکوم انکشاف
ایتدیرلدیکی زمان تضاعف ایدر (متناظراً و عینی صورته تکرر ایدر) .

۲ — بوصورته تضاعف ایدن بریرتیق متناظراً ؛ دفعه تحصیل ایدرکه بوتکرر؛
کاغذ تماماً آچلاینی زمان میدانه چیقار .

چوجوقلری، بدایه، کندی هوس و آرزولرینه کوره برطاقم کسمه لر یایمقده مختار
براقلی در؛ مع مافیه، موضوع و مقصدی اییجه احاطه ایتلرینه مدار اولمق اوزره،
مریبه ده، یرتمه طریقیله، برقاج کسمه ایشی اعمال ایتلی در . بونک ایچون، آئیده کی
لوحه لرده مندرج بعضی رسملردن، و یا خوددها مترقی چوجوقلرک و جوده کتیرمش
اولدقلری ایشلردن استعانه ایدیله بیلیر . بالذات بویله کسمه لر یایمیه رق؛ چوجوقلرک
اوکنه ، فقط عیناً استساح ایتمه مک و آنجق اوزاقدن باقهرق بر نمائلی یایمق
اوزره ، بعضی منتخب کسمه ایشلری قویمق ده ممکن در . بوکی احوالده « شوکا
باقیکز ، فقط باشقه درلوسنی یاییکیز ، دستوری قاعده عمومیه اوله رق ذکر
اولنه بیلیر . چوجوق داٹما کندی کندندن برشی بولوب چیقارمغه آلملی در .
طلبه اولجه بالذات تصور ایتمش اولدقلری هرهانکی بر ترکیب و ترتیبی ، مکافات
مقامنده اوله رق ، رنگلی کاغذ اوزرینه استساح ایتدرمک، مرده دن (مشور دن)
رسم ک جامع اولدینی محذورلری موجب اولمز ؛ بوصورت، بالعکس ، اولجه
استعمال ایتدکلری طرزلری ، تماماً عینی نتیجه لری حاصل ایتک اوزره ،
بالاطراف احاطه یه چالشمیرینی ایجاب ایدرکه بو بر فضل و منفعت در ، و بو منفعت
و فضله مقابل هیچ بر محذور متصور دکل در .



ایکنجی سلسله

چوجوقلر بو سلسله یه واصل اولنجه ، اولره دهها دقیق برآلت ، یعنی
مقاص و یریلیر . و تدریسات ده ، بوآندن اعتباراً ، باشقه بر صفت اکتساب ایدر .

بزجه چو جوغك، هر هانكي بر مقاص ضربه سيله تحصيل ايدہ چكي صورتی؛ اولاً
 دهندہ ايجہ قرار لاشدرمسی لازم ومطلوب در. بو چو جوق او یوتنی بر صنعت
 حاله، بالطبع بر چو جوق صنعتی حاله، کتيرمه نك يکانه چاره سی بودر. فی الحقیقه،
 چو جوق، اول باؤل، شو ویا بوترتيیده ضم وعلاوه سنی مناسب کوره چكي بر طاقم
 تزیینات ده داخل اولق اوزره، بر هیئت مجتمعه تصور ایتکه مقتدر اولمی؛
 بعده، بو هیئت مجتمعه یی وجوده کتيرمک ایچون لازم اولان وسائلی ترکیب
 وتنظیمه باشلاملی در.

چو جوقلر بو مرتبه یه، غایت بسیط وصرف عملی بر تدریس وتعلیم سایه سنده،
 قولایقله ایصال ایدیلیریلیر. ابتدا اولره بالهندسه معین استقامتلی تعقیباً
 بر طاقم کسمه لریایدیریلیر، صکره حاصل اولان نتیجه مشاهده ایتدیریلیر، محاکمه
 ایتدیریلیر. بو مقصدله بر جوق اصولی سلسله لرتیب ایدلمش در. بوتون بوسلسله لردہ
 کاغذ سطحک بعضی اقسامی بر مقاص ضربه سيله قیریلیر ق صکره بو قیریلان پارچه لرك
 کمال دقتله طوبالانسی، وبونلرك قیریلیر کاغذ اوزرندہ حصوله کلن شکلک اطرافه
 متناظراً وضع وترتیب ایدلمسی توصیه اولنور. بو طرز؛ مزعج بر عملیه یی: اصل
 مقطوعه ایله او قیریلان پارچه لری باشقه بر کاغذ اوزرینه یا شدرم عملیه سنی ده
 ایجاب ایدر. بناءً علیه، صورت عمومیه ده، طلبیه دکل؛ آنجق، چو جوقلرك
 ایلک مساعیسی تنظیم واداره یه حاضر لانتق ایچون، کسمه ایشلرینک بعضی
 اینجه لکاریلر الفت پیدا ایتمک ایستین مریبه لره مخصوص کبی در. بز بو بایده
 بوس بوتون باشقه بر طرز تعقیب ایتدک. بزم نقطه نظر مزه کوره، وجوده
 کله جک شکل؛ اقسامک بلا انقطاع تمارد سیله متقوم اولمی، وقیرپنتیلردن
 استفاده ایتمک قالشاملی در. رده، چو جوقلر بو کسمه سلسله لرینی، طرز
 تدریج لرینه توفیقاً، کندی کندیلرینه وجوده کتيرملی در. بو صورتله، یایه جقلری
 ایشلری بالذات مشاهده ایتکه مجبور اوله رق، نه یایدق لرینی آکلامق صنعتنده
 سریعاً ترقی ایدرلر.



برنجی تعلیم

تعریفات مقدمه

هرچو جوغه اوچر مربع کاغذ توزیع ایدیه جک .

» مربعلردن برنجی برمهتاد قاتلاییکز . بر مثلث ، یعنی ۳ ضلع حاصل اولور .
بومثلثک برضلعی بویوک ، دیگر ایکی ضلعی ده کوچوک در .

۱ — کوچوک ضلعلردن بری ، بیلدیککیز کی ، بوتون آهیمو کنارلری
محتوی در . بوکنارلر؛ بوکولی مربعک ضاعلری در . بوندن امین اولقی ایچون مربعی اصوله
آچیکیز . تکرار قاتلاییکز .

۲ — مثلثک بویوک ضلعی (وتر قائمه) ، بوکمه لردن متشکل در؛ بوکمه لک آلتنده
بر قاچ قات کاغذ واردر . اُلک زده کی کاغدی اصوله آچه جق اولورسه کز ، او
بوکوم یرلرینک؛ مربعک قطرلری اولدینگی مشاهده ایدرسکز .

۳ — مثلثک بوکمه لردن متشکل اولان دیگر کوچوک ضلعنک آلتنده ده برقاچ
قات کاغذ واردر؛ مثلثی آچارسه کز، بو کوچوک ضلع استقامتنده کی بوکوم یرلرینک ده؛
مربعک خط متوسطلری اولدینگی کورورسکز . — ۲ بوکولی ضلعدن متشکل
زاویه نکرآسی؛ مربعک مرکزى در .

» بناء علیه ، ا لا : مثلثک آهیمو ضلعی اوزرنده یاپیله جق هرکسه (قطع) ؛ مربعک
ضلعلری اوزرنده واقع اولور .
» ثانیاً : مثلثک بویوک ضلعی (وتر قائمه) اوزرنده یاپیله جق هر قطع؛ مربعک قطرلری
اوزرنده تصادف ایدر .

ثالثاً : مثلثک بوکولی کوچوک ضلعی سیاقنده یاپه جغمز هرکسه ؛ خط متوسطلر
اوزرنده واقع اولور .

مربیه؛ بوتیجه لری تأیید ایچون، تعریف ایتدیکی هر صورته کوره برکسمه
یابار . طابه اوکا امتثال ایدر؛ بعده، مربیه ده چو جوقلرده ، اُلرنده کی مربع
کاغدلری انکشاف ایتدیره زک، حاصل اولان نتیجه یی مشاهده ایدرلر . بواوج
مختلف کسمه دن هر بری؛ اوچ مربع کاغددن بری اوزرنده یاپیله جق، ومقایسه لر
بوآیری آیری کاغدلرله اجرا ایدیه جک در . مقایسه لر ختام بولدقدن صکره ،
طلبه باستلادینگی کسمه ایشنی ، ایسته دیکی کی ، اتمام ایدر .

ابلفجی تعلیم

آ سله سی


اصولی کسمه ایشلرینک بو برنجی سلسله سی ایچون چوجوقلره درت مربع کاغد توزیع ایتلی در . (برنجی آ سلسله سی ، لوحه ۱۷ ، شکل ۱ ، ۲ ، ۳ ، ۴) . شو اشارت ایدیلن شکلرله ۱۷ نومرولی لوحه ده داخل اولان بالعموم دیگر شکلر ؛ آجیق اولان کنار ، یعنی بوکولی اولمیه ضلع (مربعک ضلعلی) صاغه ، و بوکولی اولان کوچوک ضلع (خط متوسطلر) آشاغی کلک اوزره ترتیب ایدلمش در . اشکال مذکوره عائد اولدقلری سلسله ده اشغال ایتدکلری صیره نومروسیله ، و سلسله لر دخی حرفلرله اراشه اولندی .

« خط متوسطلی عموداً (و بناً علیه مربعک ضلعلرینه موازی اولدق) کسکیز ، بر صورتده که کسینن پارچه تماماً آیراسین (نومرو ۱) . — بو ۲ پارچه یی آجیکز . اولاً : ایچمی طولو مرکزی بر مربع ؛ ثانیاً : ضلعلی برنجی مربعک ضلعلرینه موازی ایچمی بوسه بر مربع حاصل اولور ؛ ایچمی طولو مربع ، بر مربع لوحه تمثیل ایدر . نومرو ۲ . قطری (مثلاً بوک ضلعی ، و تر قائمه یی) عموداً کسکیز ، فقط مقاصی تازاویه قدر یورتمیکیز . بوالده اولاً : ایچمی طولو بر مربع ؛ ثانیاً : زاویه لر ی آنا مربع ضلعلرینک وسطنه متصادف بوش بر مربع حاصل اولور ؛ بومریه قطراً موضوع (قطر سیاقنده موضوع) بر مربع دیرلر .

نومرو ۳ . قطری مثلاً کسکیز ؛ اولاً : ۴ لی مرکزی بر ییلدیز ؛ ثانیاً : شاعاری قطر سیاق واستقامتده و عینی صورتده بر بوشلق پیدا اولور . نومرو ۴ . قطری ینه مثلاً ، فقط عکسی استقامتده کسکیز . اولاً : ینه مرکزی بر ییلدیز ، ثانیاً : شاعاری خط متوسطه مطابق ، ییلدیز صورتده بر بوشلق تخت ایدر . بودرت نتیجه . مشاهده ایدلکدن صکره ، چوجوقلر ۱ ، ۲ ، ۳ ، ۴

نومرولی مرکزی شکلری (ایچمی طولو شکلری) آلهرق ، اولجه یاپدقلری کسمه یرلرینه موازی اولق ، و اوکسمه یرلری ضلع خارجیلرینی تشکیل ایتک اوزره یکی یکی کسمه لر یایملی در . بوتالی کسمه لر ، مهارتله یاییلرسه ، کیتدکجه ده کوچوک ودها نازک برطاقم مربعلر وییلدیزلر حاصل اوله جفی کبی ، صورتلر کوچولدکجه کسمه لرده بری برینه دها زیاده تقرب ایدر . چوجوق ، بومارسه لر

سایه‌سند، هر کسمه آره‌سند، قالان او آنسز شریدرک موره‌ر، خطلر اولدیغنی آکلامغه باشلار؛ آنده کی آلتی مهارت و نزاکتله قوللانمغه آلیشیر. بوشکلر، برر برر وجوده کلدجکه، الله ایجه دوزلیله‌رک، ماصه‌لرک اوزرینه وضع ایدیلیر. آتیده کی سلسله‌لرک مبدای اولان بوسلسله‌صور، لزوم کوردلیکی حالده، مکرراً اعمال و تحصیل ایتدیریه بیلیر.


















اوهنجی تعلیم

ب سلسله‌سی

ایکجی سلسله ایله آتیده کی دیگر سلسله‌ده استقامت حقتده تعقیب اوانه‌جق قاعده اساسیه؛ برنجی سلسله‌ده کی قاعده‌نک عینی در. یالکز کسمه‌لرک طرز اجراسی تخالف ایدر. بوسلسله‌لرده یان پارچه بوس بوتون قیریلز. کاغده، مطلوب اولان استقامتده، بری برینه یقین وموازی اوله‌رق، ایکی یردن کیلیر؛ آنجق مقاص، یان پارچه تماماً آیریه‌جق صورتده، نهایته قدر یوروتلر. بوجه‌ایله ایکی مقاص یری آره‌سند، یالکز براوجیه کاغده متصل آنسز برشیرید پیدا اولور؛ وبوشیرید او اوچندن مستعرضاً (أثلیلکنه) قیریلیر. شریدی بویه کسرکن، حاصل اوله‌جق شکلر ظریف اولق ایچون، مقاصی متصل اوچک متقرب اولدینی خطه (بوراده مثلث ضلعلرندن بری‌در) موازی اوله‌رق یوروتلی در.

ایشته بودقمه شو کسیدیکمز شریدرک براقه‌جنی بوشلق بر شکل وجوده کتیره‌جک در. بوشلق، شریدرن کسیدیسه بالطبع اوراده طورر، انقطاع ایدر. شکلک چوره‌سند تظاهر ایده‌جک بو انقطاع، شرائط انشادن در؛ چونکه بزجه هیئت عمومیه‌یی ترکیب ایدن اقسامک بری برندن آیرلماسی مطلوب در. بوانقطاع زینک تخلفی، اشکالک تنوعنی انتاج ایدر.

۲نجی ب سلسله‌سی (لوحه ۱۷، شکل ۱، ۲، ۳، ۴). زاویه قائمه استقامتلرنده کسمه‌لر.



و یا خود ۲ کسمه‌ی تبادل ایتدیره ركه ، یعنی آشیرتمه طرزیه ، $۱ + ۲ + ۱ + ۲$ ؛ $۱ + ۲ + ۱ + ۲$... کبی بر طاقم ترکیبیر یاقی ده قابل در .
چو جوق ؛ بو ترتیبات و ترکیبات سایه سنده حذاقت بصریه و اصابت نظریه به
مالك اولاجنی کبی ، تحصیل ایده جکی نتایجی حصولدن اول محاکمه ایتمکده
اعتیاد ایدر .

بشچی تعلیم

ت سلسله‌سی

بو اوچنجی سلسله ؛ مائل کسمه‌لری حاوی در .

ت سلسله‌سی (لوحه ۱۷ ، شکل ۱ ، ۲ ، ۳ ، ۴) :

نومرو ۱ . شعاعلری قطرلر استقامتمده بر ییلدیز . زاویه داخلی ده انقطاع .
نومرو ۲ . ینه عینی ییلدیز ؛ فقط زاویه خارجی ده انقطاع ؛ بو کسمه مرکز اطرافنده
شو شکله ۷ و ۴ ضلعی بر صورت تشکیل ایدر .
نومرو ۳ و ۴ . شعاعلری خط متوسط استقامتمده عینی صورتلر .

آلتنجی تعلیم

ت سلسله‌سی مرکباتی

ایکی کسمه نك ، بری برینی قطع ایدن ایکی خطی تمثیل ایده جك صورتده ،
یکدیگریله تصالب ایتسی مطلوب اولدینی تقدیرده ، او کسمه لردن برینك ، تصالب
نقطه‌سی قربنده و بلا انقطاع امتداد ایده جك دیگر کسمه نك ایکی جانبده انقطاع
ایتسی ایجاب ایدر ؛ ایشه چو جوقلره ، آتیده مثال اوله رق کوسترلین ۷ و ۸ نومرولی
مائل کسمه ترکیبیرنده ، بالخاصه بو جهتی مشاهده ایتدرملی در :

نومرو ۵ = $۱ + ۳$ ، نومرو ۶ = $۲ + ۳$ ، نومرو ۷ = $۱ + ۲$ ،
نومرو ۸ = $۲ + ۳$.

کذلک $۱ + ۱ + ۱$ ؛ $۱ + ۲ + ۲ + ۲$ ؛ کبی تکرار طریقیله و یا خود $۱ +$
 $۱ + ۲$ ؛ $۱ + ۲ + ۱$ ؛ کبی مبادله طرزیه بر طاقم ترکیبات ده وجوده کنتریه بیلیر .
بو وجه اوزره تشکیل ایدیه بیله جك ترکیباتك عددی همان بی نهاییه کبی در .



برنجی تعلیم

مختلف سلسلہ لردن مشتق ترکیبات

آ، ب، ت سلسلہ لرنده کی اُک فارقه لی کسمہ لری یکدیگریہ ترکیب ایدیہ رک نامحدود صورتلر تشکیل اولنه بیلیرکه، بر قسمی جداً ظریف ولطف اولور . بو ترکیباتک بعضیسنی بالذات یاقمقله برابر، یالکز کسمه استقامتلرینی ارانه ایتک، وانقطاع یرلرینک تعیننی چوجوقلره حواله ایتک صورتیله، طلبه یده یاپدیریکز . بز بوراده مثال اوله رق یالکز بر نمونه درج ایتک . بو ترکیبی تشکیل ایده جک کسمه لریک ماهیتی عاندا اولدقلری سلسله حرفیله تعین ایدلمش در؛ دقلرده هر کسمه نک منسوب اولدینی سلسله ده کی موقعی ارانه ایدر .

نومرو ۹ = ۳، آ، ۱، ت، ۳ ب .

اوجنجی سلسله

چوجوقلری، بعدما، کندی قوه تشبیه لرینه کوره حرکت ایتکده کاملاً مختار براقلی در . ذاتاً بوندن اولکی دوره دهده تعلیملره مخصوص اولان زمانک قسم اعظمی ابداعات حرّیه حصر اولنه جق، بالذات اصولی تعلیملره دهآ آزوقت تخصیص ایدیله جکدی . بناءً علیه چوجوقلرک طرز سعی؛ بوقاعده سایه سنده البته اساسلی بر صورتده تحول ایتش، و آرتق اعمال اولنان شیلرده تصادف صرفه بدل قصوریت اثرلری تظاهرا ایتکده باشلامش بولنور . شو حاله کوره، بوندن صکره چوجوغه لازم اولان شی؛ آنجق تشویقات ونصایحدن، آرقداشلرینک وجوده کتیره جکی ایش اورنکلریله بو اورنکلره دائر درمیان ایده جککز انتقاداتدن عبارت در . چوجوقلر آنی وشخصی بعضی اختراعات صیره سنده، تصادفاً، خطوط منحنیه ده قوللانمش اوله بیلیرلر؛ خطوط مستقیمه ترکیباتی ایچون اجرا ایده جکلری تبعات، منحنیلره ویره جکلری وضعیات اوزرندهده حسن تأثیر حاصل ایدر .

ظهور ایدمك فرستردن استفاده ايله، چوجوقلره ویرلمسی مناسب اولان باشلیجه نصایح شونلردر :

۱ — یاپیله جق رسم ، اکثریا اولدینی کبی، طولونمظلموده ، یعنی قیریلیمه سر کاغد شیریدلرندن (لوحه ۸ ده کی شکل ۴ ، ۵ ، ۶ نومرولی کسمه لر بویله در) نشت ایدمك اولورسه ، بوطار شیریدلرک ، عادیآ ، هرطرفده برآنده اولسی مناسب اولور .
۲ — منحنیلرده ، بردن بره غیرمتساوی انحنالر یاققدن ممکن اولدینی قدر اجتناب ایتلی در ؛ میللر طاتلی ، وانحنالر تمادی اوللی در . (مثال : لوحه ۱۹ ، شکل ۵ .)
۳ — رسم ؛ بری بریله تلاق وبعده تمادی ایدمك منحنیلر ارانه ایدمك اولدینی حالده ، بوصورته تلاق ایدمك هرمنحنینک ایکی پارچه سی صورت مناسبده تمادی ایتک لازمدر . (مثال اوله رق لوحه ۱۹ ، شکل ۶ یه باقیکنز .)


۴ — عینی برصورتده کی طولولوی وپوشلوی آره سنده برنسیت اوللی در . مثلاً مرکز قسملری آغلی و آز اوپولش اولان ، چوره لری ایسه طار خطلر وکنیش بوشقلر ارانه ایدن برترکیب پک چیرکین اولور .

۵ — رسمک هیئت مجموعه سنده بر قاچ دفعه تکرر ایدمك ، وپو تکرر ایچون بردرجه یه قدر تعدیلنه لزوم کوریله جک بر بسط صورت ، بر تزیین عنصری بولنورسه ، قصد ونیته دلالت ایدن بوطرلز اعمال ؛ ترکیبه حقیقی بر قیمت بخش ایدر . (مثال : لوحه ۱۹ ، شکل ۴) .

۶ — بوقبیل ترکیبات ایچون محمولات طبعیه دن چیچک ، یابراق ، بوجک ... کی بعضی شیلر بر عنصر اوله رق انتخاب ایدیله بیلیر . (مثال : لوحه ۱۸ ، شکل ۹ ؛ و لوحه ۱۹ ، شکل ۴ و ۱۰) .

۷ — اصولی سلسله لرده کوردکی اوزره ، بر رسمک آنا کاغده آچیله جق بوشقلر لده تصویری ممکندر . بر تزیین عنصری ، نصل اولورسه اولسون ، شواوچ صورتدن بریله تمیل ایدیله بیلیر : ۱ — طولولفده ؛ ۲ — ایچی اوپولش طولو برچوره داخلنده ؛ ۳ — بوشقلده . صوکلرلرک ؛ ارتباط نقطه لرینه محتاج اولماق کبی بر جهت رجحانی واردر ، چونکه اکثریا یاپیلان صورتی ترکیبک مابقاسه ربط ایتکه خدمت ایدن بونقطه لر ؛ صورتک ساده لکنی بوزار .

ایشته مریبه لرجه ، کسمه ایشلرینه دائر ، بیلنمسی لازم اولان کافه مواد ، بردها تکرارده محل قالیه جق صورتده ، ایضاح ایتدک . چوجوقلره ، بدایه ، اک بسیط ایشلرله اشغال ایدمك ایجاب ایدر ، فقط آرزمانده سریع برترقی حاصل اولور . ۱۸ و ۱۹ نومرولی لوحه لره درج ایتدیکمز شکلر ، بش یاشندن سکنز



باشنه قدر اولان چو جو قمر طرفدن اعمال ايدلمش برطاقم کسمه ايشی صورتلری درکه بوايشلر؛ تقريباً بونلره معادل اولان يوزلرجه امثالی آره سندن انتخاب ايدلمش در. اشکال مذکوره؛ چو جو قمره ياپديريله بيله چک ترکیبات وتمزيجاتک هر درجه سی ایچون برر مثال تشکیل ايدر.

ایلك اوچ شکک ارائه ايتدیکی کسمه لر (لوحه ۱۸، شکل ۱، ۲، ۳) بیرنمه طریقه یله یاپلمش در. بواوچ شکل؛ بو طرز اوزره یاپيله بيله چک شکلرک جسامت وسطیه سنه بر مثال اولق اوزره درج اولندی. ۴، ۵، ۶، ۷، ۸ نومرولی شکلر، منحصرأ خط مستقیملردن مؤلف برطاقم ترکیبات نمونه لری در. ۶ نومرولی شکل، مکعب لره وجوده کتیریلن اشکال متناظره دن برینک برچو جو طرفدن کسمه طرز یله یاپلمش بر قویه سی در (لوحه ۳؛ شکل ۱۹)؛ بونی تخیله اطفالک وجوده کتیره چکی ابداعات ایچون نره لرده ونه کبی عنصر لر اقتطاف ایده بيله چکنه بر مثال اولق اوزره انتخاب ایتدک. شکل ۷، خطوط مستقیمه نک، چرچویه کوشه لری صورتنده، اولدجه طریف تصالباتی ارائه ایدر. ۸ نومرولی شکل، صورت تحصیلنده کی ساده لک اعتبار یله بالخاصه شایان دقت در. ۹، ۱۰، ۱۱ نومرولی شکلر، خطوط مستقیمه ایله خطوط منحنیه مرکباتی ارائه ایدر. ۱۲، ۱۳، نومرولی شکلرله، ۱۹ نومرولی لوحه ده کی اشکالده خطوط منحنیه غالب در. لوحه ۱۹ ده ۱، ۲، ۳، ۴ و قمر یله اشارت ایدیلن ترکیبات، بوايشلرده برآزدها ایلروله مش اولان چو جو قمر طرفندن اعمال ایدیلن اثرلرک نه مرتبه طرافته واصل اوله بيله چکنی کوسترر. ۵، ۶، ۷، ۸ نومرولی شکلرله، علی الاکثر، قاریشیق برطاقم ترکیباتک مرکزی قسملرنده تصادف ایدیلر. ۹ نومرولی شکل؛ ثنائی الطرف بر تناظر نمونه سی در؛ بو ترتیبک صورت اجراسی بالنسبه دهها کوچ در.

نهایت، ۱۰ و ۱۱ نومرولی شکلرله؛ طولو بر زمین اوزرنده بوشلقرله ابراز ایدلمش عنصر لر عرض ایدر. یالکز. مرکزی برچیبچک اطرافنده برطاقم یوسف جملرله آریلری تمثیل ایدن ۱۰ نومرولی شکل؛ چو جو قمرک محصول خیالی دکل در؛ بو برانموزج درکه، اشیای طبیعی یی مصور عنصرلردن نصل استفاده ایده بيله چکلرینی اوکره تمک مقصد یله، چو جو قمره مره یه لری طرفندن مؤلف اوله رق اعطا ایدلمش؛ وبعده طلبه عینی عنصردن مختلف ترکیب لر تشکیل ایتک صورتیه اشغال اولمش در. مره یه لره آره صیره بو طرز ارزوه حرکت ایملرینی صورت مخصوصه ده توصیه ایدرز.

۱۸ و ۱۹ نومرولی لوحه لرده مندرج بالعموم شکلر؛ اصل لرینک یاری بویوکلکننده در.



ایکانه ایشری (طراز)

مختلف اطوار تحصیل قابل بر طرز عمومی اعمالدن متولد اولان بر طاقم کوچوک ایشلرک هیئت مجموعه سنه ایکنه له مه ایشری اطلاق اولور . بو طرز اعمال ؛ تخته دن بر صاب کچیرلش بر دیکیش ایکنه سی ایله ، و یا خود ساده جه بویوک باشلی بر طولیلو ایکنه ایله برو یا خود بر قاچ کاغذور قه سی اوزرینه بر طاقم دلیکلر دلمکدن عبارت در . ایکنه له مه ایشری ایکی سلسله یه منقسم در . برنجی سلسله ایکنه له مه لرده حصوله کان دلیکلر ، بری برینه بر درجه یه قدر یقین اولمق شرطیله ، دلیکلی بر خط تصویر ایدر : ایشته اصل ایکنه له مه ایشی بودر . ایکنجی سلسله اولمق اوزره دیگر بر نوع ایشلر ده ایا پدیریلیر که بوایشلرده دلیکلرک وظیفه سی ؛ آنجق رسمی تشکیل ایدم جک خطلره بر اشارت نقطه سی (نقطه مشعره) تشکیل ایتمه که منحصر در : بناء علیه بوسلسله ده ایکنه له مه ایشری بر عملیه متقدمه دن عبارت اولور . بزور اده ابتداء منحصر آ ، برنجی نوع ایکنه له مه لرله اشتغال ایدم جکز . مکرر و بری برینه متقارب ایکنه له مه لردن حاصل اولان دلیکلی خط ، کوزله بالسهوله تعقیب اولنه بیله جک بر چیزکی تشکیل ایدر : دیمک که بوده بر نوع رسم در ؛ بناء علیه چو جوقلره پا پدیریله جق ایلمک ایکنه له مه تعلیملری ایچون رسم بحثنه مراجعت ایدلمسنی توصیه ایدرز .

دلیکلی فطره مانده ایکنه له مه لر

بالاده ویردیکمز ایضا حاتندن ده آکلا سیله جفی اوزره ، ایکنه له مه ایشری ؛ طاش تخته اوزرینه پایپله جق رسم تعلیملریله بر لکده باشلا یه جق در . بوایشلر ؛ کوزله آلری فوق العاده حذاقت و اصابته آشدیرر . دلیکلر بر خط اوزرنده ، بر بویوک لکده ، بری برینه غایت یقین اولمی ، و ابعاد متساویه ده بولنملی در : بوتعلیملردن آله اوپله بر ملکه کلیر که ، بوتون بو کوچوک ایشلرک منتهاسی اولان رسم تعلیملرنده بو ملکه نک پک بویوک فائده سی کوریلور .

ایکتهلهمه ایشلریله ، بدایهٔ ، رسمک ایلک تعلیملری واک بسیط شکلری یادیریلیر؛ بعده ، چوجوقلر اهلیت لازمه‌یی احراز ایتدیکجه ، وبالخاصه ایشلره بر تنوع ویرمک مقصدیه ، ده قاریشیق شکلر اعمال ایتدیریلیر. بونک ایچون ، بالناوبه آتیده کی طرز لر استعمال اولنور :

۱ — رسمده اولدینی کبی ، ایکتهلهمه ایشلرنده ده شکل ابتداء علی العجله ، مربع تقسیماتی کاغد اوزرینه یاییلیر .

۲ — اولجه تحصیل اولمش بر رسمک آلتنه ایشلنمه مش بر کاغد کچیریلیر. بوسمک اوزرنده کی چیز کیلر کوره آچیله جق دایکله ؛ آلتنه قونیلان کاغد اوزرنده او رسمک غایت خوش — منظر بر قوییه سنی (اورنکی) وجوده کتیرر : بو تعلیم؛ چوجوقلری ، صحت واصابتله دایک آچغه آلدیرر .

۳ — اینجه وشفاف بر کاغد ایکی قات قاتلانه رق آره سنه ، ترجیحاً رنگلی اولوق اوزره ، بر کسمه یاریمده سی یرلشدیریلیر : چوجوقلر ، نقطه سی نقطه سنه ، بوکاغدک چوره سنی تعقیب ایدرلر .

بوصورتله تحصیل اولنه جق ایکتهلهمه ایشلری ترسندن باقدینی زمان ، ده طریف کورونور .

ترتیبات مقدمه

مربع تقسیماتی کاغدلر؛ یاخود اولجه مرییه ویا چوجوقلر طرفندن چیزلش و آلتنه ، کنارلرندن برایکی بوکوم یاییله رق طودرلق صورتیه ، دور بر کاغد کچیرلش رسمله ؛ ویاخود نهایت ، ایکی یه قاتی آلتیز اینجه بر کاغد آره سنه یرلشدیرلش کسمه ایشلری بر معتاد توزیع اولنور . بعده ، تخته صابیل دیکیش ابکنه لری ویاخود طولو ایکته لری عینی وجهله طاغیتیلیر . هر چوجوغه ؛ اوستنه ایکته لیه جکله کاغدی قویق اوزره ، برچوق یازیلی کاغددن یاییلش و اوزرینه قلیف کبی ، قویو ماوی بر کاغد کچیرلش کوچوک برر نوع یاصدیقه ویریلیر .

قویو ماوی کاغد ، بالخاصه ، اوچنچی ایکتهلهمه طرزنده کی کسمه چوره سنک لایقیله تظاهر ایتسنه مدار اولوق اوزره ، انتخاب ایدلش در . کوچوک یاصدیقلر آیریمجه توزیع اولنه بیله جکی کبی ، اوزرلرینه برایکته ایلایدلشدیریلرله رک کاغدلر ، رسملر وکسمه لرله برانکده ده طاغیتیه بیلیر .

ایکته له مه تعلیملرنده، علی العاده، اُك چوق ۱ دسیمتره ابعادنده اولان مربع کاغدلر استعمال ایدیلیر .

تعلیملر

رسم بختده کی چیزکی تعلیملری، تعریفات نظریه برطرف ایدیله رک، طبق طبقه تعقیب اولنه جق .

بناءً علیه ۲۰ نومرولی لوحه ده کی ۱ دن ۲۵ قدر اولان چیزکیلر یاپدیریله جق. ۲۰۱ نومرولی شکللرک عنصرلری توحید ؛ شکل ۱۴ و ۱۵ ک عنصرلری بالمناوبه تبدیل ؛ و ۲۱، ۲۲، ۲۳، ۲۴ نومرولی شکللر برر سلسله خطیه حالنده تکریر ایتدیرلسک صورتیه، لوحه ۲۴ ده کی شکل ۲ به مشابه چرچیوه لر تشکیل ایتدیریله جک. بوجرچیوه لرک مرکز لرینه ۱۹، ۲۰، ۲۴، ۲۵، ۴۲، ۴۳، ۴۴، ۵۰، ۵۱، ۵۲ نومرولی شکللر قییلندن ترکیبلر ایشله تیه جک . ایکته له ۵۰ طرزی، شکل ۳۱، ۳۲، ۳۳، ۳۴، ۳۵، ۳۶ ده کوریلان رومی طرطیللر ده فوق العاده مساعددر .

بعده، مائل چیزکیلر: لوحه ۲۱؛ شکل ۱، ۲، ۳، ۴؛ دها صکره: شکل، ۳۰، ۳۱... الخ کی شکللردن مرکب چرچیوه لر؛ ونهایت، صیره سیله، ۱۲، ۱۷، ۲۰، ۲۱، ۳۷، ۳۹، ۴۲، ۵۳؛ و ۶۵ نومرولی شکللر ده کورلدیکی اوزره، اُك ساده عنصرلردن مرکب اُك بسیط اشکال متناظره ترکیبلرینه بکیله جک .

رسملری و کسمه لری ایکته لیله رک قوپیه لرینی چیقارمق طورلرینه کلنجه، بالاده کی بیانات ؛ بو طورلری ایضاح ایچون ده کافی ووافی در .

برای و نقشلی ایکنه لره

برنجی ایکته له مه طرزندن بوس بوتون فرقلی اولان بوایکنجی طرز، دها جالب دقت و دها متنوع نتایج حصوله کتیر . بو طرزده ؛ ایکته له مه ایشی برعمایه متقدمه دن عبارتدر . دلیکله صیق اولماز؛ یالکله خطرلرک نهایت اوجلرینی، تلاقی نقطه لرینی، و باشلیجه مهم نقطه لری اشعار واران ایدر . بعده، بودلیکله ؛ بوجه آتی تشکیل اولنه جق بر طاقم خطرله یکدیگرینه وصل اولنور . بو وصل عمایه سی ایکی صورتله اجرا قیلنیر . برنجی صورتده، اشارت

اولان نقطه لر یا سیاه رنگلی قورشون قلملرله، ویا خود صولی بویا قلمیلله آره لرینه بر خط چیزیلرله یکدیگرینه وصل ایدیلیر؛ بو صورت، رسم طرزى در . ایکنجی صورتده ایسه، خطلر بر دلیکدن دیکر دلیکه آتلايان رنگلی یوک ویا خود ایپک ایپکلرله وجوده کتیریلیر که بوحالدهده بر نفس ایثی یا پلش اولور. بو دلیکلر، هرایکی صورته کوردهده، علی الاکثر، مربع تقسیماتلی برکاغد اوزرینه یا پلش بر رسمک حین استنساخنده او رسمک محیطلرینی اشارت وارائه ایتکه مساعد بر اورنک خدمتی ایفا ایدر . ویریلان رسم بر مربع کاغد ویا مموا اوزرینه تطبیق اولنور؛ خطلرک نهایت نقطه لرله تقاطع نقطه لری ایکنه لر، و بویکنه له، اوست اوسته قونان ایکی کاغددن کچهرک، اُک آئنده کی دوزکاغد اوزرنده تشکیل مطلوب اولان خطلرک اشارت نقطه لرینی تعیین ایدر . فقط بونقطه لری ایکیشر ایکیشر بری برینه وصل ایتمک بر چوق یولی اولدیغندن؛ چو چوقلرک ایکنه له، مەلری متناوباً پایه جقلری بویا ویا خود نقشلرده، اولمره رهبرلک وظیفه سنی ایفا ایتک اوزره، نمونه رسم دائماً کوزلرینک اوکنده طورملی در . بو ایکی عمایه دن برنجیسی حقه ده تفصیلات آلمق ایچون تلوین و تذهیب بحثنه مراجعت ایدلمسنى اخطار ایدرز . بوراده یالکنز ایکنجیسنه عائد بعضی ایضاحات ویریه جک در .

نقش ایثی، اولجه ده سوبله دیکمزکی، ایکنه لرله آچیلان دلیکلره رنگلی ایپک ویا خود یوک ایپکلری کچیرمکدن عبارت در . بو ایشلر ایچون، اولکی تعلیملرله آلری کسب مهارت ایدن چو چوقلره، طوغرودن طوغروه ایکنه لر ویریلیر . بو ایشده کی باشلیجه کوجلک؛ ایپلکی کافی درجه ده کرمکده در : چونکه ایپلک چوق کریلیرسه کاغد یرتیلیر. مریه؛ چو چوقلره نهایتنه واریلان ایپلک صاپلرینی طرردرسم (پکشدرمک) یولنی ده اوکره تملی در .

بوصورتله یاپیله جق نقش رسملری، اولجه رسم ایدیلن بر ترکیبی عیناً تمثیل ایدر . بر مدت صکره، ایپلک ایکنه له لرله رسملر آرتق طی اولنور، و چو چوق یالکنز مربع تقسیماتلی کاغدلرک چیزکیلرینه باقهرق بالذات انمراع سوق ایدیلیر. بو طرزده رسم، اکثراً، مختلف رنگده ایپکلرله تشکیل اولنور؛

بناءً عليه چو جوقلری ، یاواش یاواش ، الوانی بری برینه اویدرمغه ، ورنکلری رسمک اقسام مختلفه سنه صورت مناسبه طاعتغه آلدردملی در .

شو اهتمات سایه سنده حصوله کله جک نقشلر ، ترکیب جهتیله عیناً رسم ترکیاتنه بکزر (رسم بجنه باقیکنز) . منحصرأ خطوط مستقیمه دن متشکل اولان مرکبات بو وجهله ، وبالخاصه انمزاع طریقیله ، تحصیل ایدیله بیلیر؛ ۲۲ نومرولی لوحه ده مندرج اولان شکلر (صوک شکل مستثنا اولمق اوزره) بو طور اعماله فوق العاده اویریشلی در . علی الاکثر ، بری برینه مشابه اولان بوتون عنصمر لرك چوره سی بر رنکله یایییر ؛ عنصر لرك داخلی تزیناتی ایله فاصمه لر ایچونده دیگر رنکلر انتخاب ایدییر . رنک خصوصنده بوس بوتون باشقه قاعده لرده تطبیق اولنه بیلیر ، بشرط آنکه شکللر کبی رنکلرده ده دائماً ناظره (تناظر ایسترنائی الطرف ، ایسترباعی الطرف واسون) دقت ایتملی در . یوک اییلکارله یاییله جق ایکنه له مه لره ، بر قاچ ایپک ایپاکی قاریشدیریله رق ، ده ا زیاده رونق و لطافت ویریله بیلیر .

بو کوچوک ایشلر نظرم غایت خوش وظریف کورینور . اعمال اییدیکی ترکیب لرك بوم نظره لطیفه سی چو جوق ایچون بر جاذبه در ؛ بوجاذبه هم الونی سعی و غیرته تشویق ایدر ، و همده مساعیسنک بر مکفاتی برینه کچر . بالخاصه قیز چو جوتلر ، طرز اعمال اعتباریله ، بالاخره یاپه جقلری آل ایشلری طرز لرینه تماماً مماثل اولان بو اشتغالات طفلانه دن جداً استفاده ایدر لر : بو ایشلر سایه سنده اولنرده تشکل ایدم جک ذوق سلیم ایله حاصل اوله جق ملکه ؛ آتی ایچون پک نافع بر حاضر لق اولور . ایکنه له مه ایشلری تطبیقاتنک بر نوعی واردر که چو جوقلرک پک خوشنه کیدر ؛ بوده : کسسه مقوادن اعمال ایدیله جک کوچو جک قو طر لرله دیگر بعضی تحف و ظرائف پارچه لرینک اوسته اوله ایپکه نقشلر ایشله یه رک ، صکره بو مختلف انکشاف پارچه لرینی بری برینه ربط ایتمک ، و یاخود عندالایجاب یاشدردمقدن عبارت در . بونوع ایشلرده ابتدا ، او کوچرک شیلری ترکیب ایده جک قالین و یاخود اینجه مقوالره ، مربع تقسیماتی کاغذ اوزرینه رسم ایدلمش بر تزین عنصرینه توفیقاً ، ایکنه له مه لر یاقمق اقتضا ایدر .

بیانه حاجت یوق در که بوتخف و ظرائفك انكشافات هنرمسی سنی بالذات مریبه چیزملی و کسملی ، وبالاخره چو جوقلر او انکشاف پارچه لرینی ساده ولطیف برطاقم سوسارله تزین ایتلی در .

ترتیبات مقدمات

یوك ایپلکلیری ؛ اینجه نومرولی بوکمه ایپلکلردن اوله جق .
مربع تقسیملی کاغدلر، طیانقلی و چیزکیلری آچیقجه اولان نوعدن اولملی در؛
قوبیه کاغدی یرینه غایت اینجه مکتب کاغدلری ده قوللانیله بیلیر . بو کاغدلری
اولا کوچوک مربعلره آیره رق ، بعده بر مناد ، ایپلکلر ، ایکنه لر ... کبی
توزیع ایتلی در .

تعلیملر

میزکی تعلیملری ، رسم چیزکی تعلیملرینک سیرینی تعقیب ایتک لازم کلیر ؛
بوراده ده عینی شکلر یایدیریلیر ؛ آنجق ، بوباده کی نظریات اولجه طاش تخته
اوزرینه رسم بخشنده اوکره تلمش اوله جغندن ، تعریفات نظریه برطرف ایدیلیر .
ایلك تعلیملری بر درجه یه قدر اختصار ایتکده مناسب در .

بناء عایه آتیده کی ترتیب اوزره حرکت اولنور :

۱ — مربع کاغدك بوتون عرضی اشغال ایتک اوزره اولا بر واحد تقسیملی
وصکره ایکی واحد تقسیملی بر قاچ صیره شاقولی ایکنه له ملر یایدیریلیر . (رسم ،
لوحه ۲۰ ، شکل) . بونلری متعاقب ، عینی ابعادده وعینی مقداره افقی ایکنه دلیکلری
آجدیریلیر .

۲ — شکل ۳۱ ، ۳۲ ، ۳۳ ، ۳۴ ، ۳۵ ، ۳۶ ده کوسترلین رومی طریللرله ،
بونلره ممائل دیگر کنارلر یایدیریلیر ، بعده بو کنارلردن مربع ویا مستطیل شکلنده
چرچیولر تشکیل ایتدیریلیر .

۳ — شکل ۲۱ ، ۲۲ ... ده اولدینی کبی بعضی بسیط عنصرلر ، وغایت
قولای او بکلر ، طوللر ایمله تیلیلر .
بعده خط مائلره کچیلیر :

۱ — صاغه وصوله طوغرو ، بروایکی واحد تقسیملی قطری مائللر یاپدیریلیر (لوحه ۲۱ ، شکل ۱ ، ۲) .

۲ — ۱۵ ، ۱۶ نومرولی شکللرده کوریلن چاپرازلامه دلیکلر و بونلره مشابه دیگر دلیکلر آجدیریلیر ؛ بعده ، ۲۷ ، ۲۸ ، ۳۲ ، ۳۸ نومرولی شکللر ایکنه له تیله رک ، بونلردن مربع و یا مستطیل چرچیوه لر تشکیل ایتدیریلیر . — ۲ و ۳ بوننده کی خط مائللردن مشتق صورتلرده عینی تعلیملر یاپدیریلیر (رسم بختنه باقیکن .)

۳ — ۲۲ نومرولی لوحه ده کی عنصرلره مشابه عنصرلر ، و ۲۲ نومرولی لوحه ده کی اوبکلره مائل اوبکلر تشکیل ایتدیریلیر .

چو جو قله بو صورته عمومی طرز لری او کره تد کدن ، و عنصر لر حقنده برفکر صحیح ایدنملرینی تأمین ایتک اوزره برقاچ عنصرده استغاف ایتدر دکن صکره ، اونلری اوکجه چیزکی ودلیک یاپمده دن و برمودله باقمده دن ، طوغرودن طوغرویه مربع کاغد اوزرنده اختراعاته سوق ایتلی در : ایشته بو حالده جداً ظریف و شخه ی بر طاقم ترکیلر وجوده کتیر لر .



رسم

رسم ك اهميت عظيمه سنه ، وامر تربيه ده بو درسه تخصیصی لازم كلن موقع ومقامه دائر مقدا تمهید ایتدیكمز مطالعاتی تكراره لزوم كورمیورز . یالكز شونی خاطرلره كتیره لم كه رسم ؛ شعبات متنوعه صنعتكارانه ايله تطبیقات مختلفه صناعیه به مخصوص اولمق ، واصل رسم خطیدن ، انشآت وماكنه رسملرینك دقیق ومجرد خطوط هندسیه سندن باشلایه رق ، حیاتك صورعالیه سنی كمال آزادکی ايله تقلید ایدن وكولكه وضیا ايله الوانك قوای اعجازیه سندن ده استفاده ایدن : باش رسملرینه ، تام انسان رسملرینه ، الواح طبیعی رسملرینه ، وأك عالی تألیفات وترکیباته منتهی بولنلق اوزره غایت متنوع طرزلری جامع در . بودرجات قصوی آره سنده نرینی رسم ، معماری رسم . . . كبی اونلردن بك آز فرقلی ومتوسط برطاقم نوعلرده تسلسل ایدر . بونلرك جمله سنك اساسی ، مبدأی رسم هندسی در . رسمك انواع مختلفه سی ؛ طرز اعمال اعتباریله ، ایکی بویوك نمونه ارجاع اولته بیلیر : آلتله رسم ، ساده آل ايله رسم .

بدیهی دركه ایلك رسم تدریساتی ، كرك نوع وكرك طرز نقطه نظرندن ، چوجوقلرك سنبله متوافق اولمق ایجاب ایدر : بناءً علیه صباوت اولییه نوعی مستقل و وسائلی ده كندینه مخصوص بر مضمونی رسم درسی كوستریورز . آنجق بو تدریساتك طلبه یی رسمك هر نوعه ، وبالخاصه أك مستعمل ومتداول صورتلرینه تحضیر ایتسی اقتضا ایدر . اوكره تیله جك رسمك رسم خطییه بك زیاده بکزه می ، ومع مافیه كوزی تربیه دن والی آزاده بر صورتده اداره قلمه آشدرمقندن کری قالماسی لازم كلیر .

ایشته كوجوك چوجوقلره تعلیم وتطبیقی مناسب كوردیكمز رسم ، حصوله كتیردیكی شكلرا اعتباریله ، طوغرودن طوغریه رسم هندسی یی ، وحين اجراده هیچ بر آلت دقیقه ، حتی جدول تخته سی (مسطره) قوللانمادیغمزه كوره ده ساده آل ايله رسم طرزینی متضمن در . شكللرده ممكن اولدینی قدر تام بر نسبت وتناظر

حاصل اولسنى تأمین ایتک ایچون ، ابتدا ، اشارت نقطه لریه خطوط موجهه ویریلیر :
 بو صورتله بر رهبره مالک اولان آل مطلوب اولان خطی بلا واسطه چنر .
 بعده ، بو خطلر ، متناظرأ طوبلانه زق ، بر طاقم اشکال وردیه چیچکلر ،
 کنارلر وجوده کتیریلیر که ، بوجه ایله ، بر ماهیت خصوصیه یی حائر
 ونوعه کوره اصلیت و ظرافته ده ممتاز بر طاقم تزینات ترکیلری حاصل اولور .
 فادراً ، هندسی رسمده کی بساطتله قابل تألیف اولیه جق و منظره سی خوش
 دوشمیه جک شکلار مستثنا اولق شرطیله ، بعضی اشیای طبیعییه صورتلری ده
 ترسیم ایتدیریه بیلیر . مع مافیه ، طلبه بر قاق بسیط منحنی ترسیمی اوکره نجه ،
 چیچکلر ، مودلر ، یاپراقلی داللر ... کی بعضی بسیط محصولات طبیعییه یی پک
 کوزل تقلید ایده بیلیرلر . تدریسات بو حده راصل اولنجه آرتق طوریلیر ؛
 بزم قابا طاسلاق اوکره تدیکمز منلوماتی ده ا مکمل بر حاله کتیرمک ، بوندن
 صکره کی درجات تحصیله عاندر . فروبهل رسم درس لرینک موضوع بحثمز اولان
 طور مخصوصه یسنره ، غایت طبیعی و غیر محسوس بر انتقال ایله ، رسمک :
 رسم هندسی ، مسطح رسملر (مسطح هندسیلر) ، جبهه رسملری (مسطح قائملر) ،
 مقطعلر ؛ تزینی رسملر ؛ آل ایله مودلدن (مشقدن) رسم و طبیعتدن رسم کی انواع
 مختلفه سنه عانده صور عامه و طرور عمومیه سنه کچیه بیلیر . بو صورت انتقالدن بوراده
 بحث ایتمکه کتایمزک جمعی مساعد دکل در : بومبخته دائر باشلی باشه بر اثر یازمق
 لازم در . یالکز شونی اخطار ایده لم که فروبهل رسم طرزی ؛ چوجوقلری
 چیقماز بر یوله سوق ایده جک بر طرز دکل در .

اوزرینه چیزکی چیزیه جک سطحلرک حاوی اولدینی کوچو جک مربرلر ،
 اوزونلقلرله آره لقلر ایچون ، یعنی اساس خطوط موجهه اولان خط افقیلرله
 خط شاقولیلر ایچون اشارت نقطه لری وظیفه سنی ده ایفا ایدر . ایلك تعلیملر
 ایچون مربع نصیبانی طاش تخته استعمال اولنور ؛ تحصیلده بر آز ترقی ایتمش
 اولان چوجوقلره ، ایجاب حاله کوره ، هم بوتخته و همده مربع تقسیماتلی کاغذ
 ویریلیر . طاش تخته بالخاصه اختراعاته تخصیص ایدیلیر ؛ طاش تخته اوزرینه
 مریه نك ، مظهر تقدیری اوله جق صورتده بر شکل ابداع ایدن ویا وظیفه سنی

بك كوزل ياپان بر چوجوغه، او اثرینی بر کاغد اوزرینه استساخ ایتدرمك بر نشانه مكافات اولور . ملكهسی زیاده اولان چوجوقلر طاش تخته اوزرنده نه قدر تكلفسز رسم یاییورلرسه ، کاغد اوزرنده اویلهجه بلا كلفه ، یعنی تردد ایتمه دن ویایدقارینی سیلوب بوزمه دن بر طاقم شسیلر اختراع ایده بیلیلرلر . شونی ده علاوه ایده لم كه ، درسه بر تنوع ویرمك مقصدیله ، کاغد اوزرینه یایدیره جغمز رسملری قیرمزی وماوی قورشون قلملرله یایدردیغمزده واقع در . (شمدی یه قدر دیگررنكده اولان قورشون قلملر بر حسن نتیجه ویره مامش در : بونلرله یاییلان چیزکیلر هم آئی کورونیور ، همده قوتی هر طرفده مساوی اولامیور .) نهایت ، قلمله بویاده قوللانیله بیلیلر ، وبو صورتله ده رنکین ونظرربا نتیجه لر استحصال ایدیلیر . بو طرز ترسیم ، عملی تفرعاتیله برابر ، بو بحثه بر ذیل مخصوص تشکیل ایدن مزه بپ بختنده مفصلاً ذکر وایضاح ایدلمش در .

طور تعلیمه ، مشكلانك طرز تدریجیه ، وشمدی یه قدر تعقیب ایتدیكمز طریقدن بر چوق خصوصیه تباعد ایده رك رسم ترکیبانه ویرلمسنی مناسب کوردیكمز استقامته كنجه ، بوباده تفصیلات اعطاسنی زوآئدن عد ایدیورز . آتی یه درج ایتدیكمز تعلیملرله بو تعلیملره ترفیق ایتدیكمز رسملره بر كره باقیله جق اولورسه ؛ بو خصوصده اك مفصل ایضاحات نظریه دن ده بلیغ بر چوق معلومات آانه بیلیلر .

ترتیبات مقدمه

رسم تعلیملرینه وایلك یازی چیز یلرینه مخصوص اولان طاش تخته لك ایکی یوزی ده برطاقم مربعلره آیرلمش در : بر یوزنده کی تقسیمات برسانیمترو مربعی ، ودیكر یوزنده کی تقسیمات ده یاربم سانیمترو مربعی ابعادنده در . طاش قلملر برأ كه ایله سیوریلیمیر ؛ بو قلملرك برینه صناعی طاس قلملر ده قوللانیله بیلیلر كه بوحالده یونحق زحمتی قالمز .

کاغد اوزرینه رسمه كنجه ، بونوع رسم ایچون انتخاب ایدیله جك كاغد غایت طیانقلی اولمی و باخصوص اوزرنده کی تقسیمات چیز کیلری بری برینه تماماً مساوی بولملی در : بو چیز کیلردن شكل ایده جك مربعلرك ضلعی ه میلیمترونی تجاوز ایتمه ملی در . قورشون قلملر یاری سمرت دینیلن نوعدن اوله جق .

رسم تدریسیاتی ایچون ، بونلردن باشقه . مربع تقسیماتلی و مربعلرینک هر ضلعی ۲,۵ سانتیمتر طولنده بر یازی تخته سی ده لازم دره . اوزاقدن ائیجه فرق ایدیله بیله جک صولنده کنیش اولان بوتقسیمات خطلری ، تبه شیرک بیاض رنگیله قارشیماق ایچون ، ترجیحاً قیرمزی بویا ایلر چیزلش اولمی در . بوندن باشقه ، بوتخته ؛ تعریفی درس لار ائناسنده عیناً ارائه سی و تحت مشاهدیه وضعی ممکن اولیان شیرک هان برر رسمی ، برر طاسورقنی یا پیویرمه که مدار اولق جهتیله ده ، فوق العاده نافع در . — شمدی یه قدر اجرا ایتدی کمز تجربه لر قایغان طاشندن معمول اولان ۷۵ سانتیمتر عرض و ۹۰ سانتیمتر طولنده کی دیوار تخته لرینک دیکر لرینه راجع اولدیفنی بزه بالفعل اثبات ایتدی ؛ بونوع تخته لک تام برمرور مربعی اولسی ، مترو تقسیماتی ده ارائه یه خدمت ایده جکی جهته ، ده ا موافق اولور .



برنجی قسم

خطوط مستقیمه

ایلك رسم چیز کیلرنده ؛ بذاته اكبسیط عنصر اولان عنصر محوری ، یعنی مختلف استقامتلرده خط مستقیم استعمال اولنور .

بو تعلیملر ؛ طلبه تخته چوبوقلر ، لاطه لر ... واسطه سیله خط مستقیم وزاویه حقدنه بر فکر آلیر آماز ، یعنی ۳۰ نجی هبه تعلیملریله برابر باشلاملی ، و تخته چوبوق ، لاطه ، و ۴۰ نجی هبه تعلیملریله متوازیاً دوام ایتلی در .



برنجی سلسله

خط شاقولی و خط افقیلر

برنجی تعلیم

بو برنجی سلسله ده ؛ منحصر آ تقسیمات خطلری استقامتنده چیز یله جک خط شاقولی و خط افقیلر استعمال ایدیله جک در .
ایلك درس ؛ چوجوقلره تودیع اولسان یکی درس آلترلرینک ماهیته ،

شکله و صورت استعماله دأثر بعضی ایضاحات اعطاسنه تخصیص اولنور .

طاش تخته نك معمول اولدینی قایغان طاشی ، یوشاق ، قولای چیزیه بیلیر ، کورک بر طاش در ؛ بو تخته بی دقت و احتیاط ایله قوللانمی لازم در . - قایغان طاشی قولایقله اوفاق صفیحه لره آیریلیر . طاملری اکثریا بونکله اورترلر . - ... کلیر ، ... اخراج اولنور . طاش تخته بر مستطیل شکنده در . ایکی یوزی ده مستوی در اوزرنده ، کوردیکیز کبی ، بر طاقم تقسیمات چیزکیلری واردر . بو خطلر بری برینه موازی در . آرملنده کی مسافه هر یرده بر در ؛ بو خطلر مساوی کوچوک مربعلر تشکیل ایدر . طاش تخته نك اوزرنده کی خطلر تصادف نقطه لری اطرافنده درت زاویه قائمه تشکیل ایتک اوزره ، بری بر لرینی قطع ایدرلر .. الخ

بو ایلاک تعریفاته ؛ لازم و مناسب کوریه جک بعضی ایضاحات ده علاوه اولته بیلیر : بو باده صرف ایدیه جک زمان هر حالده بوشه کیتمز .

« طاش قلمده قایغان طاشندن معمول در . ضعیفیم باصیله جق اولورسه برایز براقیر . - بوقلمله طاش تخته نك اوزرنده کی تقسیمات خطلرینی تعقیب ایدرک بر طاقم چیزکیلر چیزه جکزه . »
مربیه ، بو ایضاحاتی متعاقب ، دیوارده کی تخته اوزرینه ، افقی خطلر استقامتمده ، براقچ چیزکی چیز .

بعده ، چوجوقلری دقت و بصیرته دعوتله ، اولره آلرنده کی طاش تخته لر اوزرینه کوزل کوزل رسملر چیزمسنی اوکرده جکینی وعد ایدر : و بو یکی آلرله نه کبی شیلر یاییله بیله جکینی قولایقله ادراک ایتلرینه مدار اولمق اوزره ، چوجوقلرک ایچه کوره بیله جکی بر وضعیتی انتخاب ایدرک ، براقچ رسم یاپار ، و ترجیحاً (۲۰) نومرولی لوحه ده کی ۱۷ ، ۲۶ ، ۲۷ ، ۲۹ ، ۳۰ و ۹ نومرولی لوحه ده کی ۱۲۴ ، ۱۴۴ ، ۱۵۷ ، ۱۵۸ ، ۱۶۱ ، ۱۶۳ ، ۱۶۵ ، ۱۶۶ نومرولی شکلر کبی) بعضی اشیای طبیعی بی مصور رسملر چیزر . بو صورتله چوجوقلرک مخیله سنده ایقاظ ایتش اولدینی هوس و مراقی ده زیاده تحریک ایدر : زیرا کوچوجک صنعتکارلر ، همان خیالاً کنیدلرینی ، پارلاق پارلاق بر طاقم رسملر : اولر ، آغاجلر ، بیلدیزلر ... رسم ایدیور کبی کورمه ک باشلارلر . بوکا مقابل ، چوجوقلرده صبر و دقتله حرکت ایتلرینی وعد ایتدیرر ؛ اساساً بو خصوصک تأمینی طلبه دن زیاده مربیه یه تعلق ایتدیکندن ، ویرمه جکلری وعد چوجوقلره اصلاً اغیر کلز .

مربیه بوايک تعليمه تخصیص ایده چکی وقتدن قاله جق زمانی ؛ پاک ومنظم خطلر چیزمک ایچون نه یاپلق لازم کله جکئی اوکره تمکه حصر ایدر . اولره خط افقیار استقامتتنده خطلر چیزدیرر ، او خطلری طوغروجه تعقیب ایتملرینه و قلمی چنوق باصماملرینه دقت ایدر ، الخ . بوايک نتیجه حاصل اولنجه ، — برنجی تعلیمده بالطبع مشکلپسند اولماق ایجاب ایدر ، — جلسه آتی ایچون دهاکوزل نتیجه لر وعدایدیه رک ، تعلیمه نهایت ویریلیر وطاش تخته لر کیری آلییر .

ایکینجی تعلیم

بو تعلیمه باشلامه دن اول رسمده جاری اولان بر امرعه دی حقه ده (بر تعامل حقه ده) چوجوقاره ایضاحات ویرمک لازم کلیر ، یوقسه آکلا شق قابل اولاماز . طاش تختلر ، مستطیلک کوچوک ضلعلرندن بری ماصه نك اوزرینه طیانمق صورتیه ، ساقول (مستطیلک) و تام قارشولرینه کله جک صورتده طوتدیریلیر . مربیه بو وضعیتی رضعیت ساقولیه ترکیبله تعین و بیان ایدر ؛ تخته نك شاقولی ضلعلرینی ، افقی ضلعلرینی ، صغ طرفنی ، صول طرفنی کوسترر . بوندن صکره ، طاش تخته نك اوزرنده کی ساقولی مبرکبیری ، افقی مبرکبیری تعین وارانلر ایتدیرر . بو تعریفاتی متعاقب ، بر رسمه باقیله صفی وقت ، طاش تختیه بو وضعیتی ویرمک ایجاب ایده چکئی ؛ ملاحظه و مطالعه سی مطلوب اولان بر رسمک وضعیت طبعیه سی وضعیت شاقولیه اولدیغنی ایضاح ایدر . آنجق ، ایشله مک دهاموافق و مساعد اولدیغنی ایچون ، رسم یاپارکن طاش تخته نك و یا خود کاغذک ماصه اوزرینه قونلادیغنی سوبلر . بو حالده ، ساقولی خطلرک افقی استقامتنده « یاته جقلمی » ، وافقی خطلرک ینه اولکی استقامتده قاله جقلمی آکلاتیر .

« مع مافیه قارشومزده . ایلریدن کیری به متوجه طوران خطلره ینه خط شاقولی نامنی ویره جکر ، چونکه بو خطلره باقن ایچون طاش تخته یی وضعیت طبعیه سنه . یعنی وضعیت شاقولیه ارجاع اتمک لازم در . »

صنعت ترسیمده عموماً قبول ایدلمش اولان بو امرعه دی ایجه آکلا شق قدن صکره ، ایلک چیزکیلره باشلانیلیر ؛ مع مافیه ایلک کونلرده ، یاپیلان رسملری

تدقیق ویا تحلیل ایتدرمك، ایجاب ایتدیكى زمان، ینه طاش تخته لری شاقول استقامته کتیر تمکدن کرى طورمه ملی در .

طاش تخته لرك ایكى یوزى ایكى متخالف تقسیماته منقسم در ؛ بوتقسیماتدن هر برى ایچون آبرى بر تعیم قولانمق اوزون اوله جغندن ، مربع ضلع لردن هر برینه ، ابعادی هر نه اولورسه اولسون ، بر ر اهر تقسیمى اطلاق اولنه جنی عهد و قبول اولنور . بواعبار ایله بر ، ایكى ، اوچ واحد تقسیمى بر خط دیدیکمز زمان ، اوخط كرك شاقولى و كرك افقى اولسون ، و طاش تخته نك ده هر هانكى یوزى مقصود بولنورسه بولسون ، مربعك بر ، ایكى ، اوچ ضاعى طولنده بر خط آكلا شلمق لازم كله چكى بیان ایدیلیر . ایلك تعلیم لرك برسانیمترو مربع تقسیماتى حاوی اولان ، وبالاختصار بر برك طرف اطلاق ایدیلن یوز اوزرنده پایله جنی سویله نیلیر . بو مختلف تعیمات اعتباریه نی چوجوقلره لایقيله تعریف ؛ وهیچ برسوء تفهیمه محل قائمیه جق صورتده ایضاح و تفسیر ایتلی در .

ایلك خط ؛ طاش تخته نك وسط عرضا بنسره قسم ائمه سه طوغرو چیزیلیر . بو خط ؛ شوتعلیمك مبدائی تشکیل ایدر . مربیه چیزيله جك چیز کیلری اهر ایددر ، یعنی شفاها سویله ر ؛ وسوزلری ایجه آكلا شلمق ایچون ، بر خط املا ایتدجه ، اونى کندیی ده ، لایقيله کوريله جك صورتده ، تقسیماتلى یازى تخته سی اوزرینه چیز : یازى تخته سنك اوزرنده کی مربع ضلع لریك هر برینه ده بر ر اهر تقسیمى اطلاق اولنه جغنى ، وبوتعیرك ، بویوكلك فرقدن صرف نظرله ، طاش تخته اوزرنده کی تقسیمات خطرلردن برینه دلالت ایده جکنى آكلاتیر . بو بخنلر ، کاملاً ، بر درسه اتمام اولنور .

«بر ر اهر تقسیمى بر خط شاقولى چیزیکز (لوحه ۲۰ ، شکل ۱ ، حرف آ) . بوخط شاقولینك صاغنه و اونى تعقیب ایدن خط اوزرینه ، عینی ارتفاعدن باشلایه رق ، بر واحد تقسیمى بر خط شاقولى ده ا - یزیکز (ب) . شمعدی ده ایلك خطك صول طرفنه ینه بر واحد تقسیمى دیگر بر خط شاقولى رسم ایدیکز (ا) . »

چوجوقلرك املا ایتدیككز چیز کی نی ایجه ا کلا یوب آکلامدقلر نی و طوغرو چیزوب چیزه مدکلر نی تدقیق و معاینه ایتلی . - بعده ، قصد تناظرله ،

علی طریق المناوبه، بر صاغه، بر صوله ث، ج، ح، خ خط شاقول متساویلرینده رسم ایتدرملی .

« ایشته بری برینه مساوی، وجهه سی ابعاد متساویهده واقع بر صره کوچوک خط شاقوللرکه بر پارمقلی قاپونک پارمقلرینی تصویر ایدیور. شمعی قلمکیزک اوجنی، آرهده بر تقسیمات خطی قدر فاصله براقه رق، اوزرینه ایلک چیزکی پی چیزدیکیز خطک آلتنه باصیکیز، واونقظهدن اعتباراً یاواش یاواش آشاغیه طوغرو ایندیره رک ۲ واحد تقسیملی بر خط شاقولی چیزیکیز (شکل ۲) . - پک ائی! - صاغه، اونک آلتنده کی خطه، وشمعی یاپدیغز بر صیره چیزکی ایله آره سنده بر واحد تقسیم فاصله براق اوزره، ایکی واحد تقسیملی بر شاقولدها چیزیکیز . - صولهده بویه ایکی واحد تقسیملی بر شاقول رسم ایدیکیز - ینه بر صاغه، بر صوله او طولده برر خط شاقولی دها چیزیکیز. الخ . »

بونک آلتنده، اوج واحد تقسیم طولنده بر صیره خط شاقوللر رسم وانشا ایتدرملی . بعده، طلبه عینی طرز لرلی تعقیب ایده رک ۳ نومرولی شکلی یاییلی : موازی خط شاقوللردن تحصیل ایدن بوشکلک هیئت مجموعه سی بر مربع تشکیل ایتمش کبی کورندیکنه دقت ایتدرملی - بو وجهه مستطیل صورتنده کورینه بر هیئت مجموعهده یاپدیره بیلیرسکیز . او شکلک بر مربع، بر مستطیل اولدیغنی : ضلع افقیرک ناقص بواندیغنی لایقیه مشاهده ایتدرملی . اونک، کوزه؛ بر غلط رؤیته بو صورتده کورندیکنی : نظرک، شکلک ظرفنی تشکیل ایده جک اولان و حال بوکه حقیقتده ناقص بولسان ضلعلری ضمناً کوردیکنی ایضاح و افهام ایتلی .

اورمجنی تعلیم

بو تعلیمده طولاً غیر مساوی خطلره بدأ ایتدیرله جک .

« طاش تخته کزک اوره سه بر واحد تقسیملی بر خط شاقولی چیزیکیز. اونک صاغنه، عینی ارتفاعدن باشلایه رق، ایکی واحد تقسیملی بر خط شاقولی رسم ایدیکیز . اونک صاغنهده، ینه عینی صورته، اوج واحد تقسیملی، صکردهده درت واحد تقسیملی برر خط شاقولی چیزیکیز . - بویه کیتدکجه ده اوزون اولان شو خطلرک صیره سی سزه بر مثلثی اخطار ایتدیرمی؟ (شکل ۴، حرف آ.) - شکلک ایکنجی قسمی (ب قسمی) ده

بوصورتله چیزدرملی . - بونك هیئت عمومی سی ده بره ثلثی اخطار ایدر . چو جوقلر بونی ده یانجه ، شكك برنجی قسنی (آق حنی) چیزمكه باشلادیغمز خط شاقولیدن ابتدار ایدرهك ، ویاپیلان قسم ایله چیزیله جك خطلك قاعده سی آره سنده دائماً بر واحد تقسیم فاصله بر اقدروه ، مختلف ارتفاعلردن باشلامق وعینی ارتفاعده نهایت بولمق اوزره ، تدریجاً متزاید برطاقم خطوط شاقولیه سلسله سی چیزدربررسكز : بوعملیه ایچون اولدقجه مهم بر فطانت ودقت لازم در . تدریجاً متناقص (ث) سلسله سی ده شكلی آتام ایدر . بوحالده رسمك هیئت عمومی سی ؛ مائلاً موضوع وكوشه لری قییملمسهر بر مربع صورتخی اخطار ایدر . - بوندن صكره ، عینی عمده لره توفیقاً ، ه ، ۶ نومرولی شكلی انشا ایتدیررسكز . بوتعلیملك باشلیجه غایه سی ؛ چو جوقلره معلوم بر طولده ومعین بروضعینده برخط چیزمکی اوكره تمك در . شومقصد حاصل اولنجه ، قرائت ی مشكل اولان بونوع اشكال اوزرنده ده ازیاده توقف واصرار ایتمه ملی ؛ وبرآن اول ، طلبیه ده اذاجاذب كورینن ترکیاته باشلامق اوزره ، خطوط افقیه ترسیاته كچملى در .



دردنجی تعلیم

خطوط افقیه چیزدرمك ایچون تعقیب اولنه جق سیر و حرکت ؛ عینی ترکیات خطیه یی استعمال ایتمك صورتیه ، خطوط شاقولیه ترسیمنده اختیار اولنان سیر و حرکتك طبقی در . مربیه بوراده ده عینی شكلكلردن استفاده ایدر : اشكال مذكوره نك بوحاله كوره ، كسب ایده جکی منظره یی كورمك ایچون ، كتابی آنلیكینه چویرمك کافی در : شكلكل كاملاً خطوط افقیه دن مؤلف كورونور .

طاش تخته نك اورته سنه طوغرو : اوله ، برواحد تقسیملى برخطافقی (شكل آ) ، ثانیاً اونك آننه و تحته ده کی تقسیمات خطنك اوزرینه دیکر بر خط افقی (ب) ؛ ثالثاً برنجی خطك اوستنده کی تقسیمات خطی اوزرینه ده اوچنجی بر خط افقی (ت) چیزدرملی . تناظر حرکاته رعایتله ، براوسته وبرآلته اولمق اوزره ث ، ج ، ح ، خ خط افقیلری ترسیم ایتدرملی . — بعده ، چو جوقلر ۲ واحد تقسیملى ، ۳ واحد تقسیملى خط افقیلری ده تحصیل ایتلی (شكل ۲) . نهایت ، خطوط افقیه دن مؤلف اولان مربع ی یاپدرملی (شكل ۳) : بوصورته ده ، مربعك افقی ضلعلری احاطه ایتمك لازم كان شاقولی ضلعلر ناقص در . — بوتون بوخط افقیلر آره سنده کی موازاتی تبیین ایتدرملی .

شجی تعلیم

بو تعلیم، اوچنجی تعلیمك عكسی در. مربیه، بر آزاوّل سویله دیکمز کبی، کتابی ینه آنلیکنه چویره رك، ۴، ۵، ۶ نومرولی شکلردن استعانه ایده جك. عینی بر خط شاقولی مبدأ اتخاذ ایده رك، صولدن صاغه طوغرو، ت حرفله، کوسترین و ۴ نومرولی شكك ربع بمین علیاسی تشکیل ایدن تدریجاً متزاید سلسله هابطری چیزدیریکز. صکره، دائماً آشاغیه طوغرو اینك صورتیه، ت حرفیه ارانه ایدیلن ربع بمین سفیری رسم ایتدیریکز. نهایت، کیت کیده ده اوازاق نقطه لردن باشلامق، وجهه سی اولجه چیزیلن سلسله خطوطدن بر واحد تقسیم بعدده اولان عینی بر خط شاقولی اوزرنده توقف اینك اوزره، ربع علیای یساری (آ) تشکیل ایدن خط افقیلری چیزدیریکز. دردنجی ربع ده (ب) شکلی اتمام ایر. ۵ و ۶ نومرولی شکلری ده، افقی وضعیته کتیره رك، عینی عمده لره توفیقاً رسم و اعمال ایتدرملی.

ایکنجی سلسله


خط شاقولی و خط افقیدن مؤلف مرکبات

بو تعلیمده خط شاقولی ایله خط افقینك أک بسیط ترکیبات و تمزيجانه نسل ابتدار ایدیله جکینی بیان و ارانه ایده جکیز.

« سزده نئم کبی (طاش تخته نك وسطنه قریب بر نقطه ده) بر واحد تقسیملی بر خط شاقولی رسم ایدیکز (لوحه ۲۰، شکل ۷)؛ بو خطك آشاغی نهایت نقطه سمنده صاغه طوغرو، ینه برواحد تقیملی بر خط افقی چیزیکز. بو ۲ خط نه تشکیل ایدر؟ — بر زاویه. — بر زاویه قائمه. — شمدی ده، شوئم یاپدیم کبی، بر خط افقی و خط شاقولی ایله بر زاویه قائمه تشکیل ایدیکز. بو زاویه نك رأسی صوله طوغرودر، و آشاغیده در (شکل ۸).

« تشکیل ایتدیککز زاویه قائمه نك وضعیتی لایقیله ملاحظه و تقدیر اینك ایمون طاش تخته کزی دیکنه قوییکز. »

صکره، ینه بوجه ایله، بری برینی متعاقباً. زاویه قائمه نك شکل ۸، ۹، ۱۰ ده کوریلن دیگر ۳ وضعیتی یاپدیریکز.



بو ۴ زاویه قائمه‌ی ، آرهلرنده برر واحد تقسیم فاصله برافدرمق اوزره متناظراً بربره جمع ایتدیره‌دك ۱۱ ، ۱۲ نومرولی شكللى تحصیل ایتدیریکز. شكل ۱۳ ده ، ۴ زاویه قائمه‌ك بر رأس مشتركى واردر .

بر واحد تقسیملى ۲ خط شاقولى و ۲ خط افقى ايله ۱۴ نومرولی شكلده كى كوچوك مرابى رسم ایتدیریکز . قورشون قلمك اوجيله بو مرابك ضلعلىنى وزاویه قائمه‌لىنى اراؤه ایدیکز و ایتدیریکز . — ضلعلى ۲ واحد تقسیم طولنده بر مرابع ده تشکیل ایتدیریکز (شكل ۱۵) .

بوتعلیمه خاتمه اولمق اوزره ، چوجوقلره ، اشیادن برینك رسمى چیزمك حظلى ده ویرملى . خط شاقولى و خط افقىلردن مرکب اولملى لازم ککن بورسم، مثلاً ۶ جاملى برنبره اوله بیلیر. رسم اولنه جق صورتى مجملأ تحلیلى ایتلى و ایتدرملى .

بو آندن اعتبارأ ، خط شاقولى و خط افقىلره وجوده کتیريله بیله جك ترکیبات وتمیزجائى ، تماماً ، عددى معین تسلیملره تقسیم ایتك امکانشز اولور . بونك ایچون ، صورت عمومیه‌ده ، آتیده بیان ایتدیکمز عمده‌لره توفیق حرکت ایدرسکز :

۱ — درسه بعضى اشكال هندسیه رسم ایتدرمكه باشلارسکز، بوشکللى تحلیلى ایتدیررسکز ، بعده شكل ۲۱ ، ۲۲ ، ۲۳ ، ۲۴ ، ۲۵ ... ده کوربان ترکیبات کجی مدرج بر طاقم متناظر ترکیبلىر یایدیررسکز .

۲ — املا طریقله ، بعضى اشیای مستعمله رسم ایتدیررسکز (شكل ۲۶ ، ۲۷ ، ۲۸ ، ۲۹ ، ۳۰) .

۳ — نهایت ، چوجوقلرك مخیله‌سنه رخصت سیران ویررسکز، کندی ایستکلرینه کوره خطوط شاقولیه و اقیه‌دن متناظر بعضى ترکیبلىر وجوده کتیرملىنى تکلیف، و بیان اولنان عمده‌لردن تبعاً و انحراف ایده‌دك تحصیل ایتدکلرى ترکیبلىر نصیح ایدرسکز (۳ نجى هه‌نك ۹ نجى تعلیمه ، وصیفه آتیه‌یه باقیکز .)
مریبه ۲۰ نومرولی لوحه‌ده کوستریلن شكللر دائره‌سنده املا محصور قلماملى ، و بونلرى آنجق برر مبدأ کجی تلقى ایتلى در . بولوحه‌ده اشكال هندسیه ؛ اشیا طاسلاقلرینه ، رومى طریقلره و خطوط متناظریه دائر کوره جکارى مثاللر ، اولنره یکى یکى بر طاقم ترکیبات تلقین و القا ایتلى در. بوندن باشقه ، چوجوقلردن اصلی ،

یعنی نوعی شخصه منحصر ، بر ترکیب وجوده کتیرن اولورسه ، او ترکیبی ده درس آتیده ، امر طریقه ، تحصیل واستنساخ ایتدرلی در .

اشکال هندسیه ومختلف عناصر متناظره : خط متوسطلری سیاقنده ۴ مربعه منقسم بر مربع (شکل ۱۶) . بر مستطیل (شکل ۱۸) . خطوط شاقولیه وافقیه ترکیباتی (شکل ۱۹) . بری برینی محیط ۴ مربع (شکل ۲۰) . مختلف اشکال متناظره ، شکل ۲۱ ، ۲۲ ، ۲۳ ، ۲۴ ، ۲۵ .

طاش تحتہ نك کنار طرفلرنده ، مربع ویا مستطیل شکنده چرچیه لر تشکیل ایتک اوزره ، روی طرفیلار ، شکل ۳۱ ، ۳۲ ، ۳۳ ، ۳۴ ، ۳۵ . گوشه لی چرچیه لر : بسیط صولر ، شکل ۳۷ ، ۳۸ ؛ مضاعف صولر ، شکل ۳۹ ، ۴۰ .

اثاث واشیا طاسلاقلری : مردیون ، شکل ۲۶ پارمقی قابو ، شکل ۲۷ . یازی تختہ سی چرچیه سی ، طاش تختہ چرچیه سی ، شکل ۲۸ . برکوجوک پنجره ، شکل ۲۹ . پنجره قابوسی ، شکل ۳۰ .

بونلردن باشقه ، دیگر طرز لرله تحصیل ایدلش اولان شکلارده ، عندالایجاب بر درجهیه قدر تعدیل اولنهرق ، رسم ایتدیریله بیلیر :

تختہ چوبوقلر : لوحه ۸ ، شکل ۶۴ ، ۸۷ ، ۸۸ ، ۹۱ .

لوحه ۹ ، شکل ۱۰۴ ، ۱۰۵ ، ۱۲۲ ، ۱۰۲ .

لاطه لر : لوحه ۱۰ شکل ۲ .

لوحه ۱۱ ، شکل ۳۵ ، ۴۲ ، ۴۳ ، ۴۸ .

مکعبلر : لوحه ۳ ، شکل ۴۷ ، ۴۸ ، ۴۹ ، ۵۰ ، ۵۳ ، ۷۶ .

منشورلر : لوحه ۶ ، شکل ۱ ، ۳ ، ۵ ، ۱۶ ، ۱۷ ، ۱۸ ، ۲۰ .

لوحه ۷ ، ۶۴ ، ۷۸ ، ۷۹ ، ۸۷ .

بوصورتله وجوده کله جک کوچوجک رسملر ، اولنری ترکیب ایدن خطلرک تابع اولدقلری شرائط حسبیله ، بالطبع غایت محدوددر ؛ مع مافیه ، رسم اولنهرق هر شکل مناسبتیه ، او رسمک تمثیل ایتدیکی موضوعه دائر بعضی تعریفات وایضا حاتده بولنمق لزومی بدیهی در : بو خصوصه متدائر اوله رق ، اشیای مستعمله تمثیل ایدن مکعب ، منشور هیئات مجتمعه لری حقیقده در میان ایتدیگمز ملاحظات بوراده ده عیناً تطبیق ایدملی در .

شبهه سزدرکه ، نز بوراده ، خط شاقولی وخط افقی ایله تحصیل ممکن اولان بالعموم ترکیبات وتمزجاتی کوستره مدک وکوستره مزدک ؛ چوجوقلر بر چوق

ترکیب ده‌ها کشف ایده بیلیرلر. مریبه لرك بوا براعات مریه نه صورتله ونه درجه یه قدر مداخله ایده بیله جکلری حقنمه ده برقاچ سوز سویله یه لم .

ابداعاتدن کویا اشیای مستعمله و متداوله یی تمثیل ایدنلر حقنمه یالکز اخطارات و تشویقات ایله اکتفا اولور. ترکیبات متناظره یه کلنجه، بونلر حقنمه واقع اوله جق مداخله ، دائماً غیر محسوس اولقله برابر ، ده‌ها واسع برنسبتمه جریان ایتک لازم کلیر. بناءً علیه تدریجاً ، وهیچ استعجال ایتیه لرك، آئیده کی ابتدائی تناظر قاعده لرینی چوجوقلره برر برر اوکره تملی در .

۱ — طاش تحتہ نك رستمنده تقاطع ایتک اوزره ، مساوی طولده برخط شاقولی و بر خط افقی چیزیاير (شکل ۴۱) : اوزرینه رسم یاییله جق سطح ؛ بوصورتله درت زاویه قائمه یه تقسیم ایدلمش اولور .

۲ — چوجوق، ابتداء زاویه لردن برنده خطوط شاقولیه وافقیه دن مرکب برهیت رسم ایدر ، صکرده بورسی متناظراً دیگر اوچ زاویه دن هر برنده ده تحصیل واستساخ ایدر .

۳ — رسمک هر چیزکیسی : مرکزدن انشاع ایدن و تناظر محورلری دینبلن درت خط شاقولی وافقینک بردفعه برجهتند و بردفعه ده دیگر جهتند اولوق اوزره سکرکه تمثیل ایدلمک لازم در ؛ بو حلاله تناظر رباعی الطرف در ، (شکل ۴۱) . اگر هر چیزکی یالکز درت کره تحصیل ایدیله جک اولورسه ، اووقت تناظر ثنائی الطرف اولور (شکل ۴۲) . محورلرله اختلاط ایدن (التباس ایدن) چیزکیلر رباعی الطرف تناظرده یالکز درت کره ، و ثنائی الطرف تناظرده ایکی کره تحصیل اولنق ایجاب ایدر .

۴ — چوجوق، ابتداء تناظرک مرکزی قسملرینی تحصیل ایدر. بالاخره یایدینی رسمی توسیع و اشکال ایتک ایستره ، یکی چیزکیلر علاوه ایدر، و بونلری تناظرک اقتضا ایتدیکی عدده مساوی اولوق اوزره بری بری آردنجه فی انال رسم و تحصیل ایلر .

۵ — مربع تقسیماتی کاغدلر اوزرینه چیزیلن رسملرده ، تناظر خطلری دائماً تقسیمات خطلرینه تطابق ایتمز ؛ مثلاً ۲۱ ، ۲۲ ، ۲۳ ، ۲۴ . . . نومرولی

شکلبرده چیزله مش اولان تناظر خطلری، تقسیات خطلرندن نصف بدم و مسافده کائن در. چو جوقلر، فقط بر مدت صکره، بوصورت انشانی ده استعمال ایتلی در، چونکه بوصورده محورلری چیزمک و یا خود ضمناً تصور و احاطه ایتمک دها کوچ در. (شکل ۴۴ ده باقیکنز.)

بورایه قدر سردایتدیکمز بیانات، رسمده ایلروله مش اولان طلبیه بیله رهبرک وظیفه سنی ایفا ایده بیلیر؛ مع مافیه حصوله کله جک ترقیاتک ایجاب ایده جکی مطالعاتی ده صیره سی کلدجکه ایراد ایده جکنز.

بالاده ایضاح ایتدیکمز وجه ایله، بر طاقم چیزکیلرک متناظراً تکرارندن حاصل اوله جق هر هانکی بر مجتمعه (بر هیئت مجموعی، بر جمله)، انتظام خطوطیله کوزه خوش کورونور بر شکل وجوده کتیرر. فقط بر ترکیب و تمیز بجه مبدأ اوله جق بو مجتمعه، منفرداً نظر مطالعه ایتدینی تقدیرده دخی بر معنای خاصی و بر انتظام مخصوصی حائر بر شکل اولورسه، اوترکیک هیئت عمومی سی بوس بوتون باشقه بر اهمیت و قیمت اکتساب ایدر. بو ابتدائی صورت، اونی وحدت عمومی سی ایچنده احاطه ایدن دها معقد بر صورتک قسم متممی اولور. بو عنصرلرک یان یانه وضعی حالنده آره لرنده یکی یکی شکلر تولد ایدرکه اونلرده کندیلرینه مخصوص بر معنا، بر کوزلک ابراز ایلر. ترکیک اساسی اولان شکل ابتدائی یه بر عنصر، بر اساس زینت، (بر نفس) نامی ویریلیر. آتیا بر ترکیبه مختلف عنصرلر ادخال ایدیه بیله جکنی ده کوره جکنز.

آنحوق بالنسبه دها یوکسک بر درجه تالیف دیمک اولان بو نوع ترکیب قاعده لری بوراده پک محدود بر جای تطبیق بوله بیلیر. بناءً علیه شو خصوصه دأثر ویره بیله جکمز ایضاحاتی؛ منحنی ترسیاتی حقننده اجرا ایده جکمز تدقیقاتک صوکنه، یعنی بالذات صور عنصریه نک دها زیاده تنوع ایده بیله جکی و دها چوق و سائط و منابعله مجهز اوله جعی زمانه تعلیق ایده جکنز. مع مافیه، بو قیلدن غایت بسیط بعضی ترکیلر، چو جوقلره شمیدین ده یابدیریله بیلیر: ۲۱، ۲۲، ۲۳، ۲۴، ۲۵ نومرولی شکلرک درت کره متناظراً تکرارندن حاصل اوله جق ترکیات کبی. بو ترکیلر، تمیز بجات آتیه ایچون بر رهبر اولور؛ بر صورتده که چو جوقلرک، بر قاقج بسیط عنصر

تحصیل ایدر ایتمز، هان بونلری مزج و ترکیبه سعی و جهد ایتدکاری کوریلور. ایشته ۴۳، ۴۴ نومرولی شکلر، بو طرز اوزره جمع و تنظیم ایدلش برر ترکیب نمونه سی در .

بو تعلیم سلسله سنک نهایته خطوط شاقولیه و افقیه آره سنده بر عنصر تنوع اولان، و بالنسبه صحت و درستی ایله ابراز و اشارتی دهها مشکل بولنان نقطه لره طرزینی علاوه ایدیورز . ۴۵ نومرولی شکل ایله اونوی تعقیب ایدن اشکالده نقطه لردن نه صورتله استفاده ایدیه بیله جکی، و بونلرک اُک بسیط ترسیات خطیه بیله نه قدر ظرافت و لطافت اضافه ایتدیکی کوریه بیلیر .



اوچنجی سلسله

خط مائللر

بو تعلیم لره استعمال ایده جکمز خط مائللر؛ استقامت و طوللری، خط شاقولی و افقیلره تلاقی ایتدکاری نقطه لره محدود و معین اولان خط مائللردر. بونلردن ده، ابتداء، سطرنج واری تقسیمات مربعلرینک قطری استقامتنده اولان و طوللری بوقطر طولنک تماماً اضاعافه مساوی بولنان خط مائللر قوللانیله جق در. مرییه، اولاً، مربع تقسیماتلی دیواری تخته سی اوزرینه، صاغدن صوله طوغرو برخط مائل چیز، یعنی مربعلردن برینک قطرینی وصل ایدر. چیزدیکی خطی چو جوقلره طانیثیر و تعریف ایتدیرر: بو خط، استقامت مائلده برخط مستقیم در. استقامت مذکورینی؛ خطک صاغده صوله و بوقایمه آساغی طوغرر ایندیرک رسم ایدلدیکنی مشاهده ایتدرمک صورتیه، تعیین ایدر .

بویله بر چوق خط مائل دهها چیز؛ بوجهته طوغرو رسم ایدیه جک بالعموم خط مائللرک، برامر عهدی اولق اوزره، صوله خط مائللر تسمیه ایدیه جکنی سویله ر. بعده، بو وجه ایله رسم ایدیه جک برخط مائلک کوچوک مربعلردن برینک قطری اولدیغنی اظهار و اثبات ایتدیرر. عینی استقامتده و بوبرنجی خطک ایکی طولنده اولق اوزره دیگر برخط مائل دهها چیز؛

بوايكنجي خط مائلك ايكي كوچوك مربعك اورتەسندن كچەرك اونلرك قطرلرني تشكيل ايتديكني ، بناءً عليه اوكلرنده كي او كوچوك مربعلرك تماماً ايكي قطري طولنده بولنديغني (وياخود برقطرك ايكي مثلي اولديغني) مشاهده ايتديرر .

نهایت ، « ايشته بر واحد قطرلي ، (برقطر طولنده) ، ايكي واحد قطرلي ، اوچ واحد قطرلي بر خط مائل « دييهرك ، وبوجهايه تعين وتحديد ايتديكي هر خط مائلي چيزديكه اوكا تقابل ايدن تعبير مختصرني ده برلكده تكرار ايدەرك ، بصورت تسميه ي واضحاً تقرر ايتديرر .

شوتعريفات وعهديات لايقيه آكلانلقدن صكره ، مرييه ، املا طريقيه ، ۲۱ نومرولي لوحه ده ۱ ، ۲ ، ۳ رقملياه كوستربلن خط مائل سلسله لريني بوجه آتي چيزديرر .

« ائكلرنده كي طاش تختەك مصل بوقاري كوشەسنه ، نە تختە ده ياپديم كي ، صوله برواحد قطرلي برخط مائل چيزيكيز . آلك صاغ طرفنه وآلتنده كي مربعك اينجه ، صوله بر واحد قطرلي بر مائل دها رسم ايديكيز . كذاك صاغ طرفه ، ينه بر واحد قطرلي برخط مائل چيزيكيز ... الخ . (شكل ۱) .

بوراده ، بالناويه ، برصاغه برصوله خط مائل چيزدرمكه محل بوقدر ، چونكه خط مائل ؛ خط شاقولي وخط افقيدرده اوصورتله حركتي ايجاب ايدن شرائط تناظره صالح دكلدر . — ۲ واحدقطرلي (شكل ۲) ، ۳ واحدقطرلي خط مائل سلسله لريني ده رسم ايتديريكيز .

بعده ، برآز اوّل تمهيد ايتديكميز بياناته مائل برطاقم ايضاحات ايله ، بر ، ايكي ، اوچ واحد قطر طولنده صاغه برصيره خط مائللر چيزديررسكيز (صولدن صاغه ويوقايدن آشاغي طوغرو) . ابتدا : « كوچك مربعلردن برينك قطريني تشكيل ايتك اوزره ، صولدن صاغه طوغرو » تعبيرني استعمال ايدر ، و صكره : صاغه بر ، صاغه ايكي ... واحد قطرلي « تعبير مقتصرلريني قوللانيرسكيز .

متعاقباً ، تبادل طريقيه ، يعني برصوله برصاغه خط مائللر رسم ايتديرەرك ، ۳ نومرولي شكل ياپديريكيز . نهایت ، ۴ نومرولي شكلده كي خط مائللردن متشكل مربعي ده بوجه آني املا ايديكيز :

« صوله برواحد قطرلي برمائل رسم ايديكيز . اونك صاغه ، عيني خط افقي اوزردن

باشلاق اوزره ، دائما سوله طوغروینه ۲ واحد قطری بر مائل چیزیکز ... الخ .
 بوشکلی : مقطوع (قیرپیش) ۲ متقابل زاویه بر نقطه قویدرمق صورتیه آتام
 ایتدرملی . بعده ، حاصل اولان سورنک : ضلعلرندن هیچ بر اثر اولماقله برار ، بر مربع
 درخاطر ایتدردیکنی مشاهده ایتدرملی . صاغه مائل خطلرده عینی شکلی یاپدرلی .


۴ ، ۵ نومرولی شکلری ده عینی عمده لره تطبیقاً تحصیل ایتدرملی ؛ صووک
 ۶ نومرولی شکله منظرأ موضوع و مرتب اولان درت قسمی هان بری بری
 آردنجه انشا ایتدرملی .

بیانه حاجت یوق درکه مربیه بوتون بو ممارسه لرده ، اساساً اهلا طریقیه
 یاپدریلان رسم لرده جاری و مرعی اولان قاعده عمومیه یه توفیقاً ، تحصیل
 آرزو ایتدیکی خطلری برر برر ذکر ایتدجه ، اولری کندی ده مربع تقسیماتی
 دیوار تخته سنه عیناً چیزملی در .

تدریس اتده ، هر شیدن اول ، یبوسست و یکنسقی یی ازاله ایتک لازم
 اولدیغندن ، درس وقتک یالکز نصف اولتی بو چیزکیلره حصر ایتلی ؛
 نصف دیگرنده چوجوقلری صرف تشبث شخصیلریه حرکته ، و اولجه الفت
 پیدا ایتدکلری جهته آرتق بلا کلفه مزج و ترتینه مقتدر اوله جقلری خطوط
 شاقولیه وافقیه ایله بر طاقم ترکیبات وجوده کیرمکده مختار براقلی در .

چوجوقلر ، بو تمرینات ابتدایه سایه سنده ، اینجه چیزکیلی وارلر فجه مستقیم
 قطرلر رسم ایتمه آلاشدقندن صکره ، ۷ ، ۸ ، ۹ ، ۱۰ نومرولی شکلری ،
 و بونلره تحصیل ممکن اولان مناظر مجتمعه لری ؛ متعاقباً ، ۱۱ ، ۱۲ ، ۱۳ ، ۱۴ ،
 ۱۷ نومرولی شکلری ؛ نهایت ، منحصرأ بالاده تعریف و بیان اولنان شرائط
 دائر دسنده مرسوم خط مائللردن متشکل ، و اولجه لوحه ۲۰ ، شکل ۷ ، ۸ ،
 ۹ ، ۱۰ ده خط شاقولی و خط افقیلره اعمال ایتدکلری ترکیاته ده مطابق
 اولان ۱۵ ، ۱۶ نومرولی رومی چرچیوه کنارلرینی یاپدرملی .

بعده ، خط مائللره خطوط شاقولیه وافقیه دن مرکب و لوحه ۲۱ ،
 شکل ۱۸ ، ۱۹ ، ۲۰ ایله اولری تعقیب ایدن شکل لرده کی صورتلره مشابه
 صورتلر اعمال ایتدرملی .



كاملاً قابلايه جق صورته متنظرآ تكرر اردن حاصل اولور. لوحه ۲۲ ده كي شكلر بو طور ترتيبك برقچ مثالي تصوير واره ايدر .

بالذات اساس زينته ده ، عنصرده ، آز چوق بعضي زينته ايله اشكال ايدلمش اساس بر صورت هندسيه دن مؤلف اوله بيلير . بعضاً صورت هندسيه ؛ موازي چيز كيلرله مستور مربعي سطح بختنده سويله ديكمز كي مضمير اولور (۱ نجى سلسله ، ۲ نجى تعليم) . لوحه ۲۲ ، شكل ۵ ، ۶ ، ۱۱ ، ۱۳ ده اولديني كي كه بوشكلرده مربع ضلعرينك هيج بر قسمي بالفعل مرسوم اولمديني حالده ، كوز ؛ خطوط مجتمعه نك تمايل عموميسنه قابيله رق ، اشكال مؤلفه نك هيئت عموميه سني مربعي بر چوره ايله محاط كورور .

۲۱ نومرولى لوحه ده ۴۱ نومرودن ۶۶ نومرويه قدر اولان شكلر ، برايكي اساس صورت هندسيه دن اشتقاق ايتمش و آز چوق بعضي زينته ايله اشكال اولتمش بر عنصر ، آز چوق نوع ه اوغرامش بر اساس زينته نمونه لري در . مثلاً شكل ۵۰ ده چوره سي هر درلو زينته خارجه دن عاري اوله رق كوريان ۸ شعاعلى صورت كوكيه يي آله آلام . بو صورتك داخلنه مختلف وضع و ترتيبده رسم اولنه جق خط قطريلر ايلك عنصرى عادتا دكيشديرر ، واوكا شكل ۵۱ ، ۵۲ ، ۵۳ ، ۵۴ ده كورلديكي كي مختلف منظره لر اكتساب ايتديرر .

كذلك ، ۶۷ نومرولى شكلده مركزي ساده جه بر كوكيله محمول اولان محيط ، داخلنه ضم وعلاوه ايديله جيك برقچ خط ايله ، گرفته مه ايكي مربع منظره سي (شكل ۶۲) ، ياخود طولاشمه بر صورت (شكل ۶۳) اراهه ايدر ؛ وياخود ، شكل ۶۴ ده اولديني كي ، قسم مركزي سنده اولكي شكلردن برينك (شكل ۵۶) صورت ابتدائي سي مشاهده اولنور . عيني صورت اساسيه ؛ سكر ضاملى بر چوره ايله ده احاطه ايديله بيلير (شكل ۶۵ ، شكل ۶۶) . بوشكلرده صورت اساسيه ، هم داخل وهم خارجه مرسوم بر طاقم خطوط تاليه ايله نوبع ايدلمش در ؛ بو صورته تحصيل ايدلمش اولان ۶۶ نومرولى شكل ، تراشیده بر الماس پارچه سي تصوير ايدر . عيني ملاحظات ؛ مختلف شكلرك ، و مثلاً ۵۵ نومرولى شكل . نوبه ده تطبيق اوله بيلير .

چو جوقلر، پك آز بر زمان ظرفنده، بر صورت ابتدائي ني خطوط متقاطعه ايله،
 قطرلره، كوكلرله، و خطوط متشابهكه ايله (قفس شكلنده برى برى قطع ايتمش
 خطلره) تزين و تحسين ايتمكى؛ و بويوك چوره لرك ايچنه اونلردن ده اكو چوك
 صورتلر رسم و درج ايتمكى او كره نه بيليرلر. لوحه ۲۱ ده كي شكللر، بونوع تركيبات
 ايچون پك كوزل بر باشلانغج تشكيل ايدر. طلبه ني بويله بر مدت اغلاق و اشكاله
 سوق ايتدكدن صكره، ذوق سليمه موافق بر بساطت و سادكيه تشويق و اماله
 ايتلى در .

بر چوق حالده، صورت ابتدائي ني، اصل چوره ني امرو ايتمك، و
 تنوعاى چو جوقلره بولدرمق ده موافق در. حتى، على الاكثر، تناظر محورلر ني
 بيان و تعين ايتدكدن صكره، صورت ابتدائي چوره سنك يالكز بر قسمي، مثلا
 نصفى و يا خود ربعى امرو ايتلى؛ و شكلك اتماى، و هوس و آرزولر نه كوره
 تزين و تحسينى طلبه به بر اقلى در .

بو طرز اجرايه مثال اولمق اوزره، شكل ۵۵ ده كي عنصرك صورت امرو سنى
 بيان ايده لم :

« طاش تخته كرك اورته سنه (كوچوك طرف)، بر واحد قطر طولنده
 صوله بر خط مائل رسم ايديكز . » - چو جوقلر، چيز دكلرى خطك نهايت نقطه سنده
 طاش قلمى ثابت طوته قفلر . ايكنجى چيزكى؛ عكسى بر اخطار واقع اولمده، دائما
 صوك چيزكيك نهايت نقطه سندن باشلار، چونكه چوره پارچه لر ينك ممكن اولدني قدر،
 برى برينه متصل اوله رق تمامى ايتمى مطلوب در. بو خصوص حقنده چو جوقلره اولجه
 ائتلاف ايديلير، و بناء عليه، يكيدن هيچ بر اخطار و اشارته حاجت مس ايتمك سز ين،
 بروجه آنى املايه دوام اولنور :- « آشاغى طوغرو اينك اوزره، برواحد تقسيم طولنده
 بر خط شاقولى چيزيكز . صوله طوغرو برواحد تقسيملى بر خط افقى؛ صوله برواحد
 قطرلى بر خط مائل؛ صاغه برواحد قطرلى بر خط مائل؛ صاغه طوغرو برواحد
 تقسيملى بر خط افقى؛ آشاغى طوغرو برواحد تقسيملى بر خط شاقولى؛ صاغه برواحد
 قطرلى بر خط مائل رسم ايديكز . چوره ني، متناظراً، تماملايكز . - شكلك داخلنه،
 ذوقكزه كوره، برزيت علاوه ايديكز . »

مريبه بوشكلى املا ايتديكي صيره ده، كندى ده بر طرفدن تخته به چيزر؛
 مع مافيه، بعضاً، اذهان اطفالى مجرب بر تعريفى لايقيه ضبط و ادراك ايتمكه آشدرمق
 ايچون، املا ايتديكي چوره ني بالذات چيزمكن صرف نظر ايدر .

اساس زینت تحصیل و تحسین اولنجه، هیئت مجموعی (جمله، طاقم) تشکیلنه انتقال ایدیلیر .

استهداف ابتدیکمز حال خصوصییه کوره ، بوباده تطبیق اولنه بیله جک وضع تناظری قاعده لری بوجه آتی بیان اولنور .

ویریه جک بر عنصرله درت مختلف صورتده بر هیئت مجموعی تشکیل ایدیه بیلیر :
 ۱ — یان یانه قونه جق عنصرلر، بر ویا بر قاچ مشترک نقطهده بری برلرینه تماس ایدرلر. ایشه لوحه ۲۱ شکل ۷۰ ده کی کوکی صورت عنصرلرک ؛ لوحه ۲۲ ، شکل ۱۱ ده کوریلن هیئت مجموعیده اخذ ایتمش اولدینی وضع و ترتیب بوقیلدن در. لوحه ۲۲ ، شکل ۱ ، ۵۰ ، ۱۰ ، ۱۲ ده مشاهده ایدیلن ترتیبات و وضعیات دخی عینی طرزده تحصیل اولنمش در.

۲ — عنصرلر ؛ چوره لرینک معین بر قسمیه یکدیگرینه تماس ایده رک، بری برلرینی تحدید ایدن مشترک خطله مالک اوله بیلیرلر. لوحه ۲۲ ، شکل ۷ هیئت مجموعیسنی ترکیب ایدن لوحه ۲۱ ، شکل ۴۴ ده کی منمن الاضلاع لر کی ؛ کذلک ، لوحه ۲۲ شکل ۱ ده بری برینه مشترک نقطه لرله تماس اوله جق صورتده موضوع لوحه ۲۱ ، شکل ۵۵ ده کی صورت متصالبه ، لوحه ۲۲ ، شکل ۲ ده بری برینه خطوط مشترک ایله تماس ایده جک صورتده وضع و ترتیب ایدلش در .

۳ — بر عنصر آرده آز چوق بر فاصله بر اقلق اوزره مناظر آ تکرار، وبالاخره، ایجاب ایدرسه، آرده کی فاصله لرده بر طاقم اشکال تالیه انشا وانه بیلیر. ایشه لوحه ۲۲ ، شکل ۴ ده کی وضع ؛ لوحه ۲۱ شکل ۵۲ ده کی ۸ شعاعی کوکبک بو طور اوزره جمع و ترتیبندن حاصل اولمش در .

۴ — عنصر اصلی ایله تکررات مناظره سی متقابلاً بری برلرینه تراخل ایده بیلیرلر، قسماً بری برلرینک اوزرینه کله بیلیرلر. بوجه ایله تحصیل ایدیه جک تألیفات و ترکیبات یک کوزل اولور ؛ فقط بو طرز ترتیب هم مشکل در، وهم ده آنجق یک معقد اولیان عنصرلره قابل انشادر. مثلاً لوحه ۲۲ ده کی ۱۴ نومرولی شکل ؛ لوحه ۲۱ شکل ۶۸ ده کی معینه مشابه آلتی معینک متقابلاً تراخلنره (بری برینه کیرمسندن) حاصل اولمش در. بومعینلردن اوچنک قطر کیری افقی، واوچنک

قطر کیری شاقولی در . شکل ۱۶ ده کی فاجته لی (تراشلی) برالماس صورتی ده بری برینه کیرمش، و آنجق صورت آخرله جمع و ترتیب ایدلمش سکزمعیندن متحصّل در. ایکی عنصر منعی نك صورت تداخلنی اراه ایدن ۲۴ نومرولی لوحه ده کی ۲ رقمی شکل ، بوطور ترکیك پك واضح برمثالی در . نهایت ، ۲۱ نومرولی لوحه ده کی ۲۹ رقمی شکله ده طولانی بر صیره سداسی الاضلاع لك تداخل متقابلندن منبعث بر ترکیب کبی نظر اولنه بیلیر .

عناصر مجتمعه، هیئت عمومیه لری اعتباریله، غایت مختلف برطاقم صورتلر اکتساب ایده بیلیرلر. صورت جمع و ترتیبه برجهت واستقامت تعیین ایتك ایچون، ابتدا طاش تحت اوزرینه ، وسطده تصالب ایتك اوزره ، بر خط شاقولی ایله برخط افقی رسم ایتدرملی در ؛ بوخاطر تناظر محورلری وظیفه سنی ایفا ایدر. بو محورلر لك اوزرینه و یا خود آره لرنده قالان فاصله لك ایجه، دائماً مرکزذن و تناظر محورلرنذن عینی بعدو مسافده اولمق اوزره ، عنصر منتخب اولان شکلك مرکزی اشارت ایدیلیر؛ ابتدا عنصر منتخب رسمك قسم علیاسنه ترسیم، و بعده اقتضای تناظره کوره اقسام سائرده مکرراً تحصیل اولنور .

علی الاکثر عنصر اصلی ؛ تناظر ك تام مرکزنده بولنور . بو حلاله اولاً شکل مرکزیدن باشلانیلیر ؛ بعده عینی شکل، اوآنده کی سانحاته توفیقاً انتخاب ایدیه لك شرائط وضعیه دائره سنده ، مرکز اطرافنده مکرراً انشا قیلیر . ایشته لوحه ۲۲ ده کی ۱، ۳، ۱۰، ۱۱ نومرولی شکلر کبی که بولنورده عنصر اصلی، مرکز تناظرده واقع در .

چو جو قلمر برمدت بو صورتله ممارسه دن صکره ، تقسیمات مرابعیه خطلری آره سنده محور ترکیب اوله رق انتخاب ایتدکلری خطوطی سهولته کورمه آلیشه جقلری ایچون ، بولنری باشقه جه رسم ایتکدن صرف نظر ایده بیلیرلر . عناصر اصلیه ، هر نه صورتله اولورسه اولسون ، جمع و تنظیم اولندقدن صکره، آره لرنده قالان فاصله لك ده بر صورت منتظمه اراه ایتدیکی قولایاقله فرق اولنور. مثلاً لوحه ۲۲، شکل ۷ ده کی ذو ثمانية الاضلاع لك یان یانه وضعندن برطاقم کوچوك مربعلره ذو کثیر الاضلاع مرکزی بر بوشلق ؛ ۱۰ نومرولی شکلك

متصالب معینلری آردسندده درت شعاعلی ییلدیزلر تولد و تشکل ایدر . شکل ۵ ده کی درت اصلی ییلدیز ؛ درت کوچوک مربع حاصل ایتدیکی کبی ، ینه مربع شکلنده مرکزی بر بوشلوقده وجوده کتیرر . لوحه ۲۱ ، شکل ۵۶ ده کی عنصرلرک ، لوحه ۲۲ شکل ۱ ده کورلیدیکی اوزره یان یانه وضعی ؛ آردده کی فاصلهده لوحه ۲۱ ، شکل ۶۷ ده کی عنصر چوره سنی احداث ایتمش در .

نهایت ، اکثر احوالدهده ، عنصرلر آردسندده قالان بوشلقلر بر صورت منقطعه اراؤه ایدر ؛ بوتقدیرده اوچوره متناظرأ تقیم ، وبعده بعضی تزینات ایله تحسین و تجمیل اولنور ؛ ایشه لوحه ۲۱ شکل ۵۸ ده کی شکل متصالبک عنصر اصلی کبی استعمالیله انشاقلنان لوحه ۲۲ شکل ۳ ده کی مجتمعه ، بو طرز اعمالک برمحصولی در .

رسمک هندسی چایسی بو صورتله قورلدقدن صکره ، چوجوق وجوده کتیردیکی ترکیبی تجمیل و تحسین ایتمک ایچون ، تالی برطاقم اساسی زینت لر انتخاب ایدرک ، اولنری یا عناصر اصلییه ضم ، و یا خود عناصر اصلییه آردسندده قالان فاصلهلرک ایچنه درج وارضا ایدر . ایشه لوحه ۲۲ شکل ۷ ده کی ذو ثمانیه الاضلاعلرک مرکزیه ۳ نومرولی شکل متصالبک مرکزنده کوریلن ییلدیزلر بو صورتله علاوه ایدلیدیکی کبی ، ۴ نومرولی شکله کړک مرکزده و کړک درت عنصر اصلی آردسندده رسم و وصل اولنوب شکلی اکمال ایدن خطلرله ، ۵ نومرولی شکلک مرکزنی اشغال ایدن سکز شعاعلی ییلدیز ، و ۷ نومرولی شکله بالذات عناصر اصلییه آردسندده قالان فاصله چوره سیله برلشه رک مرکزی کوچوک کلی تشکیل ایدن خطوط دخی وجه مبسوط اوزره درج و ادخال اولتمش در .

اجتماعات شکلیه صورتلری نامعدود بر درجهده تنوع ایتدیریله ییلیر ؛ مع مافیه بونلردن تحصیل و اعماللری قولای ، و تأثیراتی ده بالنسبه ده لطف اولانلری ترجیح و انتخاب ایتلی در . ۲۲ نومرولی لوحهده مثال اوله رق ذکر ایتدیکمز صورتلر بو اوصافی جامع در .

مربع صورتی : لوحه ۲۲ ، شکل ۱ ، ۴ ، ۸ ، ۹ ، ۱۰ ؛ عینی طرز ایله مستطیل صورتلری ده تشکیل ایدیله ییلیر : لوحه ۲۴ ، شکل ۳ ، ۴ ، ۵ ده اولدینی کبی .

قطراً (قطر سیاقنده) موضوع مربع صورتی : لوحه ۲۲ ، شکل ۲ ، ۳ ، ۶۰ ، ۶۱ ، ۱۲ ، ۱۳۰ .

دوئمانیه الاضلاع صورتی : لوحه ۲۱ ، شکل ۱۵ ، ۱۶ .

۱. وضع خطی ، یعنی خط مستقیم اوزره وضع و ترتیب که چرچیوه لر ، زارلر ، ستون طبله لر . . . کبی کنار واورته لرایچون مناسب و موافق بر صورت اولوب اوزون بر مستطیل ایچنه درج ایدیلر ؛ لوحه ۲۴ ، شکل ۱ ، ۲ ده کوریلن منجیلر کبی . مستطیل ، مثلث . . . صورتنده ثنائی الطرف بر طاقم ترتیبانه مثال اولقی اوزره ده ۲۴ نومرولی لوحه ده کی منجیلردن مؤلف ترکیبات و تمیزجاتی اراثة ایده بیلیرز ؛ بدیهی درکه بو وضعیات و ترتیبات ، منفرداً خطوط مستقیمه دن متشکل عنصرلرله ده تحصیل اولنه بیلیر .


نهایت ، شمدیه یه ر ایضاح ایتدیکمز قاعده لرك خارجنده اولقی اوزره ، لوحه ۲۲ . شکل ۸ ده کی درار تناظری ده مشاهده ایتدیره بیلیرز ؛ آنجق بو کبی ترکیباتک انشاسی بالنسبه دها مشکل اولدیغندن ، یالکمز بو مشاهده ایله اکتفا ایتک و بو بحث اوزرنده دها زیاده طور ماق موافق اولور .

چو جو قمر آنفاً بیان و ایضاح ایتدیکمز عمده لر ی ، بزجه بالتجربه ثابت اولدینی اوزره ، پک قولای ادراک و تطبیق ایده بیلیرلر .

بدیهی درکه بو قواعدی براییکی درس ظرفنده تدریسه قالقشماق ؛ و تبیین ایدم جک لزوم و احتیاجه کوره ، طلبیه کرک منفرداً و کرک مجتمعاً توجیه و خطاب ایدیله جک بعضی وصایا و نصایح شکلنده اولقی اوزره تدریجاً تعلیم ایتک ایجاب ایدر . مریسه ، آنجق ، چو جو قمر بر شی یاپارکن تردد ایتدیکی و یا خود بر سهوده بولندینی زمان مداخله ایتلی در :

« یاوروم ، مادام که صاعده کی عنصر (بالفرض بر ییلدیز اولسون) اورته ده کی عنصرک ، شوراده اوجه تماس ایدیور ، صولده کی عنصرده اوکامقابل اولان اوجه تماس ایتک لازم کلیر . — ایشته عنصرلر آره سنده بر فاصده ، بر بوسه بر که کوزه خوش کورنیور : شو بوشلنی طولدرمق ایچون بر شی بول ، باقیم . — صوک یاپدیغک ایکی رسم ، مربع صورتنده ایدی : آرتق دکیشدر ، ومثلاً بر ییلدیز یاب — شو عنصر تزیین چوق تکرر ایتش : تنوعه دها زیاده دقت ایتلی .

ایشته چو جو قمره بو کبی خطارات و وصایا ایله معاونت ایتلی ، اولنری تشویق ایتلی ، ارشاد ایتلی ؛ کاه تشجیع و کاه ضبط و اداره ایتلی در . بو صورتله طلبه ده ، مخیله لرینک حرکات فطریه سنه (اشراق آینسنه) هیچ بر خلل



کله مک شرطیه ، ذوق سلیم پیدا اوله جنی کبی ، عملیات و تطبیقات ایله محتاج اولدقلری بر قاق قاعده نظریه نی ده پک کوزل اوکره نیلیرلر .

بو نتیجه اوقدر سهولته حاصل اولورکه ، چوجوقلر چالیشیرکن ، عادتاً سوق طبعیلریله حرکت ایدیورلر ظن اولنور ؛ حرکات واقعه لرنده حس انتظام کوریلور ، حتی کندی کنیدلرینه یکی یکی بر طاقم شرائط انتظام کشف ایده ییلیرلر . طلبه آره سنده مشکلاتدن قورقغه متمایل اولانلری و ۲۲ نومرولی لوحیه باقوبده اثر فتور کوسرنلری تشجیع ایتک ایچون ، اونلره بولوحه ده مندرج بوتون شکلرک (۱۵ نومرولی شکل مستثنا اوله رق) مکتبه باشلا یلی هنوز بر قاق آی اولمش ائک کوچوک بر صنف طلبه سی طرفدن تألیف و ترکیب ایدلمش اولدیغنی سویله مک ، ظن ایدرزکه ، کافی کلیر ؛ بوشکللردن بر قسمی بزم طرفزدن دیریلن وامثالی زجه ۲۱ ، شکل ۵۰ ، ۵۵ ده کوریلن بسیط جورله ره مشابه بر عنصر اصلی اعانه سیله تشکیل ایدلدیکی کبی ، بر قسمی ده ابراعات سره میاننده طوغرودن طوغرویه چوجوقلر طرفندن اختراع اولمش در .

ایشته تألیف و ترکیب قاعده لرینی ، بردها تکراره حاجت مس ایتیه جک صورتده ، مفصلاً بیان و ایضاح ایتدک ؛ بو قاعده لر شمیدین تطبیق ایدیه یله جکی کبی ، آتیده کی سلسله لری تشکیل ایدن معنی لرك اداره واستعمالدهده چوجوقلره رهبرلک وظیفه سنی ایفا ایده ییلیر . شو ایضاحات ائناسنده ، بالطبع ، چوجوقلرک هنوز تقسیمات خطلرینک طولیه محدود خطوط شاقولیه واقفیدن ، و درجه میلیری ؛ هندسه ده خط شاقولی و خط افقی ایله تشکیل ایتدکلری ۴۵ درجه لک بر زاویه ایله (لم زاویه قائمه ایله) مباحه اولنان قطری خط مائللردن باشقه برشی بیلمدکلرینی نظر اعتباره آله رق ، آکا کوره سرد مطالعات ایتدک . طلبه بو خطوطک اداره واستعمالیه درجه کافیه ده الفت پیدا ایدنجه ، اونلره صورت آخرله مبین و محدود یکی بر خط مائلک صورت استعمالندنده بحث ایتک لازم کلیر .

دیوار تخمه سنه ارتفاعی ایکی واحد ، و عرضی بر واحد تقسیمه لی بر مستطیل رسم ایدیکز . (بو کوچوک مستطیل ، ایکی مربعی حاوی در .) بو مستطیلک

صاغره صوله طوغرر قطرینی چیزیکز . بوصودتله حاصل اولان خط مائل ؛ خط افقی و خط شاقولیره (کمیات وضعیه مستطیلیه) تصادف ایتدیکی نقطه لره معین و محدوددر . جهت افقیده برواحد تقسیمه (فاصله) ، واستقامت شاقولیده ایکی واحد تقسیمه (خط ترتیب) تطابق ایدر . بوخط مائله مناسب کورولورسه ، علی طریق الاختصار ، ۱ ده ۲ نسبتده بر مائل نامنی ویرهلم ؛ واونی بینمزده ۲ افاده کسریه سیله ارانه ایتمکی عهد و قبول ایدم . — عکسی جهته (صولدن صاغه) طوغروده بویه بر مائل رسم ایدیکز ، یعنی کوچوک مستطیلک دیگر قطرینی چیزیکز .

شمدی ده جهت افقیده ایکی راصر طولده (ایکی واحد تقسیمدن) ، و جهت شاقولیده برواحد طولدن مرکب بر کوچوک مستطیل تشکیل ایدیکز . بومستطیل اولکی مستطیله مشابه ، و آنجق بعد کیری استقامت افقیده اولق جهتیله ، اوندن وضعاً متخالف اولور . قطرینی رسم ایدیکز (صاغدن صوله طوغرو) . بوخط مائلک ده کرك بعدی و کرك میلی ؛ جهت شاقولیده برواحد تقسیم طولنده برخط اوزرینه جهت افقیده اشغال ایتدیکی ایکی واحد تقسیملی برخط ایله محدوددر . (ایکی واحد طول فصلیه مقابل برواحد طول خط ترتیب .) بوکاده ، مختصراً ، ۲ ده ۱ نسبتده بر مائل اطلاق ایدرک ، حین استعمالده ۲ افاده مقلوبه سیله ارانه ایتمکی قرارلاشدرمهلم . عکسی جهته (صاغه طوغرو) دیگر قطری ده رسم ایدیکز .

ایشته بزم استعمال ایدم جکمز خط مائلر شو ۴ وضعیتده اولان مائللره اولجه تحصیل ایتدیکمز ۲ مائلدن (۴۵ درجه لک) عبارتدر ؛ دیگر مائللری چیزمک دها مشکل اولدینی کبی ، اونلردن بزم وجوده کتیره جکمز ترکیبلا ایشون بر فائده جدیده ترتب ایدمزر .

چوجوقلره بومائللری ، واونلرک صورت تسمیه سنی اوکره تدکدن صکره ، بروجه آتی بر طاقم خطوط مائله سلسله لری چیزدرملی در :

۱ — وضعیتلری ؛ لوحه ۲۱ ، شکل ۲ ده کی مربع مائل قطربلرینک وضعیتده مائل اولق اوزره ، ۲ لی بر صیره صوله خط مائل (۱ ده ۲ نسبتده دییه تلفظ اولنه جق) .

۲ — صاغه طوغرو عینی سلسله .

۳ — لوحه ۲۱ شکل ۳ ده کی وضع و ترتیب دائره سنده ۱ مائلی بر

سلسله هابطه .

۴ — خط مائلك امتداده قابل اولديغنى، و آنجق بر جهته طوغرى دائماً ايكيشر واحد تقسيم طوانده امتداد ايتى لازم كله جكنى تفهيم ايتك اوزره، هر برى اولكنك ضعفى اشغال ايدە جك صورتده، هرايكى جهته، يعنى هم صاغه وهم صوله طوغرو بر ايكى خط مائل .

چوجوقلر، بوصوك مائلى تحصيل ايدنجه، يكي بر عنصره مالك اولمش اولورلر. اولنره درحال بو ايكى استقامتى بر نقطه دن متشعب بر اشعاع صورتنده اجمال وارانە ايدن لوحه ۲۱ ده كى ۶۷ نومرولى شكلى، وبعده، قطر كيىرى شاقولى اولان ۶۸ نومرولى معينى انشا ايتدرملى ؛ صكره ، جهت افقيه دهده ينه بو معينه مشابه ديكر بر معين رسم ايتدرملى .

نهایت، چوجوقلره، ۱ و ۲ لى مائلرله قصر ايدلمه سى مناسب اوله جق بر طاقم تمرينلرده ياپدردقن صكره، اولنرى لوحه ۲۱ شكل ۲۹ ده ولوحه ۲۲ شكل ۱۲، ۱۳، ۱۴، ۱۵ ده كوريلن شكللر كى منحصرأ بو خط مائلردن ؛ وياخود بو خط مائلك، لوحه ۲۱ ده كى ۷۰، ۷۱، ۷۲، ۷۳، ۷۴، ۷۵، ۷۶، ۷۷، ۷۸، ۷۹ نومرولى شكللره قياسأ، ديكر خط مائلرله وخطوط مستقيمه و شاقوليه ايله تركب واجتماعدن مشتق بر طاقم تزئين عنصرلرى تشكيل ايتكه، و بو عنصرلرى، قاعده عاديه دائره سنده، متناظرأ جمع و ترتيب ايله مكه آلدردملى، و بر مدت صكره ده، بو خط مائلرله طوغرو دن طوغرويه يكي يكي بر طاقم صورتلر ابداع ايتكه تشويق ايتلى در .



الکنجی قسم

منحیلر

منحنی ، کرک طبعته و کرک فن رسمده لطافت و حیاتک صورتی در .
 خط مستقیم بر دره ، یکنسق دره ؛ برخط مستقیمده استقامت و طولدن باشقه
 تعریف و تعیین ایدیهلک برشی یوق در ؛ بونک ایچونده ایکی نقطه معلومه
 کفایت ایدر . منحیلر ایسه بی نهایت تنوعاته قابل در ؛ منحیلرک صور و اشکالی
 تعیین و تعریف ایچون هندسه ده ؛ طاقم مرکب قانونلر و دستورلر واردر .
 بناء علیه منحیلرک تعریف و ابرازی دهها مشکل در . — خط مستقیم ، غیر
 محدود بر صورتده و دائماعینی استقامتده ، امتداد ایدر ؛ حال بوکه قورشون قلمله
 برمنحنی رسم ایندیککیز زمان ، قلمک استقامت حرکتنده متمادی و تدریجی
 برتحول وقوعه کلدیکنی حس ایدر سکنر . بو تحول استقامت ، قطع اولنان هر هانکی
 بر طول کوره ، نه قدر چوق اولورسه ، انخاده بالطبع او قدر بارز اولور . درجه
 انحنای سهولته تقدیر ایچون بر طریق واردر که بوده ؛ کوز اوکنده و یاخود
 کاشانه عینده مشعره وظیفه سنی ایفا ایدیهلک بر طاقم خطوط ، مستقیمه موجود
 و مضبوط اوله رق ، منحیلرک حین حرکتنده تعقیب ایدیهلک استقامت متحو له نک
 او خطوط مستقیمه ایله مقایسه سی در . مع مافیه محتاج تعیین اولان یالکز
 هیئت عمومیه دن عبارت دکل در ؛ امتدادک حدیثی ، واستعمال اولنان منحینک
 و یاخود قطاع منحینک (قوس منحینک) طولانی ده تعیین و تحدید ایتک
 لازم در ؛ بوده ، خط مستقیمده اولدینی کبی ، ایکی نقطه ایله ایما و اشارت ایدیهلر .
 اک بسیط منحنی راره در . بناء علیه تدقیقات و تبعات آتیته ده یالکز تام
 دائره لره اقسام دائره استعمال ایدیهلک در . مع مافیه امتداد نه قدر زیاده اولور ،
 ونقاط مشعره ایله مقایسه خط مستقیملرینک ارمه سی نه قدر آچیق بوانورسه ،
 منحنی چیزمک (ال ایله رسم ایتک) بالطبع او قدر مشکل اولور . ایشته
 بوندن طولانی ده انکشافی آز اولان (طولی پک زیاده اولیان) قوس دائره لره
 حصر کلام ایدیهلکیز . اولار ربع راره دن باشلایه جغز ؛ صکره ، ربع دائرنک

اولدجه بری برینه یقین نقاط مشعره کوره تمديد و تکرار یله حاصل اوله جق نصف دائره (۱)، ۳ ربع دائره (۲)، ونهات تام دائره کجه جکز . منحنيك اولدجه مطلوبه موافق بر صورتده شكلنى تعيين وبعد وامتدادىنى تحديد ايتك ايچون ، رسم ايده جكمز قوس دائره وترىنى خط مشعر مقامنده استعمال ايده جکز : وترك بالذات مربع تقسيما ت خطرينك فصل مشترك ليله محدود اولان نهات نقطه لرى ، رسم ايديله جك منحنيك حد انتها سنى تعيين ايدر . بدايه ، وتر لرى اولابر ، و صكره ايكي راصد تقسيم طولنده كى خط شاقولى و خط افقى اولان قوس لرى ، ده ا صكره ، وتر لرى بر وايكى قطر لى خط مائلر اولان قوس لرى ، ونهات ، بالاده ۱ و ۲ افاده عدديه ليله افاده ايتديكمز مائلره تطابق ايدن قوس لرى قوللانه ججز .

ملفه ر بختنده تماس ه تقاطع ه والنصاره دائر ا كتساب ايديان مفهوم لر منحنى تكوير اتنه (چيز كيلر نه) ده تطبيق اوله جق در . بناء عايله آتیده كى سلسله يه ملفه تعليمندن صكره باشلامق موافق اولور . چوجوقلرك مساعيسنى اداره وتنظيم ايتك ايچون ايرادى لازم كله جك معلومات نظريه ، ايجاب ايتدجكه ، بر بر سرد و اتيان ايديله جك در .

برنجى سلسله

وترى كوچوك مهربك ضلع لرى اولان قوسلر

چوجوقلره دائره نك صورتى ، دائره نك ايكي قسمه ، درت قسمه انقسام ايتديكى در خاطر ايتدر مى . تقسيما تلى ديوار تخته سنه بر واحد تقسيم لى بر شاقول رسم ايتلى : او خطك صاغنه ، كوز قرايله بر ربع دائره انحنا منده اولمق ، ورسم اولنان خط مستقيمك ايكي نهات نقطه سنى برى برينه ربط ايتك اوزره بر قوس دائره چيز مى (لوحه ۲۳ ، شكل ۱) . بر قوس دائره نديمك اولديغى در خاطر ايتدر مى (حلقه لر ، اوچنجى تعليم) . بر روطه آلمى ، وايكى نهايته بر سيجيم كچيره رك ، بر قوس


صورتی اکتساب ایدہ جک وجہ ایلہ ایکملی . صکرہ ، لاطہ نک کسب ایتدیکی صورتی دیوار تختہ سنہ رسم ایتدیکنز شکل ایلہ مقایسہ ایتدرملی . چوجوقلر بو وجه ایلہ « برقوس دائرہ نک ایکی نہایت نقطہ سنی یکدیگرینہ وصل ایدن خطہ وتر اطلاق اولندیغی ، دائماً ذہنلرنده قالہ جق صورتده اوکرہ نمش اولورلر .

طاش تختہ نک بویوک طرفہ بر واحد تقسیملی بر شاقول رسم ایتدرملی . اونک صاغنه دیوار تختہ سنده کوریلن قوس دائرہ یه مشابہ برقوس چیزدرملی . — بر آزارتہ یه ینہ بر واحد تقسیملی بر شاقول ، و صکرہ و شاقول و تری اولق اوزرہ عکسی جہتہ متوجہ ، یعنی صولہ برقوس دائرہ رسم ایتدرملی (شکل ۲) . بو قوسی ، و تری آری آری تعیین و اشارت ایتدرملی .

اولا : بر واحد تقسیملی بر خط افقی ، و صکرہ اونک آننہ ، بو خط افقی و تری تشکیل ایتک اوزرہ ، برقوس دائرہ چیزملی و چیزدرملی (شکل ۳) . ثانیاً : قوس اوستده اولق اوزرہ عینی تکویری (چیزکی) یا پدرملی (شکل ۴) . چیزیلن منخیزلری ، بر تفتیش سریع ایلہ ، تدقیق ایتلی . بونلر ، بالطبع ، یک درست اولاماز ... فقط صورت رسم و تکویرده فوق العاده بر درستی طلب و التزام ایتک هنوز ناممکن در : شمدیلک آرانیاہ جق جہت ؛ چوجوقلرک رسمی مطلوب اولان شیئی آکلاملرندن عبارت در .

ضلعی ۱ واحد تقسیم طولنده بر کوچوک مربع رسم ایتدیریکنز ؛ صکرہ ، دائرہ نک ۴ قوسنی امر ایماکنز (شکل ۵) . بو قوسلری بالذات سزده دیوار تختہ سی اوزرینہ کال درستی ایلہ چیزمکہ چایشیکز ، بر صورتده کہ ہیئت مجموعہ سی کوزی خشنود ایدہ جک بر دائرہ تصویر ایتسین . بو وجه ایلہ « مربعک اطرافنده ، تشکل ایدن دائرہ یی مشاهدہ ایتدیریکنز ، بو مشاهدہ دن شو صورتلہ رسم اولنان قوسلرک ربع دائرہ لر اولدینی نتیجہ سنی استنتاج ایتدیریکنز . منحنی رسمندہ مبدأ حرکتکنز بو قوسلر اولہ جغنی ؛ بعدما ، مختصرآ ، بر قوس دیدیککنز زمان ربع دائرہ یی آکلامق ایجاب ایدہ جکنی تفہیم ایدیکنز .

ینہ اولکی مربعہ مشابہ بر مربع چیزدیریکنز ، و بودفعہ ده ۵ نومرولی شکلی عکسی جہتہ متوجہ قوسلرلہ تحصیل ایتدیریکنز .



قوسك وتری اولان خط مستقیمك ؛ او مستقیمك ایکی نهایت نقطه سی
آرده سنه بر قوس رسم ایتك ، وقوسك ، حین ترسیمنده کسب ایده جکی
انحداب طولایسیله ، وتریله آده سنده قالدجق مسافه یه نظراً ، درجه انحداب
حکم ایتك ایچون ، کوزمزه نه صورتله رهبرك ابتدکی ایضاح ایدیکز .
بو ایضاحاتی جمل بر صورتده وبسیط وساده بر مصاحبه شکلنده بسط وتمهید
ایتدکن صکره ، دائماً یاپه جفگنر کبی ، ینه قلم آله اوله رق ، و دیوار تخته سنه
طوغرودن طوغرویه شکل ۱ ده کی قوسی تکرار چیزه رك ، رسم ایدیله جك
قوسك ابتدا وتری ترسیمه لزوم اولمدیغی ، زیرا طاش تخته اوزرنده کی تقسیمات
چیزکیلرینك کوزی سوق واداره کافی بولدیغی سویله رسکز . شکل ۷ ،
۸ ، ۹ ، ۱۰ ده اراه ایدیلن دوت وضعیتده برصیره منحیلر چیزدیررسکز .
وبو آندن اعتباراً ، چیزکیلرک تمیز وبردرجیه قدرمنتظام اولسنه دقت ایدرسکز .
بعده ، نه قدر یاپه بیایرلر سه اوقد یله اکتفا ایتك اوزره ، مربع اوزرینه
مرسوم دائره یی (شکل ۱۱) ، متعاقباً شکل ۱۲ یی ؛ وتر مشترکری برواحد تقسیم
طولنده بر شاقول اولان مخالف جهتلره متوجه ایکی قوس دائره یی (شکل ۱۳) ؛
ونهایت ، وتر افقی یه کوره ده عینی شکلی (شکل ۱۴) تحصیل ایتدیررسکز .
دها صکره ، حاقه لرله قوسلرک التصاقه دائر اوله اوکره تمش اولدیغنر
مفهوملری در خاطر ایتدیره رك ، و بر آزا اول یامش اوله جقلری حلقه تعلیملرینك برنده
قوسلری بری برینه التصاقه ایله بر دائره تشکیل ایتمش اولدقلرینده ملاحظه یه
دعوت ایده رك ، ایکی ربع قوسی بری برینه الصاق ایتدرمك صورتیله ، اولاشكل
۱۵ ، ۱۶ ده کوریلن ایکی وضعیتده ، وبعده لوحه ده تصویر ایدیلن اونلره
معکوس دیکر ایکی وضعیتده بر نصف دائره تشکیل ایتدیررسکز . بوندن ، عکسی
جهته متوجه ایکی قوسك چنكللی بر سر صورتنده کی التصاقه کچرسکز (شکل ۱۷) ،
(۱۸) . صکره ، شکل ۱۹ ده اولدیغی کبی ، بری برینه ملتصق اولماق له برابر ، نهایت
نقطه لر یه یکدیگرینه تماس ایدن ایکی قوس آده سنده کی اتصالی مشاهده ایتدیررسکز .
نهایت ، حلقه لر بحثنده ایکی منحنیک یالکز بر نقطه ده بری برینه تماس ایده جکنه
دائر ویرمش اوله جفگنر معلوماتی خاطرلره کتیره رك ، ۲۰ نومرولی شکلی
یابدیررسکز ؛ ایجاب ایدر سه ، مثاللری تزیید و تکثیر ایدرسکز .

بوتون بوايضاحاتی، آرزوق تطویل ایدیه جک بر طاقم تعلیم لرله، تدریجاً تفهیم ایتمک لازم در. خط مائلار بحثده سرد ایتدیکمز بر مطالعه یی بوراده تکرار اخطار ایدلم: چو جو قله بالاخره ترکیبات مختلفه ایدیه جک بری بر شکل و صورته تمامیله صاحب اولمق ایچون، اولره ایراد و تلقینی ایجاب ایدیه جک بر درجه یه قدر مجرد و یابس بر طاقم بیاناتی، کوچوک کوچوک پارچه لرله آیره رق، درسک ابتداسنده و بر قاچ دقیقه ظرفنده تبلیغ ایتلی در، یوقسه طلبیه اوصانچ ویرر. رسم درسنه مخصوص اولان زمانک بقیه سنی، اولجه امر ابرطه و یاخود ایدلمه مش بر طاقم عنصر لرله براعات مرده بولمق اوزره چو جو قله بر اقمق ایجاب ایدرکه، او ایضاحات مجرددن صکره بوتمریناتی کمال شوق و هوسله و هیچ بر یورغونلق طویمه دن ایفا ایدر لر.

چو جو قله، بوتبعات ابتدائیه سایه سنده، اولر قبه منتظم بر منحنی رسم ایدیه جک حاله کلنجه، وتری بر واحد تقسیملی خط شاقولی و یاخط افقی اولمق اوزره اُک اول رسم ایتدکری قوسلردن متشکل و بناء علیه اولرجه دهها معنیرار اولان لوحه ۲۱، ۲۲، ۲۳، ۲۴، ۲۵، ۲۶، ده کی هیئات شکلیه یی املا ایتلی؛ و طلبیه یی بعدما وجوده کتیره جک بری ترکیاتده، بو شکل لری ده، خطوط مستقیمه دن متشکل عنصر لرله برابر، برر عنصر کی استعمال ایتمکه سوق و تشویق ایله ملی در. ۲۷ نومرولی شکل ایله اونی تعقیب ایدن شکل لری رسم و تحصیل ایتدیررکن، حلقه لر بحثک ۴ نجی تعلیمنده نقطه تقاطع لرله دایر ویرمش اولدیکمز معلوماتی: ایکی قوس دایره نک یکدیگرینی آنجق ایکی نقطه ده قطع ایدیه بیله جکینی در خاطر ایتدر ملی در.

بوندن صکره، چو جو قله منحنیلردن متشکل بر چوق رسم، و باخصوص حلقه لرله تحصیل ایداش اولان رسملرک بر چوغی املا ایدیه بیله جکی کبی، اورسملرک، اولاد دیوار تخته سنه رسم اوله جق تراسه سنه (کرنامه سنه، اشارت چیز کیلرینه) کوره قوییه لری (صورتلری) ده یاپدیر یله بیلیر؛ حلقه رسملردن بعضیسنده، کرک هیئت و کرک وضعیتلری اعتبار یله، خفیفجه بعضی تعدیلات اجرا ایتلی در.

برآز آشایده تعیین و اشارت ایتدی کمز رسملر میاننده بر طاقم ترین
عنصرلرینه تصادف ایده جکسکز که طلبه بونلری یالکز اوله رق، و یا خود خطوط
مستقیمه دن متشکل عنصرلره قاریش دیره رق، وجوده کتیره جکلری ترکیاته
ادخال ایده بیلیرلر؛ بونلردن بر قسمی ده اشیای طبیعی یی مصورد در که بو نوع
رسملر چو جو قارک دایماً خوشنه کیدر. چرچیوه کنارلری ترکیاته مخصوص
اوله رق یالکز درت مثال کوستریورز، لوحه ۲۳، شکل ۳۱، ۳۲، ۳۳،
و ۳۴؛ بو عدادده اولمق اوزره مقدا حلقه لرله تحصیل ایدلش اولان برچوق
ترکیبی ده توصیه ایده بیلیرلر؛ طلبه بر کره شوطریقه سوق ایدلدکن صکره،
کندی کندیلرینه ده متنوع ترکیلر ابداع ایتمه تشویق اولملی در.

مقدا حلقه لرله تحصیل ایدلش اولوب، آنفاً بیان ائنان شرائط دائره سنده،
ترک طبق طبقه، و کرک خفیف بر صورتده تعدیل ایدیلره رک، منحیلرله ده استحصال
ایدیلره بیله جک بعضی رسملر:

حلقه لر: لوحه ۱۲، شکل ۷، ۸، ۹، ۱۰، ۱۵، ۲۷، ۲۸؛
لوحه ۱۳، شکل ۴۷؛ شکل ۵۱، قطراً موضوع اولمق اوزره؛
شکل ۸۱؛ شکل ۸۳، قطراً موضوع اوله رق؛
لوحه ۱۴، شکل ۹۰، قطراً موضوع اولدیفته کوره؛
شکل ۹۵، کاشنده یالکز ۲ وریق کاش اولمق اوزره؛
شکل ۹۹؛ شکل ۱۰۱، یابراغی تعدیل ایدیلره رک.

ایکنجی سلسله

وتری قطرلر اولان قوسلر

بو سلسله ده چو جو قارده؛ وتری کوچوک مربعلرک بر قطری اولان قوس دائره لرک
صورت رسمی اوگره تیله جک درکه، بو حال منحیلره یکی بروضعت بخش ایدر.
طلبه یه، اولجه عهد و قبول ایدیلن افاده یه توفیقاً، صوله بر قطری بر مائل رسم
ایتدیریکز؛ بو، وتر اوله جق. صکره، بو وتره کوره قوسی رسم ایدیکز، و ایتدیریکز.
عینی وجه ایله، شکل ۳۵ [لوحه ۲۳] ده مجتمعا ارا نه ایدیلن دیکرا وچ وضعیتی ده
تحصیل ایتدیریکز. — درت قطرله شکل ۳۶ ده کی مربع کی بر مربع تشکیل

ایدیکز؛ صکره، اومرایی احاطه ایدن دائره یی چیزیکز، و چیزدیریکز. عینی وجه اوزره، شکل ۳۷ یی، قوسلرک انحداجی مربعک داخلنه توجیه ایتسندن حاصل اولان شکلی ده رسم ایتدیریکز .

بعده ، بویه بر قوس رسم ایتک ایچون ابتدا قطری چیزمک ضروری اولدیغنی، تقسیمات مربعیه اوزرنده کی بر مربعک بر زاویه سندن مقابل زاویه سنه منتظماً بر منحنی یوروتمک کافی اوله جغنی مشاهده ایتدیریکز . چو جوقلر ، ۳۸ - ۲۹ ، ۴۰ - ۴۱ نومرولی شکللره اراثة ایدیلن منحنی چیزکیلری تحصیل ایدرک ، بو خصوصده ممارسه پیدا ایتسینلر . - ایکی ربع دائره قوسی بری برینه الصاق ایدرک ، شکل ۴۲ و ۴۳ ده کی درت وضعیته نصف دائره یی ؛ و درت ربع دائره یی التصاق ایتدیرک تام دائره یی (شکل ۴۴) تشکیل ایتسینلر . صوک شکله دائره نک مربع تقسیمات خطلرینه نسبتله اشغال ایتدیکی وضعیت ، بعدما بیلمسی الزم اولان بعضی مفهوملری تعایم ایچون پک کوزل بر فرصت تشکیل ایدر . دائره داخلنده تقاطع ایدن خط شاقولی و خط افقیک یکدیگرینه تصادف ایتدکلری یره بر نقطه رسم و اشارت ایتدیریکز: بوی، دائره نک مرکزی در . دائره یی قطع ایدن ایکی واحد تقسیملی خط شاقولی یی چیزدیریکز (شکل ۴۵) : بوشاقول مرکزدن کچر .

«دائره یی ، مرکزدن کچرک قطع ایدن خطه دائره نک قطری تسمیه اولنور .»
بعده ، ایکی واحد تقسیملی خط افقی یی رسم ایتدیریکز (شکل ۴۶) :
وضع دیکرده اولان بو خطک ده تعریف سابقه متوافق بولندیغنی ، بونک ده دائره نک بر قطری اولدیغنی تقدیر و بیان ایتدیریکز . دائره یه تماس ایتک اوزره بر خط افقی چیزدیریکز (تماس ، شکل ۴۷) . بر خط مستقیمک ، بر دائره یی قطع ایتکسربه ، اودائره یه یالکز بر نقطه ده تماس ایده بیله جکنه دقت ایتدیریکز : بونک ایچون، تام دائره یی تمثیل ایدن بر تام معلقه دن استعانه ایدیکز؛ دائره نک مختلف نقطه لرینه متوالیاً تطبیق ایده جککز بر تخته چوبوق ده تماسی تصویر ایتسین .
بعده ، دائره یه تماس ایدر درت خط شاقولی و افقی یی (دائره نک مماسلریخی) ترسیم ایتدیریکز : بر مربع ایله محاط (بر مربع داخلنه مندرج) و ۵ نومرولی شکلک،

یعنی دائره ایچنده مربعك (بوشكلی ده یازی تخته سنه رسم ایدیكنز) عكسی شكل حاصل اولور .

بوده آكلاشیلنجه ، چوجوقلری سزه امتثالاً ، آلرئنده کی طاش تخته نك كرك بویوك و كرك كوچوك طرفه ، و تقسیمات مربعیه مربعلرندن برینك ایچنه بر دائره رسم ایتملرینی اخطار ایدیكنز (شكل ۵۰) . نهایت ، شكل ۴۹ ده کی درت مربعه منقسم بر مربعه درج اولنمش دائره بی ده رسم ایتدیرهرك ، مربعك ایکی خط متوسطی دائره نك قطرلرینی تشکیل ایتدیكنی مشاهده ایتدیریکز .

هندسه یه دائر بوقدر معلومات آرتق کافی در . بناءً علیه بر قاچ درسی بومعلومات ابتدائیه نك ایچنه آكلاشلمسنه حصر ایدرهرك ، صكره شكل ۵۱ ، ۵۲ ده کی «متقابل» (بر وتر مشتركه مالك) قوسلری ؛ متعاقباً شكل ۵۳ ده کی ملئصق قوسلری ؛ نهایت ، ۲۱ ، ۲۲ ، ۲۳ نومرولی شكلارك باشقه وضعده برر صورتی دیمك اولان ۵۴ ، ۵۵ ، ۵۶ نومرولی شكللری رسم و تحصیل ایتدیررسكز . بعده ، درحال ، بویکی عنصرلری ، اولجه تحصیل اولنمش بعضی ترکیبات متناظره یه مزج و ادخال ایتدرمك صورتیه ، بر طاقم ممارسه لر یاپدیررسكز . - ۵۷ نومرولی شكل ؛ بویكجی سلسله ایله اولکی سلسله ده تعریف و تعیین اولنان اوضاع مختلفه دائره سنده مزج و ترکیب ایدلمش بر طاقم قوسلری ارائه ایدر .

اوچنجی سلسله

انكشافی ده ا زیاده اولان قوسلر

بواوچنجی سلسله ایله استهداف ایتدیكمز مقصد ، طلبه یی رسم ایتدكلری منجیلره بر آ ز ده ا انكشاف ویرمه آلشدرمق در .

بناءً علیه اولنره ، وترلری ایکی واحد تقسیملی خط شاقولی و خط افقیلردن مرکب ربع دائره قوسلر رسم ایتدیره جكز .

ابتدا خط شاقولی یی چیزدیررسكز (شكل ۵۸) ؛ صوله ، او شاقولك وسطندن كچن خط افقی اوزرینه و واحد تقسیم خطنك اورتیه سنه (كوچوك مربع

ضلعنك ياربسنه) بر نقطه اشارت ايتدير رسكز. بونقطه، انحداب منحنينك واصل اولسي لازم كنن نقطه در. بوجه ايله تعيين اولنه جق نقطه مشعره؛ ترسيمى مطلوب ربع دائرنك كسب ايده چكى انحنايه مسا (حساس بر صورتده) تطابق ايدر (شكل ۵۹). — بعده، بدايه نه وتر ونده نقطه مشعره رسم ايتدر مكسزين، شكل ۶۰ ده كي قوسلرى چيزدير رسكز. استقامت افقيه ده عيني تكوير اتى ياپدير رسكز. متعاقباً، شكل ۶۱، ۶۲ ده كوريلن متقابل قوسلرى، و بونرك فى الحال بر اثر تطبيقى ارئه ايدن ۶۳، ۶۴ نومرولى عنصرلى تحصيل ايتدير رسكز. چوجوقلر، بوآدن اعتباراً، شكل ۸۳، ۸۴، ۸۵ ده كي اساس زينترلر مشابه بر طاقم زينترلر ده اعمال ايده بيليرلر.

بوندن اولكى سلسله لرله ذاتاً بر درجه يه قدر تهيه ايدلمش اولان بوايضاحات و ترسيات، كال سرعته وهيج بر مشكله تصادف ايدلمه دن تفهيم واجرا ايتدير يله بيلير. بناء عليه، بر زمان صكره، و ترلرلى ايكي قطرلى مائللر اولان قوسلرله كچيلر (شكل ۶۵، ۶۶)، ودها صكره ده ايكنجى سلسله ده كي تمرينلردن بعضيدى (شكل ۳۵، ۳۶، ۳۷ كى) بو قوسلرله ضمه افاده اولمى اوزره تكرار ايتدير بيلير. نهايت، شكل ۶۷، ۶۸ ه قياساً و ترلرلى $\frac{1}{2}$ و $\frac{1}{4}$ نسبتنده مائللر اولان (مط مائللر سلسله سنه باقكز) قوسلر؛ و بونرك بر چوق اساس زينت تركينه داخل اوله بيله جكنه مثال اولمق اوزره ده شكل ۸۷، ۸۸، ۸۹ كى بر طاقم تركيلر رسم و تحصيل ايتدير بيلير.

شكل ۶۹ ايله اونى تمقيب ايدن شكللر ده كرك بالاده تعريف اولنان شرائطى حائر منحنيلردن و كرك بومنحنيلرك خطوط مستقيمه ايله مزج و تركيبندن حصوله كله بيله جك زينتلر ايجون برقاج نمونه ارئه ايتدك؛ مرييه ۲۴ نومرولى لوحه ده مندرج تركيبات مياننده ده بونلر مائللر تركيلر بوله بيلير. برده، بو قيلدن بي نهايه صورتده متنوع بر طاقم زينتلر تحصيل ايتك ايجون غايت قولاي بر طرز واردر. منحنى ترسيمى تعليم ايجون قبول و تطبيق ايتديكمز طور دن مشتق اولان بو طرز؛ چوره سى مستقيم الاضلاع بر اساس زينته ده كي (بر عنصر ده كي) خط مستقيم لرك يرينه كاملاً و يا خود قسماً دائره قوسلرى اقامه ايتمكدن عبارت در.

— مثلاً لوحه ۲۱، شکل ۷۴ ده کی معینلردن متشکل کوکبه $\frac{1}{4}$ لی و $\frac{1}{2}$ لی خط مائللریرینه بوقیمتده قوسلر اقامه ایدیله جک اولورسه، لوحه ۲۴، شکل ۹ ده کی منحنی الخطوط عنصر حاصل اولور. مریبه، چوجوقلری بو طرزده آلدردمق ایچون، ابتدا لوحه ۲۳ ده مندرج عنصرلرله مائللرینی امو طریقيله چیزدملی، بعده اونلری کندی کندیلرینه ابداعاته سوق ایتلی در. بو عناصرک اراؤه ایده جکی صورتلری حس اولنه جق لزوم دائره سنده تحلیل ایتدرمک، و مثلاً ۷۵ نومرولی شکل چوره سنک درت یاریم دائره دن مرکب اولدیغنی، و ۸۱ نومرولی شکلک بری برنی قطع ایدن درت دائره یی حاوی بولندیغنی الخ تقدیر و بیان ایتدرمک ده لازم در.

منحیلرک صورت ترکینه متدائر اولان قاعده لر، خطوط مستقیمه ترکیاتی حقیقده سرد ایتدی کمز قاعده لرک عینی در. — یالکز ۲۴ نومرولی لوحه ده مثال اولمق اوزره کوسه تریلن شکلره دائر بعضی ملاحظات علاوه سیله بوبخه ختام ویریورز.

لوحه ۲۴ ده کی ۱ و ۲ نومرولی شکلر؛ لوحه ۲۳، شکل ۱۱ و شکل ۳۷ ده کی عنصرلردن متشکل، برجرچیوه کناری اراؤه ایدر. (بردائره ایله، جقیق زاویه لی بر شکل منحنی.) ۱ نومرولی شکله بو عنصرلر متبادلاً توالی ایتیش در؛ ۲ نومرولی شکله ده بری برینه متداخل در. کوشه لرده بالذات منحیلرک یکدیگرینه تصادفیه صورت پذیر اولان کوچو جک کلر، برقاچ منحنی ایله اکمال ایدیلویرمیش در: اساساً بر جوق حالده، خطرل آره سنده واقع اولان بوکی ناکهانی تصادفلر، اوتصادفلرک اشارت وایما ایتدیکی بر صورتی توسیع واستکماله سائق اولور. بوکنارلر ۲ شکلی: ۱۳ و ۱۴ نومرولی شکللری احاطه ایدرکه، اشکال مذکوره دن ده رآز صکره بحث ایدیله جک در.

۳، ۴، و ۵ نومرولی شکلر مستطیل هیئتده ثنائی الطرف برر شکل متناظر در. ۶ نومرولی شکل ده، ایکی مختلف عنصرک ترکیب وامتزاجندن متحصل ثنائی الطرف برتناظر در. بو عنصرلرک برنجیسی که، ترکیبک مبدأ حرکتی در، ایکی منحنی ایله مزین بر شکل متصالب در. شو عنصرک ایکی دانه سی یان یانه قونه جق اولورسه، اونلری آیران فاصله ده ایکنجی عنصری احاطه ایدن خارجی چوره نك نصفی مشاهده ایدیلیر. بوت ترکیبی وجوده کتیرن چوجوق برطاقم مستقیم و منحیلرله عارضه دار اولان بوخطی مشاهده ایدنجه، اونی تالی بر مرکز تناظر اطرافنده متناظراً و مکرراً تحصیل ایتمکی تصور ایتدی که بوده ایکنجی


عنصر ك مركزى تشكيل ايتدى . بوندن صكره او چوره نك ايچنه نصل برصورت درج ايده بيله جكنى تحرى به باشلادی؛ و وحدتجو برسوق طبيعى ايله بويوك شكل متصالبه مشابه وعينى وضعيتده برطاقم مستقيم ومنحنيلرى محتوى مركزى كوچوك شكل متصالبى اختيار وانتخاب ايدلى . بعده ، بوايكي عنصرى برى برينه ربطايدن خطلى وصل ايتدى . ايسته بوشلك طور انشاسنى ، قوه خياليه ي زور لامقصرين تاثيرى غايت خوش برطاقم تركيبلر نصل نحصيل اولنه بيله جكنى آكلاقم ايچون ، بالالتزام اوزون اوزادى به ايضاح ايتدك . ۷ و ۸ نومرولرله مرقم وكدنك ايكي عنصردن متشكل اولان شكللرده عيني عمده لره توفيقاً انشا ايدلش در : ۸ نومرولى شكل ، ۶ نومرولى تركيبى تشكيل ايدن ايكنجى عنصر ك مركزنده كي متصالب منحنى عينا استعاره ايدلك صورتيله وجوده كتيرلش اولدنى كبي ، ۷ نومرولى شكل ده ۲۳ نومرولى لوحه ده كي ۸۷ نومرولى شكل خفيف برصورتده تعديلدن راستقامت مائله ده اولقى اوزره استنساخندن مشتق در .

۹ ، ۱۰ ، ۱۱ نومرولى شكللر ، خطوط مستقيم دن مركب برعنصر نه صورتله تعديل اولنه رق منحنى برعنصر استحصال اولنه بيله جكنى اراشه ايدر . ۹ نومرولى شكل اساسى ، لوحه ۲۲ ، شكل ۱۰ ك انشاسنه خادام اولان عنصر در . شكل ۱۱ ، لوحه ۲۴ ؛ لوحه ۲۲ ، شكل ۸ ك ، بعضى خطوط مستقيم سى برينه خط منحنيلر اقامه ايديله وك ، تعديل اولنش برصورتى در .

لوحه ۲۲ ، شكل ۱۶ ده كي مراك ايچنه لوحه ۲۱ ، شكل ۵۹ ده كوردى ككز مزره شكل متصالبى قوييكنز ؛ غايت ظريف برطاقم تركيبانه مبدا حركت اوله بيله جك مستقيم الخطوط اساس برزيت حاصل اولور . بوزينده كي خط مستقيم لردن بعضيسنك برينه خط منحنيلر اقامه ايدلك صورتيله تعديلدن ، لوحه ۲۴ ده كي ۱۰ نومرولى شكل وجوده كلىش در . ظاهراً بك قاريشيق كوريلن ۱۲ نومرولى گرفت شكل ، ترسيمى قولاي برطاقم منحنيلردن متولد در . - ۱ و ۲ نومرولى چرچيوه كنارلرينك مركزى اشغال ايدن ۱۳ و ۱۴ نومرولى شكللر ، برچيچكله بر ياپراق دالى نمونه سى در .

چو جوقلره شواشاى طبيعىه تقايدى زينترلرله حلقه رسملرندن بونلره مشابه برقاج زينتى (بالخاصه لوحه ۱۳ ده كي ۸۱ ؛ و لوحه ۱۲ ده كي ۴۲ و ۴۳ نومرولى شكللى) بردرس . متقدمه تحصيل وتبع ايتدر دكدن صكره ، ايكي دالندن برينى تشكيل ايده جك منحنيات موجه نك ابعادى اموا بملك صورتيله ، وبوكي زينترك برتركيه نصل ادخال اولنه . بيله جكنى آكلاقم مقصديه ، لوحه ۲۴ ، شكل ۱۶ ي تأليف وترتيب ايتدر دك . بعده ، چو جوقلر انمودج اوله رق ويريلن بوتركيب ايله مختلف شكل و صورتده برچوق مجتمعه (هيئت مجموعه) وجوده كتيردiler .

مع مافيه لوحه ۲۴ ك يالكز بوشكلى ، طوغرودن طوغرويه چو جوقلر ك زاده تأليف دكل در . بونى درج ايتكدن مقصد مزده ، زمان زمان چو جوقلر ك هوس وآرزوسى يپ يكي بروادى به صالحه ميه ، واونلرى معلوم برقاج صورتك دائره محدوده سى داخلنده دونوب



طولا شمعقدن قورتاره جق برطاقم انموز جلك نصل تبيته وتدارك ايديله بيله جكنى ارانه ايتمك در .
ديكر كوشه ، (شكل ۱۵) ده ، ۹۰ نومرولى شكل مجاثل بر تركيبك يالكىز ربع يسار
علياسى در (اوست صول ربي در) .



تلوین و تزیین

(بویالی نقوش و تزیینات)

بو ایشده رسمک بر نوع دیکری در .
تلوینک بر طرزی ، مربع تقسیماتی کاغد اوزرینه رنگلی قورشون قلملرله
رسم یایمق در ؛ فقط بو طرز ، تطبیقاتی اعتباریله ، غایت محدوددر . بویا قلمیله
تلوینه دها زیاده تنوعه مساعد اولدینی کبی ، دها کوزل نتیجه لرده حصوله
کثیرر . بویا قلمیله تلوینک ایکی طریقی وارددر .

برنجیسی : اولجه یاپیش وایکیه قاتلی بر شفاف کاغذک آره سنه یرلشدیرلش
بر کسمه ایشی چوره سنی ، بویا ایله اوشفاف کاغده نقل واستفاد ایتلک در .
اگر کسمه ایشی رنگلی بر کاغدن معمول ایسه ، او ایشی بر شفاف کاغدی ایکیه
قاتلایه رق آره سنه صیقشدر مق کافی اولور ؛ اگر بیاض کاغددنسه ، ایجه
کوزه چارپمق ایچون ، آلتنه قویو رنگلی بر کاغد کچیریلیر .

بوترینیات اتخاذا ایدلکدن صکره ، چوجوق ، آئنده کی قلمی بویایه
باتیره رق ، کسمه نک چوره سی اوزرنده خفیفجه کزدرمک صورتیله ، او
چوره یی شفاف کاغده نقل ایدر . الوان ، آرزویه کوره ، تحویل ایدیه بیلیر ؛ آنجق
تناظره مراعاة شرطدر . چوجوق ، چوره یی بو صورتله استساخ ایتدکدن صکره ،
آرده کی فاصله لری کندی ذوقه کوره اتخاب ایده جکی بر طاقم تزیینات ظریفه
ایله طولدیرر . بوترینیات ؛ کاه کسمه ایشنک بوشقلرینه ، وکاه طولو (مصمت)
اولان اقسامنه تصادف ایدن یرلره ایشله نیلیر . الوانی تبدیل ایله ده اوضاع
متنوعه احداث اولنه بیلیر .

تلوینک ایکنجی طریقی ؛ طاش تخته ایله مربع تقسیماتی کاغد اوزرینه رسم
طرزینه توفیقاً ، فقط بودفعه قلم و بویا ایله ، بر آزاوّل صورت انشاسنی مفصلاً

ایضاح ایتدیگمز ترکیاته مائل ترکیلر وجوده کتیرمک در. بعضاً بو نوع رسمه ایکنه لرله ، یعنی اولجه یاپاش بر رسمک ایکنه له مه طرزیه برقالی آلهرق باشلانیلیر ؛ صکره ایکنه دایکلرینک آره سنه ، (بودفعه قوللانیله جق کاغد ترمیز اولمی در) شکلی تشکیل ایدن خطوط مستقیمه ومنحنیه رسم وتحصیل اولنور (ایکنه له مه ایشی ، صحیفه ۱۹۰) . بصورت ؛ برتنوع (برچشید) اولمق اوزره ، قبول ایدلمش در . فقط اکثریا چوجوقلر ، کرک مشقسر اولهرق ، وکرک اوکلرینه قونیسلان بر عنصره باقه رق ، یابه جقلری رسمی طوغرودن طوغروه مربع تقسیماتلی کاغد اوزرینه ترسیم ایدرلرکه ، بو ایکنجی صورت مطلوبه ده ا زیاده موافق در . ۲۱ و ۲۲ نومرولی لوحه لرده مندرج بالعموم عنصرلرله مائللری ، و ۲۳ ، ۲۴ نومرولی لوحه لرده ارئه ایدیلن ترکیاته مشابه بالجله ترکیات ، بویه بویا ایله تصویر و ابراز اولنه بیلیر ؛ اشکال مذکوره بو صورته غایت پارلاق وسوملی برمنظره عرض ایدر ، وچوجوقلرده بوندن فوق العاده ممنون ومحظوظ اولورلر . — شویانادن استتاج ایدیه جکی وجهله ، تاوین رنه هبب تعلیملرینه چوجوقلر رسیده برملکه کافیه احراز ایتدکن صکره ، ابتدار ایتمک لازم در .

ترتیبات عمومی

مربع تقسیماتلی کاغدلرعلی العاده توزیع اولنور ؛ قالبرلی جیقاریله جق کسمه ایشلری ده ، اولدجه شفاف ومربع شکلنده بر قاب کاغدینک آره سنه یرلشدیریلرک وبر ایکی بوکه ایله کنارلرندن طوتدیریلهرق آیریجه طاغیتیلیر .
قالی جیقاریله جق کسمه ایشلری ، باخصوص ایلك زمانلرده ، غایت بسیط اولمی در ؛ منتظمجه وبر آز اوزون منحنیلر ارئه ایدن کسمه ایشلرینی ترجیح ایتلی در .
مربعه ، کندی ایلله ، چوجوقلرک اوکنه ۶ کوزلی پورسلن (فغفوری) بویا چناققلری قویار . بر جناق ۲ ، ۳ چوجوغه کفایت ایده بیلیر . چاناقلرک کوزلری ، برآز آشاغیده تعریف ایده جکمز وجهله ، اولجه استحضار اولنه جق بویا لرله یاری یاریه طولدیریلیر . بویا ایچون قوللانیله جق قلملر ، معدندن وبر آزارزونجه اولمی ، یونتمی یاری ایتمه نوعدن بولملی در . چوجوق ، بررنکده اولان چیزکیلری کاملاً چیزه رک دیگر بررنکه باشلامق ایسته دیکی زمان ، قلمی اوستنه سوره رک سیلمک ایچون بر بز پارچه سی ، بر سیلکی ده لازم در .

بویالر، آزار آزار، پورسلندن معمول قایاقلی حقهلر ایچنده استحضار ایدلی در . هر بویایه وسطی بویوکلکده بر فیچه تخصیص ایتلی در . بویالره همان دایما بر آرتوتقال قارشدرمقی ایجاب ایدر، یوقسه غایت سیال اولورلر .

علی‌العاده ۶ رنگله : قیرمزلی ، ماوی ، مور ، یشیل ، صاری ، ترنجی ویا اسمر رنگله اکتفا اولنور . - قوالانیله جق بویالرزهرلی اولاملی در . بویالره مخصوص اولهرق استحضار ایدلش اولان زهرسمر بویا قرصلری ده قوالانیله بیلیر؛ واقعا بونلرک ویردکلی رنگلر او قدر بارلاق اولماز ، آنجق زهرلنک محذوری هر حالده برطرف ایتک لازم درکه بو اعتبارایله استعماللری مناسب در . بویله بر قرص صوده حل ایدیلرک ایچنه برآرده طوتقال قاتیلنجه ، پورسلن حقه نك قایاغنی دایما قاپالی طومتق شرطیله ، بویا چناقلرینی بر جوق مدت اداره یه کافی بر نوع مرکب حاصل اولور . هر بویا چناغنه دوکیله جک بویا ، بر هفته فاصله ایله تکرر ایده جک بر قاچ رسم درسنه کفایت ایده بیلیر ؛ بناءً علیه درس بیتدکن صکره چناقلر طولابک ایچنه یرلشدریلیرکن ، بری برینی تماماً قاپایه جق صورتده اوست اوسته قونیلیر ، اُك صوك چناغك اوستی ده بر جام ویا بر قایغان طاشی صفیحه سی ایله اورتولور . بوسورتله تجر خلیجه بطائت کسب ایدر ، وتعلیمه باشلامه دن اول بر آرتقویولاشمش اولان هرمانکی بر بویایه بر قاچ دامله صوعلاوه ایده رک ، صکره کندلی فیچه سیله ده بر آرتقارشدرمقی کنایت ایدر .

آئفاً تعریف ایتدیکن قرصلرکی صورت مخصوصه ده استحضار ایدلش بویا قرصلری تدارکنده بلکه مشکلاته تصادف اولنور ملاحظه سیله شورایه ، رسم آلات وادواتی ساتان هر دکانده ، عطارلرده بولنه بیله جک قطعاً ضررسمز بعضی بویالرک اسامیسی مبین برجدول درج ایتکی مناسب کوردک .

قیرمزیلر : آشی بویاسی .

قولقوتار .

وندیک قیرمزلیسی ، آتورس قیرمزلیسی .

مارس قیرمزلیسی .

لعل بویا ، قیرمزلی کوك بویاسی .

شفاف لعل (قارمن) .

مورلر : نباتی مورلر . — شفاف لعل ایله پروسیا ماویسی مخلوطی .

ماریلر : پروسیا ماویسی . شفاف ماوی ، چیوید بویاسی .

یشیلر : یشیل « وهرون » طوبرانی ، شفاف یشیل . وندیک یشیلی . سوسن

یشیلی . بوجدولده داخل اولان صاری بویالره پروسیا ماویسی بری برینه قاریشدیریلهرق حاصل اوله‌حق یشیللر .

صاریلر : صاری طوپراق بویاسی . مارس صاریسی . زعفران صاریسی . « غود » صاریسی .

ترنجیلر : مارس ترنجیلری . یوقاریده ذکر ایتدیکمز صاری وقیرمزیلردن وجوده کتیریله‌جک خلیطه‌لر .

اسمر بویالر : وان دیک اسمری . یانمش « سیه » طوپراغی . روسیا اسمری . سه‌پا (مرکب بالغندن مستخرج قهوه رنگی بویا) .

تعلیم

چوجوقلر بویا قلمنک صورت استعمالنه آلمشق ایچون ، ابتدا بوقلمله لوحه ۲۱ و ۲۲ ده‌کی ایلك خطوط شاقولیه افقیه ومانله‌نی تحصیل ایده‌جکلر : مع‌مافیة بومارسه‌لر اوزرنده پک چوق طورمیهرق ، مقدما طاش وقورشون قلملره وجوده کتیردکلری ترکیاته ، ومتعاقباده ابراعات صرمة به کچه‌جکلر .

تمرینات مذکوره‌ایله بویا قلمنک صورت استعمالنی اوکره‌نیر اوکره‌نمز ، بالناوبه برکره (رسم تعلیم سلسله‌لرینی درجه درجه تعقیب ایده‌رک) مربع تقسیماتلی کاغد اوزرینه بویالی نقش ، وبرکره‌ده کسمه ایشلرینه کوره بویالی قالب چیقارمه تعلیملرینه مبادرت ایدرلر .

چوجوقلرک کسمه ایشلری چوره قالبلرینه اُک زیاده موقیتله مزج و ترکیب ایتدکلری باشلیجه تزینات شونلردر :

- ۱ — فاصله‌لری طولدرمق اوزره نقطه سرپمه‌لری .
- ۲ — رسم اولنان چوره‌یه موازی برصیره نقطه‌لر .
- ۳ — لوحه ۲۲ ، شکل ۹ ده‌کی ییلدیزلره مماثل ییلدیزلر . — کوچوجک ییلدیز سرپمه‌لری .

- ۴ — چوره‌لراوزرنده کوشلی ویاخود منحنی دیشلی کنارلر (دندانلر) .
- ۵ — موازی ویاخود متصالب اینجه طرامه‌لر ، صریح تقسیماتلر ویاخود اینجه زه‌لر (زیهلر) تشکیل ایدن ، وآره‌لرینه برطاقم نقطه‌لر سرپیلن طرامه‌لر .
- ۶ — لوحه ۲۳ ، شکل ۳۱ ، ۳۲ ، ۳۴ . مشابه کنارلر (طرطیللر) .
- ۷ — مختلف الالوان چیچکلره یاپراقلی دال تقلیدلری .

مربیه، بومتووع طولدرمه تزیینات ایله امثالنك صورت اجراسنی، چوجوقلرده
یاضعف مخیلهدن ویاخود نقصان تجربهدن متولد برعجز و تردد اثری کوردیکی
زمان، بعضی وصایا و نصایحده بولنمق صورتیله، اوکرهتملی؛ وطلبه بر کره
بو ایشلره قویولهرق شوق وهوسلری تیقف ایتدکدن صکره ایسه، آنجق
قاعده خارچنده حرکتلری طوردرمق ایچون مداخله ایتملی در .



مدرجات و مطالعات مختلفه

صبيان صنفده اوقاتك صورت استعمالی

(یومی اوقات نما)

برصبيان صنفده یومی ساعتلك طرز توزیعی خصوصصنفده بالتجربه قبول واختیار ایتدیكمز صورت ، برای معلومات ، بوجه آتی درج وتزیر اولنور .

صبح . ساعت ۹ . — تنفسخانهده باشلامق ، ودرسخانه کیرنجه نهایت بولمق اوزره شرقیلی یوروشلر .

رسم حروف ایله برابر قرائت تعلیملری . (زیرده تعریف اولندینی کبی

قرائت وخط برلکده تعلیم ایدیهلکدر .)

۱۰ . — حرکت بدنیه ؛ اویونلر وشرقیلر .

۳۰ ، ۱۰ . — درس حدسی .

۱۱ . — تخته چوبوقلره ، لاطهلرله وحساب تختهسی ایله حساب وهندسه

تعلیملری .

۳۰ ، ۱۱ . — طعام ، تنفس .

اولکدره صکره . ۱ . — شرقیلر . — رسم و انواع مختلفهسی (تلوین تعلیملری ،

ایکنهلهمه تعلیملری ... مناوبه .)

۲ . — یوروشلر ، حرکت بدنیه اویونلری ، منتظم اویونلر .

۳۰ ، ۲ . — فروبهل ایشلری : آورمه ، طوقومه ، بوکه ، کسمه ایشلری

(مناوبه) .

۳ . — تنفس .

۳۰ ، ۳ . — محاکمهلی ایلک لسان درسلری . — خط ؛ رسم حروف

تغریلری .

۳۰ ، ۴ . — مکعبلر ، منشورلر ، تخته چوبوقلر ، لاطهلر و حلقه لره

تغرینات وانشاآت (متبادلا)

یومی اوقات نماك طرز تطبیقیله ، مختلف مواد درسیهك بو وقتلره صورت

انقسام وانطباقی ارائه ایتك اوزره ، برصبيان صنفی یومیه جدولنك برقاج صحیفهسی

عیناً استنساخ ایدیورزه بوجدول ، صریهك ؛ تدریسانك روشی حقنده بر فکر سالم

حاصل ایتك ایچون ، هرکون ویرهجکی شفاهی درس موضوعیله اوکرهتهجکی تعلیملرک

نوعی ودرجهسی عیناً ایچنه قید ایتدیکی بر دفتردر .

یازار ابررسی ۵ مایس . قرائت . — متن قرائتک تفسیری .

درس . — نباتات . — جذر .

حساب . — طرح عملیاتی (تخته چوبوقلره) .

- رسم . — مائللردن متشکل عنصرلر .
 کسمه ایشی . — ت سلسله‌سی .
 شفاهی تعلیملر . — صفتک خدمت و وظیفه‌سی .
 ۳ نجی هبه (حجم) .
 قرائت . — صائترك تحلیل .
 صالی .
 درس . — جغرافیا . — طاعلر و وادیلر .
 هندسه (تخته چوبوقلرله) . مستطیل ومتوازی الاضلاع .
 رسم . دلیکلی نقطه‌لر .
 بومکه ایشی : متوازی الاضلاع .
 شفاهی تعلیملر : صفتلی جمله‌لر .
 لاطه تعلیملری .
 قرائت . صامتترك تحلیل .
 درس . — حیوانات . — کیمیریجی حیوانلر (قاضمه‌لر) .
 حساب . — طرح . — طرحده رقلرک وضع وموقی .
 رسم . — مائللر .
 طوقومه ایشی .
 شفاهی درس : اورمان ، اودونجی .
 ۳ نجی هبه .
 قرائت . اخلاق قصه . — تأملات وملاحظات (قصه‌دن حصه) .
 درس . — یاغمور .
 هندسه (لاطه‌لرله) . — زاویه‌لر .
 رسم ، بویالی قالب چیقارمه (بویالی استنساخات) .
 نقشلی ایکنه‌لهمه تعلیملری .
 شفاهی تعلیملر : مفرد وجمع جمله‌لر .
 حلقه تعلیملری .
 قرائت . صورت رسم حروفک تحلیل وتشریحی .
 درس . — معادن ؛ کیرچ .
 حساب . تعداد بختنک مذاکره وتکراری .
 رسم . — ایلك منحنی ترسیاتی .
 کسمه ایشلری .
 شفاهی تعلیملر : فعل .
 لاطه تعلیملری .

جمعه ایرتسی . قرائت .

درس . — شکر . انحلال .

هندسه : موازیلر (تکرار ومذاکره) .

کاغذ اوزرینه رسم .

بوکه ایشلری .

شفاهی تعلیملر : قرائت تفسیری .



فروبهیل طرز لرینی تطبیق ایچونه مراجعت اولنه یوق کتابلر .

تربیة بشر : فروبهیل .

والده مصاحبه لری : فروبهیل .

چوجوق باغچه لری رساله سی : ژاقوب .

برچوجوق باغچه سی حکایه سی : مادموازل اوقتاوی ماصون (لیه ژده طبع ایدلشدر) .

اوان طفولیتیه مخصوص جناس تیق ، اویونلر و ممارسه لر : ژول کیوم (بروکسلده مطبوع در) .

استفاده لی تنفسلر (اویونلر ، حلقه واری دونه لر ...) : ده لبروک .

جناس تیق اویونلری : مادام پاپ قارپانتیه .



قرائت وخطک صورت تعلیمه دائر اظطار .

قرائت درس نی اصول هدرسی یه توفیق ایتک ایچون . ابتدا چوجوقلره ، هرصوتک

وهرجائک صورت حصولی ؛ اوصوت و هجائک اشارت مکتوبه سی ، یعنی صوت و هجایه

تقابل ایدن حرفلری مان کوسترمک و یازدرمق صورتیه ، بجملاً مشاهده ایتدرملی ،

واصوات والفاظی تصنیف وتدریج خصوصندهده ، علم السنه یه کوره ترتیب ایدلش

قراأت کتابلرنده کی صیره یی تعقیب ایله می در . قراأته خطک برلکده تدریسی حالنده ،

چوجوق هر حرفی بالذات رسم وتحصیل ایده رک لایقیله طانیر و اوکره نیرکه ، بو طرزک

بالتجربه پک چوق فائده سی کورلش در .



غنائلرک آقو میانیماننه ، یعنی هین ترنملرنده بر آلت موسیقی ایله دم طونمبه

دائر اظطار

مکتبلره موسیقینک و علی الخصوص غنا ائناسنده بر آلت موسیقی ایله دم طونمق اصولنک

حلول ودخولی تسهیل ایتک ایچون ، بالذات طرفزدن واقع اولان تعریفاته توفیقاً ، شرائط

لازمه‌ی جامع بر کوچوك اورغ (کوروکلی پیانو) انشا ایتدی برلش دره . بو آلت اُك خفیف پرده دن ، حتی فضلّه عد ایدیله بیله جك تیز بر پرده یه قدر بوتون درجات صوتی اعطا وادایه آلوی ریشلی در . آلت مذکورده ؛ یازی ماصه سی شکندده بر صندوقه ایچنده محفوظ اولدینی کبی، صندوقه ایچنده کی وضعیتی ده مرابه لرك بر غنا ترنم ایتدی ریمك ایسته دکتری زمان تبدیل وضعیت ایتلرینی موجب اولمیه جق، و اوقات سائرده ده اولری اصلا ازعاج ایتیه جك برتر ییده در .



فهرست

مذھل

صفیہ

۱ اصول حدسی حقندہ
۱۶ فروبہل تعلیملری وایشلری

تعلیملر وایشلر

۳۶ طوب او یونی (۱ نجی هبه)
۴۸ کره ، مکعب ، اسطوانه (۲ نجی هبه)
۶۲ مکعبلر (۳ نجی هبه)
۸۳ منشورلر (۴ نجی هبه)
۱۰۰ تختہ چوبوقلر
۱۲۶ لاطهلر
۱۳۹ حلقهلر
۱۴۸ اُورمه ایشلری
۱۵۱ طوقومه ایشلری
۱۵۶ بؤکمه ایشلری
۱۷۷ کسمه ایشلری
۱۹۰ ایکنه لهمه ایشلری
۱۹۷ رسم
۲۳۶ تلوین و تذهیب
۲۴۱ ملاحظات و مطالعات مختلفه

صواب	خطا	سطر	صفحه
آرتق مردود و محکوم	آرتق محکوم	۱۸	۳۲
ترنجی	طورنجی	۱۶	۳۶
ماصه مک	ماصه نک	۱۱	۴۶
تشکیل ایدر ، فقط منحنی	تشکیل ایدر ، منحنی	۲۴	۴۶
هه نک	هدیه نک	۰۳	۵۰
ایدیلن بوایکی شیثک	ایدیلن ایکی شیثک	۱۰	۵۰
طلبه نک مطلوب اولان مجسمی	طلبه نک جسمی	۰۲	۵۱
دکلی ؟ ، دیملی .	دکلی ؟ ،	۱۰	۵۹
بومکمب	مکمب	۰۷	۶۵
رباعی الطرف	صربی	۰۱	۷۳
اوک یاریم تکرار آرقه	اوک یاریم آرقه	۲۰	۷۳
برعرضه ، آرزوق برنخنه	برعرضه ، برنخنه	۰۲	۷۴
اولسون ، ییقلما سین	اولسون ، ییاقما سین	۲۲	۷۷
بریر آلتی کیلاری (شکل ۶۱) ، بعضی	بریر آلتی کیلاری ، بعضی	۰۹	۸۲
(شکل ۳۱)	(شکل ۳۰)	۱۶	۹۲
(شکل ۳۲)	(شکل ۳۴)	۱۷	۹۲
(لوحه ۵ ، شکل ۵۱)	(لوحه ۵ ، شکل	۱۲	۹۶
بودرسی	بودرس	۲۷	۹۶
برزمانده	عینی زمانده	۱۹	۱۰۳
۳ طاقم	۳ کومه	۰۳	۱۰۹
(لوحه ۸ ، شکل ۸)	(لوحه ده ، شکل ۸)	۱۵	۱۱۵
باندره	بایراق	۱۱	۱۲۱
صاغه	صوله	۰۹	۱۲۲
اکری (مائل)	اکری	۰۷	۱۲۳
(لوحه ۱۰)	(لوحه ۱ ،	۰۹	۱۳۰
برخط شاقولی وبر	برخط شاقولی بر	۰۷	۱۳۵
نصف دائره	یاریم حلقه	۰۲	۱۴۲
یاریم دائره ایله	یاریم حلقه ایله	۱۳	۱۴۲
اشکال اشیا	اشکال واشیا	۲۰	۱۴۲
یاریم دائره ایله	یاریم حلقه ایله	۲۱	۱۴۲
ایکی قوس	ایکی نصف	۰۳	۱۴۴
لوحه ۲۱ ،	لوحه ۲۲ ،	۰۹	۱۵۰

صوب	خطا	سطر	صحیفہ
چاقی کیریشلری اورنکی	چاقی کیریشلری	۱۸	۱۵۴
چاقی کیریشلری اورنکی	چاقی کیریشلری	۲۲	۱۵۴
حلقہ تعلیملرینہ کیریشمش	حلقہ تعلیملرینہ پتیرمش	۱۷	۱۷۳
هیئت مجموعہ	هیئت مجتمعه	۰۵	۱۸۱
هیئت مجموعہ	هیئت مجتمعه	۰۶	۱۸۱
عینی عنصرلردن	عینی عنصرلردن	۲۶	۱۸۹
شکل ۱ و ۲ یه	شکل و ۲ یه	۰۹	۱۹۲
دوز ، تمیز	دوز	۰۹	۱۹۳
دیوار تخته‌سی	یازی تخته‌سی	۰۲	۲۰۰
اصلا محصور قالماملی	املا محصور قالماملی	۲۴	۲۰۷
هیئت مجموعی	هیئت مجموعه	۳۰	۲۳۴
لعل بویا، قیرمنی کوك بویاسی	لعل بویا، قیرمنی کوك بویاسی	۲۵	۲۳۸
(لاق ، قارمن دوغارانس)	بویاسی		
شفاف لعل (لاق قارمینہ)	شفاف لعل (قارمن)	۲۶	۲۳۸
شفاف یشیل . آجیق اودیشیلی	شفاف یشیل . وندیک یشیلی	۲۹	۲۳۸
(ووردووسسی) . وندیک یشیلی .			